

浙江省社科规划课题研究成果

# 衢州历史文献集成

## 方志专辑

### 第十四册

《衢州历史文献集成》编纂委员会主任 郑樟林 主编 程相



中华书局

衢州历史文献集成  
方志专辑

第十四册

常山县志

清李瑞钟修辑

王志邦 孙平 标点

ISBN 978-7-101-06522-0



9 787101 065220 >

定价：1800.00元（全十五册）

《衢州历史文献集成》编纂委员会主任 郑樟林 主编 程相

# 衢州历史文献集成

方志专辑【第十四册】

常山县志

清 李瑞钟 修辑 王志邦 孙平 标点



中华书局

浙江省哲学社会科学重大委托课题（编号：08WTWX001ZD）

# 光绪《常山县志》目录<sup>①</sup>

## 卷首

序	(1)
原序	(7)
凡例	(27)
纂修姓氏	(29)
《常山县志》目录	(32)
图说	(37)

## 地輿志

### 卷一

地輿志总序	(129)
星野	(129)

---

<sup>①</sup> 光绪《常山县志》采用纲目体，按其凡例所言：纲凡十二，目统于纲，依类分载。本标点本按底本目录，以纲统目编排，并将各纲总序标题编入，置于各纲之首。

**卷二**

沿革····· (131)

**卷三**

疆域····· (133)

**卷四**

形胜····· (134)

**卷五**

山川····· (137)

**卷六**

水利····· (156)

**卷七**

古迹····· (164)

**卷八**

祥异····· (169)

**卷九**

兵燹····· (175)

**建置志**

**卷十**

建置总叙····· (181)

城垣····· (181)

**卷十一**

公署····· (183)

**卷十二**

都鄙街巷、村庄、市肆、坊表、邮亭附 <sup>①</sup> .....	(187)
<b>卷十三</b>	
兵防驿传附 <sup>②</sup> .....	(207)
<b>卷十四</b>	
道路 .....	(211)
<b>卷十五</b>	
桥渡 .....	(213)
<b>卷十六</b>	
祠庙 .....	(220)
<b>卷十七</b>	
坛壝 .....	(228)
<b>卷十八</b>	
寺观塔附 .....	(229)
<b>卷十九</b>	
墟墓 .....	(239)
<b>卷二十</b>	
利泽 .....	(249)

## 风俗志

<b>卷二十一</b>	
风俗总序 .....	(252)
四民 .....	(252)

① 底本卷首《常山县志》目录作街巷、村庄、市肆、坊表、邮亭附；底本卷十二都鄙中，分市都、街巷、村庄、牌坊附、亭附。

② 底本卷首《常山县志》目录作驿传附；底本卷十三兵防中，分铺舍附、民壮、弓兵。

**卷二十二**

五礼····· (254)

**卷二十三**

岁时····· (256)

**食货志**

**卷二十四**

食货志总序····· (259)

户口····· (259)

**卷二十五**

田赋····· (265)

**卷二十六**

蠲恤····· (297)

**卷二十七**

积贮<sup>①</sup>····· (308)

**卷二十八**

物产····· (310)

**学校志**

**卷二十九**

学校志总序····· (313)

圣制····· (313)

---

① 底本卷首《常山县志》目录作积贮，底本卷二十七分作积贮、积谷。



卷三十

修建····· (323)

卷三十一

礼器乐章、舞谱附<sup>①</sup>····· (326)

卷三十二

祠位学额、义学、书院、学田附<sup>②</sup>····· (364)

礼秩志

卷三十三

礼秩志总序····· (385)

祭祀····· (385)

卷三十四

公仪····· (388)

卷三十五

乡饮乡射、讲读附<sup>③</sup>····· (389)

职官志

卷三十六

职官总叙····· (393)

名宦····· (393)

① 底本卷首《常山县志》目录作乐章、舞谱附；底本卷三十一礼器中，作释典礼，下分祝文、乐章、乐谱以及附新谱、乐章。

② 底本卷首《常山县志》目录作学额、义学、书院、学田附；底本卷三十二祠位中，分学额附，社学、义学附，书院附，学田附。

③ 底本卷首《常山县志》目录作乡射、讲读附；底本卷三十五乡饮中，分乡射礼、讲读礼。

卷三十七

- 循政取官题名附 ..... (406)

政绩志

卷三十八

- 政绩总序 ..... (450)

- 奏疏 ..... (450)

卷三十九

- 详文文告附 ..... (459)

选举志

卷四十

- 选举总序 ..... (494)

- 进士武进士附 ..... (494)

卷四十一

- 举人武举人附 ..... (504)

卷四十二

- 贡士 ..... (517)

卷四十三

- 吏材 ..... (536)

卷四十四

杂科荐辟、经明行修、上封事、人才、楷书、秀才儒士、出身无考<sup>①</sup> (546)

卷四十五

贡监武职附 ..... (556)

卷四十六

封荫乡饮宾附 ..... (574)

人物志

卷四十七

人物总叙 ..... (590)

乡贤 ..... (590)

卷四十八

儒林 ..... (597)

卷四十九

理学 ..... (600)

卷五十

名臣 ..... (603)

卷五十一

忠烈义民附 ..... (610)

卷五十二

循良 ..... (631)

卷五十三

文苑 ..... (636)

<sup>①</sup> 底本卷首《常山县志》目录作荐辟、经明行修、上封事、人才、楷书、秀才儒士、出身无考；底本卷四十四杂科中，分荐辟、经明行修、上封事、人才、楷书、秀才儒士、补遗、出身无考。

卷五十四

武功····· (643)

卷五十五

孝友····· (645)

卷五十六

义行····· (653)

卷五十七

介节····· (661)

卷五十八

隐逸····· (662)

卷五十九

寓贤入籍附····· (664)

卷六十

迁徙····· (675)

卷六十一

方技····· (678)

卷六十二

仙释····· (681)

列女志

卷六十三

列女总序····· (683)

节孝····· (683)

卷六十四

节烈烈女、贞女、孝女、孝妇附<sup>①</sup> ..... (749)

卷六十五

贤母 ..... (775)

艺文志

卷六十六

艺文总序 ..... (776)

经籍 ..... (776)

卷六十七

文集上 ..... (781)

文集下 ..... (859)

卷六十八

诗赋上 ..... (925)

诗赋下 ..... (993)

卷 末

杂记 ..... (1036)

<sup>①</sup> 底本卷首《常山县志》目录作烈女、贞女、孝女、孝妇附；底本卷六十四节烈中，分烈妇附、烈女附、贞女、孝女附、孝妇附。

《常山县志》卷四十二

知县李瑞钟修辑

## 贡 士

建学置师，设科举岁贡之制，自明洪武初，至正统六年始定，以二年为期。其间，或膺选，或计秩，或乡榜副车，皆由贡入成均，悬其途以待用。本朝之士，由科贡而升者，往往入台垣，陟卿贰，政绩著于世者多矣。夫岂偶然者哉？志贡士。

### 明

#### 洪武年

程公信 岩前人。

詹 信 后园人。

汪 珪 宋畷人。教授。

李 潮 赤石人。

詹 宣 团村人。兵科给事中。

赵居敬 坑头人。德平知县。

江道鸣 源口人。龙溪卫经历。

江 钿 源口人。通判。

李可久 赤石人。

徐 鄂 左坑人。河南理问。

江 刚 源口人。

丁仲穆 怀远教谕。

陈 进 东鲁人。

江 洞 源口人。经历。

刘 安 渔溪人。

杨 寿 富竹山人。知县，升御史。

王 葆 知县。迁居江山。

徐 员 镇江府教授。

徐 麒 水巷人。仙游知县。

汪 丰 宋畷人。通判。

### 建文年

鲁 海 赤石人。给事中。

江 槃 源口人。侯官教谕。

### 永乐年

徐 存 见《举人》。

江 润 源口人。经历。

汪 汶 宋畷人。新喻县丞。

李 崇 赤石人。

杨 辰 溪口人。

陈子仁 东鲁人。县丞。

徐宗实 见《举人》。

鲁 畋 大街人。

汪景润 宋畷人。

陈时显 新溪边人。崇庆同知。

方叔昌 草萍人。

徐 侗 东乡人。又名子渊。

### 郑永道

郑子常 岩口人。

徐德化 水巷人。处州府训导。

徐文英 大溪边人。六合主簿。

徐 恂

徐 禄赤家坞人。刑部主事，升湖广金事。

郑 庆冰溪人。选贡知县。

璩继安貌头人。

徐 让塘沿人。东平知州，升福建运同。

徐 仕蒋家园人。选贡。任教谕。

### 洪熙年

徐彦威塘沿人。东莞训导。

郑 荣上埠人。运副。

### 宣德年

鲁 阜大街人。海门训导。

徐全寿水巷人。湖广按察司金事。

张 顺六图人。训导。

张 杰饶溪人。九江教授。

璩 顺貌头人。大宁都司断事。

### 正统年

程 晨岩前人。兖州同知。

曹仁同西村人。广东提举。

陈 善菱湖人。崇宁知县。

徐有学赤家坞人。邵武通判。

郑 长浮河人。鹤庆同知。

江 架源口人。又名士橐，增城知县。

陈 復新溪边人。开封推官。

詹 昱浮河人。扬州经历。

周凤栖大街人。

江 时源口人。选贡知县。



### 景泰年

汪 时 宋岷人。县丞。

程福庆 岩前人。

郑 达 浮河人。

徐 喆 绣溪人。

江 恭 源口人。常州知事。

张 本 所埧人。抚州经历。

程 通 团村人。由经历升至武定知州。

郑 恢 浮河人。

### 天顺年

郑 杰 岩口人。历任新津、高要知县。

徐全斌 所埧人。岳州通判。

璩 康 貌头人。赣县县丞。

徐 肇 所埧人。宛平主簿。

洪 俊 胡村人。经历。

舒 復 水巷人。湘潭知县。

赵 昭 岭后人。芜湖主簿。

徐 丰 蒋家园人。

徐 恺 县前人。

杨 玠 富竹山人。湖口知县。

陈 琅 东鲁人。任邱训导。

舒 忠 水巷人。琼州检校。

赵 玘 貌头人。

江 浴 源口人。郟城教谕。

何文琛 绣溪人。奉新主簿。

### 成化年

- 陈 英东鲁人。江西都事。
- 祝 伟貌头人。教谕。
- 张 津县前人。训导。
- 徐 昭彤弓山人。赠郎中。
- 程 偃楫楮人。训导。
- 徐 郁塔山下人。
- 程 敬半坑人。宿迁训导。
- 樊 元湖东人。德清训导。
- 郑 泊岩口人。经历。
- 郑 濱岩口人。州判。
- 徐元景县丞。
- 鲁 能西郭人。训导。
- 璩庆孝貌头人。选湖府学训导，旋隐居不仕。

### 弘治年

- 徐志豪蒋家园人。训导。
- 鲁 鹄大街人。海门训导。
- 周 昇所埝人。吉水训导。
- 汪 恺宋畷人。宁海学正。
- 郑 愔象湖人。政和训导。
- 程汝言岩前人。浦城县丞。
- 胡 鼎洪家淤人。南京教授。
- 郑 懷象湖人。广德训导。
- 徐 璫里择人。奉新训导。
- 徐 环蒋家园人。鲁府教谕。
- 江 增源口人。高淳训导。
- 胡 缙洪家淤人。分宜教谕。

郑 惓象湖人。归化训导。

汪 杰菱湖人。训导。

徐 玘彤弓山人。

郑 修象湖人。将乐训导。

樊 昊湖东人。贵溪训导。

汪 庆宋暇人。县丞。

胡 哲洪家淤人。仁化教谕。

### 正德年

詹 琪团村人。吴桥训导。

郑 塿象湖人。南安府训导。

徐 澳

郑 玘象湖人。海丰训导。

郑 泊岩口人。

何 旻绣溪人。选贡。丰县知县。

樊 勋辉埠人。漳平知县。

詹 绅后园人。星子知县。有《传》。

郑 道象湖人。新昌教谕。

江 铤源口人。泰宁教谕。有《传》。

徐哲圣猷阁人。

### 嘉靖年

郑 址象湖人。

郑文芳象湖人。清河训导。

张 深前坊人。柏乡训导。

徐 纓塔山下人。兴化训导。

徐登泰选贡。见《举人》。

郑思曜象湖人。教谕。

- 樊 坝圭山下人。晋江主簿。
- 江 铎源口人。教谕。
- 徐 衡东乡人。永春训导。矩度方严，士类钦服。六年卒于官。
- 季 度后园巷口人。
- 徐 岩赤石人。晋江训导。
- 徐 萸蒋家园人。丰城知县。有《传》。
- 郑 统象湖人。山阳训导。
- 王汤臣上源人。兖州府训导。
- 郑汝良象湖人。教谕。
- 樊 颢徐琛子。潜山训导。
- 江 询界首人。赣榆训导。
- 郑 礼象湖人。选贡。前志称通浙第一，任邯郸教谕。
- 郑 黯象湖人。训导。
- 郑守德象湖人。训导。
- 胡 鑑洪家淤人。贵溪知县。
- 詹 敏后园人。云南布政司都事。
- 郑 釜象湖人。荣阳训导。
- 郑 菜象湖人。高阳训导。
- 杨 澍富竹山人。训导。
- 詹 烈后园人。有《传》。
- 郑 鼎象湖人。东平学正。
- 邵 楷坑头人。
- 徐金凤里择人。东流训导。
- 徐 鹵江都训导。
- 詹 淑后园人。嘉定训导。
- 郑 楨象湖人。全椒教谕。

### 郑应锡

陈一道东鲁人。韶州府训导。

徐金珠蒋家园人。京山训导。

赵松坑头人。望江训导。

徐琳东门人。广信府教授。

郑良贵象湖人。教授。

陈球小东门人。六合训导。

毛应奎楸人。教授。

徐腾霄东乡人。教谕。

詹名世后园人。选贡。

胡安洪家淤人。

胡宁楸人。

### 隆庆年

毛凤仪西郭人。训导。

詹汝询后园人。选贡。

詹荃烈子。选贡。有《传》。

詹谔淑子。选贡。廷试第一。兖州通判。

### 万历年

郑钟岩口人。武义教谕。

江志省应选子。陕州学正。

郑从善浮河人。永嘉训导。

徐有臣蒋家园人。广信府训导。

詹芦后园人。永春训导。

徐汝晋琦孙，曹州学正。有《传》。

詹侑后园人。弋阳训导。

江良宾源口人。

陈王道湖东人。

詹芹后园人。建昌府教授。

徐恮塔山下人。铅山训导。

徐仕櫜蒋家园人。宜阳训导。有《传》。

詹在庭菜子。会昌知县。

徐一凤塔山下人。秀水训导。

徐仕陞南壁人。鄞县知县。有《传》。

杨承祖前坊人。

徐伯清蒋家园人。吴县知县。

陈一虬见《举人》。

徐元辅蒋家园人。云和教谕。有《传》。

舒桂水巷人。训导。

徐闻箴良橡子。副榜。

赵汝审赵家巷人。崇德训导。

徐一麟塔山下人。太仓教谕。

江迂殷界首人。训导。

徐起谟水巷人。

杨德章前坊人。嘉兴教谕。

陈其诗小东门人。桃源教谕，升汀州通判。

詹从沂后园人。

詹在邦后园人。金华府教授。

周彪东门人。汤溪教谕。

詹承祉见《进士》。

詹崇正后园人。龙泉训导，升三水知县。

徐行健东乡人。选贡。平湖教谕。

徐启谟里择人。

陈其谏小东门人。

### 泰昌年

徐文愚里择人。选贡。

### 天启年

徐思复小东门人。山阴训导。

詹时乘谥孙。选贡。

詹时秉后园人。

徐名臣仕櫟子。教授。有《传》。

徐光虞良椽孙。副榜。

江体信绣溪人。湖州府教授。

徐之鳌水巷人。

### 崇祯年

徐光铉里择人。选贡。万年知县。

郑幼学坑头人。荆州府教授。

詹见参后园人。处州府教授。

詹从沆思谦子。建德训导。

詹鼎元后园人。宁国知县。

杨必翔前坊人。选贡。

詹在兹后园人。

杨茂林里仕坊人。湖州府训导。

陈其时见《进士》。

周嗣徽观澜桥人。副榜。

郑泰徵幼学子。副榜。

徐廷生名臣子。分水训导。

徐泰阶水巷人。泉州通判。

徐文新里择人。

毛应雷球川人。选贡。有《传》。

徐光禴里择人。

徐思齐塔山下人。

郑应聘象湖人。副榜。

## 国朝

### 顺治年

詹道升后园人。

郑卿云象湖人。以上恩贡。

樊遇湖东人。桐庐教谕。

詹人助在泮孙。

詹人训后园人。黄安知县。有《传》。

徐致遇汝晋孙。有《传》。

徐光皓里择人。新城知县。有《传》。

程万钟见《进士》。

徐光凝里择人。永康训导。以上拔贡。

詹尔彦后园人。

徐光照里择人。

徐光韬里择人。

樊王图十五里人。衡山县丞。

徐光典里择人。景宁训导。

胡观泰团村人。训导。

徐光晋隔街人。

叶牲球川人。

陈士应小东门人。

徐琦训导。



郑一蛟坑头人。象山训导。

詹 袞后园人。 以上岁贡。

### 康熙年

郑宪栋象湖人。

樊尧廉绣溪人。

郑 琦岩口人。

王 宠里仁坊人。

樊默识湖东人。

徐瑞涵里择人。永康训导。 以上恩贡。

王文龙见《举人》。

吴 玮新街人。

吴 琏见《进士》。 以上拔贡。

詹是楠后园人。

叶 馨东门人。 以上副榜。

徐起睿水巷人。

史 官西郭人。

郑元徵坑头人。奉化训导。有《传》。

陈嘉谟小东门人。

詹 渠后园人。有《传》。

张文耀球川人。永康训导。

徐 雯里择人。有《传》。

徐明修里择人。

詹 棠后园人。

徐茂旭小东门人。

詹人聚后园人。

詹家骝后园人。象山训导。

郑 彤象湖人。

樊尧广绣溪人。

程 珣观音阁下人。

徐 鼎里择人。

徐文嘉里择人。

徐 庄水巷人。

徐瑞元里择人。

徐 琬里择人。

樊尧唐绣溪人。

吴士晋东门人。新城训导。

韩 梓白石坞人。

徐文琅里择人。

邵智培坑头人。

徐 涛东乡人。

郑 骐象湖人。

徐 淇蒋家园人。

郑昌龄象湖人。

王佩瑶里仁坊人。

陈 籀东鲁人。

樊之钟绣溪人。遂安训导。

周曰簋东门人。

徐长泰水巷人。丽水训导。

詹肇熺后园人。永康训导。

詹知顺后园人。

徐 昶蒋家园人。 以上岁贡。

雍正年

洪元墀金村人。泰顺教谕。

陈 选水巷人。太平训导。

徐 周蒋家园人。

詹锡爵后园人。

徐金位水巷人。桂东知县。 以上拔贡。

詹启璋后园人。任桐庐训导。有《传》。

徐 璟里择人。任德清训导。有《传》。

徐睿懿里择人。

王 椿浮河人。

徐睿憬里择人。安吉训导。

郑世球浮河人。任慈溪训导。有《传》。

詹春锦后园人。绍兴府训导。

詹廷瓚后园人。

徐 烈球川人。有《传》。 以上岁贡。

### 乾隆年

詹 文后园人。松阳教谕。

刘其寿西坞人。

郑世璟浮河人。

詹自超后园人。

徐始岳里择人。

江维新江村人。有《传》。

黄廷雄水南人。

樊 瀛绣溪人。

詹应浩后园人。 以上恩贡。

邵志谦坑头人。任汤溪教谕。有《传》。

郑汝骥象湖人。

徐达仁见《举人》。

裴瑞兴见《举人》。

陈树基大街人。景山官学教习期满引见，以知县用。有《传》。 以上拔贡。

江廷桂江家村人。

徐睿慈里择人。嘉兴训导。

徐 埴里择人。

徐振冯小东门人。

徐之旻隔街人。有《传》。

詹一城后园人。庆元训导。

樊见泽绣溪人。乌程训导。

詹广培后园人。

徐 伟塔山下人。

吴兆阳球川人。温府训导。

郑 烜

徐 亨

詹仰祖后园人。

詹纶锡后园人。

徐瑞元里择人。嘉善县训导。有《传》。

徐之楷里择人。

徐芝汶蒋家园人。

徐 櫛里择人。

王宏绪彭坞口人。

鲁锡荣大街人。

江成镗江家村人。会稽训导。

江永年文园人。

林志泮东山人。

徐始抃里泽人。金华府训导。

樊文煜绣溪人。

朱大章朱家坞人。

郑汝驹象湖人。云和训导。

詹绍治胡村人。

璩安宽见《举人》。

詹秉礼浮河人。

杨应观屏山下人。

朱志吉朱家坞人。

胡鸿章胡村人。

徐廷荣球川人。

朱元灯朱家坞人。

汪致涪市心街人。 以上岁贡。

### 嘉庆年

徐日新里泽人。

何树荣绣溪人。

徐家声浮河人。 以上恩贡。

姚儒燿大东门人。国史馆誊录，遂昌学教谕。

詹作霖后园人。 以上拔贡。

陈树德大街人。

江善流见《举人》。

詹绍洋胡村人。

徐德溥塔山下人。

詹燕文后园人。

徐世恣里泽人。

袁廷钺 圆通寺前人。

胡大生 洪家淤人。

王之纪 上源人。授平湖学训导。

周之楫 上周庵人。

姚儒熙 大东门人。

徐桂芳 水巷人。

张文铨 察院前人。

汪仕增 任湖州府教授、乐清学教谕。

詹培英 胡村人。

江秉彝 绣溪人。

樊 淳 绣溪人。授松阳学训导。

姚璧璋 洪字庄人。 以上岁贡。

### 道光年

刘世法 下生字庄人。

徐之本 里择人。就职直隶州州判。

洪飞蛟 号字庄人。

徐 燧 塔山下人。

程钟洛 北门人。就职州判。 以上恩贡。

江原岷 绣溪人。

璩恩 貌头人。有《传》。

徐云鹏 水巷人。五品衔授嵯县学教谕。 以上拔贡。

徐柏林 里择人。

陈 昶 石岩人。

王脱颖 花家巷人。

徐长源 里择人。

徐晓日 水巷人。有《传》。

陈 畅

徐凤林

舒大观水巷人。就职训导。

洪宗海

洪宗选

鲁增勋字字庄人。

樊升贤湖东人。

徐壬林路门口人。

胡树秋洪家淤人。

樊贵贤湖东人。

许凤池新街人。

樊廷济绣溪人。有《传》。

詹承铨胡村人。有《传》。

徐朝贤下生字庄人。

张执礼察院前人。任天台学训导。

李品莲北门人。

樊世俊绣溪人。 以上岁贡。

咸丰年

徐制锦洪字庄人。 恩贡。就职教谕。

汪运昇石桥人。拔贡。八旗官学汉教习,历署桐乡、归安、太平、松阳、天台、武康谕训,任乐清教谕。

王貽孙

何一枝

郑树楷桂岩人。

徐元楷上家源人。

程嘉毅

徐维新溪上人。以上岁贡。

### 同治年

徐鹏举里择人。

高冈见《举人》。

徐克念溪上人。以上恩贡。

许文耀拔贡。见《举人》。朝考二等，询问教职。

王开鑑上源人。有《传》。

李怀芬坑头人。

聂心熺白马垧人。

张振驹察院前人。

段曰新棠字庄人。

王谟彭川人。

余葆诚露字庄人。就职训导。以上岁贡。

### 光绪年

徐春波彭川人。

袁士燮圆通寺前人。就职教谕。

袁士灏圆通寺前人。就职教谕。以上恩贡。

聂日贞白马垧人。拔贡。

徐廷珙水巷人。府学拔贡。

王桂芳江家村人。就职训导。

聂日烜白马垧人。

徐希俊里择人。就职训导。

胡士选洪家淤人。

徐廷琇水巷人。

詹兆熊胡村人。以上岁贡。



《常山县志》卷四十三

知县李瑞钟修辑

## 吏材

汉相萧曹，起家刀笔。明代，若徐晞，若况钟，卓然树立，与科名争重，斯已奇矣。常邑向多以吏材登籍。入本朝，仕者寥寥，可见庶人在官者，规小利无远志也。虽然，功名亦何常之有！果能无舞文、无馱法，国家三途并用，何尝不悬以相待乎？志吏材。

### 宋

徐逢吉塔山下人。衢州局大使。迁居西安。

樊安湖东人。税院。

汪大鹏宋岷人。巡检。

陈宗岩东鲁人。税院。

王取回上源人。主簿。

王一诚上源人。节干。

袁铨圆通寺前人。州判。

樊权湖东人。县尉。

樊淮湖东人。州判。

程梦得岩前人。武陵主簿。

### 元

江希周菱湖人。蓟州鹭儿岭巡检。

江南溪口人。广西税课大使。

- 徐彦广塘沿人。番禺主簿。
- 陈良东鲁人。龙山仓大使。
- 鲁良大街人。由县丞仕至宣慰抚司。
- 樊蕤湖东人。兵马司都监。
- 樊瑜湖东人。主簿。
- 樊溥湖东人。县尉，升县尹。
- 郑希德象湖人。休宁县尉。
- 郑孙象湖人。沙溪巡检。
- 周拱辰东门人。天台主簿。
- 詹行简任提领。后园人。

明

- 张英县前人。於潜典史。
- 张伯敬浚吸人。卫辉府知府。
- 詹武昌团村人。迪功郎。
- 詹速团村人。将仕郎。
- 詹速县前人。江东巡检。
- 詹达县前人。广东巡检。
- 樊元同辉埠人。长清大使。
- 樊嘉辉埠人。海口驿丞。
- 樊公胜辉埠人。京库副使。
- 樊文彬辉埠人。河间府仓官。
- 郑广游林人。武进县丞。
- 徐世贤前坊人。汉中府知事。
- 徐仲贤前坊人。铜台主簿。
- 詹德清浮河人。永阳典史。

江 禾源口人。宁德主簿。

江 豫绣溪人。北京主簿。

姜那龙绕山底人。主簿。

华德荣十八都人。典史。

郑 溟岩口人。福建巡检。

裴 回裴村人。都税司副使。

程 炽岩前人。兵马司经历。

裴 琼裴村人。县丞。

裴 麟裴村人。福建水口大使。

朱 麟冰溪人。博罗典史，升湘阴主簿。

郑公勉岩口人。丰城县丞，赠御史。有《传》。

徐广居龙绕人。万宁税课副使。

陈 安湖东人。沙县主簿。

祝 怡貌头人。闽县巡检。

俞 任坂头人。广东仓大使。

张 清渚畷人。广东布政司照磨。

程 潜岩前人。任山东任邱县县丞。

陈 珞东鲁人。句容典史。

陈 集东鲁人。同安巡检。

陈 普东鲁人。德州仓大使。

徐 眩赤家坞人。衡阳巡检。

徐 旭塔山下人。九牛驿丞。

杨文清溪口人。永新主簿。

周 泰所埧人。南昌驿丞。

詹 澄后园人。县学生，以才能保举，充布政司吏，任莱州卫经历，升化州同知。

- 杨廷鑑前坊人。获鹿典史。
- 王 傅二十一都人。典史，升黎平吏目。
- 徐 贯里仁坊人。湖广巡检。
- 徐拱玉东门人。武宁典史。
- 张 圻县前人。归善巡检。
- 徐博古湖东人。小江场盐课大使。
- 徐思仁察院下人。零都巡检。
- 杨世宪特岭人。浦城县丞。
- 祝用宾貌头人。仓大使，升永定巡检。
- 鲁应骥大街人。长乐巡检。
- 徐文明蒋家园人。驿丞。
- 周廷远所埝人。仓大使。
- 周 瑀东门人。潮州府经历。
- 余 週东门人。曹县主簿。
- 樊德素辉埠人。苏州税课大使。
- 周汝玉所埝人。通州仓大使。
- 陆经济市心街人。辽东卫经历。
- 郑 旻市心街人。巡检。
- 徐舜民视头人。蒲圻巡检。
- 鲁汝正大街人。东莞巡检。
- 祝德盛貌头人。英德巡检。
- 詹如金后园人。大城县丞。
- 王世恩东门人。苏州仓大使。
- 汪时宣宋畝人。龙溪巡检，署延平知县。
- 徐克赞视头人。保定前卫经历。
- 叶 柧湖东人。同安仓大使。

- 刘朝用貌头人。松江府河泊所大使。
- 鲁元勋大街人。河间府税课大使。
- 毛汝立所埧人。上饶典史。
- 徐志义孔家坞人。漳州溪南巡检。
- 郑希贤岩口人。湖广荆州卫吏目。
- 徐一桂水巷人。盐亭典史。
- 鲁 柯七都人。凤阳府司狱。
- 杨伯元前坊人。温州仓大使。
- 徐祐旭球川人。太医院吏目。
- 周允懋东门人。温州仓大使。
- 周文方东门人。宿迁县丞。
- 何仲圭绣溪人。饶州府仓大使。
- 程 桂观音阁下人。山海关巡检。
- 程 显观音阁下人。漳州狱官。
- 汪伯承宋畷人。淮安巡检。
- 徐文举里择人。兴化府仓大使。
- 汪天成石桥头人。吉安府知事,署永新知县。
- 杨汝礼里仁坊人。小江场盐课大使。
- 汪 钟宋畷人。任扬州府通判。
- 陆守义市心街人。肇庆府所吏目。
- 徐廷玉东门人。重庆府仓大使。
- 毛元质市心街人。巡检。
- 郑 逊象湖人。南昌巡检。
- 毛景隆屏山下人。福建布政司库官。
- 郑承茂象湖人。浦城巡检。
- 徐静之里择人。政和巡检。

毛惟章西郭人。巡檢，升大使。

余天榮璩村人。廣東受納倉大使。

魯文振大街人。廣平府大使。

徐天祿蔣家園人。柳州安溪巡檢，升大使。

楊汝亨特嶺人。新會驛丞。

魯 柯西郭人。沙河驛丞。

詹 楠後園人。北京庫大使。

樊天常圭山下人。大田驛丞。

鄭大用象湖人。廣東五羊驛丞。

邵文元坑頭人。吏目。

徐敏中塔山下人。柳州吏目。

朱 麟冰溪人。湘陰主簿。

徐 欽視頭人。福建按察司檢校。

葉 桴湖東人。廣信府獄官。

魏 銓上埠人。南京庫官。

徐金麟學門人。福建驛丞。

趙承恩馬車人。晉江知事。

張子學縣前人。湘府良醫副。

邵天瑞西郭人。河南大使。

王思美芙蓉人。沅陵典史。

王思明芙蓉人。主簿。

邵大法里仁坊人。松江巡檢。

姚子成大東門人。金華永濟倉大使。

姚煥然大東門人。揭陽巡檢。

徐宗文蔣家園人。新安驛丞，俸入有餘，馳歸奉父，聞母病篤，棄官歸養。後升翁源主簿。

陈君召湖东人。惠安县丞。唐《志》名王召。

徐大智塔山下人。濮州州判。

徐大烈塔山下人。河内主簿。

樊珊炎绣溪人。吴县巡检。

周应伦大街人。府经历。

周礼塔山下人。高邮州州判。

周道成大街人。定海县广安仓大使。

周化沛观澜桥人。开平卫经历。

周士良化沛子。省祭。

魏整上埠人。广东吏目。

汪理宋畷人。驿丞。

汪克寿宋畷人。大使。

邴谅江都典史。

鲁润岳雷州经历。

徐守仁湖东人。

韩廷春西郭人。

郑良美浮河人。

张梁貌头人。

徐时暘察院下人。

程可大观音阁后人。

鲁良达大街人。

陆文市心街人。

徐必亨观音阁后人。

徐子乘塔山下人。

詹思听后园人。

鲁时济大街人。

張應奎申明亭巷人。

徐文彬仁宅人。

徐鳴鳳里擇人。

江良灝楸人。

毛愛謙西郭人。

魏汝平上埠人。

汪宜受宋畝人。信豐典史。

汪永長宋畝人。饒州府大使。

汪 厘宋畝人。淮安府大使。

王均和上源人。西安戶盈倉大使。

徐 鉦里擇人。巡檢，升大使。

徐濟時里擇人。省祭。

徐濟川里擇人。省祭。

徐汝立里擇人。巡檢，升大使。

徐良極里擇人。臨淮典史。

徐文冕里擇人。豐城典史。

徐光世里擇人。司禮郎。

徐允執蔣家園人。驛丞，升大使。

徐一觀蔣家園人。荔波典史，升荊州大使。

徐儀鸞蔣家園人。九江府大使。

鄭德濟冰溪人。吉安吏目，升巡檢，署豐城知縣。

陳秉彝東魯人。巡檢。

陳 應東魯人。尤溪典史。

徐 澗蔣家園人。興化倉大使。

陳 鏞東魯人。莆田巡檢。

陳一經東魯人。典膳。



- 陈理东鲁人。宣课司大使。
- 陈柱东鲁人。江西安积大使。
- 陈极东鲁人。姑苏驿丞。
- 鲁庭楨大街人。长寿典史。
- 鲁泮大街人。太医院吏目。
- 鲁鸣铎大街人。长沙府大使。
- 鲁大化大街人。典史。
- 鲁天樨大街人。宿松巡检。
- 鲁必员大街人。太康典史。
- 袁吉圆通寺前人。故城县丞。
- 袁成圆通寺前人。邵武经历。
- 徐云程塔山下人。太医院吏目。
- 詹永刚后园人。仓大使，赠征仕郎。
- 徐汗塔山下人。浦城典史。
- 徐晏塔山下人。益州典膳。
- 徐一杨水巷人。永宁主簿。
- 裴士林裴村人。巡检。
- 华德荣豸里人。同安典史。
- 徐惟积崇儒巷人。宜春典史。
- 鲁国臣大街人。连山典史。
- 袁汝洮圆通寺前人。澧州吏目。
- 魏文镇上埠人。崇明县丞。

## 国朝

- 王璠赤家坞人。宛平巡检。
- 毛日枢候选县丞。

徐周易 蒋家园人。候选经历。

徐思齐 蒋家园人。候选经历。

徐敏宽 蒋家园人。内阁供事，议叙典史。

杨应龙 屏山下人。候选经历。

凌必达 坑头人。阜城典史。

余廷梁 塔山下人。甘肃试用县丞。

江朝华 江家村人。吏员，授修职郎。

徐兆俊 上嘉源人。以从九品杂职选用。

徐清标 里择人。未入流。

郑之达 蓝翎尽先从九品。

璩韞珍 貌头人。未入流。

《常山县志》卷四十四

知县李瑞钟修辑

杂 科

杂科者何？皆仕路所由适也。或以贤良，或以孝廉，或以秀才，或以楷书。虽人材之途不同，皆足以补征辟之缺。至其出身无考者，第据其爵里、姓氏录而存之。盖生则衣绣而归，歿犹展卷而得，未始非乡人所乐道也。志杂科。

宋 荐辟

王 介进士。举贤良方正、直言极谏科。载《省志》。

江可久源口人。举孝廉任巴东令。

胡 绪尚书正之孙。绍兴间，以孝廉征，上书极言时政，授石城尉。

胡德政胡村人。举贤良方正，任绩溪令。

鲁 羨大街人。举孝廉方正，任县令。

江 袤郡守谢克家以隐逸荐，除编修所删定官。有《传》。

汪 湘宋畷人。辟授承直郎。

鲁 燐大街人。荐辟授县令。

樊 游湖东人。赐进士，官至枢密院使。

樊 桓湖东人。赐进士，官至翰林学士。

江泰之源口人。举将作监簿，任吉安府知府。

樊大鑑湖东人。赐进士，官至真州防御使。

樊信卿湖东人。赐进士，官至秘书监校书。

石 可石家庄人。由荐辟任山西副使。

石 度石家庄人。赐进士，官至御史中丞。

袁 窠 圆通寺前人。由荐辟任四川转运使。

陈 广东鲁人。由太学治《春秋》，授翰林编修。

## 元

江 屋 源口人。举博学宏词，不赴。有《传》。

徐庭琇 举人。举博学宏词。载《省志》。

舒有养 水巷人。赐进士，官至四川廉访副使。

孔 灏 圣裔，西郭人。昭之子。郡守荐任江山县。

## 明

王 殷 横山人。应贤良方正，诏授崇安县令。载《省志》。

樊 愠 湖东人。洪武间，举孝廉，任广西按察司佥事。同官以事诬之，谪戍铜鼓。蹇义奏白免罪，任大庾令。载《省志》。

汪子良 西坑人。荐授典牧所提领。

樊 涧 湖东人。由荐辟任副使。

王进初 上源人。荐任范县教谕。

## 宋 经明行修

樊 杞 湖东人。举明经，睦州通判。载《府志》。

徐 梓 里择人。举明经，国子监学录。载《府志》。

胡 荣 胡村人。举明经，宁国推官。

陈士名 东鲁人。举明经，集贤院判官。

王天镇 上源人。举明经，任教谕。

徐世元 猷阁人。举明经，任主簿。

陈 泳 东鲁人。举明经，任教谕。

陈 沂 东鲁人。举明经，任主簿。

- 陈 温东鲁人。举明经，国子监学录。
- 陈士礼东鲁人。举明经，秘书监司书。
- 陈士昌东鲁人。举明经，任通判。
- 陈士道东鲁人。举明经，任同安县尉。
- 陈士杰东鲁人。举明经，崇政殿说书。
- 陈士风东鲁人。举明经，任教谕。
- 陈士兴东鲁人。举明经，光禄寺署丞。
- 陈士成东鲁人。举明经，任同知。
- 徐 钺塔山下人。举明经，国子监博士。
- 徐 埜塔山下人。举明经，延平教谕。
- 汪梦得西坑人。举明经，国子监监丞。
- 程梦强岩前人。举明经，上虞教谕。
- 陈 钦东鲁人。举明经，任学正。
- 陈士颖东鲁人。举明经，任教谕。
- 徐 意大兴子，举明经。
- 刘 绚经明行修，任京兆府教授。见《宋史》有《传》。

## 元

- 徐思永南壁人。举经明行修，本路蒙古学正。有《传》。载《府志》。
- 江 澄源口人。举明经，任礼部主事。
- 徐 需举明经，任教谕。
- 江仲锐源口人。洪武年间，举经明行修，任本县令、融县县令。载《省志》。
- 樊 逊绣溪人。举经明行修，任辽东卫知事。载《府志》。

明

樊宗鲁 绣溪人。一名用道。举经明行修，授武昌知府。载《省志》。

汪原进 宋畷人。进士。举经明行修，任铜陵知县，升户部主事，历员外郎，转汉中府长史。《府志》名原。

金 辉 三江人。举经明行修，中式，累官泗州学正。载《府志》。

金 鼎 与兄辉同举经明行修，授给事，升翰林院五经博士。有《传》。载《府志》。

樊廷济 绣溪人。举经明行修，任吉安知府。载《省志》。

樊 温 绣溪人。郡守夏昇荐举经明行修，授清河训导。载《府志》。

樊良桂 绣溪人。举经明行修，任广信府通判。《省志》、《府志》名桂。

徐日华 举明经。

徐国辅 猷阁人。举明经，任教谕。

徐千乘 猷阁人。举明经。

樊 湘 湖东人。举明经。

胡 材 洪家淤人。举经明行修，衡山县丞。

华 景 豸里人。举明经。

宋 上封事

江 纬 源口人。元符三年，由太学内舍上封事称旨，赐进士第，任太常少卿。有《传》。

江 汉 源口人。由太学上舍上黄河疏称旨，赐进士第，任密州同知。有《传》。

宋 人才

徐 安 渔溪人。举人才，由将仕郎升县尹。

徐 盛 渔溪人。举人才，淮安巡司。

## 元

詹 渊 后园人。举人才，任本县尉。有《传》。

鲁 宣 赤石人。至正间，举人才，任本县尉。

徐德昭 举人才，任提举。

徐大德 举人才，任副使。

## 明

鲁文潜 赤石人。举人才，授中书舍人，迁王府长史。传见《文苑》。

魏 儒 上埠人。一名思鲁。举人才，官河南左参议。载《省志》。

叶达和 麻车巷人。举人才，任高邮知州。载《省志》。

姚元善 大东门人。举人才，任韶州东昌知府。载《省志》。

徐道童 举人才，任主簿。

汪泉安 宋畷人。举人才，开封府同知。载《府志》。

王 祥 上源人。举人才，任县尹。

徐希明 塔山下人。举人才，典牧所提举。

鲁 艮 大街人。举人才，任至府尹。

江 美 玉渡人。举人才，任通判。载《府志》。

鲁守仁 球川人。举人才，任陝西宁州县丞。载《府志》。

杨仲琪 前坊人。举人才，政和县丞。载《府志》。

汪 森 宋畷人。举人才，任提举。载《府志》。

汪庄僧 宋畷人。举人才，任指挥。载《府志》。

汪普安 宋畷人。举人才。

徐子蕃 东乡人。举人才，任万州州判。载《府志》。

徐 蒙 举人才，载《府志》。

郑德传象湖人。举人才，应诏奉使扬州、常州等处，奏免水田逋租，民受其惠。授将仕郎。

徐 信东乡人。举人才，任建昌府通判。载《府志》。

徐 椅里择人。举人才，授干办官。载《府志》。

郑希孔岩口人。举人才，授福建把总。载《府志》。

汪 钰宋畷人。举人才。

汪公杰宋畷人。举人才，九江府知事。载《府志》。

汪鲁僧宋畷人。举人才，任巡司。

汪文钰

## 国朝

郑殿雷举人才，铅山县丞。载《府志》。

## 宋 楷书

王天锡上源人。绍兴间，举楷书，擢用。载《府志》。

陈士恺东鲁人。荐授春坊校书郎。

## 明

何思立绣溪人。举楷书。永乐四年，征收实录，授交趾清化府东山县县丞。载《府志》。

程 炎岩前人。举楷书，授丰城知县，擢中书舍人，转兵部主事。载《省志》。

姚宗本元善子。举楷书。永乐十七年，任宁德县令。载《府志》。

璩镇海貌头人。举楷书，任永新县令。载《府志》。

何 谦绣溪人。举楷书，任兴化县令。载《府志》。



宋 秀才儒士

汪 槐宋歙人。举儒士，任宣教。

樊事丞湖东人。举儒士，授严州推官。

元

汪德昌宋歙人。举儒士，任提领。

明

张宗濬县前人。举秀才，授按察使。载《省志》。

汪 缙宋歙人。举儒士，任宣教。

王 楚横山路人。举秀才，选授龙泉典史。

汪永寿宋歙人。举秀才，任监丞。

徐 范塔山下人。由增广生，任永康教谕。

宋 补遗

胡 曜胡村人。曜，省元。

陈 峣东鲁人。由太学任县尹。

陈 曩东鲁人。由太学任巡检。

樊 轴湖东人。除授学录。

樊桂鲜湖东人。擢省元。

徐民范水巷人。考授中书。

明

郝 彬扬州路治中。

樊 浩湖东人。除授国子监学正。

- 樊琦湖东人。除授教谕。  
汪昭西坑人。由曹监任怀安教谕。  
张寿察院前人。除授南康府通判。  
汪济安宋畷人。擢锦衣卫千户。  
樊山湖东人。除授都转盐运使。  
陈应科东鲁人。擢本府千户。

## 国朝

- 徐洵琦塔山下人。除授广信府教授。  
詹丙孙后园人。擢卫千总。

## 唐

出身无考

- 李尧年会稽令。  
李铉曲阿尉。  
李素曲阿尉。

## 宋

- 王伟评事。  
王宸通判。  
王彦淮西通判。  
王棣县令。  
王汝霖朝散大夫，主管台州。  
王仁杰御史。以上俱章舍人。  
王仲谏益州金判。  
王仲立大理寺评事。  
王一夔太仆寺主簿。

王原望县令。以上俱上源人。

吴禄兵部尚书。

吴待用吏部郎中。

吴茂高直殿副使。

吴谨知章州。

吴溉知湖州。

吴棗徐烈云：按《记事本末》：后唐庄宗同光三年，以吴棗知高州事。

此常山人物之最古者。

吴昉徐烈云：宋高宗建炎元年八月，陈通作乱，执帅臣叶梦得，杀转运判官吴昉。

吴隆两淮运使。

吴睨知汀州。以上俱桐门人。

詹绚评事。

詹尚佐评事。

詹汝谐武宁主簿。

詹文清台州学正。以上俱彤旧人。

江师圣横坂人。都官监。

魏日华上埭人。永睦令。

魏景得上埭人。嘉兴教授。

樊汝楫桓孙。京学教授。

樊志副使。

徐元明球川人。工部节慎库大使。

徐士宏渔溪人。任将仕郎。

## 元

詹行简文清孙。治河提领。

翁 云官塘人。兵部典牧所提领。

余 昇坂头人。永春知县。

杨 源特岭人。两浙转运使。

杨 奎特岭人。芜湖知县。

杨庆同富竹山人。苏州府同知。

杨 杏富竹山人。凤阳府教授。

杨 本富竹山人。文院使。

丁 廷广东程乡县丞。

徐尧章东山人。国子监学录，因乱弃归东山，筑岁寒轩，题诗以见志，有“苍苔夜雨三间屋，白发秋风一卷书”之句。

郑进之岩口人。典史。

郑 璋岩口人。平山书院山长。

## 明

徐朝章左坑人。上元县尹。

徐琼初溪边人。太医院吏目。

翁秀实官塘人。御医。

徐日华龙绕人。御医。

徐志萼左坑人。温州大使，历嘉鱼巡检。

徐志昂左坑人。县丞。

徐应科左坑人。溧州吏目。

杨徽言富竹山人。天文生。

杨 闾前坊人。太医院吏目。

杨济时闾子。太医院吏目。

魏一清上埠人。天启年间，题授钦天监天文生。崇祯年间，加衔保章。

徐朝卿溪上人。朝议大夫。

《常山县志》卷四十五

知县李瑞钟修辑

贡 监 旧志已登者存之。嘉庆年后，非  
正途出身及入仕籍者，不载。

宋制，上舍、内舍俱得上书言事，赐甲第，陟清华。常山，如江纬、江汉二公，其彰彰者矣。自后隶成均者，或由下庠，或由俊秀，应一时军国之需，即以储异日科名之选。朝廷之厚于待士如此，士宜何如自待耶？志贡监。

明

戴允洪上埠人。薪水主簿。

张澄悦溪人。巴县县丞。

徐文远塔山下人。袁州府经历。

徐文楸塔山下人。新喻县丞。

毛冕球川人。苏州府经历。

舒绅水巷人。单县县丞。

郑惟嫌象湖人。萍乡县丞。

汪琼石桥人。肇庆府照磨。

郑衍岩口人。县丞。

徐梁坂头人。应天府经历。

陈杲东鲁人。雷州府经历。

郑廷咨象湖人。雷州府经历。

徐銓形弓山人。

詹深球川人。新喻主簿。

徐锜形弓山人。龙安知县。

樊 纓圭山下人。

徐金清蒋家园人。

徐 美里择人。

詹 昇后园人。涪州州判。

樊 整绣溪人。青阳知县。

詹需亨绅子。兵马司指挥，升刑部主事。

唐 锐所埭人。审理。

邵文亨坑头人。蓟州州判。

郑自然象湖人。龙溪县丞。

詹 法后园人。宝庆府通判。

郑承芳象湖人。丹徒主簿。

郑廷议象湖人。连州州判。

郑 杰象湖人。蕲州吏目。

徐 江蒋家园人。淮安府典膳。

徐 洙州同。

江 翕玉渡人。休宁县丞。

汪天伦琼孙。鹤庆府通判。

汪天民琼孙。兵马司指挥。

陈福善灵湖人。任崇仁知县。

陈 谏

陈 樾东鲁人。

陈 梓东鲁人。

詹大有后园人。黄州府经历。

江志问界首人。

江文靖东淤人。宁国府照磨。

徐良相塔山下人。云南检校。

- 徐 潮 蒋家园人。赣州府经历。
- 徐良材 里择人。晋州州判,升州同。
- 杨 仁 特岭人。沔阳州判。
- 陈 楠 东鲁人。南康主簿。
- 江道济 玉渡人。宁远县丞。
- 詹 芬 后园人。曹州府同知。
- 詹 葵 后园人。
- 徐尚义 蒋家园人。寿州州判。
- 毛凤灵 西郭人。余干县丞。
- 詹 夔 莱兄。
- 徐治夫 彤弓山人。
- 詹 荐 莱弟。吉安府经历。
- 詹思尧 思虞兄。
- 詹尚义 后园人。宝应县丞。有《传》。
- 徐尚谦 蒋家园人。
- 徐 式 塔山下人。建宁府经历。
- 詹崇廉 莱子。单县知县。
- 詹仕佐 后园人。南京水军左卫经历。
- 徐仕贤 蒋家园人。淮安府经历。有《传》。
- 徐仕棻 蒋家园人。连江县丞,升知县。有《传》。
- 邵 潮 坑头人。
- 徐仕涑 球川人。
- 鲁必得 大街人。
- 徐有常 彤弓山人。
- 魏文琼 上埠人。崇明县丞。
- 徐良臣 里择人。鸿胪寺序班。

汪敬陈 石桥人。通判。

陈大鼎 湖东人。

陈大纲 湖东人。

詹云望 后园人。经历。

杨良翰 察院下人。

徐文魁 里择人。光禄寺署丞。

徐文海 视头人。

徐文澜 视头人。

杨一蒙 营里人。济宁州判。

詹云龙 后园人。淮府典仪正。

徐士鳌 球川人。惠州府经历。

徐乘鳌 水巷人。

詹广生 后园人。

徐士廉 水巷人。应天府检校，升典膳。有《传》。

徐良桀 汝晋子。廩例。

徐敏陞

周士纬 观澜桥人。南阳府经历。

毛汝忠 球川人。兖州府经历。

徐学臣 仕陞子。广西府经历。

徐尚卿

徐国文

鲁孔彰 大街人。郟县典史。

詹邦道 后园人。

徐光增 里择人。兴州卫经历。有《传》。

徐士彦 球川人。承天府经历。

毛光岳 球川人。附例序班。



- 周士庐士雅兄。齐河主簿。
- 詹从涑思虞子。廩例。
- 詹从洙后园人。廩例。
- 叶有斐球川人。附例。
- 叶朝佐球川人。序班。
- 詹兆圣后园人。附例。
- 詹星暉承祉子。附例。
- 徐 鑑东门人。禹州州判。
- 毛应试球川人。
- 毛应齐球川人。
- 毛应聘球川人。
- 徐纯臣蒋家园人。有《传》。
- 徐光国东门人。典簿，升提举。迁居南京。
- 徐光祖里择人。
- 徐 復见《举人》。
- 徐楚材彤弓山人。缙云教谕。
- 郑 赞象湖人。漳州府同知。
- 郑瑞琦象湖人。县丞。
- 郑用贤象湖人。经历。
- 郑 健象湖人。县丞。
- 郑 忻象湖人。例贡。
- 郑廷宪象湖人。推官。
- 郑敬祖象湖人。永清知县。
- 郑瑞鹏象湖人。例贡。
- 郑在杰象湖人。训导。
- 郑锡爵象湖人。定海教谕。

鲁文案大街人。松江府知事，升南宁府经历。

鲁宗简大街人。绩溪主簿。

鲁文宏大街人。兴化主簿。

鲁治大街人。德兴县丞。

鲁必鳞大街人。同安主簿。

鲁元龙大街人。九江府经历。

徐良材里择人。卫经历。

徐之荣赤家坞人。例贡。

陈旺东鲁人。县丞。

王潜上源人。中山同知。

徐永明崇儒巷人。武陵知县。

魏金上埠人。泉州府同知。

## 国朝

童良白石坞人。汾州府同知。

徐开锡球川人。杞县知县，升彰德同知。有《传》。

毛应锡球川人。吴江县丞。

詹士遴后园人。州同。

詹是柏后园人。

徐必遴廩贡。

徐瑞忽里择人。附贡。

吴镜小东门人。例贡。

黄光祚大街人。例贡。

徐开鳞球川人。

徐锡健蒋家园人。考授主簿。

郑元标象湖人。州同。有《传》。

徐继祖水巷人。

徐宗濂球川人。

祝永檐球川人。

詹 燧后园人。州同。

徐瑞禧里择人。州同。

郑瑞光象湖人。州同。

郑瑞钟象湖人。州同。

徐开鑑球川人。州同。

江 纬新街人。

郑璟生象湖人。州同。

徐 深东门人。州同。

徐 涵东门人。州判。

徐 浑东门人。州同。

徐肇锡东门人。州同。

詹熊生后园人。州同。

徐洹翥开锡子。交河知县。

徐洹鞏球川人。

徐洹瀛球川人。延安知府。有《传》。

詹道来后园人。州同。

江应凤文园人。

徐 洵东门人。

吴 钟小东门人。州同。

吴 锦小东门人。

吴 淳小东门人。

徐振杰东门人。

王攀龙上源人。

徐开缙球川人。

徐开曙球川人。

詹宏泰后园人。州同。

詹宏勋后园人。

许延湄新街人。

吴宗尧大街人。

黄光贞大街人。

黄光稷大街人。

郑允遐坑头人。

詹锡嘏后园人。州同。有《传》。

樊见灏绣溪人。

杨熙梁家园人。

毛应报球川人。

徐瑞祉里择人。

徐文锦溪上人。

郑启位象湖人。

郑启佑象湖人。

郑启信象湖人。例贡。

汪文隆芳村人。附贡。

程宏俊岩前人。

詹曾貽后园人。

毛光藻球川人。

毛光萱球川人。

詹华璠后园人。

徐遂涟球川人。湖南按察司照磨。

黄尚镛金村人。

毛登第球川人。

王日梧球川人。

王锡祉里仁坊人。

徐之億里择人。

徐瑞凤里择人。

徐 晖里择人。

张瑞孙观凤桥人。

詹锡畴后园人。州同。

詹锡极后园人。

徐文博里择人。训导。

徐日曜球川人。州同。

詹兆选后园人。例贡，任户部郎中。有《传》。

徐 常球川人。例贡，汶水知县。

詹兆驹后园人。例贡，任会昌知县。有《传》。

詹兆蛟后园人。例贡，延平知县。

詹兆骏后园人。两淮盐经历。

鲁兆麟大街人。附贡，兴安县知县。

詹兆騊后园人。附贡生，任两淮盐大使。有《传》。

樊树绩绣溪人。廩贡，历任会稽、永嘉训导。

周光斗东门人。仙居训导。

徐之琳球川人。任湖南五寨巡检。有《传》。

詹星文后园人。增贡，光泽巡检。

徐之琅球川人。达州吏目。

徐 涛蒋连铺人。历署延平、福州通判。

璩铨义貌头人。廩贡，署淳安训导、永嘉教谕。

詹 麒后园人。山西试用县丞。

徐 鯤塔山下人。廩貢，國子監肄業期滿，候選訓導。

王問瞻芙蓉人。候選訓導。

詹兆麟后園人。增貢生，候選縣丞。

詹兆驛后園人。布政司經歷加五級。

徐日耀塔山下人。候選主簿。

詹聖桂后園人。候選主簿。

詹佑文后園人。候選巡檢。

詹偉文后園人。附貢，國子監肄業，候選訓導。

徐德謙塔山下人。增貢，候選縣丞。

詹遴会后園人。理問。

陳登庸東魯人。理問。

樊希孔綉溪人。理問。

吳拜颺黃鶴畝人。理問。

胡觀光胡村人。州同。

徐之泰蔣家園人。州同。

王振國里仁坊人。州同。

王振源里仁坊人。州同。有《傳》。

徐崇愷塔山下人。州同。

詹錫祉后園人。州同。

徐大緒東鄉人。州同。

許 鵠新街人。州同。

鄭軼群象湖人。州同。

樊樹惠綉溪人。州同。

汪仕堦芳村人。州同。

王廷潮里仁坊人。州同。

王廷杰里仁坊。州同加二級。

王廷杲里仁坊人。州同。

鲁忠位大街人。州同。

程肇延北门人。州同。

徐烈鲁里人。州同。

樊文芸绣溪人。州同。

聂绍本白马埭人。州同。

郑廷杰寿川人。州同。

徐学乾廩贡。

樊树名绣溪人。廩贡。

璩凤翔貌头人。廩贡。

徐志鉉蒋家园人。廩贡。

鲁之俊大街人。廩贡。

徐振孝小东门人。增贡。

詹能文后园人。增贡。

徐球凤蒋家园人。附贡。

詹锡光后园人。附贡。

汪彭龄芳村人。附贡。

郑兆麟寿川人。附贡。

徐之曾里择人。附贡。

詹锡朋后园人。附贡。

詹咏诗浮河人。附贡。

胡清远胡村人。附贡。

徐国泰里择人。附贡。

王廷杰上源人。附贡。

徐瑞协里择人。附贡。

徐之耀里择人。附贡。

- 徐大業東鄉人。附貢。
- 徐廷鐘東鄉人。附貢。
- 徐世樂塔山下人。附貢。
- 詹兆龍後園人。
- 汪浩石橋人。附貢。
- 汪仕基芳村人。附貢。
- 徐如金里梓人。附貢。
- 鄭啟江楫楮人。附貢。
- 鄭世章象湖人。附貢。
- 樊見恒湖東人。例貢。
- 徐清言芳村人。附貢。
- 任兆鳳瑤山下人。附貢。
- 詹志鐘後園人。附貢。
- 汪家燧市心街人。附貢。
- 鄭萬清楫楮人。附貢。
- 余學海黃岡人。附貢。
- 汪仕圻芳村人。附貢。
- 聶克鴻白馬埭人。附貢。
- 聶克淳白馬埭人。附貢。
- 聶紹崧白馬埭人。附貢。
- 許坦新街人。附貢。
- 許培新街人。附貢。
- 許兆鐘新街人。附貢。
- 魯樹翰大街人。附貢。
- 徐世進塔山下人。附貢。
- 張沛察院前人。附貢。



- 程运亨北门人。附贡。
- 詹兆昇后园人。附贡。
- 徐世汀溪上人。附贡。
- 徐文荟芳村人。例贡。
- 樊见沛绣溪人。例贡。
- 徐元发湖东人。例贡。
- 徐之瑛例贡。
- 徐祖玮蒋家园人。例贡。
- 徐金涟球川人。例贡。
- 徐宗调例贡。
- 徐焕星芳村人。例贡。
- 徐敦白塔山下人。附贡。
- 汪联琯市心街人。例贡。
- 詹兆皓后园人。例贡。
- 徐世升里择人。例贡。
- 徐 宏里择人。例贡。
- 李邦猷洪家坞人。例贡。
- 郑 纶寿川人。例贡。
- 徐之榷里择人。例贡。
- 胡鸿绪胡村人。例贡。
- 徐大彦例贡。
- 聂克藻白马埭人。例贡。
- 黄联登水南人。例贡。
- 李宗凤洪家坞人。候选巡检。
- 余士朝塔山下人。候选州吏目。
- 樊树型绣溪人。附贡。

樊文照绣溪人。例贡。

樊文炯绣溪人。附贡。 以上仍旧志。

徐鸣盛里择人。廩贡生，五品衔，试用训导。覃恩诰授奉直大夫，历署宁波府学训导，庆元、金华县学教谕。

张日炳察院前人。廩贡生，历署金华府学、上虞县学训导。

江 城绣溪人。

江 坦绣溪人。

林 纯致字庄人。试用训导。

李 琼闰字庄人。

张 涟察院前人。

余奎照

徐炳星推字庄人。

江 圻绣溪人。

徐维翰天字庄人。

徐锦江金村人。

鲁国钧大街人。 以上廩贡。

袁凤鸣圆通寺前人。

徐炳烜塔山下人。试用训导。

聂心谦白马埭人。

徐占梅金村人。

季廷燧果字庄人。

赵奎璧汪家淤人。

徐春溶里择人。

季作舟大溪沿人。

张斗南察院前人。

吴时兰季村人。 以上增贡。

徐廷燮里择人。

袁荣植圆通寺前人。候选州同。

郑俊杰坑头人。

季廷炜果字庄人。

汪国望芳村人。

江夺锦源口人。

李象乾湖墩人。

徐梦骝里择人。

郑廷魁叶姑岭人。

陈炳照山头人。

封 涛鲤鱼滩人。

徐振泰里择人。

胡寅春白石街人。

陈 善曹会关人。

陈祉堂元字庄人。

张晋奎察院前人。

王道彰上源人。

樊锡璋绣溪人。

汪 涵叶家园人。

樊蓝田绣溪人。

樊士奎绣溪人。

聂心乾白马埭人。

樊均选绣溪人。

徐维城天字庄人。

徐 炯天字庄人。

江绍汉绣溪人。

王以霖

许 坛新街人。

徐 淇冈字庄人。

郑凤翥象湖人。

胡朝达胡村人。 以上附贡。

璩韞璞貌头人。蓝翎云南补用知州，历署江川典史副官、林县丞、黑井盐大使、罗次县知县，安宁州、赵州知州。

吴 鼎东淤人。由监生保举巡检，历署福建长汀、光泽等县巡检。

王家瑞里仁坊人。江苏即补县丞，署太仓州吏目。

徐士瑜水巷人。同知衔，江西补用知县，历署筠门巡检、金溪县丞、抚州南康府经历，任吉水县丞。

袁国增圆通寺前人。候选同知。

詹如潮后园人。州同职。

王增琮里仁坊人。候选同知。

王增燃里仁坊人。州同职。

徐庆俊里择人。候选同知。

王绍铎里仁坊人。州同职。

樊文炬绣溪人。州同职。

张振驥察院前人。州同职。

徐定元水巷人。州同职。

徐 烈冈字庄人。州同职。

郑廷杰寿源人。州同职。

徐丽炳天字庄人。州同职。

徐士鑑达坞人。州同职。

徐士镐达坞人。州同职。

张礼均戴川人。州同职。

郑令璿象湖人。州同职。

郑是富象湖人。州同职。

郑起凤象湖人。理问厅。

樊焮魁绣溪人。盐运司知事。

樊增健绣溪人。翰林院待诏。

王宝城芙蓉人。翰林院待诏。

吴儒鸿大埂人。附监生，翰林院待诏。

李 珙湖墩人。布政司理问。

徐肇基里择人。州同职。

## 武职附

### 明

郑孔荐象湖人。都司。

郑见龙象湖人。湖广参将。

詹永亨后园人。前杭州卫指挥。

### 国朝

毛应兆球川人。镇江守备。

许 熊新街人。例授营千总。

聂克河白马埭人。例授营千总。

杨殿豪程村人。例授营千总。

徐保泰里择人。例授营千总。

樊文炳绣溪人。例营千总。

王廷豪里仁坊人。例授营千总。

汪凤池大东门叶家园人。都司职，赏戴蓝翎。

徐元贵水巷人。都司。

聂心焕白马垵人。例授卫守备职衔。

樊安凯绣溪人。署龙游外委，升授衢城把总。

樊树霖绣溪人。衢营军功，特授永康县外委。

江得标绣溪人。前署金华府都司，现任处州镇丽水营守备。

郑芝秀北门人。花翎佟先补用参将。

詹邦昌后园人。候选卫守备。

《常山县志》卷四十六

知县李瑞钟修辑

## 封 荫

封以光前，荫以裕后，国家显忠遂良之典，所以风励人臣者，自昔为昭为附，志之以示劝。志封荫。

### 明

何与表以子永芳，赠山西道监察御史。

邵信贤以子思祥，赠刑部郎中。

徐时中以子全寿，赠从仕郎、锦衣卫经历。

郑沂以子祐，赠江西监察御史。

郑公勉以子昱，赠贵州道监察御史。

郑势仁以子长，赠承德郎、鹤庆军民同知。

程儒以子通，赠征仕郎。

詹福龄以子永亨，赠昭勇将军。

徐白以子海，赠刑部员外郎。

樊文检以子莹，赠山东道监察御史，累赠资政大夫、南京刑部尚书。

樊温以孙莹，赠资政大夫、南京刑部尚书。

徐永希以子同爱，赠监察御史。

徐昭以子金陵，赠刑部郎中。

詹绅以子需亨，赠文林郎、兵马司指挥；孙思虞，加赠通议大夫、山东按察使司。

詹烈以孙在泮，赠中大夫、江西布政使司左参政。

詹莱以子在泮，赠中大夫、江西布政使司左参政。

詹需亨以子思虞，赠通议大夫、山东按察使司。

詹永刚以子澄，赠征仕郎、莱州卫经历。

樊表政以子鯤，赠汀州府同知。

汪茂元以子天伦，赠文林郎、兵马司指挥。

徐 汇以子仕陞，赠文林郎、鄞县知县。

詹存省以子承祉，赠文林郎、长葛县知县。

徐本澄以子良材，赠征仕郎、秦陵卫经历。

鲁 沧以子文案，赠将仕郎。

鲁 玘以子宗简，赠迪功郎。

## 国朝

徐文京以子光皓，赠文林郎、新城县知县。

徐建衡以子开锡，赠奉政大夫、彰德府同知。

詹西来以孙兆选，赠户部郎中；孙兆驊加赠中宪大夫。

詹锡极以子兆选，赠户部郎中。

樊学礼以子遇，赠修职郎、桐庐学教谕。

詹锡畴以子兆驊，赠修职郎、两淮盐大使；子兆驹，赠文林郎、会昌知县；子兆驊加赠中宪大夫。

樊尧庭以子之钟，赠修职郎、遂安学训导。

詹日灿以子广增，赠奉政大夫。

姚 珑以孙士滋，赠文林郎、太平县知县。

姚 燠以子士滋，赠文林郎、太平县知县。

姚钟聪以子士湖，赠修职郎、山阴学教谕。

詹英伟以子启璋，赠修职郎。

徐三秀以子长泰，赠修职郎、丽水训导；孙金位，赠文林郎、桂东县知县。



- 徐长泰以子金位，赠文林郎、桂东县知县。
- 洪光辉以子元墀，赠修职郎、泰顺学教谕。
- 徐 楠以子始抟，赠修职郎、金华府训导。
- 裴世昌以子瑞兴，赠修职郎、太平学训导。
- 徐文明以子元声，赠修职郎、平湖学训导。
- 詹兆麟以子星文，赠登仕郎、光泽巡检。
- 聂文仕以孙克滨，赠宣武大夫。
- 聂有球以子克滨，赠宣武大夫。
- 聂 棠以侄克滨，赠宣武都尉。
- 徐开鳞以子洹瀛，赠中宪大夫、延安知府。
- 徐开鑑以子常，赠文林郎、汶水知县。
- 郑文光以子世球，赠修职郎、慈溪训导。
- 王振源以子延杰，赠奉政大夫。
- 徐瑞炳里择人。以曾孙鸣盛，赠奉直大夫。
- 徐之咸里择人。以孙鸣盛，赠奉直大夫。
- 徐世灏里择人。以子鸣盛，赠奉直大夫。
- 王如崑上源人。以子世勳，赠修职郎、石门学训导。
- 张 沛察院前人。以孙日炳，赠修职郎、上虞学训导。
- 张文铨察院前人。以子日炳，赠修职郎、上虞学训导。
- 徐达仁水巷人。举人。以孙元贵，赠昭武都尉。
- 徐文海水巷人。庠生。以子元贵，赠昭武都尉；以孙士瑜赠中宪大夫。
- 袁廷钺圆通寺前人。以孙国增，赠奉政大夫。
- 袁朝景圆通寺前人。以子国增，赠奉政大夫。
- 璩铨仁以曾孙樞璞，赠资政大夫。
- 璩庆墀以孙樞璞，赠资政大夫。
- 璩恩绶拔贡生。以子樞璞，赠资政大夫。

- 徐之振里擇人。以孫慶俊，贈奉政大夫。
- 徐世恩里擇人。以子慶俊，贈奉政大夫。
- 林志禮致字庄人。以曾孫逢春，贈朝議大夫、工部郎中。
- 林常喜致字庄人。以孫逢春，贈中憲大夫、工部郎中。
- 林常富致字庄人。以本生孫逢春，贈朝議大夫、工部郎中。
- 林上翔致字庄人。邑庠生。以子逢春，贈中議大夫、工部郎中。
- 林 愷致字庄人。例貢生。以胞弟逢春，贈中憲大夫、工部郎中。
- 林秀春致字庄人。以胞弟逢春，贈中憲大夫、工部郎中。
- 林 純致字庄人。廩貢生。以胞弟逢春，贈中憲大夫、工部郎中。
- 徐元煜水巷人。以子士瑜，贈中憲大夫。
- 徐定元水巷人。以胞侄士瑜，贈奉政大夫。
- 汪開鐸石橋人。以孫運昇，贈修職郎、麗水教諭。
- 汪國錡石橋人。以子運昇，贈修職郎、麗水教諭。
- 許兆銘以繼子文耀，贈修職郎、新城學訓導。
- 許兆鈴以子文耀，贈修職郎、新城學訓導。
- 詹邦昌后園人。以子秉灼世襲雲騎尉，贈武德騎尉。
- 詹如潮后園人。以胞侄秉灼世襲雲騎尉，贈武德騎尉。
- 徐金鵬球川人。以孫士龍任武義學教諭，贈儒林郎。
- 徐華授球川人。以子士龍任武義教諭，贈儒林郎。
- 高明彰以孫岡知縣用任台州府太平縣學訓導，贈文林郎。
- 高盛樑以子岡知縣用任台州府太平縣學訓導，贈文林郎。
- 樊樹材綉溪人。以孫丙虎，贈武德騎尉、候補守府。
- 樊多發綉溪人。以子丙虎，贈武德騎尉、候補守府。
- 徐籲俊里擇人。以侄孫應焮世襲雲騎尉，贈武德騎尉。
- 江鳳梁綉溪人。以繼子得標署金華府都司、處州府守備，贈武德騎尉。
- 江鳳晉綉溪人。以子得標署金華府都司、處州府守備，贈武德騎尉。

樊相材 绣溪人。以子育鹏任绍兴府守备，赠武德骑尉。

樊相连 绣溪人。以孙大鹏任严协千总，赠武德骑尉。

樊汶昊 绣溪人。以子大鹏任严协千总，赠武德骑尉。

璩恩纶 貌头人。以子樞珍，赠登仕佐郎。

罗福麒 以孙树栋州同衔加二级，赠奉政大夫。

罗景星 以子树栋州同衔加二级，赠奉政大夫。

汪正科 以子朝宗，赠中宪大夫。

汪大洪 以弟朝宗，赠昭武都尉。

徐广厚 以子清标，赠登仕佐郎。

徐绳孙 以曾孙丽炳州同衔加二级，赠奉直大夫。

徐 綱 以孙丽炳州同衔加二级，赠奉直大夫。

徐廷瓚 水巷人。以胞弟士瑜，赠奉直大夫。

徐朝俊 以子丽炳州同衔加二级，赠奉直大夫。

## 宋

江自任 以父跻为殿中侍御史，受恩荫，历升袁州太守，赠常山县开国男。

徐大兴 以父幸隆死事，升衢州太守。

范 著 以祖冲师傅旧臣，特授从事郎。

赵 蕴 以祖鼎推恩录用，官至尚书。

赵 谧 以祖鼎推恩录用，为湖州守。

魏 溱 乾道初，以祖砥恩，补将仕郎。

## 明

樊 堆 以父莹授恩生早卒弟埴承袭，俱未仕。

胡 宁 以父储同荫直殿将军世袭。

袁清以祖顏平寇功荫授宣府百戶。旧志載武功者誤也。子楨荫授宁国指揮。

## 国朝

徐始楷以高祖光皓新城知县殉节荫恩骑尉世职，系文生在籍，食六品俸。

徐俊坦以高祖光旭黄岩教谕殉节荫恩骑尉世职。

徐璧魁里择人。以七世祖光旭黄岩教谕殉节荫恩骑尉世职，候选州分府。

徐友梅里择人。附生。以八世祖光旭黄岩教谕殉节荫恩骑尉世职，候选州分府。

徐应録里择人。附生。以九世祖光旭黄岩教谕殉节荫恩骑尉世职，候选州分府。

徐俊恺里择人。荫恩骑尉世职，候选守备，授衢州城守营千总。

徐鼎甲里择人。荫恩骑尉世职，补授衢镇中营千总，以军功保举守府，升署严州协守府。

江庆望绣溪人。以父厚岷殉节荫云骑尉世职。

杨忠元天字庄人。以祖秀峰殉节荫云骑尉世职。

陈维恭以父顺发殉节荫云骑尉世职。

陈维泰以父钟灵殉节荫云骑尉世职。

杨禹钧附生。以父林淦殉节荫云骑尉世职。

王朱富以祖脱颖殉节荫云骑尉世职。

王朱怀以祖友松殉节荫云骑尉世职。

徐士俊以父茂漳殉节荫云骑尉世职。

程颢云附生。以祖肇选殉节荫云骑尉世职。

樊炳蔚附生。辰字庄人。以祖贵贤殉节荫云骑尉世职。

徐永组 冈字庄人。以殉节荫云骑尉世职。

詹秉灼 后园人。以父邦昌殉节荫云骑尉世职。

徐应炽 里择人。以继父璧隆殉节荫云骑尉世职。

叶道仁 辰字庄人。以父继纯殉节荫云骑尉世职。

徐柔潜 乃字庄人。以父汝楫殉节荫云骑尉世职。

詹兆勋 胡村人。以父承铸殉节荫云骑尉世职。

## 乡饮宾附

### 宋

吴 琛 字国华，同门人。淳祐间。

### 元

王 沛 芙蓉人。

王 盼 芙蓉人。

王应善 芙蓉人。

王之闵 芙蓉人。

### 明

周世佶 字绍山，大街人。天性慷慨，每逢岁歉，设法赈济，贫人赖焉。崇祯七年，举乡宾，郡守张公、邑令王公皆器重之。子启望、启性，亦克承先志云。

鲁国继 大街人。明季，举乡宾。有《传》。

徐金山 蒋家园人。

詹宗羲 后园人。 以上正统间。

詹宗庆 后园人。

徐 祥塔山下人。 以上景泰间。

汪 键字世伦，宋畝人。天顺间。

徐永吉字文佑，里择人。

詹 光后园人。 以上成化间。

詹 肇字廷初，后园人。有《传》。

詹 仪后园人。

鲁 鹄

徐永成蒋家园人。

徐同诚字明夫，里择人。 以上弘治间。

徐天福蒋家园人。邑庠生。

徐 景蒋家园人。

詹 源后园人。

徐治夫彤弓山人。 以上正德间。

詹 敏后园人。恩贡。

詹 斯后园人。

詹 魁后园人。

詹 琪后园人。

詹 潜后园人。

詹 华后园人。

詹 熙后园人。

詹 泽后园人。邑庠生。

詹 潭后园人。

詹 昇后园人。

詹 溥后园人。

詹 密后园人。

詹 法后园人。

徐 廉蒋家园人。

王用文上源人。

徐泰初彤弓山人。邑庠生。

徐 恩蒋家园人。

徐 操蒋家园人。

璩 璩字诚之，三江高山人。庠生。

杨邦楨城北人。

徐 绶水巷人。

徐 璋

徐 忠蒋家园人。

徐 鹏蒋家园人。

徐金珠蒋家园人。岁贡。

徐 珪蒋家园人。

鲁 璞大街人。 以上嘉靖间。

徐 汇蒋家园人。有《传》。

徐廷谟里择人。

徐汝达里择人。

汪 悦字宾。

徐 钦字自奉，里择人。 以上隆庆间。

徐良锜字时才，里择人。

徐良爵里择人。

徐良广里择人。

徐良智字惟达，里择人。

徐良楹字推才，里择人。

徐金塔里择人。

徐良辉里择人。

徐有勋 蒋家园人。

陈 善 号少泉，东鲁人。

徐良嘉 赤坞人。

徐文伦 塔山下人。

鲁 充 字元大，大街人。

王 琛 上源人。

王学彬 上源人。

徐思铭 赤坞人。

徐克宠 球川人。

徐仕坦 球川人。

王 盘 字德明，芙蓉人。

徐文熊 字起渭，里择人。

徐金佩 字朝鸣，里择人。

徐有本 彤弓山人。

陈斯敏 石岩人。

陈大绶 石岩人。 以上万历间。

汪孔贵 西川人。 天启间。

汪孔行 西川人。

袁文浩 圆通寺前人。

陈汝规 东鲁人。

詹存省 后园人。 有《传》。

陈思楨 东鲁人。

郑知荣 象湖人。

徐文周 字元质，里择人。 邑庠生。 有《传》。

徐光星 字汉维，里择人。

陈应高 石岩人。



徐有科形弓山人。

徐文鳌球川人。以上崇禎间。

## 国朝

周时鼎大街人。康熙二十五年，邑侯傅公以耆硕举乡宾。

徐光洵字茂源，里择人。天性友爱，家贫力学，生平与物无忤。康熙二十五年，邑侯傅公举乡宾。

叶天培字因之，歙县新州人。幼颖悟，工诗赋。年二十为桐乡令，曾单骑招抚湖寇，保全浙江三府，人民至今尸祝。致仕后，卜居常山。康熙三十二年，邑侯堵公举乡宾。

黄景志字诗言，歙县潭渡人。少卓犖不群，立身行己，有古达者风。卜居常山，舆论颇协。康熙三十七年，邑侯堵公举乡宾。

周道继球川人。康熙三十九年，以耆硕举乡宾。

江英字仲林，玉渡人。康熙四十五年，邑侯熊举乡宾。

周家梓字天选，大街人。行谊端方，邑令张举乡宾。康熙四十九年，签举董修学宫。告成后，分府王县令张给匾奖之。

徐日灿字炯如，涪湖人。康熙四十九年，邑侯张公举乡宾。

徐敦化字德宏，塔山下人。品行端方，居家孝友，邻里咸推重之。康熙五十三年，邑侯张公举乡宾。

徐日晶字纯白，猷阁新宅人。康熙五十五年，邑侯张公举乡宾。

吴世奇申明巷人。素性醇谨，处世宽和，乡里咸钦敬之。康熙五十六年，邑侯孔公举乡宾。

徐日旦字子平，猷阁新宅人。康熙五十六年，邑侯孔公举乡宾。

王振祖观澜桥人。居乡谦厚，与世无忤，为闾里所推重。康熙五十七年，邑侯孔公举乡宾。

江国祚字永甫，绣溪人。性端慤，家庭雍睦，处世宽和，里党矜式。康熙五十八年，邑侯孔公举乡宾。

徐旭文字郡仰，里择人。邑增生，立品端方，孝友素著，族党称美。邑侯宋公举乡宾。

陈日光石岩人。

璩文益字明裕，貌头人。

王良弼字右卿，孔家坞人。

王良德字慎卿，孔家坞人。

樊斗炎绣溪人。

樊韬炎绣溪人。

陈思復东鲁人。

汪叔度字淡然，下宋畷人。有《传》。

徐良鸮里择人。

徐良年字鹤龄，里择人。

徐文博里择人。

徐文翼字敬之，里择人。

徐光增见《贡监》。以上顺治间。

程汝梅字高宇，岩前人。邑增生。

汪溶字超士，下宋畷人。

王玉华字乃止，上源人。庠生。

裴国卿裴村人。

王臣煌字明天，芙蓉人。

詹徽彰后园人。

徐铭玉字鼎铉，里择人。庠生。

徐明纲字公振，里择人。有《传》。

徐明纪字协五，里择人。

徐良旭里择人。

徐良藩字树翰，里择人。

- 徐文鹤字鸣皋，里择人。
- 徐明镜字心如，里择人。
- 徐光琛字瑞玉，里择人。
- 徐明善字继善，里择人。庠生。
- 徐臣谅字信公，彤弓山人。
- 周 櫛字介石，城东人。庠生。
- 周之瑞字祥如，城东人。
- 戴思圭上埠人。
- 郑祖尧象湖人。郡庠生。
- 郑元鼎象湖人。
- 郑嗣芳象湖人。庠生。
- 王云龙字君霖，里仁坊人。
- 王良锐字砺卿，孔家坞人。
- 汪士禄字世卿，上宋畈人。
- 汪士辉字吉甫，上宋畈人。有《传》。
- 汪允中字天一，下宋畈人。邑庠生。
- 璩天生字德裕，貌头人。
- 陈本彦东鲁人。
- 徐一濬蒋家园人。
- 王问成字克美，芙蓉人。
- 郑起家岩口人。
- 吴士圭小东门人。有《传》。
- 徐敦承塔山下人。
- 徐钟珍塔山下人。
- 徐元芳字馨如，彤川人。
- 汪士登字诞先，上宋畈人。庠生。

詹日灿后园人。有《传》。

詹芝凝后园人。

詹光顺后园人。

詹道升后园人。

胡文瑛胡村人。

郑春熙浮河人。有《传》。

徐日晓浮河人。

郑汝巡岩口人。

毛应报球川人。

王问畴芙蓉人。庠生。 以上康熙间。

王士珮字龙章，芙蓉人。

徐光俊字复旦，里择人。庠生。

鲁文哲字继十，大街人。有《传》。 以上雍正间。

汪 度字伯容，石桥人。

徐承德蒋家园人。

毛洪信

陈德琅菱湖人。

郑有成字开文，阡邸人。

汪见琼宋畈人。

徐文雄

余嘉兴黄冈人。

徐瑞麟字廷瑞，里择人。有《传》。

徐 炜字誉光。庠生。

徐永玫字文玉，彤川人。

徐敦序

毛光潜球川人。

鲍懋勤字有功，黄冈人。

程庆显

章光祖字吉宗，溪口人。

郑之祐字受天，冰溪人。

江万春

徐世墀字丹侯，溪上人。

陈茂志

樊世鹤

许培楷字思儒，新街人。监生。有《传》。

胡亮采洪家淤人。

樊之增字九如，湖东人。

杨一谦字六皆，城北人。

季应镛

陈良森石岩人。

郑登甲象湖人。庠生。

郑景先象湖人。

吴舜亮字君惠，同门人。

周曰藹字公和，城东人。

徐誉光字烈光，里择人。

王日琼彭坞口人。 以上乾隆间。

詹廷琚

徐茂旭字子上，城东人。

徐大有

徐建淳球川人。

陈士旭字升初。

徐仲允城东人。

郑育英 庠生。

叶衍丰

金以昂 张川人。

郑从南

郑守堦 岩口人。

郑守勤 岩口人。

徐仲元 字仰川，城东人。

张荣孙 所陇人。有《传》。

郑良善 岩口人。

徐 晶 字时莹，里择人。有《传》。

徐克化

余学柏 绕岭人。

杨振声 有《传》。

杨得贯

杨梦叶

郑复昌 庠生。

郑 旭 岩口人。

江 镜 石村人。

江鸣珂 石村人。

陈国让 东鲁人。

陈于序 东鲁人。

鲁 芹 字元芳。庠生。大街人。

徐洪瑾 球川人。

江思清 字惟正，屏山下人。 以上年分无考。

## 人物总叙

古者入里必式，地以人重也。过招贤渡，望贤良峰，知三衢人物，此邦为盛。固山川灵秀之所钟，抑亦国家养贤育才，数百年教泽涵濡所致。有作养斯有人才，初不以偏隅限也。

### 乡 贤

乡贤者，乡先生之贤者也。礼乡先生之贤者，没而祀于社。明太祖令天下皆建乡贤祠。世宗令备查乡评有据者入祠祀，诚重之也。邑以宦籍入乡贤者，凡数公以一乡之所钦仰也。旧志乡贤无传，今广为立传，置之简端，以为人物之冠。志乡贤。

#### 五代

詹从效传见《名宦》。

江景防传见《名臣》。

## 宋

王言字世则，章舍人。登天禧己未进士，仕至少卿，赠金紫光禄大夫。操尚清简，上甚嘉之，谓有汲黯之风、杨绾之操。性至孝，养生送死，兼尽其礼。父死，葬芙蓉庵，取其近里，得以常奉烝尝。

王介言之子。传见《名臣》。

王涣之介之子。传见《名臣》。

徐幸隆传见《忠烈》。

樊清传见《寓贤》。

胡正传见《名臣》、《寓贤》。

江纬传见《儒林》。

江跻传见《理学》。

徐大兴传见《名宦》。

江少虞传见《循良》。

赵鼎字元镇，闻喜人。登崇宁进士，官洛阳令，擢开封士曹参军。高宗初，权户部员外郎，荐擢司勋郎中，又擢右司谏，屡迁侍御史。北兵薄江上，召台谏议去留，公陈战守避三策，拜御史中丞。会韩世忠有黄天荡之捷，吕颐浩请上亲征，公不可，颐浩恶其异己，改翰林学士，又改吏部尚书，皆不拜。浩罢，诏公复为中丞。俄除端明殿学士，签枢密院事。后以论辛企宗除节度非军功，忤旨，奉祠。起知平江，改建康。绍兴四年，召拜参知政事，与签枢密徐俯不合，乃求去。会边报沓至，遂留为相，拜尚书右仆射，同中书门下平章事，兼知枢密院事。制下之日，朝士相庆。刘麟与金人合兵大入，张浚以为当进讨。公是其言，即诏浚，以所部援世忠，而命光世移兵建康，且促诸道进兵大仪镇，捷音日至。时敌兵久驻，渐谋北归，命诸军邀诸淮连破之。金人遁去，上喜，归功于公，语浚曰：“鼎真宰相，天使佐朕中兴，社稷之幸也！”转左仆射，都督诸路军马。寻与张浚议罢安世军，不合，力疏，求去。及浚免，复拜左仆射、同平章事，兼枢密使。或有议其再相无他设施者，公曰：“今日之事如人患



羸，当静以养之，若复攻砭，元气必伤。”公常辟和议，秦桧思中伤之。荐萧振为御史，振劾刘大中，罢之。公曰：“振意不在大中也。”适给事中勾涛诋公，公引疾乞免，乃以忠武军节度使再知绍兴，又知泉州。自泉州还，复上言时政。桧惧复用，嗾王次翁、詹大方等论劾不已，迭加贬斥，移吉阳军。寻得疾，自书铭旌云：“身骑箕尾归天上，气作山河壮本朝。”遂不食而卒。先是，公与魏矼、范冲同隐于常之黄冈山，遂归葬于常山十三都石门山。孝宗即位，诏还爵位，谥忠简，追封丰国公，赠太师，祀乡贤。

范 冲 传见《名臣》。

魏 矼 传见《名宦》。

翁蒙之 传见《名宦》。

江 溥 传见《名臣》。

江泰之

江 泳 传见《理学》。

魏钦绪

赵希瑁字君锡，太祖九世孙也。南渡后，居常山，少从父官衡阳。尝有闻于陈文节公止斋，而卒受业于徐忠文公宏父，雅以寒素自居，力贫苦学，借书钞诵成。庆元二年进士，释褐，汀州司户。时峒寇李元砺出没汀赣间。军且至，寮佐集议守城，先生下坐无一语，守异之曰：“不言，得无有见乎？”先生曰：“守城，非策也。距城三十里有关，曰古城，若扼其冲，贼不足虑矣。”守曰：“即以付君。”时先生以宗子初入官，皆为危之。至关，审形势，明斥堠。贼遣谍至，先生得谍，纵其举火相示，而羸师以误之。夜半，贼数百衔枚至，先生严兵以待，贼至，矢石雨下，无一免者，余党闻风而遁。军还，老幼罗拜相属，先生由他道避之。论功，即拜本州推官，调夔州运司属官，掌大宁盐井事，清积负，却羨余。知玉山县，召对，首言民力困于贪吏，军力困于债帅。国家之力，则外困于归附之卒，内困于浮沉之费；次论四蜀经注科举之蔽；次论大宁盐井本末。宁宗嘉纳之。授成州团练使，进和州防御使，除大理丞，迁大宗正丞，权工部郎。宗姓多贫而难治，与他姓异，其人有过礼，吏受賕无艺，莫敢自陈。

先生白其长，推行之。已而以宗室换班，授吉州刺史，提举宫观。轮对，首论今日多事之际，而未有办事之人。朝绅，清选也，以缄默为郑重，以刻薄为举职，以无所可否为得体。闾寄，重任也，以大言为有志，以任过为知恩，以不待指授于朝廷为有才。臣非敢厚诬天下，所忧在选择未得其道，器使未当其才。次论宗学之建，朝廷美意也。校定法不视太学而视武学，外舍优校必待公试中选而后升。一请一免，而不得援永免例；已升内舍胄监前名，而不得注诸州教授，名为重之，实则薄之，恐非风厉之本旨也。累迁安德军承宣使。引对，言：“初政，在明君道，总治统，收人心。”理宗动容曰：“卿所陈于初政，所系尤切。”次年，论祠祭不躅，禁卫不肃。晋节度使，封信安郡。公以足疾卧家，累岁而卒，赠少保、信安郡王，谥修靖。开府县治北隅，今府坛是也。先生风姿凝重，胸抱魁垒，扬人之善，不记人之过，急人之难，不忘人之恩。其仕夔也，安沂公丙一见异之，解佩玉以赠，且欲举之。先生坚辞不受，沂公曰：“然则使我有失士之恨。盍驰诸所亲。”曰：“有母党可，然不敢专。”沂公曰：“君谓之可，则可矣。”竟举而驰之。时人两贤之。既换班，自号畴隐居士，祁寒盛暑未尝谒告。或以为太自苦，曰：“吾乃愧报称之难也。如并废之，若此心何？”衣食仅足，不置妾侍。故训词有云：“爵禄褒嘉，不改儒生之习。威仪谨飭，蔚为朝著之华。”盖实录也。生五子：与汶、与潞、与洸、与澣、与澧，皆登科。御赐其居曰传芳堂。祀乡贤。

徐 杓传见《孝友》。

徐梦麟字乐水，蒋家园人。少尝学于真德秀，日记数千言，博极群书。德秀异之，授以程氏《近思录》，遂大有得。绍定五年，与弟梦雷同登进士。初任江陵簿，晋乐平令。尝提举湖南，荐牟子才、孙起予等，皆为名谏议。累官至御史中丞。初入台，檄所在监司守臣，毋得辄籍没人家，全活甚众。及萧山尉丁大全夤缘为御史，公抗疏沮之，不获，谢病致仕。及大全恣横，人始服其先见云。祀乡贤。载《省志》。

元

徐 益传见《名宦》。

汪 林 传见《隐逸》。

徐庭琬 传见《儒林》。

## 明

何 初 字原铭，绣溪人。受学于三江先生，通《易》、《诗》、《书》。至正癸巳，举于乡。授仁和教谕。未几，告归。洪武初，以宿儒征，教授湖口县，擢知仁化县。丁外艰，服阕，除巴东教谕。湘王闻其名，聘为师。京闈，两聘为考试官。二十七年，召入翰林，同学士刘三吾纂修《书传》及《孟子节文》。书成，赐金五十两，锡宴南楼。辞归，赐开化教谕，禄终其身，年八十五。载《省志》。祀乡贤。

金 辉 传见《忠烈》。

何永芳 传见《名臣》。

郑 林 传见《名臣》。

郑 佑 传见《名臣》。

樊 莹 字廷璧。天顺末，举进士。引疾归养。久之，授行人，使川中，不受馈，土官作却金亭识之。成化八年，擢御史。山东盗起，奉命捕获其魁。清淮扬军所条画事宜，至今为例。改按云南。交趾诱边氓为寇，驰檄寢其谋。知松江府，请转漕不用民夫，俾粮长自运。岁粮，除常运外，尽征折色，百姓便之。寻改知平阳。弘治初，许大臣保举方面官。侍郎黄孔昭以公应，尚书王恕亦器之，擢河南按察使。黄河为患，民多流移。公巡賑，全活甚众。河南田赋多，巡抚徐恪欲考本末，众难之，公曰：“视万犹千，视千犹百耳，何难？”恪以属公，部吏钩考旬日，宿蠹一清。寻迁应天府尹。守备中官蒋琮，数陷言官，大臣咸畏之，至是得罪，公与推鞠，初若不与异者，琮觇知大喜，后入其伤孝陵山脉事，琮遂下狱，充净军。迁南京工部右侍郎，改都御史，巡抚湖广。锦田赋结两广獠獠为寇，公解散余党，诱戮首恶十八人。岁余以疾乞休，家居七年，中外交荐，起原官，抚治郟阳，旋改南京刑部右侍郎。十六年，云南景东卫昼晦七日，宜良地震如雷，曲靖大火数发，贵州亦多灾异。廷议遣大臣巡视，

乃命公至，则劾镇巡官，罪黜文武不职者百余人，威震蛮俗。既竣事，廉知景东之变，乃指挥吴勇侵官帑，因脱罪，因云雾晦冥，虚张其事，劾罪之。还，进本部尚书。武宗践祚，致仕归。刘瑾以会勘隆平侯争袭事，连及公，削籍。又坐减松汀官布，罚米五百石输边。公素贫，至是益窘。卒，赠太子少保，谥清简。公性果介，农月坐篮舆、戴笠，子孙舁行田间，曰：“非徒视稼，欲子孙习劳也。”其后人率教多愿朴力学者。祀乡贤，载《省志》。又《云南通志》：莹按云南，绳贪墨，精勤明敏。时交人越界纵杀，方议用兵。莹谕以祸福，遂纳款。及以金都巡视，黜征麓川滥授官一千二百员。滇人立祠祀之。《广輿记》：莹巡滇时，土官有诉夺其牛者，莹还其壮，曰：“第归，彼还汝牛矣。”已果然，仍诣莹服罪。他土官相扰，有司不能制，白莹，莹曰：“吾在，贼敢尔耶！”闻言，即敛兵退。其望风畏服如此。又侍郎黄孔昭荐疏有“持身廉洁，用法明慎，学识俱优”之语。

江 铤字用之。岁贡。授兴化府学训导，升泰宁教谕。矩度端严，教诲勤恳。未几，谢病，诸生请上宪檄留之，至则行矣。后祀列名宦。公嗜礼好古，对子孙臧获无情容，冠婚丧祭悉准家礼，斥浮屠，节靡费。岁饥，置义仓赈贫，士论归之。子应选第进士，祀乡贤。

詹 绅传见《循良》。

詹 莱传见《名臣》。

詹思虞传见《名臣》。

詹在泮传见《名臣》。

樊养凤传见《循良》。

徐仕棻传见《循良》。

詹承祉传见《循良》。

## 国朝

徐光旭传见《忠烈》。

詹人训传见《循良》。

徐光皓传见《忠烈》。

徐开锡传见《循良》。

王文龙字宛虹，里仁坊人。康熙壬子拔贡。性颖异好学，尤极友爱。督宪李文襄聘居西席四载，毫无干谒，惟条陈时弊，永禁夫役苛派，乡井蒙恩。文襄内升冢宰，延请赴都，却之。癸酉，登贤书北上，贤王尊为师傅。会试期前，饬内侍送入闱场，坚辞不受，赐诚厚儒者绶匾，着内务府护送旋里，士林荣之。康熙六十年，崇祀乡贤祠。按：杨《府志·里行》载，邑王氏同胞兄弟三人。长良德，顺治八年乡饮宾，性慈善。三子：长佐龙，生员；次士龙，举孝子善人；三宥，康熙丙子年恩贡。次良智，中年卒。次良行，乐善好施，隐居庄舍，课子文龙读书。康熙癸酉，中式，考授知县，末云庚辰遇覃恩赠本生父文林郎，考《王氏家谱》，良行一子文龙，又抚螟蛉子庆龙。《府志》云赠本生父文林郎，盖误以文龙为螟蛉也。

詹西来字帝眷，号义庵，后园人。性端恇，笃志嗜学，每于应酬烦剧中，手一卷吟哦自若。孝事继母，抚二弟式好无间，邑侯孔公毓玕赠以敦伦笃学匾额。凡建学宫，修宗祠，不吝重贲为倡，而济贫恤孤，焚券贯贷，闻者莫不义之。构金川书屋，多藏书，手自编订，著有《义庵文稿》行世。子孙登仕籍者七人，以孙兆选、兆驛贵，赠中宪大夫，祀乡贤。

## 《常山县志》卷四十八

知县李瑞钟修辑

## 儒 林

邑境去新安二百里而近考亭，朱子与东莱吕子曾讲学于此。儒家者流希风前哲师友之渊源可溯也。志儒林。

## 宋

刘 绚〔《宋史》本传〕字质夫。祖舜卿，虞部郎中。父师旦，朝散大夫。以祖荫为寿安主簿。长子令督公家遗赋，不假鞭扑而集。岁大旱，府遣吏视伤，所踊赋什之二三。公力争不得，封还其揭，请易之。富弼叹曰：“真县令也！”元祐初，韩维荐其经明行修，为京兆府教授，王岩叟、朱光庭又荐为太学博士。卒于官。〔《续文献通考》〕绚深于《春秋》，作传未就，病剧，尚以例类质其父。垂绝，犹道《诗》、《书》语，可谓笃于学者。载《省志》。

祝 常传见《理学》。

江 纬字彦文。哲宗元符时，以上舍生上封事，召对称旨，赐进士出身。从子汉、少虞、少齐、汪藻、程俱、李处权、赵子昼皆从学，时人指为文中虎，遂匾堂曰七虎。有春日唱酬诗，张南轩、朱晦庵两夫子皆和焉。祀乡贤。载《省志》。

江 跻传见《理学》。

江 泳传见《理学》。

徐梦雷字乐广，蒋家园人。与兄梦麟同榜进士。受业真西山，因兄宦游，辞归养，终身不仕。

## 元

徐庭琇字字清，蒋家园人。大兴元孙，性颖敏，八岁能文。从伯梦麟

学，潜心博综。至元间，领乡魁。后举博学鸿词。除国子学正，不受。归，自号金川隐者。设义仓、义田，赈恤乡里。郡守王公俊、刘公克昌高其学行，延为明正书院山长，大阐经旨，从游者多成名儒。至元末，屡征不起。终老石碛山谷。祀乡贤。

江 孚与弟江起同受业金华许文懿公之门。至顺三年，以《书经》同举于乡。元统元年，考官刘岳申见孚《龙虎台赋》，惊异，将上之。寻以罢科而止。起，文字魁奇，词气雄辨，与伯兄壘齐名。世称三江先生。

## 明

郑 伉传见《理学》。

郑 协象湖人。年十六，随季父伉游丰城丁潜轩秉英之门，谒崇全吴康斋与弼，又学《易》于会稽胡渐斋，三年而归。渐斋目送之曰：“吾《易》西矣！”戊子，举于乡。会试，谒薛文清，公闻克一之说，因名其斋曰克一。弘治庚戌成进士，白沙陈献章贻书曰：“中世士大夫修于家，或坏于天子之廷，兄之志节可保无虞。”其为士林推重如此，授行人，奉使陕西道，卒。

何 初传见《乡贤》。

詹 涛字德源，号越江，后因人。博学好古，喜谈时事，当事多器重之。巡按王公得春有计足安壤之旌，藩司蔡公扬金匾曰硕儒，郡守韩公邦宪匾曰圣朝遗彦。屡举不第，例授儒官，非其志也。所著书载《经籍志》，其《宦官理财》二论，见《皇明通纪》。

徐汝晋传见《理学》。

江 铤传见《乡贤》。

樊 义字邦制，辉埠人。景泰癸酉，与弟方同举于乡。天顺中，授莆田教谕。简重方严，以古道自励。诸生许邦赞丧不能举，李璜妻死不能敛，俱割俸助之，遇士恩礼率类此。病卒，诸生为具棺，邦赞、璜等亲为沐浴，通庠朝夕聚哭，送丧者数百人。崇祀名宦。有《京邸哭弟诗》，载《艺文志》。

邵智培字龙珠，坑头人。教谕。志谦之祖。性严正，笃于孝友，恭事两

---

兄，迎养寡嫂，数十年如一日。与子侄推让厚产，敛钱资送道殍。又尝却夜奔归遗金，训子弟有法度。著有《易经讲义》。以明经终。



## 《常山县志》卷四十九

知县李瑞钟修辑

## 理 学

儒林道学，古无分途。宋兴，濂洛关闽诸儒，继统洙泗，厥后金溪、姚江阐宗心学，而理学之传历世不绝。国朝，孙夏峰征君撰《理学宗传》一书，自周、程、朱、张而外，下至罗念庵、顾泾阳，凡十数人为正宗，重绝学也。邑为宋儒讲学之地，遗范犹存，故于名儒内另标一目，以绵斯道千钧一纤之传。志理学。

## 宋

刘 绚《宋元学案》：先生生质明粹，长而温恭，自髫龄时即事二程受学焉。所受有本末，所知造渊微，知所止矣。孜孜焉，不知其他也。天性孝悌乐善，而不为异端所惑；内日加重，而无交战之病。明道尝谓人曰：“他人之学，敏则有之，未易保也。斯人之至，吾无疑焉。”少通《春秋》，祖于程氏，专以孔孟之言断经意。作传未就，既病，与李端伯言曰：“每瞀闷时，正坐端拱，意气即下。平居养气，可忽乎？”同舍吕与叔过问疾，先生曰：“死生常理，无足言者，独累吾亲尔。”附录：先生歿，伊川哭之，曰：“圣学不传久矣。吾生百世之后，志将明斯道兴斯学于既绝，力小任重而不惧其难者，盖亦有冀矣。以谓苟能使知之者广，则用力者众，何难之不易也。游吾门者众矣，而信之笃、得之多、行之果、守之固，若子者几希？方赖子致力以相辅，而不幸遽亡，使吾悲传学之难，则所以惜子者，岂止游从之情哉！”程子曰：“质夫沛然。”侯仲良曰：“明道和平简易，惟刘绚庶几似之。”谢上蔡曰：“朱君留意《春秋》之学甚善，向见程先生言，须要广见诸家之说，其门人惟刘质夫得先生旨意为多。”《两浙名贤录》：归而教授，羔雁成群。理学之明于衢者，绚力也。

祝 常字履中。从胡安定学。操履端毅，未尝以辞色借人。登进士

第，王安石深器之。时有诏解三经义，公出正义，反覆辨难，论者魁之，遂忤安石意。出令平阳，终殿中丞。有《蓬山类苑》、《元诰正谏》诸论及《清高集》行世。载《省志》，并见《宋元学案》。

江 躋字元寿。登大观二年进士第。为殿中侍御史。在朝论事，以正心诚意为本。绍兴初，率全台攻丞相朱胜非，更五六疏，忤旨，一时俱罢。后高宗思之，赐手诏以司农卿召。未及用，卒，赠银青光禄大夫。祀乡贤。

江 泳字元适。宋登仕郎。从江山徐逸平学，又数与朱子往复论难。朱子《答柯国材书》云：“近衢州江元适泳以书来，云顷岁独学，尝窥求仁之端。又谓须明识所谓元者，体诸中而无疑，则道之进也，化也，基诸此矣。此论似非苟然。江君未相识，书多好议论，亦一老成前辈也。”其见许如此。祀乡贤。按孔《志》：前辈如江元适及厚载、孚起三先生，皆究心理学。遐哉，弗可尚矣。

## 明

郑 伉字孔明，世家常之象湖。三岁，闻父母哭而知哀。五岁，诵故事。十三读书，治举子业，文理蔚然。二十为博士弟子员。及省试，一再不合，弃之，曰：“显亲扬名，恐不在是。”乃走丰城，游丁潜轩之门，求践履实学，确然以圣贤自期。复见吴康斋先生于崇仁，康斋曰：“此间工夫非朝夕可得，恐误子远来。”对曰：“此心放逸已久，求先生收之耳，敢欲速乎？”因受小学，日自验于身心，徐得闻四子、六籍之要。久之，于道若有见焉，乃归。筑室于龙池之上，日取诸儒论议，一切折衷于朱子。凡古载籍靡不读，但不读佛老之书。尝谓其毁肢体，灭人伦，即不容诛，又何待读其书而后辨其谬哉！一时名儒，若兰溪章枫山、开化吾文山、南昌张江白，皆相与可否，所著有《易义发明》、《卦赞》、《读史管见》、《观物余论》、《蛙鸣集》，凡十余万言。惜以毁烬，其所存者仅十之一云。伉执丧极哀，祠墓殡一本之家礼，设义学，立社仓，事事皆著实地上做，要非所谓琐屑破碎者，故自号曰敬斋，又曰断述子，盖有得于康斋者。学者称之曰敬斋先生。

徐汝晋字裕庵，里择人。少游徐鲁源之门。由岁贡任闾县训导，督学耿定力有天性孝友，独证良知之荐，历华亭教谕，迁曹州学正。以不屑阿附，

抗节家居，杜门著述，书目载《经籍志》，皆有关名教。祀闽道山书院，人称安定先生。

徐鸣骝字骏良，南壁人。自幼天性孝友，制行贞洁。甲寅，闽变，被掳受酷刑，几至毙，誓声不屈，后得脱。清节自守，潜心理学，不求闻达。讲学南屏，庠士半出其门。著家训，明圣道，辟浮屠，垂戒甚严，赏志以歿。

徐仕陞号季陵，南壁人。弱冠试博士高等，食饩，文名藉甚，夷然不屑。闻钱绪山得良知宗传，与浙名儒钟文陆、许敬庵、徐鲁源辈切摩讲究，饶春风沂水之趣。

## 《常山县志》卷五十

知县李瑞钟修辑

## 名 臣

朱子《名臣言行录》，览之才可以淑身，可以淑世，懋矣，烁矣。邑自五代而后，代有名臣。《书》曰：元首明，股肱良。编此俾后贤私淑有由，且以考一时遭遇之隆焉。志名臣。

## 五代

詹从效祀名宦祠、乡贤祠。传见《名宦》。

江景房字汉臣，源口人。事忠懿王，为镇海军节度判官。吴越以一隅捍四方，凡田赋、市租诸税数倍故额。及归宋，入朝，使公上困籍，恐有司按额征收，民困无已，遂凿舟沉其籍于河，诣阙自劾。太宗大怒，欲诛之。已而，大臣为解，谪沁水尉，屏居田里以卒。未几，命右补阙王永均吴越田税，减三之二，实赖公沉籍云。其子孙居常、开两邑，科名特盛，人以为阴德之报也。祀乡贤。载《省志》。

## 宋

王介字中甫，章舍人言之子。博学善属文，慷慨负气，喜直言，交结皆天下贤豪士。庆历中，举进士。嘉祐六年，开直言极谏科，公与二苏同取上第，为秘书丞，知静海县，除秘阁校勘。初公与安石游甚款。熙宁初，安石被召，不复辞，公作诗讽之，遂相抵牾。及新法行，神宗亟称善。公进疏曰：“愿陛下师心勿师人。”帝以示安石，安石深忌之。罢判鼓院，出知湖州，卒于家。苏轼挽以诗。子汉之、涣之、沈之，弟愈，愈子汾之，皆登进士第。祀乡贤。载《省志》。

王汉之字彦昭。登进士，任秀州司户参军，知金华、浣池二县，为鸿胪

丞，知真州。时，诏诸道经画财用，公言：“所在无簿籍，不能周知。愿令郡县先置籍，总于诸道，则天下如指掌矣。”从之。入为开封推官。历礼部侍郎，转户部，以显谟阁待制知瀛州。徙苏州。召拜兵部侍郎。奉使契丹，还，知定州。久之，徙江宁。方腊作乱，录奏报御捕功，加龙图阁直学士，进廷康殿学士。卒，年七十。

王涣之字彦舟。未冠，擢上第。元祐中，为太学博士。通判卫州。徽宗立，以日食求言，因言：“求言非难，听之难；听言非难，用之难。今国家每下直言之诏，而下之报上，乃或以指陈缺失为讪上，以阿諛佞谀为忠君，以议论趋时为国是，以可否相济为邪说。志士仁人知言之无益也，不复有言。而小人肆为诡譎可骇之论，取容苟合。愿陛下虚心公听，言无逆逊，惟是之从；事无今昔，惟当为贵；人无异同，惟正是用。则人心悦，治道成，天意得矣。”帝嘉纳之。又以大臣荐，迁吏部员外郎，擢中书舍人。崇宁初，进给事中、吏部侍郎。寻入党籍解职，知舒州。越八年，知中山府，加宝文阁直学士。以疾提举明通官。卒年四十五。公性澹泊，淡于仕进，每云：“乘车常以颠坠处之，乘舟常以覆溺处之，仕宦常以不遇处之，则无事矣。”其归趣如此。祀乡贤。载入《省志》。

赵鼎传见《乡贤》。

徐大兴祀名宦祠、乡贤祠。传见《名宦》。

范冲祖禹子，字元长。登绍圣进士。高宗召为虔部员外，俄出为两淮运副。绍兴四年，帝感隆祐太后言，亟诏重修神、哲两朝实录，召公为宗少卿兼直史馆。因论熙宁创制，元祐复古；绍圣以降，弛张不一，本末先后，各有所因。又极言安石、蔡京误国之罪。上嘉纳之，迁起居郎兼侍读。上雅好《左氏春秋》，命与专讲。公敷衍经旨，因以规讽，上未尝不称善。时张浚在长沙，荐公名德老成，宜备皇子训导，遂命以徽猷阁待制，为资善堂翊善。诏建国公见先纳拜，俄迁翰林学士，用父事改侍读学士。寻以龙图阁直学士奉祠，居常之叠石，卒年七十五，葬容车山永年寺右。公为人好义乐善，常荐尹焞自代，司马光家属依公为抚育之。又为光编类《讲闻》十卷奏御，请以其族曾孙宗召主光祀。孝宗即位，录公子以官。祀乡贤。

魏 砥祀名宦祠、乡贤祠。传见《名宦》。《宋史》：金议以河南、陕西地与宋，遣王伦等来议事。将至，帝命吏部侍郎魏砥馆伴之。砥以为御史时尝言和议之非，不奉诏，因备论敌情不可信。秦桧曰：“公以智料敌，吾以诚待敌。”砥曰：“第恐敌不以诚待相公耳。”乃改命吴表臣。

江 溥字叔源，源口人。绍兴十五年进士。除襄阳教授。辑备边书上于朝，帝异之，擢太府丞，历殿中侍御史，前后所上凡八十疏。公天禀夷雅，不妄喜怒，而劲正挺特，孝宗独知之，晋貳台端，入谢，复面谕曰：“朕知卿有守不妄造请，故特以命卿。”公感知遇，益明目张胆，无所忌讳，直声猎猎。有郡司马挟魏邸亲吏煽奸窃柄，尝缮私居，矫令役民，压死者十三人，伤者倍之，阅月而上不闻。公劾之，请以次第议罪。上览疏，喜曰：“父子之间，人所难言，不谓卿能如此。亟从，无少忤。”于是，权贵敛迹，一时称为真御史。子公亮，任四川提刑，清亮有父风。祀乡贤。

赵希琯传见《乡贤》。

魏 泌上埠人。宋嘉定元年进士。永州通判。真德秀荐于朝，仕至户部尚书。按：西山奏状，略云：郡之有倅，所以裨守臣之不逮。臣所部有倅者八，以臣朝夕所接，与得诸听闻。如承议郎、通判永州军州事魏泌，实绍兴名臣魏公砥之后，家学既有源流，又从诸老先生游，议论文采俱不碌碌。前宰零都，臣在江西，其政誉甚休，及来二水，两遇阙守，泌实摄承，孜孜抚摩，人多称颂。其材足以剸烦剧而立事功，局于貳郡，未究设施云云。

赵希澣宋宗室。嘉定十二年进士。累迁九卿。帅闽，遇旱，屡请航京粟二十万斛入闽，全活一路。又按：忠定公汝愚撰《皇朝奏议》数百卷，公曾为作《序》。其生平文行超卓概可知矣。雍正《县志》云：公传已入江山新志。要其发科登第，常山选举旧载姓名，故特为补传。至作《序》之说，盖得之《渔洋文集》云。

徐梦麟传见《乡贤》。

胡 正字宗恪，婺源人。登元祐李常宁榜进士。除商州别驾，为政清肃。升工部员外郎。元符中，转工部侍郎。徽宗即位，授兵部尚书。时禁元祐法，追贬元祐宰执，公备陈时政得失。宣和间，方腊寇婺、杭、衢、睦，公进平

寇之策。童贯结女直攻辽，公极言谏诤辽不可攻，留不报。靖康中，北虏犯顺，公从东京留守李尚书纲力战，金知有备，遣使议输金币、割地请和。公言三镇地不可弃，宜缓金币之议，严整军旅以战，勿听。及金兵再入寇，公请集勤王之师以卫京城，疏入不省，决志求退。未几，金陷京城，二帝北狩，公不胜痛恨。高宗中兴，公扈蹕南迁，立志恢复，而执政坚主和，遂隐居信安胡村。卒葬郭塋。祀乡贤。

## 明

徐恢字伯宏，父梦龙，衢州路教授。公博学有才识。元末，登进士第。授永新尹。伪汉陈友谅攻南昌，明太祖引兵来援，公知友谅必败，以军粮来归，明祖大喜，即军中拜为都御史。约日会战鄱阳，大败友谅兵，灭之，公与有力焉。累官户部尚书。敕赐开国元勋。载《省志》。

张宗濬县前人。明洪武二十六年，以秀才选入随詹事府春坊官，分班入直文华殿侍讲。条析民间利害，田里稼穡。又备陈古今孝悌忠信、文学才艺之事，日以为常。明年，授江西按察司副使，有风宪声。卒于官署。

徐生字彦易，南壁人。永乐乙酉举人。历贵州都事、云南佥事，肃官常化僻陋，揆文奋武，边疆赖以平靖。滇黔惠政实多云。

何永芳字廷兰，绣溪人。永乐辛丑进士。洪熙元年，修《两朝实录》，命采史事于江西。事竣，授湖南邵阳知县。持身廉谨，均赋役，劝农桑，兴学校，期年大治。岁荒，借富民米数万石，以济饥民，存活甚众。内臣以公事至县，横科虐民，公密疏发之，论如律。征入为御史，巡按山东、直隶及苏、松、常、镇四府，所至肃风纪。山东按察使违法，劾奏就逮。岛寇时犯苏州，敕郡县严为之备，寇不敢近，朝廷降玺书奖谕。又巡按江西，豪强敛迹。学士薛瑄赠以诗，有“驄马承恩来北阙，绣衣冲雨度西江”之句。寻以少保于谦荐，升河南按察使。卒于官。祀乡贤。载《省志》。

郑林字伯森，上埠人。景泰二年进士。授兵科给事中。遇事敢言，权贵无不敛迹。屡请法祖宗，崇俭约，开言路，慎守令。是时，发三营伍卒建大隆福寺，公言：“营卒所以卫京畿，威天下，不宜他役。”又疏言驸马都尉石璟

违法状、镇远伯顾兴祖以丧师降爵，不当复；都督孙镗克敌有功，不当罢，上皆从之。四年，公又具疏绘图阵以进，略曰：“臣通考古今阵法，莫有过于黄帝破蚩尤之阵。后汉诸葛亮推演之，名曰天、地、风、云、龙、虎、鸟、蛇，盖按《河图》、《洛书》之数为之。九数居离南方朱雀七宿之地，故曰鸟阵。一数居坎北方元武七宿之地，故曰蛇阵。三数居震东方苍龙七宿之地，故曰龙阵。七数居兑西方白虎七宿之地，故曰虎阵。六居西北乾位也，故曰天阵。二居东南坤位也，故曰地阵。四居西南巽位也，故曰风阵。八居东北艮位也，连山出云，故曰云阵。大将象五居中，专主旗鼓，应乎太极，八节旋绕，悉听指挥。若正北受敌，则东北、西北为奇兵，张左右翼以援之。正南受敌，则东南、西南为奇兵，张左右翼以援之。其正东、正西及四隅受敌，亦如之。所谓常山之蛇，击首则尾应，击尾则首应，击中则首尾俱应者也。”少保于谦以为深得古兵法之秘，诏颁各营，令依法教阅。会丁母忧，归，遂卒。祀乡贤。载《省志》。

郑佑字孔佐，象湖人。景泰庚午，举于乡。明年，登进士。任广东道御史，谏辄敢言持大体。临川郡王父子构怨，上命公察之，曲尽情法。清四川戎政，巡按南直。寻擢福建按察副使。汀州盗起，公单骑直入其巢，谕以祸福，贼悦解散。后复叛，设谋擒灭，威惠大行。以考绩过家，得疾卒，贫不能具棺，人服其守。子：维桓、维楠。孙：廷辅。祀乡贤。载《省志》。

樊莹祀乡贤。载《省志》。传见《乡贤》。

徐海字伯容，形弓山人。弘治乙卯举于乡，明年成进士。授高苑知县。丁父忧，服阕，除知无锡。政清严，邑大治。有勋戚强夺民田者，公还以与民。巡抚都御史艾璞、知府曾大有力主其议，民冤得雪。己而擢应天府推官。正德二年，勋戚贿权珰刘瑾，复讼前田，覆勘官希旨劾奏，逮三人系狱。逾年，璞成琼州，公与曾俱夺职。瑾诛，起南京刑部主事，升广西佾事，调贵州。讨平香炉山贼，赐白金一镒、文绮二表里，升四川参议，仍以忤当道告归。公虽侃侃建大节，而和易坦直不设城府，更奖拔士类，人敬而亲之。子铸，隆安知县。

詹莱字时殷，号范川，后园人。祖渊，以厚德称。公少颖悟，淹洽经史。年二十二，举于乡。越四年，登嘉靖丁未进士。时相欲引致门下，公不



可，出知金溪县。县多盗，至则严督捕之法，盗尽逸。邻盗有蔑富人以金者，公知之，移文邻县，富人得脱。丁外艰，服阕，补长乐令。有倭寇，公请择海门要地城而戍之；又请设兵船数十，巡徼马江上下，毋令倭登岸，当道许之。七月而工竣。后倭寇奄至，福清诸邑皆陷没，惟长乐以城故独完。调嵩县，罢诸逋赋，定两税之限。迁池州同知，再迁湖广金事，屡平巨盗。时直指狗势孰法，公辄与争。又数以法裁郡邑之不职者，遂与直指忤，告归。家居二十余年，殫心理学，博极群书，修辑邑乘，所著诗文集，俱行于世。祀乡贤。金溪县祀名宦。

詹思谦字牧甫，号洞源。万历甲戌进士。以工部主事补刑部，恤刑江南，雪休宁程任卿狱。迁成都知府。苗獍叛，督土汉兵讨之。升河南副使，调潼关，再调密云，以事谪知永平府。时，川兵征倭还，多行剽掠，公移檄听点，川兵宵遁。任至辽东参政。祀乡贤。

詹思虞字如甫，号濬源。万历庚辰进士。初任刑部主事，历升松江知府。岁荒，省民米直银数十万，又以粮长解户为收户，县不并封，府不覆兑，民便之。府有金连者，将啸聚为盗，公以计解散之。又擒剧盗王仁。累升山西参政。时，霍、绛二州有大姓横恣，公悉惩以法，抚按称其才。任至山东按察使。祀乡贤。载《省志》。

詹在泮字献功，号定斋，棗子。少嗜学。万历癸未进士。授工部营缮司主事，敕修行宫，以廉干称。丁外艰，起复壬辰分校礼闈，所取皆名士。升郎中，提督两河河道，以漕运功升俸一级，转河南副使。备兵颍川，擒巨盗。升苏松巡道，改汝南，条上练兵十议。迁江西左参政，升广东按察使。致仕归。祀乡贤。又《浙江遗书》：在泮著述甚富。其学于王守仁，王畿、罗汝芳尤相契合。辑《诸儒微言》四卷，皆摘录先儒之语。《说书随笔》，则其所自著者。

徐同爰字仁夫，号独复轩，里择人。成化辛卯举于乡，乙未登进士第。出知南城县，仁以抚民，义以戢暴，风清讼息。时建昌守李麟操清苦，患热疾卒。郡佐谢英素怨李，将凿垣出其丧，公争曰：“李公，太守也。枢当自中门出。生与之同察，死而遇之以礼，厚道也。况均宦于外，孰保其终？”竟扶柩自寝门出中路。谢惭而深愠之，伺公数年，不得衅。辛丑，公以政异，擢山西道

监察御史。言事持大体，不激不随。乙巳，奉命按广东，扬清激浊，民夷以安。丙午，莅乡试，以明秉公。是科，岭南称得人。丁未，还朝考绩书最，有敕赠其考与妣。弘治二年，差照刷河南三史文卷。凡刷卷者，多事钩察，公独临以明恕，不劳而弊绝事理。三年春，廷试进士钱福等，充监试官。孟夏，享太庙，公莅斋事，风雨不敢解带者五昼夜，由是感痺疾，即疏请解职，所知多勉留曰：“君疾未为甚，且为御史积劳年最深，早晚显擢，何去之果？”公曰：“士贵知止，讳疾以待迁，岂为智耶？”遂告归，越两寒暑卒。葬之日，学使广安吴伯通为之铭曰：胡与之才也厚，而用弗大究。胡畀之德也懋，而生止下寿。巍科芳名，父登，子又清秩要途。乔荣梓茂，虽稍啻于前，实克昌厥后。呜呼，福善佑贤，天乎奚谬，铭之方来，斯珉斯镂。

## 《常山县志》卷五十一

知县李瑞钟修辑

## 忠 烈

志士仁人，圣人称之。以忠烈著者，自徐公幸隆、汪公文璟而下，皆建殊勋、临大节，岂非光日月、泣鬼神，浩然之气，长存于龙山濂水之间乎！经闽变、粤逆蹂躏以来，殉难尤多。思溪之石可磨，其人不没矣。志忠烈。

## 宋

徐幸隆字德盛，雒阳人。举制科，补右正言，以直忤。时出知葭州，擢淮东节度副使，总领河南军节度。宣和间，童贯结女直攻辽，谏不听。时睦渊寇扰，命公往抚，以疾辞职，侨寓邑中。金人内侵，以宗泽辟复起。闻帝北行，趋见宗公，谋邀金归路，以援兵不至，罢。建炎元年，金人分道入寇，公驻节于淮，孤军御敌，力战而没。宗泽请加褒录，司谏李植等请如刘韜、李若水例，一体褒嘉。诏赠银青光禄大夫、开府仪同三司，谥襄愍。迁其子大兴自转运判官守衢州军。祀乡贤。陈《志》载，公死难在靖康元年折彦质丧师时。按：尔时，二帝未北狩，高宗尚未立。陈东、欧阳澈亦未死，公墓碑何以有“邀金归路”之语，公诗何以有“二圣两生”之句，均传诵于世？今悉依墓碑及徐氏旧谱改正。

## 元

汪文璟字辰良，宋畷人。生有异质，五六岁端坐终日如成人，十一通诸经大义，十八乡举第二。泰定元年成进士。授余姚判官，升太常礼仪院太祝，迁翰林院编修。声望甚重。旧居里曰庆善，郡守白景亮更为尊贤里。后历任州郡，咸有惠政。仕至中议大夫、岭南广西道肃政廉访副使。以国难，忧愤不

食，卒。有《歸朝稿》、《明農稿》行世。載《省志》。

## 明

金輝三岡人。與弟鼎同舉經明行修中式，歷任泗洲學正。建文四年，成祖謁孝陵，公以燕王禮見，受極刑死。祀鄉賢祠。

金玉鉉名鼎，以字行。洪武四年，補縣學生。九年，貢入國子監。十五年，舉經明行修中式，授戶科給事中，歷國子助教、五經博士。永樂四年，以直諫賜死，追謚節。載《省志》。

徐起家字克齊，球川人。明季諸生。受業於嚴印持、方青峒兩先生，素凜大義。甲申，聞國變，憂憤發狂疾。至乙酉八月，絕粒而卒。

方三總明末，守邑城。國朝總兵張天祿從徽州經開化來攻，公勒兵出北門拒戰。天祿伏甲羅漢山，突出要擊，前徒逼河盡沒，三總遂自刎死。

## 國朝

徐洪琬字伯玉，球川人。邑廩生。順治乙未六月初五日，處州賊魏福賢劫掠球川。遇賊，賊知為書生，欲劫去之，大罵，遂被刃死。

徐光旭字君昇，里擇人。崇禎壬午，舉於鄉。歷任昌化、黃岩教諭，講學興行，有鵝湖、鹿洞遺風。諸生貧乏者周之。黃邑文廟災，捐貲重建。甲寅，賊踞城，強授以職，不屈，匿永嘉山中，不食死。嘉慶六年，賜蔭世襲恩騎尉。載《省志》。

徐光皓字仲昭，里擇人。以恩貢任山東新城知縣。有惠政。遇凶災，力陳請，旁及鄰邑，民甚德之。校士多得真才。解組時，囊無半文。旋遇閩變，逼授偽職，不屈死。嘉慶六年，賜蔭世襲恩騎尉，與光旭俱祀鄉賢。載《省志》。

江之崑字玉邨。甲寅夏，閩賊吳安邦破常山，入其家，欲降之。公不屈，與次子世晟俱被縛，罵不絕口，賊怒，并斬於縣東關外。妻張氏、長媳曹氏、孫女如娟閨門殉節。載《省志》。

吴悦郡庠生。甲寅，闽变，被执。贼逼之，俾掌书记。公大骂曰：“吾读圣贤书，肯为尔用耶？”遂遇害。妻鲁氏守节。

鲁从昌大街人。明末，战亡。事详《义行》。

詹士遴字伯纯，后园人。幼通经史，弱冠游庠。康熙己酉，贡成均，持身严肃。父邦道任县丞，以醇谨称。公克绍之，事母备极孝养。甲寅，闽变，贼执之，抗志不屈，以酷刑死。

吏吏毛先生捕衙后厢有牌位，止书：国初殉难吏毛先生之位。履历无考，前志失修。今附于此，以志忠烈。

璩恩绶字廷锡，城北人。道光丁酉，拔贡。甲辰，考取教习。官云南弥勒县知县，缉匪严紧，夫妇、女婿俱被害。惟余一子，咸丰六年，议袭云骑尉，世职恩骑尉罔替。

詹承镒字维筐，胡村人。道光丙午，岁贡。性刚正，以志节自厉。咸丰辛酉，粤匪窜境，遇贼不屈，大骂，被贼磕齿、断舌、刺胸，气息仅属。贼退，血糊口不能言，作书示诸生，略云：修己尽在己，勿以死生存亡论也。掷笔而逝。同治丁卯，祀忠义祠，世袭云骑尉。督学徐公树铭挽以联云：贯日忠贞光史册，穷时节义见儒修。知县潘纪恩给烈媿常山匾额。

徐壁隆字久金，元字庄南壁里择人。同治六年，随同楚军迭在陕西鄜州中部及甘肃灵州、榆林川、王家角等处攻剿回匪，阵亡。爵相前陕甘总督部堂左公奏请，从优议恤，赠千总衔，给云骑尉，袭完给予恩骑尉罔替。

从九衔叶继纯湖东人。咸丰八年，遇粤匪殉难。给予云骑尉世职，袭次完时，给予恩骑尉世袭罔替。

六品顶戴杨林淦遇粤匪殉难。给予云骑尉世职，袭次完时，给予恩骑尉世袭罔替。

卫守备詹邦昌遇粤匪殉难。给予云骑尉世职，袭次完时，给予恩骑尉世袭罔替。

理问衔郑瀛遇粤匪殉难。给予云骑尉世职，袭次完时，给予恩骑尉世袭罔替。

从九衔徐茂漳遇粤匪殉难。给予云骑尉世职，袭次完时，给予恩骑尉世袭罔替。

从九衔詹金奎遇粤匪殉难。给予云骑尉世职，袭次完时，给予恩骑尉世袭罔替。

卫千总程肇选遇粤匪殉难。给予云骑尉世职，袭次完时，给予恩骑尉世袭罔替。

从九衔毛德宏遇粤匪殉难。给予云骑尉世职，袭次完时，给予恩骑尉世袭罔替。

从九衔陈钟灵遇粤匪殉难。给予云骑尉世职，袭次完时，给予恩骑尉世袭罔替。

从九衔杨秀峰遇粤匪殉难。给予云骑尉世职，袭次完时，给予恩骑尉世袭罔替。

从九衔吴声举遇粤匪殉难。给予云骑尉世职，袭次完时，给予恩骑尉世袭罔替。

从九衔张崑玉遇粤匪殉难。给予云骑尉世职，袭次完时，给予恩骑尉世袭罔替。

附生黄维翰例加赠盐运司知事衔，并荫一子，入监读书。六月期满，以县主簿注册候铨。

增生黄拾芥遇粤匪殉难。给云骑尉世职，袭次完时，毋庸给予恩骑尉世袭罔替。

附生黄炳瀚遇粤匪殉难。给云骑尉世职，袭次完时，毋庸给予恩骑尉世袭罔替。

附生徐汝楫遇粤匪殉难。给云骑尉世职，袭次完时，毋庸给予恩骑尉世袭罔替。

贡生王脱颖遇粤匪殉难。给云骑尉世职，袭次完时，毋庸给予恩骑尉世袭罔替。

增生徐泰阶遇粤匪殉难。给云骑尉世职，袭次完时，毋庸给予恩骑尉

世袭罔替。

附生王友松遇粤匪殉难。给云骑尉世职，袭次完时，毋庸给予恩骑尉世袭罔替。

附生徐丽照遇粤匪殉难。给云骑尉世职，袭次完时，毋庸给予恩骑尉世袭罔替。

附生江锡璋遇粤匪殉难。给云骑尉世职，袭次完时，毋庸给予恩骑尉世袭罔替。

贡生樊贵贤遇粤匪殉难。给云骑尉世职，袭次完时，毋庸给予恩骑尉世袭罔替。

附生胡树穆遇粤匪殉难。给云骑尉世职，袭次完时，毋庸给予恩骑尉世袭罔替。

附生江原岷遇粤匪殉难。给云骑尉世职，袭次完时，毋庸给予恩骑尉世袭罔替。

附生余德云遇粤匪殉难。给云骑尉世职，袭次完时，毋庸给予恩骑尉世袭罔替。

贡生胡树秋遇粤匪殉难。给云骑尉世职，袭次完时，毋庸给予恩骑尉世袭罔替。

生员徐运文遇粤匪殉难。给云骑尉世职，袭次完时，毋庸给予恩骑尉世袭罔替。

生员杨殿荣遇粤匪殉难。给云骑尉世职，袭次完时，毋庸给予恩骑尉世袭罔替。

生员汪湘遇粤匪殉难。给云骑尉世职，袭次完时，毋庸给予恩骑尉世袭罔替。

生员徐达海遇粤匪殉难。给云骑尉世职，袭次完时，毋庸给予恩骑尉世袭罔替。

## 义民附

徐世绍咸字庄人。八品军功。

余章耀、余文恢、余章黼、余章鳌以上衣字庄人。

徐重阳洪字庄人。

段伍元、江大目、僧沧海、王黄狗、张细有、陈祖祖、饶细金、谢贵生、詹应潮、江招弟、张万福、陈开林、段永才、揭大毛、张乐利、杨良贵以上文字庄人。

徐子忠、汪夏古、唐双福以上民字庄人。

胡瑞堂监生。洪字庄人。

余起凤羽字庄人。

刘世佳监生。生字庄人。

刘吉寿、谢大九、刘天堂、李玉兴、余矮子、鄢秋福、叶永其、严尔祥、赵颠子、刘银海、石秀祉、刘裕端、叶德麟、邓运才、叶老鼠、鄢亮仃、刘树脑、鄢谱仔、饶遂安、段安兴、李分才、叶贵宝、年俚司、严定秋以上制字庄人。

徐士吉

吴初香翔字庄人。

袁士智元字庄人。

黄佐明平字庄人。

王凤海官字庄人。

徐太旭、陈来富、汪运畅、汪广清、王凤源、徐三乐、徐后生、徐毓竹、张草货、邓众家崽、甘南脑、余舍那、余新那、范显章、王际乾、王际坤、汪开钥、汪思古、汪运超、董细招、邱冬狗、甘三脑、邓起喜、王朝元、王际国以上官字庄人。

张发贵、汪聚元、汪炳、汪初喜、邱茂振、汪三妹、黄太博、郑安傭、徐安心、邓有庆、黄太仁、汪承福以上火字庄人。

徐资深成字庄人。

詹肇兴寒字庄人。



王桂林、王方政以上李字庄人。

樊树璇、樊凤翼、樊有基、樊增铠、樊锡禔、樊友金、胡达三、章观元、樊焯美以上水字庄人。

朱南山、邱来富、詹寿宽以上官字庄人。

黄佐祚、黄佐福、黄大仁以上翔字庄人。

潘伯仔、雷小春、潘海水、徐必义、徐应文、潘隆豪、潘遂安、潘舍伯仔、曾草包、曾武生、黄海仔、杨春兰、邱坤生、郑招金、樊云龙、包贵明、雷大春、郑招鹏、陈仕淇、樊三英、杨贵喜、郑舍歪、刘毛头、潘德龙、潘水林、潘海林、洪庚宝、徐友多、陈顺发以上列字庄人。

陈树型调字庄人。

汪老七李字庄人。

樊富登、樊得庆、樊秋英、樊西令、樊三元、陈发连、杨子元、陈尧佐、方舍正、陈绍兴、陈绍殷、陈德周、陈开义、方善有、徐后生、以上辰字庄人。

邱妹妹、应发云以上商字庄人。

裴廷荣、江目川、黄汝光、江起潮、吴木哲以上垂字庄人。

许兆钦天字庄人。

叶士元、叶绍高、叶兆凯、叶三毛占、叶天岁以上辰字庄人。

徐世荣列字庄人。

徐俊榜往字庄人。

徐世高元字庄人。

张诗焯文字庄人。

王朮旺、段元太、谢招发、项光熹、李辉镇、江大英、黄海水、箍桶匠、李辉铉、李辉兰、李辉双、李辉春以上文字庄人。

黄来宝、黄景照、黄景唐以上商字庄人。

王余庆让字庄人。

章大典、徐力哉、许有事、许定定以上商字庄人。

陈世琰、黄庆茂、揭小来发、熊山东、熊狗麼、黄鹅九、宁海妹、宁国周、叶老古以上师字庄人。

段异光官字庄人。

徐起熊六品庠生。地字庄人。

徐日荣元字庄人。

邓那你、张发生、黄胜汉、董细招、黄四俚、甘冬狗、甘三腊、段日高以上官字庄人。

张细理人字庄人。

张圣洲人字庄人。

张牛崽官字庄人。

曾麻子玉山人。

郑世立、郑元庆、郑世龙、郑潮、郑世琛、郑卸妹、郑三妹、汪青海、汪义乌、郑大义、郑三奴、郑天章、郑卸塔、郑廷涨、邓和尚、邓永发、马信儒、周老三、周四宝、曾老、吴兆发、吴景新、吴善吉、吴良有、吴善海、郑大壮增生、吴文潮从九。以上垂字庄人。

方仁元律字庄人。

汪元龙、舒大楷、舒守丙以上宙字庄人。

王树熹阳字庄人。

黄朝金龙字庄人。

郑达壤、郑朝裳、郑庆言、郑庆凤、郑声扬、詹四秋、祝顺当、周有逢、刘云香、曾新俚以上裳字庄。

吴寿发、徐麦菓、徐汤衡、徐云渐、徐璧富以上暑字庄人。

陈顺发列字庄人。

鲁焕霞字字庄人。

鲁舍添丁、鲁福弟、张金荣、鲁昌言、鲁三发、鲁兴寿、鲁三弟、

华老六、洪靠天、鲁顺发、江麻子、鲁炳炳、鲁舍头、唐约金、鲁金长、苏兆玉、唐京可、韩如玉以上律字庄人。

王约义、王文寿、郑秋发、王道青、王田生、王瑞明、王老四、王田古、王老克、王成文、王乌麦、王禄弟、刘克宽、王富、王瑞庭、王耀、郑溱水、王兰花、王卸美、王老五、王熾田星、郑裕松、钟老维、刘兄惠、郑连江、江缸以上让字庄人。

詹德生地字庄人。

徐应运柰字庄人。

杨瑞添、陈智九、陶上元、杨俊明以上河字庄人。

郑令鳌道字庄人。

詹邦利寒字庄人。

鲁传综元字庄人。

徐学彬冈字庄人。

毛纶昇、毛奴才、徐显军、徐星寿、方祺、汪大开、刘老福、张春喜、僧星灿、徐有弟、徐德明、汤山老鼠、叶孤孤以上成字庄人。

李妹妹、应益三以上商字庄人。

魏三金成字庄人。

金士煦黄字庄人。

毛连德、韩金萼、毛兆宽、毛大毛头、毛洪赵、毛显楚、詹永财以上成字庄人。

张开发商字庄人。

陈兰香、陈敏凤、陈治献、叶士凯、陈善、陈诏颀、叶世发以上辰字庄人。

张光钦黄字庄人。

邹大彭、封盛喜、封继喜、李老仔以上下余字庄人。

熊君孙、郑大贬、金小长古、熊金玉、刘芒子以上果字庄人。

丁福周、刘垂发、刘裕恒以上棠字庄人。

黄文洋、黄光祖以上列字庄人。

鲁殿福宙字庄人。

鲁传忠、鲁传书以上元字庄人。

徐世令、徐尚贤、徐莲炬、鲁爱龙以上冈字庄人。

严长杰、郑三发、季大书、季进佑以上果字庄人。

鲁增式、鲁增明以上宙字庄人。

徐钱久洪字庄人。

詹席珍地字庄人。

张开发商字庄人。

方达三、方玉凤、徐志楷、徐志天以上成字庄人。

詹廷高、詹国俊俱地字庄人。

以上采访咸丰五、八年殉难。

叶德枝黄字庄人。

生员舒自芬宙字庄人。

余瑞仪露字庄人。

余浩然露字庄人。

樊文德水字庄人。

陈顺风辰字庄人。

高友夔海昌人。在常贸易。

郑居禄道字庄人。

应何寿、应何发以上商字庄人。

胡彦祥玉字庄人。

叶爱兰黄字庄人。

徐应坦元字庄人。

璩世球光字庄人。

徐步云武生。

徐必华元字庄人。

宁汝昌地字庄人。

詹富华地字庄人。

以上采访咸丰十年殉难。

徐初发翔字庄人。

王广炬衣字庄人。

王永采衣字庄人。

程世镇庠生、程云龙、程履坦庠生、程元杰以上黄字庄人。

胡舍达、樊多金、樊增玉、樊达文、樊文传、樊日拱以上水字庄人。

詹东杏有字庄人。

陈树森、陈树棠、徐田古、徐正钟以上宿字庄人。

徐必银、徐璧和以上元字庄人。

罗文林洪字庄人。

张有仁爱字庄人。

陈曰贞衣字庄人。

王永峻衣字庄人。

郑开山坐字庄人。

徐永簠、徐世耿、徐永茂、徐世红、徐国裕、徐呼目、徐卸本以上冈字庄人。

章德恩商字庄人。

阮正升商字庄人。

胡朝元结字庄人。

朱大枋出字庄人。

杨守正地字庄人。

黎冬贵芥字庄人。

江振唐菜字庄人。

王开基民字庄人。

王光晃乃字庄人。

龚廷栋元字庄人。

谢家富推字庄人。

程起敬黄字庄人。

詹秉涟庠生。地字庄人。

郑廷汾蒙字庄人。

程廷申蒙字庄人。

郑大统蒙字庄人。

郑大绪蒙字庄人。

徐尚贤冈字庄人。

林太原爱字庄人。

江大官

汪德耀子

潘大官

徐永哲冈字庄人。

璩德教、璩德邻以上光字庄人。

翁钟灵元字庄人。

徐广有、徐四宝以上露字庄人。

以上采访咸丰十一年殉难。

王位光监生。衣字庄人。

徐金芝监生。洪字庄人。

徐华杰监生。

陈继周监生。

段清和监生。棠字庄人。

汪康衢监生。乃字庄人。

刘万青武生。

徐凤书监生。藏字庄人。

封德信监生。冬字庄人。

詹聘文僧生。

徐芝楷

詹邦礼寒字庄人。

潘德福列字庄人。

杨得喜、徐资清、韩香山、徐廷煌、徐华棋、汪大荣、徐廷枫、徐显雷、徐显佑、徐大兴、汤金钱、廖癩利、毛大杰、毛连德以上成字庄人。

徐洪水、陈玉阶、詹庆余以上冈字庄人。

陈令彩、郑大你以上道字庄人。

徐子忠、汪夏古、徐太岳、唐双福以上民字庄人。

陈能才坐字庄人。

余顺年寒字庄人。

汪运昌、汪运乾、朱南山、王发来、徐璧耀、汪开阳、汪运和、汪开钰、汪国光、徐毓藻、汪国纲、汪国骏、汪国澍、徐毓彩、徐凤岗、姚如金、邓嘉寿、盛海元、余圣元、甘善喜、姚寿喜、詹寿宽、王金水、张攀海、王治业、徐沛、张耀祖、詹钰钿、孔来富、邱来富以上官字庄人。

王兆荣、詹克家、詹门才、姜福林、姜寿美、姜五凤、姜正富、王成吉、王才才、王国椽、王成裕、彭春发、王人元、洪纯林、王人正、王人成、王人熊、王景廷以上衣字庄人。

许继潮洪字庄人。

曾振光、詹隆豪、詹庆泮、姜正茂、王雅头、卢乔甫、苏库子以上

服字庄人。

王人睿、王景阅、王景闰、王景柯、王言水、王言安、王言清、余文魁、王元士、王元文、王元得、余章达、余孔章、余东兰、余新喜、以上衣字庄人。

丁文远、刘祖望以上裳字庄人。

余斋公、王志熙、王立模、王志钟、王志琮、王志明、王志焘、王志成、王光绍、王光裕、王大悠、汪如意以上乃字庄人。

汪正源、陈水仙、詹星立、程免你、王道次、王道广、王道培、王道修、王凤寿、王耀如、王松林、王开驹、王国明、王钟明、王开信、王钟旺、王敦枫、王德馨、王开铎、王开栋、王钟利、王道侵、郑祈友、郑连纲、郑连生、徐耀水、江可兴、徐登科、林招德、萧贤太、郑善古、余双发、徐采千、赵维明、叶必杰、叶必善、汪常清、汪开业、汪开丰、鲁春喜、汪世荣、余舍香、陈靠天、夏三妹、饶车水、段乐仔、黄柏仔、叶如弟、姚崇诗、张守业、汪三味、段贵子、张黄堤、鲁增益、詹永如、董春仔、王观可、包发宗、郑廷红、郑世庆、曾家老、余新年、徐仲阳、陈招发、黄洪寿、徐殿邦、詹维申、杨万波、刘国荣、黄士春、徐俊秀、叶上朝、王岸、魏金魁、郑世位、王德泰、姜栋梁、程安澜、毛大毛、鲁传书、鲁金水、王德魁、林兰发、叶天秩、黄南精、宁春发、王开元、王开盛、王敦元、王道文、王圣玉、詹兆域、朱元斗、段发宝、徐仓年、罗麻子、程增魁、田赐裔、罗起子、王志瑛、徐裕铎、王志琇、阮新、郑令祥、徐菊兰、徐华岳、徐繁枝、王人朋、邵鹤林、方达三、方玉凤、邱老烟、毛天赦、刘楚裁、程观水、詹维春、樊和官、姚崇诗、张修德、鲁昌善、徐老三、陈银贵、詹邦信、詹兆富、徐庆年、叶必起、王双千、章正贤、徐钿钿、徐维丰、徐老四、孔继铭、毛兆宽、徐登方、徐天佑、詹连义、徐应荣、江新喜、江进宝、冯世久、程必兴、潘长春、詹云时、韩金鹤、徐承美、徐德喜、邵吉彰、毛显楚、詹承铎、郑招兴、徐连三、鲁增



美、揭来发、詹连富、汪舍尧、汪福生、徐聚元、毛招妹、王开俊、姜国祥、徐天培、汪活生、杨光寿、詹永财、吴贵德、袁朝庆、袁国杞、黄汝光、王华庆、吴善德、刘高祖、裴廷荣、江珠地、方国佑、杨松林、许天富、徐那逆、郑雷州、徐立斋、黄天喜、徐舍妹、徐有根、徐大宗、叶广达、徐仅年、郑大谏、徐舍福、郑松绿、鲁顺兴、陈三群、徐顺庆、徐三福、杨老四、史鸿顺、戴三选、胡玉珠、樊妹妹、徐高化、樊西来、鲁道海、鲁舍松、徐如兰、胡哑子、姜大汉、陈双鹤、徐鸿钧、樊连科、戴松文、史桃、程那那、胡兆旺、樊有金、徐舍来桂、胡舍美、陈舍珠、吴如东、吴三你、江兆开、胡爱樊、江押宝、叶兆荣、叶大毛、叶绍荣、徐兆云、胡鉷铭、叶舍毛、胡发贵、胡夫那、詹冬兰、胡利挺、詹世尉、吴寿贵、朱癞头、杨成周、胡树稷、何松林、徐舍安梅、江正相、王海龙、王火炎、吴西西、江秀贤、江春喜、徐应运、江老七、王秉梯、江正兴、朱十友、黄在元、戴姜早、章大典、杨清水、黄景美、朱绍炬、胡舍他年、何有名、樊三良、杨兆花、王秉良、陈桂发、刘金仁、戴三旋、陈安富、陈四发、徐国英、李维龙、程修修、张有仁、林开元、钟有达、徐松寿、何生元、符和尚、戴金文、詹大目、郑兰溪、郑有妹、姜栋果、张朝宾、胡炳文、陈银发、陈遂英、徐货代、徐三麟、陈彩园、余大治、程癞利、江继常、徐安梅、樊秋英、徐萧年、何文高、陈勇子、鲁十妹、樊全、詹兰地、徐俊槐、陈田下、陈约兴、陈古牙、汪永康、胡那你、龚舍才、江世庆、徐六年、陈开你、徐癸音、章得恩、江宗彩、徐德樞、陈兰香、张师祐、陈老开、杨成用、傅三宝合家五人。詹灰顺、胡步鳌、杨成文、徐世绍咸字庄人。

郑水牛、饶天里、徐里水、金炳荣、詹绣球、徐舍那、徐三那、徐应驷、江富来、徐顺庆、王志寿乃字庄人。

王五乙、王少京、王舍胡、余世福、余新福以上衣字庄人。

詹利治、詹捨古、詹章三、詹利穆、吴开寿、詹隆仑、詹才英、詹

发发、廖三山、刘连金、傅春子、郑之春以上服字庄人。

汪开兰、王辉才以上乃字庄人。

王阿毛、王已寿、王老正以上衣字庄人。

徐元高帝字庄人。

王二位、王已明、余其福、王国俊以上衣字庄人。

王国才、曾蟾光、王盛余、吴宝喜、王福海、詹隆对、詹月光、詹玉田、詹隆安、王兆荣、姜起沧以上服字庄人。

王水言、王东喜、王长贵、王牛兰、王宝宝、王福地、陈正习、余秀和以上衣字庄人。

詹明之、詹辉樟、姜谦益、姜亨益、姜如桂、以上服字庄人。

王光挺、王大苍、王抱法以上乃字庄人。

段发宝、徐苍年、朱贵禄、陈良贵以上裳字庄人。

汪振佩位字庄人。

谢连香

周老满裳字庄人。

汪矮子位字庄人。

朱正三裳字庄人。

王志文衣字庄人。

刘老四裳字庄人。

谢安如裳字庄人。

徐甫胜、徐甫江、徐起龙、徐起钱、徐兆安、谢富兴、谢安夫、徐来长、廖凤发、谢广清、张邦仔、段遏仔、王殿兴、邱达斗、余广礼、余遏仔、陈昌富、萧赵子以上推字庄人。

姜国祥、詹庆元、郑有生以上服字庄人。

潘德邻列字庄人。

詹国康地字庄人。

杨祥龄元字庄人。

杨祥泰元字庄人。

陈秋白庠生。

陈少白以上已入《忠烈录》。

以上见《忠义录》。

王大京兰溪人、徐来头江山人、高税鉴海宁人、滕金耀西安人、王永采衣字庄人、段日赞裳字庄人、徐细细商字庄人、汪福生成字庄人、张炳荣海宁人、潘春龙海福子。一家六口、黄兴隆一家五口、陈来荣、陈寿林来荣子。一家三口、汪夏古一家三口、程常亲一家二口、詹老大一家二口、吴贵有、起祥贵有子。一家三口、鲁正贤监生、刘继宠武生、胡树佳庠生、汪开玉监生、朱廷荣、詹国润、詹廷高、徐寿康、胡水有、毛元江山人、徐金凤、徐才俚、程元礼、徐元炳、杨毛头、张显、张文思、程五生、陆德培、金日森、老刘、徐祥光、王舍妹、徐萃棠、周俊调、杨连里、冯陆老、胡韶华、陈清元、黄福生、周叔孙遂安人、老张、杨卸那、宁绥和、徐应凤、杨发林、刘大来、孙明有、汪老揭、包贵明、黄巧脚、周云顺、余已寿淳安人、樊秋英、叶荣、樊荣龄、杨之元、樊三法豆、樊广达、叶春桂、叶老儿、叶金玉、叶三妹、陈海弟、许标、徐正钟、徐近、徐舍安妹、徐舍来宝、徐居孙、谭彩祥、谭东周、徐俊位、刘道祥、余德余、吴老七、鲁兴旺、洪大目精、徐坤塔、黄春夏、王晃俚、张端阳、崔兴茂、彭细山、童启有、李海福、童坤龙、胡芒余、邹昌寿、胡雪贵、胡龙宗、苏一俚、封圣喜、李拔元、邓进喜、吴阳春、郑桂芳、徐德兴、吴贱贱、徐守金、吴大妹、朱三仔、阳忠明、廖玉牙、姜廖仔、曾梅崽、黄伏保、胡春荣、胡荣祖、胡荣、侯细清、侯贵生、冯狗崽、冯老三、吴年生、罗雄俚、顾接俚、鲁德明、毛寿谦、毛大柜、毛俊杰、毛妹豆、汪大开、徐宝深、徐星灿、杨永忠、杨文贵、唐荣弟、刘月俚、刘老满、刘根俚、封大河、单大豆、周连喜、邹三年仔、樊佳人、王树熹、汪

兆榮、張金貴江西人、胡振祉、江作順、江常可、江小安富、胡麥菓、江托鼻、江官福、江國海、胡邦超、江漢水、江三德、徐老才、樊介福、何茂水、李老五、江良喜、樊世祿、蘇國仁、胡玉書、江王弟、樊梅香、李三梅、江德福、江春興、蘇佐茂、樊三妹、江大加、樊加谷、何茂各、江胡生、江金頂、蔣冠元、蘇國茂、江舍壇、江六六、胡達達、顏天亮、江細開、江首業、江丙水、何德陽、吳元盛、江平平、樊躬介、金十全、汪榮斗、江你崽、龔天孫、吳啟善、江名高、樊長庚、黃起連、徐奴才、江火寶、徐洪水、黃文旺、王海龍、江其成、洪天孫、洪肖包、王益枝、王秉良、林天文、楊小吉三、徐應永、陽舍奴才、楊大吉三、陽桂香、林士楊、包立仔、細妹江西人、陽松林、楊俊明、徐開龍、江官寶、樊討飯婆、林士蔴、徐開雲、徐躬如、徐增士、劉沙披、李白老、徐連香、樊大全、陳寬心之子、張麗春、汪五年、王之春、陳士榮、張東梁、陳凡榮之孫、金正寶、江興、張玉成、陳舍老包、胡愛喜、劉四旺、裴通寶、陳君令、江松柏、劉士通、璩五梅、陳大山、朱三歪、林士文、李大老、陳修清、吳善、林士禮、陳恩崽、陳月喜、徐三必花、劉觀山、李天赦、陳修占、吳華官、謝草包、王加名、陳文水、寧三連、劉相青、陳水仙、徐太旭、鄧啟壽、黃文豐、黃廣茂、楊大塔、朱傳英、詹玉佃、徐安新、熊吉化、黃啞子、宋初興、汪正興、魏谷谷、甘東喜、張四妹、孔來富、張國貴、鄭利達、段吉祥、段來發、鄭利仁、甘錢喜、張家順、鄭崔田、朱盛時、方福元、鄭小崔、汪纘周徽州人、徐配元、鄭秀田、舒嘉壽、孫興曾安溪人、張發生、徐舍派、朱大漢、邱宗依、陳新貴、詹士新、平三仔、張茂發、饒項遠、徐文光、徐新妹、汪壽華、陳進富、汪新福、黃討飯、徐致和、饒寶山、詹蘭溪、張茂彩、祝順喜、朱宗包、劉有松、劉老洪、汪揭子、張崑俚、陳開化、鄭遠雙、吳啞子、陳九仔、鄭朝祥、詹華儀、周興祿、張開那你、劉海崽、曾有貴、段安起、夏興壽、李分才、詹妹妹、符芝水、饒歲安、余三辦、黃呆子、劉裕端、鄢土才、趙

祖兴、刘书头、黄和尚、曾冬冬、叶德林、杨舍塔、焉明俚、谢国才、刘荣贵、江前发、李严仔、老徐、徐黄毛、许竹匠、李言仔、严千嘴、吴寿明、袁乐礼、李年崽、郑国那、徐起鲤、刘银海春、严尔祥、郑三犬、张慢盐、胡老老、崔老六、郑朝鸣、韩老大、王廷安、方裕、程社元、李苟仔、林阿贵、郑小冬元、刘川你、张毛牙、汪有有、郑永香、李秋苟、李学发、谢必利、汪乐助头、王定旺、王记宝、李善庆、曾癞狗、刘冬寿、戴松松、翁冬冬、梁登衣、李告化、余连苟、王德聚、陈何何、陈寒路、吴曰贞、缪善发、李九金、汪生你、李连喜、饶从喜、余长寿、饶顺德、何贵、余贱俚、饶召林、邓顺海、曹成高、徐国仓、邱连福、何细龙、郑佩兰、江常山、刘章仗、何虫仁、陈瑞庆、方老五、刘金寿、邹叫发、徐森茂、刘大年、何丑、邹腰兰、魏兴福、谢老五、胡三兰、杨三林、樊纪旺、江富礼、鲍才元、樊麦喜、樊松柏、吴百老、樊家忠、黄爱古、樊呆子、徐有心、老胡江西人、饶双喜、吴文朝、徐兆魁、黄海唐、曾涌泉、余炳、李老五、徐世孙、汪留香、刘后生、鲍士田、黄代光、汪朝新、罗巧子、王华庆、郑廷红、叶必起、徐哑子、陈新田、徐万古、郑连彩、詹有富、徐葵、汪春生、汪舍有、李冬俚、黄乐利、朱老四、李巧子、黄三宝、吴连魁六品军功、张永燧六品军功、王凤翔从九、陈熙垣武生、徐锡谷从九、徐资深八品军功。成字庄人、王元士、徐俊垣、徐炳楠六品军功、徐俊斗、徐应骊、徐璧琅、叶必喜、章锦虎、王双喜、黄正交、黄正昌、叶必杰、王之栋、王三朝、吕福庆、包细妹、黄财明、徐目天、徐长寿、揭找苟、徐招喜、程世统、吴秋香、徐元高、廖连兴、徐绰目、熊狗姑、徐正绍、徐老双、黄金华、江金水、徐三凤、徐天优、张细兰古、祝有光、徐爱寿、汪正源、刘新喜、徐连弟、徐三秋、余五连、刘爱仔、吕老崽、张水头、汪顺、戈起生、詹大春兰、徐聋子、徐寿兰、汪元、徐常有、曾夏宝、汪世融、廖秀进、徐生生、汪小豹儿、詹老崽、徐老大、张矮子、包立仔、曹狗仔、余细古、裴舍开、曾吉庆、陈懋功、刘贵发、刘

茂祥、刘高化、朱帝贤、朱维高、刘德仔、余福寿、曾蛮狗、刘贱兴、章锦飞、朱来金、黄明章、李大脑、汪爱、徐魁占、徐苔苔、徐应烈、刘四四、徐岁新、江来豆、王守庚、汪嘉宁、徐士璧、陈淮尚、罗炳华、吴贱发、徐继生、余日荣<sup>兰溪人</sup>、罗贵星、叶寿三、段桂甫、邱五福、徐载厚、段金发、刘限元、徐麻子、张富兴、官永仔、饶限元、张发生、段光里、黎必如、赵金太、陈殿兵、黎喜明、徐献昌、徐七妹、徐德木、刘福天、姜约兰、张木仔、张大松、张连英、黎喜寿、徐家仔、徐宗仁、徐南正、唐善化、徐起纹、徐配元、徐湘水、徐舍连光、段元太、刘分里、黄老二、项老大、李双喜、王仁玉、郑仕安、李喜崽、李三帝、李大头、余开化生、彭细妹、谢招发、谢炳荣、王大籍、王人祐、王志荣、王志聚、方善善、汪康梓、汪康柱、万梅贵、樊周弟、黄廷顺、陈毛古、陈岳岳、张开方、李妹妹、郑连采、郑大楚、余东浪、黄福福、余西福、刘双喜、刘广致、丁福周、詹隆崐、郑武连、詹隆岱、詹隆塔、詹隆坊、郑致春、傅长春、廖三山、姜献岑、姜猷键、姜良延、姜起沧、姜起诸、卢朝辅、王福海、王成余、王兆荣、彭春发、王星垣、王小妹、王田、王文寿、王铎铎、王道春、王三兵、王交化、王善福、萧贤太、余长子、郑老三、郑连纲、郑善古、郑秋发、徐乐水、鲁老三、徐心川、徐彩千、刘和尚、刘老三、王开乾、王科兴、郑余松、余双发、老维、严寿高、王生年、老余、李简文、徐康诸、郑连横、陈寿喜、徐三乐、徐丙文、徐甫、朱连海、郑金仁、郑来兴、郑中谦、郑钱金、余大典、徐万寿、徐三妹、徐圣发、徐舍兴、徐有兴、徐三发、徐朝乐、汪兆圣、曾矮子、曾仁海、刘三高、李二章、郑连仁、曾木及、曾木秀、黄落利、李建钱、王永寿、徐永祥、甘德福、甘德寿、郑寿山、汪善相、李廷樑、徐大标、林三春、徐高发、郑草包、朱宗悖、徐大仓、郑舍赖头、徐老虎、刘文其、徐观廷、姜押奴、郑忠昌、林春福、曾新富、朱定凤、郑乾袪、郑舍后生、黄隆古、鲁四老、李广显、鲁金水、郑生六、汪大金、郑大周、郑东兰、詹心九、

詹舍妹、叶心元、徐有兴、徐得丙、徐白子、黄莫伎、黄大狮、徐大测、徐五兴、徐卸因、徐何福、徐海水、徐安寿、徐招松、徐天良、徐何明、徐日群、徐文荣、徐廷岳、徐东兴、徐培根、徐雷雷、徐代旺、徐宗魁、徐云兴、徐大指、徐老林、江继宗、刘大兴、翁有福、高金标、黄添喜、章正大、章大辉、徐文正、黄财元、徐乌皮、章大典、张永丰、徐押宝、鲍悦来、黄景喜、黄景祥、徐音清。

以上照县案录。

## 《常山县志》卷五十二

知县李瑞钟修辑

## 循 良

循声远播千古，钦良吏风规然，必地产贤良，而后朝多循吏也。邑自江公少虞、王公汉之以守令发闻，厥后忠信之长、慈惠之师，时时见于纪载。河南吴公治行第一，汉人岂必专美于前？志循吏。

## 宋

江少虞字虞仲。大观进士，为天台学官。寇至，守倅皆遁去，公独率弱卒坚守两旬，慷慨感激，人有死志，首射杀渠魁，贼遂溃。历建、饶、吉三州守，治状皆第一。句祠家居。祀乡贤。载《省志》。

王汉之传见《名臣》。

魏 玘祀名宦。祠乡贤祠。传见《名宦》。

魏 泌传见《名臣》。

## 明

徐 恢传见《名臣》。

何永芳祀乡贤祠。传见《名臣》。

徐 海传见《名臣》。

徐 琦字景韩，里择人。正德丁卯举人。任普安知州。普安，蛮地，公以德化绥之，贼遂平。后条上八事，以却賂遗、广储蓄、杜边衅为首务，议下诸州行之。公余时进诸生讲授《易》义。以荐升武定同知。入覲，抵家，疾卒。

詹 绅字大章，后园人。博学强记，多谋略。游孙忠烈燧之门，燧死宁



藩难，公至军中，迎其丧归葬。嘉靖十二年，以贡授江西星子知县。星子民穷盗藪，公至，劝农桑，兴学校，雪冤狱，弭盗贼，邻郡咸赖焉。以入覲，至吴城卒。子：需亨，南京兵马使；孙：思虔、思谦。祀乡贤。

徐自谨字用谦，南壁人。秉资颖敏，气宇磊落。景泰癸酉，乡试中第二名。授保平推官，调铁岭卫参军。崇文修武，称良佐焉。

詹莱祀乡贤祠。传见《名臣》。祀金溪名宦祠。

詹思谦祀乡贤祠。传见《名臣》。

詹思虔祀乡贤祠。传见《名臣》。

樊养凤字见庭，湖东人。万历癸未进士，考官得其文奇之，拔置第三。任仪征县，清白自持。以入覲，卒于京，士论惜之。祀乡贤。

徐良椽字亦材，号松石，里择人。万历壬午，举于乡。为人方直严正。知郟县。岁稔，创义仓，捐俸赈饥，全活甚众。致仕归，卒。

赵文炜号思麓，宋宗室后裔，坑头人。万历己丑进士。授工部主事，历升黄州知府。时锦衣总旗申敏奏湖广兴国州产丹砂，命大珣陈奉开采，公持大体不肯逢迎奉，诬劾其抗旨挠法，降调，卒。

徐仕陞字立甫，蒋家园人。万历年岁贡。任南海教谕，一以所学造士。摄新宁篆，设方略，剪除盗魁。擢郟县令，兴学省刑，豁虚粮，出冤狱，善政有足多者。

詹承祉字聚侯，号介繁，后园人。崇祯戊辰进士。授长葛令，调兰阳，以文学饬吏治，案牘风清，奸宄敛迹。丁艰服闋，补四川遂宁，德威并著，民徯帖服。邑苦例折驿马价，民多破产，悉除去。又革盐引积弊。公余课士，所拔多名士。以不屑逢迎，挂冠。归后，荐起兵部主事，不出。祀乡贤。

徐冀字伯生，蒋家园人。笃学好义，善属文。由岁贡授丰城令，宽赋役，课农桑，兴礼让，去刑名，爱民如子。备载《丰城志》。致仕，囊无余资。

詹尚义后园人。以贡监授江南宝应丞。上台器其才，檄署县务，兴学造士，剔弊理奸，邑大治。后解粮入京，以劳瘁卒于涂。

徐仕棻字廷芳，号中陵，蒋家园人。性孝友。万历年，由庠生入太学。

授連江縣丞，洁己愛民。委署縣篆，興利革弊，邑民戴之。致仕，卒。祀連江名宦祠。祀鄉賢。

徐潮字宗信，蔣家園人。由邑庠入太學，授贛州參軍，砥廉隅，勤職守，奉公愛民，利興弊革。漳、贛二州咸呼父母。

徐仕賢字廷用，蔣家園人。任福建邵武縣丞，民有以逋賦鬻妻者，急割俸代償。署縣篆，清風如古。秩滿，升淮安大河衛經歷，設義冢、義學。後引疾歸。

徐士廉字靜予，球川人。由儒士萬曆三十四年選授應天府檢校，察中官偽印。府尹奇之，委管龍江商稅，量移邳州州目。時隔屬礪山、靈壁大水，巡漕御史蘇惟霖檄取修堤萬丈，三閱月告成，因力荐，為中官所抑止。升荆府典儀。

徐學臣字見殷，仕陞子。弱冠，受學方青峒先生。以諸生入太學。父官鄆縣，委治家務肅然。父歿，事母，不忍離左右。迨母歿，始就蓬萊丞。邑經擄殘，輅背盈路，瓦砾載道。公出家貲，修官廡，抚疮痍，集流亡。後遷廣西府經歷。

## 國朝

程萬鍾字帝錫，觀音閣下人。康熙甲辰進士，積學能文，詳瞻典雅。授山西介休令，以廉勤稱，多惠政。

詹人訓字錫明，後園人。以恩貢任黃安知縣，有冰蘖聲。作養士類，所拔多貴顯。門人張希良督學兩浙，題祀鄉賢。

徐開錫字晉九，號定山，球川人。性孝友，擅文辭。幼喪母，哀泣如成人。九歲，祖母疾劇，剖股以進，疾頓愈。嘗肄業武林六台山，意氣磊落。由明經考選縣令，初授直隸深澤縣。丁外艱，復補河南杞縣。鋤強紓困，興利剔弊，兩邑有聲。遷彰德丞，疏蓄水利得宜，分溫、巩疆界，通安陽河，以利舟楫；筑高平渠，引洹水，以灌田，凡七十餘里；除網罟陋稅，輯和民人，郡人戴之。祀名宦。有《誠求堂文集》六卷。祀鄉賢。載《省志》。

詹广增字如川，后园人。康熙乙酉举人。累官至武定府知府。清慎爱民，洁己奉公，多善政，有召、杜风焉。

徐洹瀛字沧远，号鹭峰，球川人。由太学考取，任江西南成县令。丁内艰，服阙赴补，升授陕西巩昌府。时值兵兴，军务殷繁，奉宪命，由西亭历土番大草滩、雪山下，崎岖塞外，不避艰险。军功告竣，旋授延安府。持身正直，有以私嘱托者，必峻拒之。剔弊除蠹，胥吏不敢夤缘为奸，故撤下所属，奉行维谨。后授直隶广平府，内迁刑部江苏司员外郎。留心案牍，屡平反大狱，无所回护。后引疾告归，卒。

徐金位字西垣，水巷人。以乡贡教习，拣发楚南，宰桂东诸邑，署常德粮府，调河南新野、夏邑等县。其在新野，地居下流，时有水患，疏川泽，通沟渠，大小相受，以达于河，沿河筑堤，民不知劳，水不为灾。夏邑亦厄于水，开筑如新野。新野蝗灾，竭力扑灭。著《捕蝗事宜》一册，上宪采之。历任十一县，兴利除害，有惠政声。子达仁，字璋亭，由拔贡登戊子乡榜，任昌化训导。

詹兆选字圣健，号万峰，后园人。乾隆二十六年，例选两淮泰州盐分司运判，严灶厂，稽夹带，私枭敛迹。富安、新兴河港沙积，海潮不时骤至，纲引每致沉溺。公详请借帑兴挑，盐艘挽运，过坝坦然。又丁溪、小海、刘庄、东台四场荒地，灶户报升岁纳银三千五百余两。其地近海，朝朝夕汐，耕作不成，连岁赔粮，迨比困苦。公叠禀大宪，详具情形，达部豁免，灶户戴德，立碑泰坝以记。三十二年，例授刑部山西司员外郎，俸满京察，升户部江南司郎中。执法奉公，权衡平允。后以病告归而卒，惜未尽其志。

詹兆驹字圣皎，号白斋，后园人。由监生援例任山西安邑之路村中仓场盐大使，升江西赣州府会昌县令。剪除凶恶，民安其业；修葺学宫，设立义学，建造城隍庙，扩充基址，有废必兴。壬午，虎乱，亲领壮役猎户往逐，虎患以息。摄瑞金、石城二县，又署上饶篆。莅任之日，适西乡洪水陟发，即亲诣验勘，捐俸按口散给，民忘其患。又革除一切官价饹糴，总额粮米一万一千余石有奇。额外向有陋规，浮收折色，取诸民间，公使纳糴者自执响挡，革除浮收等弊，百姓呼为召、杜。俸满旋里会，邑绅耆攀辕遮道，有民之父母匾额自送来常。铅山熊枚、武林袁枚诸名士各有赠诗，淳安周景柱为之传。

姚士湖字錦川，號芸間，大東門人。弱冠游庠，旋食廩餼。乾隆辛酉，舉于鄉。考授覺羅館教習。期滿，選山陰教諭，又任分水訓導。諸生以詩文就正者，循循善誘，士林咸仰慕之。以本科截取，授福建永定知縣。清慎愛民，案無留積。建鳳蘭書院以課士，修育嬰堂以保赤，邑人士沾其德化，作《德政歌》以誦。將調繁劇，因年逾六旬，即辭歸。言旋之日，紳耆餞送者，駢肩接迹。歸里后，又與同志徐二崑、邵柄元等倡修文昌閣，以振文運。生平敦孝友，睦姻任恤之行，族黨猶傳誦焉。

詹兆騫字聖楠，後園人。由附貢生援例任兩淮新興場鹽大使。在任三載，恤商賑飢，卒于任，正直為神。今衙側建設廟貌，商民皆禱祀焉。

徐之琳字照華，號碧堂，球川人。例任湖南辰州五寨巡檢。地屬苗疆，民性慄悍，威惠并行，無敢犯者。辰城無汲道，公素諳堪輿，按方浚井及丈，泉涌，取用不竭。民感其德，顏其亭曰徐公遺井，亦甘棠之意云。

## 補編

### 元

汪文璟定秦間進士。初判余姚，號為廉平。擢翰林編修。詔擇循良，復以文璟知是州，任德弛刑。有豪武斷海濱，按治其罪。教誘諸生，身課其業。歲旱，徒跣禱于山川，七日得雨。海寇竊發，官兵壓境，從容應之，百姓晏如。去后，懷思不置。元末，兵亂，避地余姚，因家焉。

《常山县志》卷五十三

知县李瑞钟修辑

## 文苑

王公中甫与眉山二苏，同举制科，而邑之文章闻天下。迄今清流美士，接踵而兴。其山水清淑之气，于是焉汇乎。邦家之光，非闾里之荣也。志文苑。

### 宋

江 汉字朝宗。性卓犖，博学能文，尤长于诗。为密州通判。时秦桧为郡博士，掌笈表，汉每指摘窜定。高宗欲用之，适桧相，遂乞休归。载《省志》。

### 元

徐思永字仲修，蒋家园人。庭琇三子。体质清俊，家学渊源，博通经史，善诗文。以明经任本郡蒙古学正，建学明伦，士民兴行焉。

### 明

徐 贞字孔安，蒋家园人。赋性慷慨，卓犖不群。永乐甲午经魁。任武城教谕，葺学宫，修祭器，勤课督，士风丕振。以终养告归。

徐希仁字宝山，蒋家园人。永乐辛卯举人，乙未明通榜。授抚州训导，升棠邑教谕。讲学以诚敬为宗。尝修葺学宫，赈恤贫士，士多造就焉。

鲁文潜赤石人。勤学绩文，才行雅飭。举人才，授中书，擢侍仪长史。宋濂为作《居易斋铭》，孙蕢有《武昌赠别》诗，俱载《艺文志》。亦贤喆之流亚也。

徐仕櫟字廷材，号九陵，蒋家園人。秉性孝友，潜心理学，课弟侄，收宗族。以贡司铎宜阳，月有课，季有试，庠士赖造就焉。

毛应雷字惊百，球川人。崇禎间拔贡，博学负文名。选授衡山知县，以母程年老，辞不赴。

徐元辅字国卿，蒋家園人。为人朴诚，言行皆可坊表。初训萧山士，敦孝悌，务实践。继迁云和，率迪如初。解组，士犹怀之。

徐名臣字见可，蒋家園人。赋姿英敏，学有本源。以贡仕于闽，历任三黄，士风丕振，恬于仕进，授县令，告归。祀汀州名宦祠。

徐忠元字元初，纯臣子也。天姿颖敏，好学不倦，终以数奇屡蹶。所著有《五经会纂》、《史略》诸书。

鲁 鹄大街人。岁贡生。敦行力学。任海门训导，作育人材，克振士风。姜君格、崔君桐皆出门下。年老乞致，足迹不入公庭。乡里穷乏孤寡者，无不周恤。邑侯称其齿德兼优，请为乡饮正宾。

徐廷生字思皇，名臣子。开继善诱，至老不倦。讲经睦州，三郡观听；属文闽汀，两省著名。授训分水而卒。

郑元徵字长仁，坑头人。质性颖敏，穿贯经史，诗文倚马立就。为人端方耿直，从游甚众，经诱造，皆成令器。弱冠食饩。以康熙壬子岁贡，授奉化训导，兴学造士，循序有条。年八十三，卒于官。

## 国朝

王文龙传见《乡贤》。

詹 渠字问许，在泮曾孙。康熙十二年岁贡。能承家学，淹通经史，兼工书。建五里亭，舍紫港渡船，又其泽物之仁也。

王问愷字虞臣，芙蓉人。康熙戊午举人。性端恇，言笑不苟。研精经传，与及门讲贯弗倦，超然物外，不计财产。

徐 雯字尔简，里择人。岁贡生。志趣高旷，不屑章句学，酷好经史。陈介眉、仇沧柱两先生皆为推服。与钱塘赵晋襄先生交尤契。绝意进取，讲

学南壁精舍，学者多宗之。

詹西来传见《乡贤》。

詹修来字帝永，西来弟。少敏慧，十岁能文。中州杨侯赏之，拔置第一。补弟子员，食饩，益肆力经史，为文千言立就，试辄高第。痛母蚤世，不及侍养，遇节旦，悲泣不已。事父与继母，倍笃孝敬。与二兄，友爱无间言。生四子，俱游庠。年五十而卒，士论惜之。

吴珽字右将，号丰亭。幼敏悟，读书文笔峰下，每同人社集，日不移晷，数艺立就。小试，辄冠一军。年十三游庠，十五食饩，以戊寅拔贡中顺天己卯亚魁，癸未成进士。官翰林庶吉士。居乡慷慨任事，凡修建学宫及桥梁、道路，辄首倡之。著有文稿、诗集行世。

徐三秀字紫仙，水巷人。少孤，事母陈氏备极色养。母卒，哀毁骨立。诗文博雅深秀。壬子房荐，以额溢见遗。抚孤侄长华成立，食廩饩，孝友慎密。博极群书，与子长泰，俱以诗文名。以孙金位贵，赠文林郎。

徐烈号雪村，球川人。岁贡生。博学多识，少有神童之目。孔公秋岩修辑县志，采访之功居多。所著书籍，载书目。

詹锡嘏字公纯，号学山，后园人。由增贡生授州司马，敦伦嗜学，秉正不阿。襄造金川书屋，藏父义庵遗书。府尊靳公讳树德，嘉其品学兼优，甚相器识。孔公辑修邑乘，旁搜博采，赞襄实多。康熙间，重修学宫，任费任劳。雍正八年，清丈，举为都公正。后独建武帝庙于文笔峰麓，以资官司朔望告虔。凡邑之公举，靡不竭力以董其成。公之文行，洵足为后学津梁云。

郑世球字天玉，浮河人。淹贯经史，品学兼优，孔邑侯深器重之。设义学于文昌阁，延为师，多来学者。嗣修邑乘，实为将伯之助。由岁贡任慈溪县训导，风铎所传，士林奋兴。与胞弟恩贡生世璟，友爱无间。璟亦性端凝，嗜学不倦，一门竞爽，人称二难云。

詹元宾字蓼观，号梅友，邑增生，后园人。博通经史，多识前闻，老宿咸钦之。雍正元年，修辑邑志，与徐公雪村、郑公天玉及其族人詹公公纯，参互考订，前令孔公称四友焉。

徐璟字景玉，里择人。屡荐不售，以岁贡任德清学训导。生平博学能文，尤长诗赋，为邑侯孔公所推重。著作甚富，惜多散佚，其存者载《艺文志》。

邵志谦字炳元，坑头人。淹通经史，多集旧闻。督学李公聘致幕中，足迹历数千里，见闻益广。后以拔贡任金华汤溪谕。引疾归。所著有《竞辰山房诗集》、《同怀集》及《邵氏庭究》、《常山逸志》诸书，俱见《经籍志》。

江维新字绍文，栟楮人。岁贡生。天分高旷，性情豪宕，下笔千言立就。文学熊钟陵游其门者，皆蜚声夔序。读书数文书院，齐息园、宾东皋两先生甚器之。所著有《五经释义》，惜未付梓而毁焉。

樊之钟字介臣，号与斋，绣溪人。生而颖异，能读父书，为文醇厚，诗笔恬雅。事亲克尽孝道。弟之鏞早逝，抚遗孤若己子。以贡授遂安训，造士有方。凡有裨于学校者，无不修举。及告归，优游林下，手不释卷，皓首齐眉，五世同堂。年八十五，无疾而卒。

詹启璋字章玉，后园人。天资颖悟。甫八岁，祖国宁授以《太极图说》，辄晓其旨。甲寅，闽变，流离困苦，不废研诵。笃叙天伦，孝事父母。以明经为桐庐训，端方自持，士敬礼之。告归，年至九十三而卒。

王锡黻字绣南，里仁坊人。邑诸生。性端凝，不苟言笑，博极群书，尤明于《礼》。问《礼》者，必就之。因俗迷于释老，著《崇正》、《诋斥》二集。家本贫，萧然深巷，授徒讲学，甚自得也。时与诸前辈饮酒赋诗，哀然成集，藏于家塾。

徐之旻字广仁，隔街人。岁贡生。性严正，博学能文，深于经解。一时庠士，半出其门。虽数奇不遇，而文名藉甚，所著有《诗书汇解》行于世。他如造紫港桥、修饶溪桥诸公事，无不竭力尽心。子谢斗，庠生，能承其志。

王滋藩字价人，里仁坊人。邑廪生。受知学宪雷公。多病，药白书槌，旁午左右，年二十余而歿。数夕，父锡黻梦其絮语若平生，呈一诗于几曰：一树石榴花，荣落何不一？荣者多结子，落者不结实。虽然不结实，人人皆爱惜。爱惜复爱惜，落瓣红的的。可谓有夙根者矣。



徐金阶字台三，邑廩生，水巷人。孝友克敦。闽变后，查修远代坟墓，睦宗族，和亲戚。以《五经》应试，屡荐不售，士论惜之。

徐瑞元字毓三，里择人。性孝友，积学敦品，慷慨仗义。乾隆间，屡董修学宫。旋以明经选嘉善训导，日与诸生论文说诗，著有《菊园诗稿》二百余首。子孙多列胶庠，贡成均，不失为诗礼传家云。

徐始岳字嵩山，里择人。恩贡生。世承家学，为文雅健雄深，立品端方朴讷。授徒讲学，寡交友，慎言笑。家世清贫，读书而外，他事不知，有淡泊宁静之风焉。

鲁锡荣字仁则，大街人。岁贡生。学问笃实，立品端方。设教开邑，人士争师事之。常与及门张汝垒读书龙山寺，苦心孤诣。乡闾屡荐不遇。至今开士犹称道之。

徐之苏字眉山，邑廩生，里择人。寄情诗酒，家虽贫，取与不苟。晚益好谈程、朱，立教严而有法，人咸钦之。

徐达仁字璋亭，号沧屿，金位子。事父母，克尽孝敬。品行端洁，学问渊深。终日兀坐一室，左图右书，俯读仰思，有得书之，所作诗文甚夥，著有《四书释义》四卷。乾隆乙酉拔贡，登戊子乡榜。任昌化训导，半载告归。尝曰：读圣贤书，当实心体验，方于经籍有所领会。年六十二，疾革时，犹作诗文不辍。

詹绍治字廷颺，号卧盦，胡村人。性嗜学，工词赋，家多构书，甲乙丹黄皆数过。为人雅静端严，敦行尚义，好奖励后学。年逾八旬，手不释卷。有《五经辑要》、《南湖草薰弦集》藏于家。

陈树德字滋亭，大街人。贡生。秉姿颖敏，持己端方。经书子史，无不览诵，尤精于《易》，每卜必验。为文，举笔千言立就，可为后学楷模云。

樊树典字殿敷，号悼斋，绣溪人。砥志励行，沉酣经史，制艺独出，机杼不落恒蹊，兼善诗词，试辄高等，督学宪公以国士目之。肄业数文书院，山长齐息园先生一见称赏。乡闾十数科，屡荐不售。文名藉甚，惜未偿愿以歿。至今士林犹称慕焉。

詹廷元字鷄荐，号松崖，后园人。郡廩生。性孝友，品格端方。淹贯经史，博学多才。凡著作，下笔千言立就。乡闈屡荐不售。士林咸推重之。

陈树基字肇周，号师竹，大街人。忠厚持重，力学不倦。平生不轻臧否人物，诗文而外，兼善书画。以拔贡生任景山馆教习，期满引见候选知县。回籍后，旋以病卒，士林惜之。

姚玉霖字时若，大东门人。郡廩生。淹博经史，工诗文，试辄高等，乡闈屡荐不售。贫乏膏烛，尝执卷就灶下借爨火映读，又于屋旁三圣庙疏灯下披卷。吟哦穷年不辍，惜未偿其愿而歿。

叶世衍字圣宗。幼时甚颖悟，能读父书。性纯孝，无忝子职。举优行，屡荐乡闈未售，竟以诸生终，士林深惜之。

徐兴霖字犹龙，郡廩生，水巷人。髫年鼓篋，志切穷经，日以考据为事，二十余年旷然有得。著有《井田图解》，为图百有二十，各系以解，以经解经，不肯盗袭传注剩义，书成上之。学督朱士彦极叹赏之。明年，召赴崇文书院。时进见谓所著清庙明堂各图、乡遂都鄙诸说，独能排众论，阐以卓识。又于各图细加评论，其得蒙奖饰如此。

徐晓日原名襖，字兰渚，水巷人。性醇谨，植品力学。家虽贫，怡然自得。淹贯群经，讲解深得朱子真詮。督学刘凤诰极欣赏之，命江邑诸生延为师，凡十余年，门下士多得力者。顾艰于遇，久困名场，以明经老，时人惜之。

邵志晋字梅屿，坑头人。志谦弟。性爱山水，尤醉心龙山，著有《理情集》。叶承《同怀集》叙略曰：逾钱塘溯富春而上，为诸山之窟。而常山，最居其上流。余所历黄冈、球川、芙蓉、赵公岩，皆谪伟奇怪，而龙山尤秀出。余至常山，得邵梅屿，又从梅屿读其兄岷云诗，始信球川之气郁而有所钟也。见阮元《两浙輶轩录》。

邵良材字肩宇。年少为邑诸生，试辄高等，食饩后优游自适，足迹不履公庭。辟卷勺山房于鹭鹭山峡，疏泉剔石，种竹栽花，徜徉其中。二三良友，茗碗棋枰，谈诗论文，备极雅人深致。教授生徒，极一时之盛。

徐瑞龙里择人。邑廩生。性长厚，好善。邑通江桥圯，造木桥以济行

人。博学能文，喜作制艺，卓然名贵，不染时趋。著有《池北草堂》，制艺行世。

樊廷济字凤翔，郡贡生，绣溪人。淹博能文，尤长于经学，屡试辄高等，学究吴公以真才目之。一时庠士争托其门者，几至屣满焉。著有《汇解》，未付梓而歿。

江开谦字吉占，邑廩生，芳村人。博通经史，擅文艺，工诗律，英年即蜚声庠序。著有《醉墨制艺》，未及梓付劫灰，士林咸惜之。

徐云鹏字琴友，号秋亭，拔贡生，水巷人。品行端方，通经史，试辄冠军。甲辰膺乡荐，额溢见遗。遇郡邑中善举，无不洁己奉公，以底于成。光绪三年春，选授绍兴府嵊县学教谕，未及赴任而歿，阖邑人士深悼叹焉。

## 《常山縣志》卷五十四

知縣李瑞鐘修輯

## 武功

襄治以文，戡亂以武，二者並重。倘能為國家著功績，干城之選，腹心之寄，匪異人任也。志武功。

## 宋

張 琮字伯玉。自館陶徙居常山。少有勇力，隸太祖帳下。周顯德中，太祖從世宗南征，擊十八灘砦，為戰艦所圍，一人甲盾鼓噪而前，眾莫敢當，太祖命琮射之，一發而踣，淮人遂却。攻壽春，太祖乘皮船入城壕，城上軍弩遽發，矢密如雨，琮以身蔽矢，中股死而復蘇，鏃著髀骨不可拔，琮索杯酒滿飲，破骨出之，血流數升，神色自若。擢典禁軍，累遷都虞侯、嘉州防禦使。後為石漢卿所中，賜死。太祖旋悔之，優恤其家，以其子幼，擢其兄進為龍捷副指揮使。

詹 蒙彤舊人。收寇有功，授武經大夫、江南六宅副使。

樊 充字德輝，綉溪人。通經史，善謀略。靖康元年，以能武舉，欽宗命帥師御金，号令嚴明，士卒用命，擢為司農少卿，尚徽宗主，拜駙馬都尉。子桓，字濟民，官至翰林學士。

徐國鎮字定夫，靈山人。宋湖南安撫使希賢六世孫也。封千戶侯，率兵捍寇，雄杰軼倫。以國勢日非，理宗末棄職來常。疾革，命以戈甲從殯，以表厥志。

詹文佳彤舊人。任樞密府干辦官。

## 元

汪妙元橫畝人。以守城功，任開化主簿。

## 明

袁 颜字婉容，圆通寺前人。姿禀颖异，好学明经，精究韬略。洪武戊寅，以太学生授温州卫指挥。海寇攻城，颜率兵力战，歼戮渠魁，寇畏遁。升本卫都指挥僉事。正统间，福建沙县邓寇作乱，镇抚檄颜从征入闽，设计搜捕，累立战功。巡按李震上其事，擢山西都督府，卒于官。子孙世职。

项受童一名忠，坑头人。父福三，以成造海船，戍大宁前卫。忠代役，积靖难战功，授本卫百户。后调甘州。世袭。

胡储同尚书正裔孙。初以力士征。正统土木之变，护驾有功，复辟擢直殿将军。

华 景字孔贤，豸里人。以明经举于乡。正德间，西寇犯境，臬司储公清廉知其才，以濠岭为贼出入咽喉，命主其寨。景炼乡勇，固营垒，而寇获歼，特授保定府新城知县。

徐云龙球川人。以御寇有功，授正千户，镇守本邑博望乡。

詹永亨后园人。例授宣义郎，上助边银五百两，题授昭勇将军、杭州前卫指挥。

杨 瑢特岭人。上助边银五百两，题授指挥。

唐 埴所埴人。上助边银，题授杭州卫指挥。

## 国朝

詹国宁字惟忠。邑廩生。剧寇李能七纠众焚掠居民，国宁破产鸣官，求发兵剿捕，获之。中途脱走，复啸聚怀玉、永贵间，不入常境，人称国宁御暴之功焉。

徐一禧蒋家园人。康熙丙辰，平定耿逆，以乡勇有功，总督李公之芳擢为才官，军前效用。

邵 锐字德毅，金川人。勤敏有干济。正德间，姚源贼掠境，父为义官，锐代父应命，竭力尽智，指画悉中，不信宿完功。宁藩谋变，内官假操练收兵为应，锐为司寇胡世宁、太保洪钟容赞成举奏，全浙克保无虞。

## 《常山县志》卷五十五

知县李瑞钟修辑

## 孝 友

惟孝友于兄弟，施于有政，所以事君，所以事长，道不外乎是。邑之以孝友见称于宗族、乡党者，代不乏人懿矣，志孝友。

## 宋

慎知礼载《省志》。传见《杂记》。

徐 杓字德渊，蒋家园人。大兴孙。性孝友。潜心六经。训子侄以家学，砥行乐善。以子梦麟贵，赠端明殿左金吾御史大夫。孙庭琇，至元间，领乡荐，举博学宏词。科甲相承，代有闻人。祀乡贤。

## 明

詹 肇字廷初，后园人。素醇谨，律身有度。母年七十余病剧，肇割股和药以进，病良已。其后族孙璇、族曾孙整，咸以母病继行之，殆所谓爱其母以施及者欤？

邵信贤字启明，大街人。少丧父，事母以孝称。母病，躬事汤药，夜不解带。母年九十四，病将死，信贤时已七十，母嘱曰：“我今年老，汝亦老。我死，汝慎勿过哀，恐成疾。”母歿，信贤于丧侧缉茅为窝，枕块而卧，朝夕哀恸，得疾以终，与其母同日葬焉。子：思祥，景泰辛未进士，仕至思南知府。

汪廩生字文禄，石桥头人。父绍能早卒，母徐年甫二十余，即谢膏沐，事舅姑甚谨，抚育廩生，备尝辛苦。廩生稍长，业医，以供甘旨，情礼兼至。母尝患目疾，百药勿效，廩生舐之旬日，复明。母寿八十有七，廩生亦六十有五。正德六年，巡按御史张公承仁以闻，诏旌其门曰节孝。十一年，巡按御史宋公廷佐请为建坊。

周信良小东门人。早丧父，其母年十九，守节至九十。母尝被火伤足，信良朝夕忧泣疗治，及瘳乃已。母卒，庐墓三年。

汪悦字德进，石桥头人。甫三岁，父行贾亏匱，流离二十余年，莫知向往。悦育于母。稍长，时时向母问父状貌，知左胁有黑痣，欲求之而无资斧。比业医，颇得资，访知父在山东，乃裹粮蹶屣，四年始得之济南郡中，解胁验之，良是。父子相持而哭。父于旅邸，已别娶，生女赘夫，遂以家事付其女夫而归，奉养二十余年以寿终。悦年八十卒，人以悦为今之朱寿昌云。与宾席一十五次，邑令张公克文再礼其庐；歿，为文躬祭之。

徐员字必方，东门人。少孤贫，母及三弟：曰进，曰安，曰掌，糊口散四方。员稍长，迎母归养。自以居积致货，遂召诸弟归，进先至，次召安，后欲召掌。二弟有难色，员谕之曰：“义不可以利制。使弟可弃，吾不得与子先共哺糜矣。”二弟悟，掌亦得归。业成，母取百金劳员曰：“为汝女结婚费。”员顿首谢不敢。员，卒年八十。子琳，任广西府教授。

徐光增字懋能，里择人。天性孝友。任北直兴州前卫经历，因亲老，辞职归养，寝膳必躬亲，孺慕罔倦。居乡谦谨，与物无忤，足为人伦表式。

詹烈字德芳，号一泉，后园人。幼颖悟，笃志力学，毅然以斯文自任。操履端洁，兼饶经济，一切备边、筹饷、盐法、水利、农田、屯政诸要务，俱究悉端委。父歿，庐居墓侧，昼督工筑，夜勤课读，凡三年。五子皆才，次子某任金溪，惟以清慎为嘱。孙在泮。受覃恩诰，赠中大夫、江西左参政。

徐文周字元质，里择人。邑庠生。家贫力学，事亲孝，族里推重之。父启谏北上廷试，授司训。还旋劳瘁疾，寓僧舍，医药不起，停寄山房。约次年某月日，酬僧迁柩。次年，如期至，僧曰：“此孝子也，敬礼送之。”及回，丧葬尽礼。监察御史左公光先给匾旌之。

詹荃字时夏，号少川，后园人。赋性颖敏，与兄某齐名。兄贵，益刻苦自励。事亲孝，母为沸汤裂肌，辄割股疗治。兄某为作哀铺诗，悲弟之能返哺，而已不及也。恩贡生，未仕卒。

杨振声郡庠生。少孤，祖母徐、母张俱早寡，虽家贫不给，必勉备甘旨

以進，極盡孝養。巡按牟公云龍旌之。後祖母年九十，母亦年八十五，卒。

徐純臣字見山，蔣家園人。以國學授縣丞，嗜學好義，不願以職養，故終身不仕，依依庭帷，人無間言。

詹存省字景曾，後園人。尚義子也。父因解糧抵京，歿於塗。存省甫弱冠，代完公務，扶柩以歸。孝事繼母。性慷慨仗義，然諾不苟，身與賓席。以子承社責，封長葛知縣。

樊尚友年甫十歲，父乘華以良醫舉，道被寇傷，幾死。尚友禱天，願以身代，父得生。尚友後為良醫，活人甚眾。

叶文泳麻車巷人。早喪父，母唐氏年甫二十，矢節撫孤。唐失明，醫藥勿效，吁天割股以進，双目復明。誠能格天，不愧一門節孝之旌。

鄭公勉岩口人。性孝友，勵廉隅。居喪，有黃赤芝二莖產於庭，二鳩巢於梁，乳哺自若。服除，以國子舍任莆田丞，鋤強扶弱，理冤獄，却饋遺。莆令劉公玘重其廉介，以兄禮事之。天順七年，告歸。

## 國朝

徐光宏里擇人。閩寇亂，母樊年逾八十，宏負母避山洞中。有群鳥噪其上，賊迨搜山，宏恐賊覺驚母，叩首號天，群鳥忽散，人皆以為至誠所格。因露宿水溝，染痲疾卒，里黨稱孝云。

詹攀桂後園人。父早歿，事母姜氏孝謹，母疾革，早夜焚香，願以身代，母遂愈。金衢道夏公尚綱旌之。

魯守訓西郭人。母董氏病劇，守訓刺指瀝血，繕疏請代，母病遂愈。父時順年八十，病垂死，守訓割股和藥以進，亦瘳。金衢兵巡道李公獎之。

毛元丰貌頭人。家貧，年四十，無妻。母徐患痲疾臥床，元丰早為食奉母，晝即販菜街市，取贏余以供甘旨，閑則取母廁諭浣滌之。里中皆稱孝子。

鄭夢旭幼喪母，繼母陳氏携故夫之子醜于鄭，虐待夢旭，旭未嘗有怨色。及父歿，夢旭事繼母益虔，無巨細必咨稟。久之，母亦悔。待繼母弟夢龍友愛尤篤，真至性過人者。



陈师贞字亦可，郡庠生，本所陇张从明第三子，因嫡姑适陈四教无出，遂抚为嗣。弱冠，遭闽变，四教被掳，贞相从难危，卒免于难。奉二姓父母，同居侍养数十年，两得欢心。平居率先输课，乐善好施。孝义之声，彻于远近。督学汪公试士三衢知之，举优行第一。乾隆四年，邑侯黄公、府宪杨公详请给帑建坊。子四：长君英，次承祖，三君莱，四承本。以承祖、承本仍归张宗。

徐日耀字文映，球川人，监生。授州同知。闽变，父被掳，冒死奔赴贼营，昼夜号泣，愿以身代。时年甫十三，贼义释之。

詹凤仪字韶成，后园人。邑增生。九岁丧父，哀毁如成人。事母尽孝，兄三俱早世，抚侄如己子，皆成立。性嗜学，工书法，当代名公卿咸器重之。雍正六年，详请给帑建坊。

徐肇锡字元章，小东门人。生四岁而孤，母朱氏矢志抚之。锡先意承志，温清定省无倦容，与弟肇锦相友爱。又乐与贤士大夫游，穷途困乏者辄赠遗之。抚宪张公以孝友风世榜其门。

徐昶文字志卓，里择人。天性过人，两次刲股救亲，孝闻族里。康熙三十八年，掌教张炎之志恬淡，寓意丹青，萧然自得。

舒衷曲水巷人。生有孝质，母徐氏目盲，饮食必亲尝乃进。病时，躬奉汤药，未尝稍离。邑令杨公给匾旌之。

徐涛南壁人。幼丧父母，事伯叔父母惟谨。甲寅，闽变，幼弟为贼所掳，涛冒刃赎之。兄病，汤药必亲尝，宗党称其孝友。

汪叔度下宋畈人。孝事父母，家贫，必备甘旨。病侍汤药，历寒暑，衣不解带。及卒，庐墓哭泣。友爱同气，终身不忍析产。知县项公时亨请为乡饮正宾。卒年八十二。

徐宪臣南壁人。事亲先意承志，孝闻里党。性好施与，扶危救难，晚近所难。

鲁国继明季，父为贼所掳，日夜号泣吁天。分产，以膏腴让兄。事寡姊四十余年，克尽诚敬。举充乡宾，郡守张公奖之。

徐明纲字公振，里择人。善事继母无少怠。生平秉仁守义，姑姊寡者

三人，皆賴以安全。邑宰楊公沈委建城隍廟，勞費兼任。舉鄉飲正賓。

詹日炆字鳴卿，後園人。邑庠生。幼以孝名。分產，任兩弟擇取，人情以為難。查餉部使臨衢，以捏報拖陷者甚多，炆力為申辨，得脫。兵燹後，學宮祭器多缺，倡義補復，名存碑記。

張朝器縣前人。幼孤，事母徐以孝聞，撫弟朝忠友愛尤篤，宗族貧乏者周之。立義冢，建橋修路，樂善好施。

徐錫德字克明，蔣家園人。少孤，事母江氏甚孝，事孀嬸如母，撫堂弟任俱篤恩義。性慷慨，樂善好施。郡守姜公、邑令楊公俱為立傳。有《孝友錄》行世。雍正六年，旌表純孝。

陳世康湖東人。父應錫，邑庠生，為偽總統吳安邦所執。世康聞之，馳往求以身代，始得免。賊見世康狀貌雄偉，逼授偽劊，不屈，屢以兵刃脅之，曰：“吾寧死，但不獲侍二老，九泉難以瞑目耳。”系賊中半年，宵旦悲號，賊心動，釋之。

徐應增字兆公，南壁人。事親，曲盡色養，承歡無間。繼先啟後，睦族賑貧，善行足多云。

詹采字載臣，後園人。邑增生。孝事父母，奉寡嫂極盡禮。常邑開麻山，多獲厚利，采獨堅却之，保全枯骸，尤為隱德。

徐致遇字行甫，里擇人。事母盡孝。順治己丑，拔貢。授訓導，以養親不就。讀書南屏精舍，編《續表貞傳》、《南壁》諸集。邑中公事，如請豁賠糧，倡修橋梁、官坝，歲歉賑貸鄉里，設粥救飢，皆盡力為之。

徐之羣字梧高，里擇人。邑庠生。學院汪公以其文根據性理首拔之。母疾，朝夕扶持，頃刻不離，以勞瘁卒，士林惜之。

徐敦禮字仲寅，塔山下人。天姿穎悟，博通經史。雁行中多螟蛉，敦禮孝友性成，曲體親心，析產一如同胞。所著有《醒世俚言》傳于世。

趙叔廣字汝厚，坑頭人。閩變，父被擄，牽衣号慟，賊以刃脅之，引頸愿以身代，得釋。母老，兩目失明，以舌舐之，啣指血和藥以進，斯年復明。撫弟叔慶，登癸巳恩科。邑侯張公給匾額旌之。

徐德明字峻生，里择人。少颖悟。年十六，游庠食饩，督学咸器重之。事亲尽孝。与弟析产，推肥取瘠。且乐善好施，周贫乏，无吝色。作家训遣子，有义方。

樊之鑛字天朗，邑廩生，绣溪人。尧廩之继子也。尧廩卒，跣踊成礼，水浆不入口者七日。母病，躬视汤药，衣不解带，吁天请代。及歿，哀毁如丧父。既葬，庐墓侧二十一年，竟以哀毁成疾，遂不起。雍正八年，题旌。

徐灏字景梁。甲寅，耿逆陷城，父锡德被掳，酷刑索饷。时，灏年甫十四，以身蔽翼，叩颅流血，曰：“宁箠我，勿伤吾父。”贼义两释之。后父患喘疾，侍汤药，衣不解带者五载。及歿，殓葬尽礼。庐墓三年，亲旧以礼相绳，注曰：“吾久侍左右，何忍置亲独处荒郊也。”族人有争产者，经年不释，灏谕之曰：“若辈第知有产，亦念先人原属一体乎？”欲割己产以平之，争者感悟，乃释。又好以孝勉人。有豫章卢姓者，与灏交好，久不归者。灏再三促之，且厚贶。及归，母病且笃，未旬而卒，卢甚感之。其锡类如此。

鲁树仁字重渊，大街人。大学生。为人持重，知大节。丧父，时以不常事为憾，每岁节必啜泣。事母孝。其弟强年去世，家道中替，抚孤侄犹子，分多润寡，藉以成立，遂至少康。其行谊有足多者。

徐瑞麟字廷瑞，增广生，里择人。性孝友。幼失怙恃，善事继母。有盗砍其祖茔树木者，麟只身保护，几至殒命。兄亡，事嫂抚侄。侄无禄，又抚其孤，二代孤寡咸赖安全。邑侯吴公举为乡饮正宾。

徐肇纲字伯三，溪上人。髫龄丧恃，哀毁若成人。未几，父亡，呼号欲绝。事继母以孝闻，抚弟永统成孝廉。有姊适江孀贫，肇纲多方周恤，且为经理建坊。及继母病，侍汤药，衣不解带者累年，偕室杜亦尽孝礼。母病笃，祷天乞以身代。歿，绝而复甦者再。五日不进汤水，甫周七，以过哀致疾卒。学究周特奖以敦行可风匾额，西安冯世科为之立传。

樊文煜字觀光，岁贡生，绣溪人。醇厚和平，事父母，备极色养。父母卒，哀毁动人。每逢忌日，必泣。其待人，一以诚信，不防其欺。家虽落而学弥笃，手不释卷，教读以终其身焉。

魯化鵬大街人。甲寅，閩變，母子避難，為賊冲散。尋獲，母已被賊傷肩，化鵬吁天愿以身代，奈傷重遂亡。号痛悲悼，三日不食，亦死。

樊見恒字孔基，湖東人。例貢生。為人質直，秉性孝友。父病，侍湯藥，不離左右。母以年高目盲，見恒口舐之，目復明。與弟廩生見聖，友愛無間。建桥梁，造涼亭，同心一德，顏其堂曰恒友，有長衾大被之風。學究周公以純孝性成獎之。

徐俊士字越賢，邑庠生，里擇人。厚重簡默。幼喪母，善事繼母。析產時，不問多寡，視後母弟如同胞，弟亦感而敬之。讀書刻苦，為文篤實沉摯，多從名士游，以冀一售，惜有志未逮而沒。

樊見濤字晴川，邑庠生，綉溪人。先意承志，年逾指使，高堂具慶，庭帟和怡，有老萊風。及親歿，哀毀哭泣，猶孺慕焉。人咸稱之。

舒炳字輝章，水巷人。遺腹所生，事母以孝聞。兄早世，嫂徐氏殉節，炳為請旌建坊，肖像構祠以祀，不惜重費。為人誠朴，與物無忤，建嶺河石橋，克成先志，其善行足稱焉。

徐京字瑞喈，塔山下人。孝親敬長，視諸侄猶子，聘名師，培植訓誨，皆列膠庠，舉明經。素能詩善書，刊有《種菊簡易》、《四書句讀頓連》。由武孝廉任揚州衛千總，以老乞休，年八十而卒。

徐堂字志高，里擇人。事親孝，母疾，割股以治，病遂愈。兄弟五人，式好无尤，雍睦之風有足稱者。

徐俊驄字逸駿，里擇人。不讀書，而孝友出于天性。父歿家落，娶妻生子，以食指繁，益貧无立錫。虽肩挑謀生，仍糲糶不給。乃奉母命，令妻歸居岳家，每日自為餐供母，夜則伴母宿，按摩捶背无倦容。母言，无是非，只遵无违。母愛少子，驄以愛母，故并愛其弟。勞則獨任，从不推諉。凡母之穉器褻服，亦躬親滌之。及母歿，哀毀尽禮。妻姚亦賢，母家居二十余年，以紡績佐進甘旨，嘖嘖里党，无异詞焉。

詹璇后園人。詹肇族孫。母病久，割股為治，負痛飲泣以進，母病已，能自支持。卒不幸早天，人多傷之。

邵普盛字禹茂，□□人。明太祖平定云贵，迁江浙间左并诸掾吏实其地。从兄禹弼例应迁，普盛念宗子不可远徙，慨然请代，不惮万里，荷戈以往。邵氏宗族获全，奉为不祧之祖。

聂绍枢字峻伯，号铎庵，大学生，白马埭人。敦天性，明理义。生平制行无亏，尝恐貽先人羞。母有疾，朝夕奉侍汤药，不解衣，乡里以孝称。湖南宁乡知县吴联奎有序，载家谱。

汪嘉辰字在田，邑庠生，藕塘人。敦孝道，笃友于，与兄皓首欢聚，无间言。里党有争讼者，多方以解之。尤好施，乡人多感焉。

樊兆澜字观水，邑庠生。性纯孝，博学而能文。亲有疾，侍汤药，朝夕不解带，吁天愿自代。及歿，哀毁骨立，恹恹失所依。所著有《石樵诗稿》。国子监璩安宽有传，载家乘。

胡注字释经，洪家淤人。攻苦下帷，常念孝思。家虽贫，啜粟尽其欢。母病笃，刲股投药以疗之，病愈，适院试，遂入庠，宗族称孝焉。

郑肇挺字秀天，号荔坪，邑廩生，阁底人。家贫力学，不慕纷华。尝以端方励后进，性孝友。避发逆乱，负亲陟峻岭，备历艰险，卒无倦容。歿后，乡人咸惜之。

舒廷清大学生，水巷人。有孝行，善事亲，甘旨无稍缺。道光丙戌冬，母病剧，药无效，清刲股以进。事参详家谱。

朱益祥字友三。性谨慎，而孝友尤彰。咸丰间，避乱深山中，母病剧，焚香默祷，愿以己寿增亲年，里人咸赞之。

徐康推字庄人。性敦笃厚重，而少文。父病，亲侍汤药，朝夕不离侧。及病笃，吁天默祷，愿减己寿增父龄。时年甫十八，乡里咸称其孝云。

徐赓颺字乐清，郡庠生，溪上人。性孝友。每遇事，必曲体亲心，晨昏亲定省。母病危，吁天刲股以疗之。工书法，邑文庙“宫墙数仞”四字，即其遗迹也。

《常山县志》卷五十六

知县李瑞钟修辑

## 义行

行而宜之之谓义。其类不一，要在随时随地见义必为，心无或歉而善有可称，斯足为乡间树范也。志义行。

### 宋

江景房载《省志》。传见《名臣》。

### 元

汪琳载《省志》。传见《隐逸》。

### 明

詹斯字宗理，后园人。性质直，好义乐施。馆宾李仁病疫，仆隶不敢近，斯躬与寝处，药饵扶掖不怠，卒与俱免。歛商汪兰来余逸四十筹，召还给之。岁除收债，至东门王高四家，见其馁，反给薪米慰遣之。既高四复为周杰系去，竟死杰家。他如代输以释逋系，焚券以止鬻妻，敛遗骸，修桥梁，义问遍远近。年七十余卒。

江铤载《省志》。传见《儒林》。

徐启孙字彦沃，里择人。乐善好施，捐谷一千五百石助赈。正统七年，赐敕奖谕，劳以羊酒，旌为义民。

江道南道渊玉渡人。处家雍穆，百口共爨。隆庆六年，巡按谢公赐屢世同居匾额旌之。

徐泮字宗儒，里择人。隆庆五年，建义塾于西郭。万历间，输粟二千

石，储义仓备赈。邑侯傅公良言、唐公之屏详请题旌，给冠带义官。

徐永躬东门人。成化二年，捐米二百石助赈，授七品冠带。

华芹字文献。弘治辛卯，奉诏出粟八百石赈荒，旌为义官。

徐德裕彤弓山人。岁凶，捐谷千石赈饥，全活甚众。府、县上其名，诏建坊旌之。

郑泐象湖人。岁饥，出谷八百石助赈，多所全活。巡按御史请旨，建尚义坊旌之。

徐晶字时莹，蒋家园人。宽仁敦朴，尝自言：“不能执中，无宁过厚。”其志行如此。二子：汇、洙，皆以乐善好施称。而官坝之役，厥功尤著云。

徐深字碧潭，里择人。性慷慨，仗义好施。建慕仙、栖云二亭，捐贲助筑官坝。万历八年，输粟千石备边，奉旨奖给冠带。

郑良相字以忠，冰溪人。天性孝友，慷慨好施。万历己亥，岁饥，输粟三百石。邑令沈公仪范申其事，都御史刘公元霖颇捐资助赈，额奖之。

徐汇字宗达，晶子。为人谦恭和易，乐善好施。如建宗祠，筑官坝，悉捐重贲，举乡饮宾。以子仕陞贵，诒赠文林郎。

徐洙字东鲁，汇弟。好施与，救穷恤匮；输粟义仓，筑造官坝；葺关帝祠宇于迎恩门外，以己地益之。

徐仲允东门人。天性孝友，慷慨好义。吉水人李陈玉赴春试，途遭强徒，踉跄来常。允奇其状，延至家，善款待之，厚赠以贲。陈玉登进士第，任嘉兴令，劝允就仕，允辞。陈玉闻其事于按院，举乡饮大宾。

徐国文字经甫，蒋家园人。由庠生入太学，授经历。恤宗族，赈乡邻，割己产助祠充祀，邑人士推重焉。

## 国朝

郑元标字准明，号尔瞻，象湖人。以邑庠援例授州同知。性正直，仗义慷慨。以常邑丁口缺额，捐贲请免加课。子瑞光，克承父志，邑人士至今德之。

徐光曙字启明，里择人。文京长子。事亲孝，乐善好施。遇偷儿避之，不道姓名。庄人失火烧仓谷，不责偿。谓彼亦被灾，多以衣米周之。析产，以膏腴让弟侄，一切房屋器物皆辞丰就约。邑侯项公时亨、杨公梦吉皆旌之。

赵任熹字元晦。性勤慎谦厚。上急输将，下悯贫乏。训子云：“行事须存天理。为人莫失本心。”二语尤堪醒世。郡侯靳公“以德重乡”评褒之。子叔庆，癸巳举人。

毛惟仁球川人。与詹吉辉友善。耿变，吉辉携家属至惟仁家避难。未几，与母、妻相继而亡。惟仁咸丧葬之，又抚其二子成立。其敦义如此。

舒德奇水巷人。生平好施不倦，遇疾苦，即倾囊助之。族里皆称其义。邑侯邱公特举耆宾。

徐鸣骝传见《理学》。

徐开锡球川人。雅擅文辞，以孝友称。幼失恃，虽在稚齿，哭泣之哀，过于成人。尝以不得事母为恨，故其事王父母尤谨。九岁时，曾以割股疗祖母剧疾。尤重气谊。

徐开鳞字六书，球川人。生平循慎，乐交游，敦气谊。捐资首创建文昌祠于石潭水口，以振兴文运。丁亥，岁歉收，购米平糶，设粥赈饥，里人德之。

汪士辉字吉甫，上宋畷人。仗义好施，捐金以济族中不能嫁娶者。或授以券，立还之。遇道路饥寒，周以衣食。邑令闻其善行，延为乡宾。

詹日灿后园人，兆卿继子，本姓黄。曲尽孝敬，尤极好义。尝购球川社令坂水碓一所，里人金谓此碓不利地方，日灿立焚其券，舍为闲地。晚年，生子五人，次广增登康熙乙酉乡荐，次广文雅工书。五子皆以广命名，盖广字中含黄字，志不忘所生也。每念生父母，岁时望空拜泣。为人谨厚，邑宰宾礼之。

郑文光浮河人。郡庠生。品行端严，嗔笑不苟，人多畏敬之。生平以坦白取信，凡遇乡邻构衅，辄援古人孝友已事，谆切劝谕，靡不油然而感悦，地民息讼者四十年。家规又极严肃，子孙循循规矩，不逐时趋，可以见貽谋之善矣。



周家林字茂生，大街人。素性好善，尝施棺立义冢，收埋枯骨。歉收之岁，出费运米赈济，名闻当事焉。

江淇字渭南，屏山下人。秉性宽厚，持己端方。作舟楫，设桥梁，修义冢，建庙宇。邑侯宋公以力行善事奖之。

郑春熙浮河人。侃直仁恕，雪郑广冤诬。遇道瑾，棺敛之。岁饥，买米助赈，生平好行其德，举乡饮寿官。

徐良藩字树翰，里择人。醇谨敦厚，克尽孝友。康熙二十九年，邑令杨公感梦建造城隍庙，委为董首，劳费兼至。举乡饮宾。

樊鼎字自公，郡庠生。为人孝悌，扶难济困。顺治间，运解南粮，克勤王事。年逾百龄，间党矜式。

徐之洪小字天寿，里择人。樵子也。读书仅记姓名，先畴不盈十亩。乙亥，螟患甚，鬻田进赎长吏，易米附官廩以平糶。暮年，方娶，生一子世志。邵义山作《里樵歌》表之。

王锡祉字惠繁，里仁坊人。六龄失怙，赖母氏徐保护而安。幼颖悟，习举子业。乃以事母故，身入成均，善理家政，先业隆起。尝检篋有借券未偿者，慨然曰：“昔之贷以贫故，今不能偿，是愈贫矣，犹留以为后日累乎？”悉焚之。赴人之急，无吝色亦无傲容，间党称长厚焉。

徐世埏字亦爽，溪上人。孝友笃实。其先由上村迁溪上，历代叩墓，岁久倾坏，逐一修筑。更置祀田，建家祠，得尊祖合族之义。邑侯秦公奖以世德作求匾额。处乡党，慎取与，重然诺。治家庭，敦朴素，守勤俭，义方督率。二子殿雄、殿彪，皆举武孝廉。

徐学至字焕章，邑庠生，里择人。仗义好施，乐善不倦。捐田亩于义学，以充膏火。又舍产同善会，为埋葬遗骸、修理孤冢之费。更捐田于祠，以助祭。凡有公举，靡不竭力勤事云。

张荣孙字开甫，所阮人。十五丧父，事母孝，抚二幼弟成立。分产，让多于弟。弟亡，抚侄。侄亡，又抚侄孙。婚娶教养，悉出己资。凡造祠宇，建桥梁，慷慨无所吝，岁荒倡蹻。县主汪洪宋送匾奖之，秦公举乡饮。八十四，

无疾而卒。子松敬，承父志，人称有范氏遗风云。

**鲁世润**字斗山，大街人。安分守己，存心好施。乾隆九年夏，洪水为灾，捐资修紫港桥。邑侯洪公赠匾曰好行其德，郡侯同公旌曰利涉大川。十六年，岁饥，又出粟赈贫，减价平糶。邑侯宋公奖以积善之家。

**徐伟龄**字杰士，邑增生，形弓山人。端方正直，里中雀角鼠牙，无不为之排解。邻庄有争讼者，得公一言，亦皆冰释。其地桥圯，人多病涉，捐资改造石桥，往来称利济焉。

**樊见泽**字丽川，号莲溪，绣溪人。秉性孝友，持家勤俭。尤仗义好施，凡周亲族、恤孤寡，捐建亭修路诸善事，举行不倦。以廩贡生任乌程训导，迪教有方，士林式之。

**鲁从昌**大街人。明末，贼寇四起，从昌年甫十六，集乡兵御之，力战阵亡。妻毛氏闻夫死，亦投井而亡。

**鲁文哲**字继十，大街人。监生。举乡饮正宾。孝友著闻，年逾耄耋，片词不入公门。为人乐善好施，惠沾亲族而无德色。康熙六十一年，岁荒，出粟赈饥。府宪朱公颜其额曰积德昌后。县东二十里溪口，为通衢要道，独力建造石桥，行人便之。

**王振源**字晓星，里仁坊人。例授州司马。弱冠丧怙，奉萱庭数十年不懈，无意仕进，性好施与。嘉庆壬戌，岁大祲，人艰于食，采买接济，饥者赖焉。抚宪以义高指困奖之。外港浮桥圯，整理成功，费千金不惜。邑建城隍庙，先出重资为倡。尝置秋字庄山二号，土名宅山湾，计税九亩零，为义冢。他如建学宫，赈邻里，慷慨无少吝。子廷杰，亦授州司马，能承父志，增修浮桥。壬申修志，踊跃襄事，不愧乐善之贻谋云。

**汪廷桓**字景荣，西川人。忠厚宅心，见义必为。偶于亭畔拾得遗金，立俟其人还之。乾隆十六年，买谷减价平糶，邑侯秦公给匾奖之。

**江天从**字德纯。太学生。以勤俭起家，而好善不吝。尝独修广济桥，又建新溪桥。砌金川门外两岸石坝，袤延至虎山下数百丈，以保护义冢。年至九十九卒。孙兆元，尤善继先志，见义必为，贻谋足式焉。

郑启江字孔武，附贡生，闲邨人。为人慷慨好施。乾隆癸卯，邻村水灾，囊火尽绝，运米济之。庚戌，久雪，村中贫者，赠以棉絮、米炭。至于修道路，培古墓，见义必为，人咸称之。

樊树绩字殿奏，号丹墀，绣溪人。以廩贡生任会稽、永嘉训导。为人慷慨好义，居乡时，赈贫济困。凡邻里婚嫁丧葬，多仰给焉。在任所，振寒微，恤穷苦，造就多士。为上宪所器重，以疾卒于官，士论惜之。

樊树型字殿则，附贡生，树绩弟。积学能文，尤耽吟咏，兴之所至，击钵可就。富而好施。岁饥，出粟赈贫，村人赖以举火。他如建桥，修路，舍棉，施药诸善行，至今犹啧啧人口云。

鲁锡卿字云彦。邑庠生。色养父母，敬礼尊长。克勤克俭，遂致充盈。建家祠，以奉祖先。置祀田，以保坟墓。又尝捐田于十王庙，又置田于北门文昌阁。乾隆九年，洪水，乐善桥圯。与弟锡玉，字在璞，克承父志，重建石桥。府宪同公奖以利涉是资匾额，邑侯秦公为之记。

徐彩麟字帝微，国学生，赤坞人。质直好义，事亲无违。乾隆十六年，邑大饥，捐米平糶，以资民食。邑侯宋公以淳质风怀匾式旌奖之。

徐国泰字圣交，庠贡生，里择人。性仁厚，有古长者风。弟豫早亡，抚侄如子。又倡鳩金兰会，立义冢，收埋无主棺骸，义声啧啧里党焉。

徐世汀字罾水，附贡生，溪上人。性慷慨好施，于乾隆九年洪水，汀适寓招贤，雇舟拯男女遭溺者以百数。他善行多类是。

徐世芳字汝芹，溪上人。性刚直仗义。有残其祖墓者，芳以保祖自任，不辞劳怨，先莹以安。本里吴山寺僧田数十亩，皆其先人所捐给，被僧窃售他姓，芳一力控赎请禁，佛烟赖以不替。又进香九华，路拾遗金，俟其人还之。年九十，享上寿卒。

徐光奕字学山，里择人，邑庠生。性仗义。乾隆十一年，同建紫港桥，邑侯宋公奖以行人颂德匾额。十六年，出粟赈饥，宋公复奖以德厚行笃四字。子孙昌炽，人谓行善之报云。

王位鯉字鹤川。太学生。厚重简默，慷慨慕义，遇岁饥，捐资助赈。犹

独修道路数十里。子金生，能承父志，今犹口碑载道。

汪 度字伯容，石桥头人。天性敦笃，父欽若授徒须江，家务悉委度，因谢制举业。家居，孝友无间，行事卓越，乐善不倦。倡同善会，掩骸埋骨。举乡饮上宾。

江应祖江家村人。冠带义官。明季，时和粳粟，以赈济贫穷。

张 沛字霖苍，附贡生，察院前人。少失怙，事母以孝闻。为人质直好义，尤急公，凡倡捐书院，建造桥梁，无不踊跃从事。遇荒年，即减价平粟，贫乏者济之。子文铨、文鏞，俱乐继父志。

汪廷相字佐臣，芳村人。于甲寅闽变时，有族弟失怙恃，贫不能堪，廷相割己产与之。荒年辄平粟，凡庙宇、路亭、桥渡、义冢，一一修置，无遗力。

聂心传字贻训，岁贡生，白马埭人。好读书，明大义。克尽孝道，倡立祠宇，慨助无吝色。进士吴联奎为立传，载家乘。

袁瑞煌字辉光。邑庠生。性和厚，行端方，顺以事亲，亦信以接物，里党有雀角争者，曲为劝化，即冰释。尤急公，嘉庆七年饥，越境运米济平粟，且捐资相助。

洪文基字立本，国学生，号字庄人。敦友恭，恤贫苦。嘉庆壬戌年，旱，平粟，济乡人。

洪奕统国学生，号字庄人。质直好义，每遇荒年，倡首出谷输平粟，乡里多仰之。

徐元坦字列三，北乡鲁里人。急公好施。道光辛卯，饥，出谷减价平粟，贫民赖以济。乙未，复大饥，又捐资助赈。

璩之璧字国璋，貌头人。行正直，性慷慨，乐善好施。甲子辛未，遇奇荒，捐米资平粟。并助修溪桥，行人歌利涉焉。

邵梦梁字列山，象湖人。慷慨，明大义。族属不能举婚葬者，竭力持赠之。嘉庆七年，饥，弃产运米资平粟。知县徐映台旌为义民。儒学详请，充文正讲生。

汪 容字超士，下宋坂人。读书尚义。乡里有争讼者，每曲为解释。

性好施，尝为粥以赈民饥，修路以便人行。康熙癸酉年，举乡饮正宾。

胡肇陞字列上，太学生，胡村人。立身端方，为人慷慨。购石砌路，捐资造桥，乐善好施，事难枚举。道光十五年，饥，出余谷，以济贫穷，复行平糶，活人无数。

何秉杰字式万，邑庠生，绣溪人。性豪爽。凡宗族乡党有睚眦者，无不善为调解。咸丰八年秋，粤匪据华镇，大兵由江邑过常，屯杰村，乏粮，杰劝捐供给，上宪深器之。

江廷序太学生，绣溪人。性慈和，敦孝友，尤慷慨好施。每遇岁饥，辄减价平糶。人负己债歿时，尽以借券付诸火。

徐显节字用荣，球川人。暮年乐善，近村中亭梁道途遇有坏者，捐资修建，无吝色。

王在泮邑庠生，彭川人。秉性慷慨，遇年谷不登，囑子弟宽田租。每岁腊雨雪时，乡邻有不给者，辄搜囊橐以与之。歿后，李奈二庄老幼咸感焉。

樊峻魁字越群，太学生，绣溪人。勤俭居家，慷慨仗义。道光十二年，邑患饥，民艰食，峻捐资设局赈济，穷民沾其惠。

郑是祥字兴周，太学生，象湖人。有至性，好义行。每遇岁饥，辄赈济。族党亦咸沐其惠。至建造寺院、凉亭，修置桥路、渡船，犹余事也。享寿九十三岁。

## 《常山县志》卷五十七

知县李瑞钟修辑

## 介 节

范史《独行传》，有取于狂狷。谓其有所不为亦将有所必为，进取亦将有所不取，尚矣。而不屑不洁之怀，严取与。于一介操行俱绝，不事圆通。秋月晴云不足以方其介特，所谓志刚金石、意严冬霜者，非耶。志介节。

## 宋

江 袤字仲长。乐道自守，不干州县。清风远韵，壑壑逼人。绍兴四年，谢克家守衢，首加询访，遂以才行奏闻，得以遗逸召见，除编修所删定官。抗疏，辞免还山，士大夫以节高之。

## 明

郑公勉岩口人。以廉隅自励，尝还吴绶之馈。江右都宪韩公雍嘉其廉介，优礼之。

徐士贤蒋家园人。徐洙子。官邵武丞，署邑篆。有匿金于茶者，立叱还其金，凛凛不可干以私。后引疾归，惟以山水自娱。

## 国朝

徐洪理字仲玉。平生不欺然诺，不苟取与，亦未尝妄交一人。

《常山县志》卷五十八

知县李瑞钟修辑

## 隐逸

邑自赵公鼎与范公冲白龙冈唱和，而高不仕之节者，闻风百世矣。顾隐居求志，行义达道，征求遗逸所系，岂浅鲜哉！志隐逸。

### 宋

江 袤字仲长。妙龄，随父通议公至京师，枢密使曾布以女妻之。还乡，闭户读书，穷日夜不辍。元祐八年，补太学生，飘然有山林长往之兴。再丁父母忧，哀毁不已，结庐墓侧，以孝闻。宣和间，方腊作乱。时常山已毁，袤避地严坑，率乡兵，团保伍，训练有法，无侵軼之患。袤乐道自守，不干州县，清风远韵，暨暨逼人。赵鼎、范冲相与縻和，与李光、叶梦得、赵子昼交游尤契。绍兴四年，谢公克家守衢，首加询访，遂以才行奏闻，得以遗逸召见，除编修所删定官。抗疏辞免，还山，士大夫以节高之。

### 元

汪 琳字清远，宋畷人。幼孤，奉母孝。母卒，庐墓三年。事兄森甚谨。家饶于财，岁歉，必以贷，贫不能偿者亦不责焉。立义冢，葬亲族之贫不能葬者。元至正初，浙东僉事余闾察其行义，辟之，固不就，以寿终。祀乡贤。

徐庭琇载《省志》。传见《儒林》。

江 匣字叔载，侍御跻五世孙也。少魁伟颖悟，博学能文。隐居授徒，衢、信、徽、饶学者多宗之。其弟江孚、江起，门人徐恢、程谦、叶余庆、程澥、翁何初等俱登第，余鸣、何祐、江贞、徐涣皆中选。其子仲锐为邑校官，至今学者犹慕其遗风。

## 明

徐湖西乡布衣也。尝题诗草萍驿壁。聘君吴与弼康斋见诗悦而访之，湖杀鸡、出脱粟饭对食，康斋大喜，曰：“不负此行！”人比之郭林宗之与茅容云。诗载《古迹》。

徐文表隔街人。闭户读书，吴康斋应聘，道出常山，偶步至文表书斋，题“好古”二字赠之。

## 国朝

徐文京字德赞，里泽人。郡廩生。太仓州同知良材子也。性仁厚，以孝友传家。博学穷经，尤好《左氏春秋》，邑人士金受业焉。定鼎后，诸生履劝就试，京赋诗见志。以次子光皓贵，赠文林郎、山东新城知县。

詹人駟字日千，后园人。明季诸生。定鼎后，蓬首垢面，不事修饰，慷慨悲歌，佯狂终身。

徐洪理字仲玉，号蛰庵，球川人。崇禎间，补弟子员。定鼎后，不求仕进，隐居授徒，立训严而有法，虽盛暑不脱巾袜。平生不欺然诺，不苟取与，亦未尝妄交一人。葺漱石山房，多藏书，研精弗辍。有《前朝历科会元墨选》、《三衢人物考》、《蛰庵诗集》藏于家。

王宇春字酒村，宛虹五世孙。家贫，性廉静，不慕荣利，精篆刻。杜门不出，家徒四壁，宴如也。



## 《常山县志》卷五十九

知县李瑞钟修辑

寓 贤入籍附

邑自南渡以还，衣冠毕集。过江名士，半属簪纓，断梗飘蓬，偶然栖泊，楚材晋用，岂得已哉？至官游托足，怡然有终焉之志，盖诚有乐乎山川风俗之美焉。志寓贤。

吴 祐字龄交，饶州白塔村人。举进士。清泰二年，来守衢州。解印绶，居常之绍德乡。晋高祖天福五年复起，守汀州，仕至银青光禄大夫、检校工部尚书兼御史中丞。俗呼吴金紫云。八世孙嘉进，为江山教谕，迁居梧峰。其后有汉阳知府嗣宗、新安县尹明、延平府照磨蒙端。

赵 鼎字元镇，闻喜人。传见《名臣》。与范冲、魏缸同隐黄冈山，有《三贤唱和诗》。后死吉阳军，归葬十三都石门山。时，长子先卒，次子汾又为桢所执，逼招反谋，值桢死，得释。长孙蕴，为尚书；次孙谥，嘉泰初为潮州守；六世孙箕翁，任泗州总管，因留家焉，见《迁徙》。其在常子孙甚微。正统九年，分巡金事欧阳哲询访，止遗二孱。迨嘉靖八年，知府赵可与求之，则已绝矣。因以同姓故，使修靖王子孙赵廉守其墓，为置祀田。今奉祀生赵慎、赵洁皆修靖裔也。

范 冲字元长，太史公祖禹子也。传见《名臣》。奉祀，居邑之叠石，卒年七十有五。子仲羔，任从政郎。

魏 缸字邦达，历阳人。传见《名宦》。寓邑僧舍。丁母忧，卒于丧。次子钦承、钦绪、钦弼，俱登第；孙泌为永州通判，后仕至户部尚书，除直徽猷阁，升亚中大夫。其子孙居上埠，又散处西安、玉山、开化等处。

汪应辰字圣锡，初名洋，玉山人。未冠举于乡，赵鼎延置家塾。绍兴五年，年十八，廷对擢第一，改今名。除金判镇东军，居鼎幕府，事悉谄焉。往从张九成，所学益进，召为秘书正字。会秦桧方主和议，应辰直言当思患预防云

云，忤桧，出判建州。请祠归，寓常山永年院。一室萧然，饘粥不继，益务修身讲学，浩然之气裕如也。起判袁州，会赵鼎死珠崖，扶丧过郡，为文祭之。改判静江，广州流滞。十八年，召为吏部官。母老乞外，知婺州。丁内艰，庐墓。服阕，除秘书少监，权吏、户二部侍郎兼侍讲。后以数文阁待制知福州，居二年，举朱熹自代，进直学士、四川制置使。因刘珙荐，召还拜吏部尚书、翰林学士兼侍读。论畏天爱民六事，与庙堂议不合，又陈良祐摭旧事讦奏，应辰遂力求去，以端明殿学士知平江。韩玉谮之，连贬秩，卧家不起。淳熙三年二月，卒，年六十。应辰最笃友爱，祖业悉让兄，至衢无屋可居，不顾也。少从吕居仁、胡安国游，见张栻、吕祖谦深器之。子逵相继登进士，仕至吏部尚书、端明殿学士。按：端明卒于常，归葬玉山。

司马彪温公侄也。温公与子谏议大夫康相继病故。彪负遗像，携家属避乱，途次遇盗，欲杀之，彪请展像以拜。盗问知其为温公也，罗拜泣下，曰：“使朝廷行相公政，吾辈安至此？”乃遗金使去。彪遂依范冲居常，冲抚育曲至，且为光编类《记闻》十卷奏御，请以族曾孙宗召主光祀。今常山无姓司马者。

翁蒙之传见《名宦》。前明有翁弼博，又有亲支翁应山，各出银买田，以充四贤祠祀。见万历詹《志》。

赵伯暉太祖长子德昭六世孙也。累加太子少傅，后谪监常山酒税，偕族弟伯麟、伯鲤避金乱，同寓于邑。此赵氏宗室至常之始也。伯暉生师密，师密生希馆。详《名臣》。

樊清字从源，其先南阳人。宋元祐八年，以荐授中书舍人。寻拜翰林学士，升尚书右丞。屡抗疏以禪时政。后因金乱南渡，居叠石。子盘、孙游，俱登第；曾孙充驸马都尉。子孙分居辉埠、主山下、绣溪、湖东、博龙溪、团村、湖顶、湖澄等派。其在湖东，又有迁至十五里者，又或有继何、继徐者，分见志中。

胡正欽县人。仕至兵部尚书。靖康中，避乱来邑，居城西结字庄湖村。其子孙又有分居洪家淤及耕耨者。

徐国镇字定夫，灵山人。宋胡南安抚使徐希贤六世孙也。封千户侯。

理宗末，弃职携家来居十都马路陇。子孙徙居彤弓山，科甲绵绵不绝。

**徐云翔**字永升，其先汴人也。南渡，迁临安。云翔从吕祖谦、周必大游。擢进士第。绍熙二年，以承议郎授衢州西安令。丁父艰归，遇道学禁起，遂避居常之市心。卒，葬蒲塘尾生坞。后为水巷徐氏。

**史世善**号阳峰，溧阳人。宋淳祐中，举进士。任国子助教。迁信安公主簿，遂家邑后园。父纯尚为国医，疗治理宗皇后疾获痊，封修德大夫，赐黄金三十斤、红绣鞋一双。故子孙居常者，多业女医，以绣鞋为记。

**孔 诏**孔子五十二代孙也。其先四十七代中奉大夫开国男孔传与四十八代衍圣公端友扈跽从高宗南渡，侨寓于衢。传子端问，端问子琦，琦子摅，摅子应发。应发子诏，任衢州西安县管民长官。介然自守，以礼义化民。后倦于送迎，辞疾归隐常之长源。卒，葬宅后山之麓。四子：长清，次源，次汾，次灏。清后世居邑西郭，孔家坞乃所遗植果园也。源后无考。汾主衢族祠事。灏仕江山尹，与汾同归于衢。元末，孔信夫，名克忠，端友派，亦来寓貌头，今无传。世袭事，具载《府志》及《西安县志》，兹不赘。

**陈 伦**宋宰相执中次子，为司书，随父罢相归洪州。盗起，涂梗，因寓邑之东鲁。又散居菱湖县小东门、楫楮诸处。

**徐 黻**为曹县簿，南渡迁会稽。生子成中，登宋嘉泰二年进士，授玉山令，以察诬闲休。嘉定时，复召为县尉，升大理右评事。绍定时，避乱迁居貌头，俗称塘沿徐氏，今为塔山下徐。子以道第进士。子孙在本邑者，散居塘下、里淤等处。徐逢吉宦衢，因居西安华丰楼下。

**曹 启**婺源黟溪人。仕元为翰林修撰，娶彤旧詹氏，因迁居球川。卒，与詹氏同葬铁炉山。

**邵周佐**宋康节先生长子伯温八世孙也。伯温长子溥，登进士，补徽猷阁官。后扈从高宗南渡，始居临安。周佐于元成宗元贞中，任承德郎、衢州路判官，见邑中山水佳胜，遂卜居焉。子孙分坑头、大街、西郭三支，又有继三冈璩氏者。

**袁敬所**不知何名。靖难后，流寓邑之杉岭。酒酣，书五柳图诗，掷笔悲

吟，继以溅泪。有江右布商见之，曰：“此吾乡某编修也，何为在此？”敬所趋掩其口。所之，辄有题咏。卒，瘞于三溪蛰庵云。此补锅匠雪庵和尚之流欤？按：敬所无嗣。

吴 阮字筠倩，江南歙县人。自高祖迁居武林。少颖悟，以七艺受知于秦大中丞，为钱唐诸生。后入籍。以次子璉贵，封征仕郎、翰林院庶吉士。著有《澄志堂诗集》行世。

吴 暉字礼南，江南休宁人。幼随父道遐侨居武林，以盐筴来邑，喜土风淳朴，遂入籍。性慷慨，好行其德。饥，则施粥。冬尝给棉，设姜茶，济贫乏，行事有足称者。

吴士圭字介锡，江南休宁人。孝友谦让，多长者风。岁饥，赈粥。冬寒，舍衣。桥梁、道路，多所修葺。入籍数十年，乡评推重。知县堵公举正宾，别驾王公题“志洁行芳”旌之。

江景房字汉臣，传见《名臣》。子孙分居常、开两邑。在常者，有源口、绣溪、菱湖、溪口、渔沥、厚浹、楫楮、玉图、文图、江村、屏山、山背、猷阁、新站、石村等派，皆累世簪纓。

王 伟宋评事子言迁章舍。言子介，介子涣之、汉之，俱见《名臣》。汉之七世孙翰，徙居上源；宗海，徙居彭坞口。八世孙恒，徙居芙蓉。

鲁 玘字景名，山东人。宋乾道戊子解元。授参知政事。宗道曾孙。建炎元年，随父著作郎志德、兄郡马璿迁于开化后洲。乾道八年，玘又迁居邑之大街。

王 恒字晴峰，宋晋国公五世孙。风度端凝，操修醇洁。由进士秩兵部员外郎。绍兴七年，奉诏调师豫闽，道经常山，爱其山川风俗。绍兴二十一年，乞休，率次子通，卜居邑之大东门孔家坞。

江 韶字舜成，婺源大畈人。淳化六年进士。任吏部尚书、集贤殿学士。卜居邑之宋畈。生三子，长文。文子德，迁开化东皋。至文珙，复迁邑之石桥头。越十一世廷相，分迁芳村。次子兴，居下宋畈。七世森，分居上宋畈，三子杰，迁半坑。又有迁灵湖、丁村、江家岭、西邑、叶坂与出继桂岩郑氏

者。

**璩德明**江西德兴人。淹通经史。淳祐间，受侍御江公纬之聘，掌初庵书院教，贻杨十万女，遂居常山之貌头。

**徐维本**字宁邦。宋本邑教谕五世孙，世居信安。绍兴间，迁邑之赤家坞。明成化间，志仁徙居孔家坞。

**程华**字秀芳，徽州黄墩人。宋任邑教授，遂居楸楮。六世孙震，官承事郎，迁居岩前。又六世宝，分居县南观音阁下。震十六世孙以桐，分居城北。

**徐植**字立夫，河南陈州人。宋南渡，居临安。乾道中，举进士。授婺州教授。亲老告归，时禁程氏学，遂不仕。择居城中崇儒巷。

**季良**唐节度广琛十六世孙，由婺州迁邑城西，又迁居季村。至宗谔，元延祐间乡贡，迁居马厓。

**周宽**字尧泰，弋阳人。宋乾道间，为国子监祭酒。迁居城东门。

**杨仲三**唐尚书、赠贞国公场之孙，为福建观察使。五季末，其孙福自浦城迁居营里。

**张铤**湖南宣抚使圭之子，魏国公浚六世孙圭，从驾入广。宋亡，铤遁迹居所陇。

**徐大贞**宋绍定元年，自开化芹源迁居猷阁。其裔全昌于元大德间，自猷阁分居洁湖。

**裴奂**晋国公八世孙。宋南渡时，由洛阳东都迁居邑之裴村。

**郑诚**字无息，徽之祁门人。淳祐中，见桂岩秀丽，爰宅其下。裔孙芹，出继豸里华氏。又六世孙离，赠文林郎，由桂岩分居阁邸。

**张鼎**宋丞事，祖居河南鄢陵县。德祐丙子，迁居本邑。其子尧，生三子：长谦，居县前；次谨，居东门塘沿；三小谨，迁西安县文昌桥。

**袁鹭**字泗州，洛阳人。宋乾道二年进士。任龙邱令。解组，隐邑之南麓圆通寺前。

**郑镇忠**字康国，新昌郡公之后。其祖良弼徙居广信府永丰县。镇忠，

嘉定貢士，歷任房州知事。宋末，復歸邑居坑頭。

楊思問字叔疑。宋紹定四年舉人。知常山县事，遂家焉。至五世無嗣，撫隔街徐氏子為子，仍姓楊。為梁家園楊氏。

鄭良文大將軍評之後，由衢徙居邑宅壇。傳震四，無嗣，以母族赤石花棠魯氏子希德為嗣，始定居象湖。

何宗文字聖道，太學上舍。咸淳十年，授將仕郎，為邑主簿。致仕，居於綉溪。至六世孫與表，以圭山下樊氏子為嗣，名永芳，與何氏為內外族。

石 兩 宋南渡，由紹興遷居邑之東邨石家莊。裔孫名曾者，遷居十四都之石村；名孟者，遷居岩前。

陸大中宋尚書，自隆興癸未遷邑。其後有元凱從事郎、紹連太守。

汪 恪字公謹。宋朝議大夫，由徽州遷居邑之慶善里上章。四世孫文璟，遷於西坑。其後有分居下園、東魯及城內者。

甄法崇宋江陵令。南渡，卜居於邑之大東門外。厥後子孫繁衍，復遷城內貌頭居焉。

詹 績字敬德。宋淳熙間，遷邑之東源獅峰。

舒悠軒宋徽宗二十四年，自歙縣遷邑之小洪山蓬松墩，即今之水巷。

鄭守道唐太常卿元璠三十九世孫。宋景炎元年，自開化暘溪遷居邑之壽川大處。

華 岳舊居西安黃茶，任宋為車騎都尉，督師江淮，與賈似道不合，遁迹邑之丁溪，今更名豸里，遂家焉。

姜 珍宋淳祐間，由嚴州遂安遷居邑之二十一都竹溪。

徐 璫任湖州監閘。宋紹興間，由信安官塘遷居魯士旗山下厅。

徐岩將由靈山遷居龍繞。至普安，定居謝源。

朱仕明字獻庵，朱子六世孫，任元為雷州檢校。由婺源遷邑之湖東凹里，又分居冰溪、朱家塢。

金 矩其先自周昱德間，由徽州徙居馬鬣。元季，矩遣其子輝鼎從學三江先生之門，遂於三岡築室居焉。

周大宪字用章，宋朝议大夫。南渡，由弋阳迁居彤柏。四子逵，字逵九，宋绍兴进士，分居大街。

郑贵字天爵，宁波鄞县人。太师清之之第五子。宋亡，隐居不仕，自号遁庵，择于邑东乡之冰溪居焉。

姚添祥字瑞徵，先世姚勳，江西瑞州人。宋熙宁中，拜通议大夫、中书舍人，因忤章惇、吕惠卿等，谪为衢州通判，遂家焉。子存为邑令；九世，迁开化马金；又五世，迁邑之大东门。

余大农元中统间，由开邑分迁邑之大坂头。

徐梦龙江西饶州府司马坑人。元进士，为衢州教授，居邑南乡左坑。子恢传，见《名臣》。孙朝卿，迁居湖山上村；一支仲三，迁居东门外鲁士旗山上厅；六世孙鄢，迁居溪上。

璩有光宋理宗景定间，任镇平驿巡检。驿在定阳乡，有石门佳气、背母石之胜。秩满，家于此。有光乏嗣，以甥邵虞为子，又徙居三冈之高山。

叶胜三其先徽州人。父希贤，建文朝御史。靖难兵入，从亡。家属避居绩溪。永乐初，胜三复隐邑之城北。

江廷玉景房之后，散居江南。至廷玉，仍归邑之皈仁里。长子满乾，迁居塘下；次子满福，迁居葛坂。

徐椿字寿生。明洪武间，由灵山迁居鲁士旗山中厅。

刘嗣恭字敬夫，宋南越王忠献公铨之十九世孙。元末，由西安迁居邑之渔溪。二十九世诱，迁居东淤。

陈昱江西建昌府南丰县人。明天顺初，贸易婺源。自婺源来邑，遂居湖东。

王义鑛原籍义乌。明万历间，迁居邑西乡山溪。

徐静元季，由开邑翁川徙居下除汪坞。永乐元年，迁彤川。

金浩字一鸾，原籍休宁。前明万历间，业嵯来常，卜宅于观澜桥。

徐福祖原籍休宁。明隆庆间，迁居邑之西乡山边。

郑汉英字望布。明宏治间，自严州桐庐迁居邑东乡之秀川。

徐佐 龙邱人。道经定阳，爱鳩石山水，遂家焉。

许邦荣 字华岳，安徽歙县国学生唐许远公三十七世孙。明万历年间，业鰲，遂家于邑东隅新街。

吴国利 字义斋，徽州歙县西溪南人。崇禎间，以业鰲，居邑，后迁于季村。

毛仆射 宋朝议。绍兴末，自泮塘徙居邑之西郭范家山下。其玉山、临川、松阳、奉化、西安、开化，皆由此分。

姚文理 字敬淙，绍兴余杭枣树下人也。积学不仕，托业青囊。明季时，避乱来邑，侨居城西布政司巷。见风土敦朴，遂家于此。为司前姚氏。

汪时德 休宁人。顺治六年，以医偕子启霖，因迁芳村居焉。

任怀新 宋中奉大夫任魏公之后。顺治间，由严遂城南，迁居常邑上师字庄珥山底。

聂文仕 宋太子少保聂安常之后。康熙间，由江西建昌府南丰县，迁居邑西乡白马埭，即下余字庄。

金麟生 安徽歙县人。于前明宣德间，迁居邑东门金家。

章富 康熙间，由江西建昌府南丰县，迁居邑北乡之圭山下。入籍。

张文振 江右人。康熙间，卜居东乡虞字庄濛淤。入籍。

黄逢春 泉州晋江人。子鲤腾、鲤科。鲤腾迁居东乡水南，为惠安黄氏。入籍。

洪志誉 与志良同出唐观察使，自永春州，迁居城西北十一都金川乡。入籍。

江应松 字腾蛟，严州遂邑九都楼底人。康熙戊子，卜居城东文字庄新创。入籍。

曾祝寿 字子立，江西南丰人。于康熙三十一年间，迁居邑之上结字庄茭塘。入籍。

王景嵩 福建兴化府莆田县人。于雍正十三年，迁居邑之水南。入籍。

吴明喜 字爱生。康熙三十七年，由江西建昌府南丰县世贤乡，迁邑之



羽字庄高山底。入籍。

余文岱原籍遂安。康熙间，迁邑之东淤，继迁塔山下。入籍。

聂应钦江西宜黄人。康熙间，迁邑之十八里居焉。入籍。

黄汉照江西建昌府南城县人。康熙初年，来邑，居城东江家村。入籍。

余应敖康熙甲寅年，由开化溪上，迁居邑之制字庄绕岭居住。子学柏，康熙四十九年，邑侯张举乡饮。

余养伦顺治间，由婺源沱川，迁邑之黄冈。入籍。

罗云奇江西宜黄人。康熙间，与聂应钦同迁邑之十八里。

詹其靖开邑四都舜山季芳长子。康熙甲寅，避兵来邑，居文字庄塘下。入籍。

章煦字爱春。原籍福建莆田县。万历间，迁居常山商字庄水南。入籍。

封宏邦江西南丰人。于康熙间，迁居冬字庄鲤鱼滩。入籍。

何维祚泉州永春人。顺治间，迁居珠字庄杨村。入籍。

李旭文江西南丰人。于康熙间，迁居北藏字庄葛蒲塘。入籍。

徐文十江西广昌人。于康熙间，迁邑北藏字蒋莲铺。入籍。

李志连字喜生，江西南丰人。于康熙间，迁邑北藏字十八里。入籍。

黄曾德原籍安徽徽州府歙县。于顺治间，迁邑字庄路门口。入籍。

张明瑞原籍江西抚州宜黄。于康熙间，迁邑北藏字庄十五里。入籍。

骆象能原籍江西建昌府广昌。于康熙间，迁邑北藏字庄瑶山底。入籍。

陈其策原籍安徽徽州府休宁。于康熙间，迁邑字庄塔山下。入籍。

吴本助祖籍江西建昌府南丰县，始徙抚宜。于康熙间，迁邑北藏字庄十五里冈。入籍。

徐云生原籍江西建昌府南丰县。于康熙间，迁邑北藏字庄蒋莲铺。入籍。

李元模原籍福建興化府莆田縣。于雍正間，遷邑洪字庄東門。入籍。

李以龍原籍江西建昌府南豐縣。于康熙間，遷邑北藏字庄湖墩。入籍。

鄒嘉鴻原籍江西建昌府南豐縣。于康熙間，遷邑下余字庄大塢。入籍。

寧立顯原籍福建邵武府建寧縣。于康熙間，遷邑收子庄十里篷。入籍。

黃世禔祖籍福建邵武府建寧縣。于康熙間，遷邑帝子庄達塘。入籍。

胡士放原籍江西建昌府南豐。于康熙間，遷邑下余字庄白石街。入籍。

傅申生原籍江西建昌府南豐。于康熙間，遷邑北藏字庄十五里岡。入籍。

寧立梁原籍福建邵武府建寧縣。于康熙間，遷邑地字庄一里亭。入籍。

劉帝三原籍江西建昌府南豐。于康熙間，遷邑北藏字庄十五里。入籍。

樂德生原籍江西建昌府南豐。于康熙間，遷邑北藏字庄葛蒲塘。入籍。

鄒學禮原籍江西建昌府南豐。于雍正間，遷邑下余字庄小白石。入籍。

沈景時字載韶，原籍山陰皋部人。祖應遠，官維揚，寓通州。康熙四十七年，以吏員任常山尉。解組後，遂家于天字庄小東門。入籍。

夏富佛江西廣昌張坊人。于康熙年間，遷居邑之師字庄雙溪口。入籍。

林天養福建安溪人。明萬曆間，遷邑之九都致字庄東山地方居焉。

余行素福建人。明萬曆間，遷邑西露字庄山頭地方。乾隆年間，入籍。

王季光安徽歙縣人。明萬曆間，以業艦，遷居邑城東二十里江家村。

九世孙桂芳入籍。

傅孔陈江西南丰人。明万历年间，迁邑之南乡五都冈字庄余家坞地方。六世孙弼入籍。

张 渊原籍江西。明嘉靖间，授吉安府吉水县教谕，辞官来常卜居洪字庄。至孙文兴入籍。

汪文显原籍安徽。康熙间，由开化迁邑之位字庄半源村。同治七年，孙朝宗入籍。

符时正江西南丰人。康熙间，迁邑西东源。至孙云祥，由东源迁辉埠五谷殿。光绪间，庆龙入籍。

严陵楚福建浦城人。迁居邑北阙字庄马厓地方。乾隆四十八年，其孙树槐入籍。

钱社寿字有忠，绩溪人。雍正间，迁邑元字庄。曾孙开元，咸丰间，徙居城西地字庄。玄元孙锦璜入籍。

叶登周宁波慈溪人。乾隆十七年，以贸易来邑之水巷卜居，乐风土，遂家焉。咸丰三年，孙第先入籍。

刘文峻江西南丰人。乾隆间，迁邑之羽字庄九太埧。同治间，孙志显入籍。

段邦重江西人。由西山徙居于邑之西岭降。光绪间，孙辉南入籍。

徐 辖兰溪章林人。明洪武间，迁邑之洪字庄。康熙年间，节生入籍。

严世远江西人。康熙年间，由建昌府南丰县，迁居邑东制字庄猷辂新塘坞。于同治年间，孙绍基入籍。

刘先仲福建人。康熙年间，由邵武府建宁县西乡龙门客坊墨田，迁居邑东制字庄郭塘蕉坞。于同治年间，孙廷杰入籍。

## 《常山縣志》卷六十

知縣李瑞鐘修輯

## 遷徙

有由他邦而來者，則亦有由此邦而去者。是或長往不返，而杞梓材良溯所自往，非徒引以為重也。志遷徙。

## 宋

詹暄 堯臣裔也，徙玉山。子丕遠，登宋元祐三年李常寧榜第三名進士。任奉直大夫、諫院右正言。

徐逢吉 宋進士。徐元之之幼子，本邑塘沿人。因宦衢州寶鈔局大使，贅西安王氏，即家焉。子孫科第聯綿，與塘沿宗人，往來弗絕。

## 元

趙箕翁 忠簡六世孫。登元延祐進士，授國子博士，遷亞中大夫，出為湖州推官。因念祖，自號得全子，建得全書院。同年，歐陽元為之記。後任泗州總管，因留家焉。

吳逢吉 吳祐八世孫。遷玉山镇川。

吳逢元 吳祐八世孫。遷玉山黃塘。

吳嘉進 吳祐八世孫。授江山縣教諭，即居江邑梧峰。

## 明

徐廣居 字存仁，舊居龍繞。洪武間，以人材授瓊州萬寧縣稅課副使。生子名常，識故邑也。未周歲，廣居被逮赴京，以詩囑子曰：“我年五十七，薄宦來海南。熊夢偶協靈，生汝喜是男。神采頗不凡，愛育如春蚕。嗟我萍蓬

迹，北上著征衫。诞汝甫半载，弃去情何堪？我居常山里，礼义家世谭。名汝常山奴，诗书宜自谙。庭训托慈母，父道我亦惭。拂袖出门去，叹息忽逾三。”道病卒。常遂为万宁人。稍长，母示以诗，勉使力学，登永乐戊戌进士。以公务至浙，归家祭祖，诵其父诗，乡族皆叹息泣下。常作诗记事，有“不因仗节来江浙，孤子安能识旧家”之句。常，《登科录》误作祥。

王 葆 洪武初，由明经出为县令，慕江山龚给事之风，迁于须川，与居焉。砥行立名，时有须江双清之目。

程 举 字邦达，岩口人。幼嗜学，随父客泉州，中福建嘉靖戊午科举人，任教授。

祝廷玉 前坊人。父德以医入闽，赘侯官某家，生廷玉。中福建嘉靖乙酉举人，任知县。弟时泰，中嘉靖壬午举人，任户部员外郎。时泰归家祭祖，竖碑道傍。

詹 崇 尧臣裔，困村派也。谪戍山海卫。其后荣以嘉靖己丑进士，任至刑部侍郎。

董良佐 坑头人。其先董宝以艺迁玉山，中江西壬子科举人，任邵武推官。

## 国朝

何希孟 绣溪人。其先何文磊以客寓蒲圻，中湖广万历庚午举人。

曹振邦 球川人。顺治丁酉科，山东中式。己亥，登徐元文榜进士。因寄籍济南历城县，遂家焉。

徐光国 东门人。由大学生任光禄寺典簿，历升云南白盐井提举司提举。后迁居南京国子监前。

毛中鹭 球川人。顺治辛卯，以济南历城籍中山东武举，历升江宁游击。

贵 麟 [《逸志》] 予肄业成均。时湖南武陵人贵麟以副车贡入太学，特来会，云：“麟，本常山人也。明初，以军官守武陵，遂家焉。族子贵中孚甲子举人，太仓州知州，爵秩书内尚系籍浙江常山人，眷眷有故土之思焉。”今常山

无贵姓者。

梁 岩乾隆间，令常山，本旗籍，尝语人曰：“吾乃由常山流寓辽东，而从龙入都者。”解任后，访问遗迹，邑人不知所对。其谱载，祖冢在周家坪。求得其地，冢已不可覓，望祭而去。按：宋梁习，圆通寺前人，崇宁五年进士。故墟称梁家花园，今为杨氏所有，易梁为杨，音转而不知有梁，亦无梁姓者矣。

《常山县志》卷六十一

知县李瑞钟修辑

## 方 技

德成而上，艺成而下，方技非贤哲比也。然一人之身，而百工之所为备，则凡有关于身世者，岂可少哉？故若扁鹊，隔墙见人五脏，而能起尸蹶；师襄之教琴，而能使人知文王鸢顾之状；墨翟解带为城，折箸为械，而公输子不能攻。此又其中之绝技也，奚可以不录？若夫试马、蚁封、味劳、车脚、翔鹤、清商、乱叶、琢玉，则近于淫巧矣，吾无取乎尔。志方技。

### 宋

史纯尚字国相，其先溧阳人。子世善，举进士，为信安王主簿，遂家于常之后园。深明脉理。嘉熙三年，理宗皇后疾病，中郎冯义彬举纯尚，调治获安，封修德大夫，赐黄金一钧、朱履一双。其后世多业医。

### 元

徐 昞字用辉，东山人。其祖梅友以医鸣于宋，至昞大显。江山一少年，每患阴雨骨疼，昞诊之，谓隐毒深远，非遗体则胎体也。其人愕然不省，归问其母，盖孕时巨痛未全愈也。众始神之。貌头徐氏妇病卧床，求诊，曰：“此千日病，期满即瘳，勿药。有喜也。”后果然。其奇验率类此。又以德施济之，故数千里巧命者填门。年七十余，无疾而逝。

### 明

汪士观字尔瞻，石桥头人。精岐黄术。遇病者，虽远方贫窶，辄往诊

视，药饵不计值，以善人名。府县上其事，巡方御史牟公给匾奖之。

周广字子容，大街人。世业医，全活甚众，常以回生称世。弘治间，上闻召为御医。后归里，赐匾曰：国医；赐联曰：保养天和，资全人寿。

徐思铭字明中，赤坞人，世业医。思铭少聪颖，复精心按脉。症有疑难者，延之立瘳，不望报。暑月，施九散，刊布经验方。本府袁公奇其术，适巡按杨公檄行奖善，邑令王公以思铭应，人金服。

杨大化溪口人。能诗善擘窠书，忠爱堂、忠烈庙额皆其所书。尤精绘事，翎毛、花草可入能品，惜今罕得之。

郑仁爱字真卿，别号景泉，浮河人。授迪功郎。精岐黄。浙东观察使吴公遣异疾，一服即愈。吴公绘《杏林春意图》，赠以诗序。值都察院考医学，列第一，授顺天医官。礼部尚书李腾芳荐授太医院吏目。自知寿算，解组归，逾年卒。著有《秘诀方书》，惜未及问世，为兵燹所失。

## 国朝

郑复昌邑庠生。累世业医。复昌更以儒理济之，故岐黄称为独步。

郑之聘字商求，浮河人。英敏嗜学，阴阳五行之奥，俱能探索。医其末技耳，然一时少有出其右者。

徐凤诰字周书，猷阁人。邑诸生。工绘事，作山水有云林风致。为人写真以神似，不徒形似，不让颊上添毫也。诗笔淡远娟秀，善隶篆，雅与画称。邑侯王公玮赠以文敏风流。

胡振培字栽因，冰溪人。弱冠游庠，家贫业医，数为人起沉疴。性廉静无奢望，不索谢，故至老益窘，而淡泊自如。

徐瑞骥字萼洲，里择人。世传外科，凡跌扑损伤，出刀主药罔不效，亦不计值。邑侯洪公奖以好行其德。乾隆九年，洪水，以船只救免多人。邑侯宋公赠以济涉津梁匾额。

詹师良字又房，国学生，后园人。精岐黄，多所全活。学究王公按衢，病泄精，诸医罔效，延师良诊之，曰：“此伤酒兼中暑也。”酬以金，辞勿受，亲书



五禽妙术赠之。邑侯官公匾曰腕底回春。

毛书有邑庠生。精青鸟术。年登髻髻，履高涉险，必穷其脉。二十一岁，丧偶，终身不娶，尤人所难。

徐元方字馨如，乡饮宾，彤川人。秉性孝友，尤精岐黄术，活人甚众，不计酬谢，乡里咸感之。督理粮务，杜公旌匾曰功同良相。

汪维岐字景华，水南人。专痘疹。乾隆己卯，疫症盛行，能决死生，转险为顺。逆症亦多生者，且以活人为心，不择贫富，至今犹称之。子天球，能传其学。

徐梦骝字穆崖，南壁人。附贡生。姿质英敏，勤学，工诗书，精岐黄。贫者就诊，慨施药饵，不受分金，乡里咸德之。

徐起潮猷阁人。善丹青，尤工于山水，一时争求笔墨者不啻纸贵洛阳焉。嘉庆十八年，绘旧志图，极苍劲。

王开鑑字巨卿，号蓉坡，长源人。岁贡生。就职训导。性孝友。兄弟六人，鑑居长。四弟开铎，咸丰年间，殉国难。母童氏患风疾，鑑日夜忧思，精参医理，以疗治，阅二载，而母疾遂瘳。因习岐黄业，乡里活人无数，卒不计酬谢。

詹志焕字有章，塘下人。闲静少言，有陶靖节风。尤善医，五运六气，靡不精通，能决人生死，常以济世为念。寿八十二岁卒，乡人咸德之。

## 《常山县志》卷六十二

知县李瑞钟修辑

## 仙 释

佛老于吾儒若冰炭，然今之学者，借以为心性之助。彼其为书，岂真有不可泯者乎？僧纲道纪，朝廷备方外之司，只以资祈祷之用，亦曰各道其所道焉耳。志仙释。

## 元

女冠周德清元初人。少时于振塘洞右溪遇异人，啖以萝卜，遂辟谷，夜不假寐。年垂七十，尸解。至正间，赐号靖应散人。

寿佛童子西林鲁氏子。元泰定间人。性至孝，母病亡，泣谓家人曰：“吾生不能终养，死当侍地下耳。”遂绝粒而逝，时年仅七岁，累月形色如生。死之日，合地咸梦寿佛曰：“此地小儿有大灾，吾当力救之。”未几，天花盛行，无夭折者。西林众姓乃漆其身而金装之，历数百年，多显应。一日，请乩，或问神亦念先人否？书曰：“山环环，水弯弯。吾父葬在陈才坞，吾母扞在水门山。”二山，果寿佛父母墓地。童子，名关寿，故称寿佛云。

何贞女传见《列女》。

## 明

浮空不知何许人。洪武庚子，来佣里择徐益家，问姓名里居，不答，因以浮空呼之。尝令董获，一日十余处，俱有一浮空在焉。又令馈上源姻戚，计往返百余里，不数刻辄至。所答食物，气尚浮浮。忽谓益曰：“公家有大难，吾能已之。”乃扃户独处，诫七日毋扰。至期，启户出，曰：“脱矣。”盖明初徙富户实京师，益名在籍，浮空以术篡去云。一日，醉酒朗吟曰：“人间功行满，天上梦魂高。”遂坐化。益具棺敛葬东明山。是日，大雨雷电，以风启棺，惟只履

存焉，足迹深入石中。益孙深作慕仙亭，以纪其事。

金世萼球川人。业医好佛，进香九华，道遇异人，予一杖，山行常先从人。后以年老力怯，泣拜辞佛。夜梦神语曰：“吾当来少华就汝，今付汝毘卢帽护持开山。”觉，探诸怀，果得之。归，遂请僧克先开山，奉佛其中。及卒之前一日，同里有二人皆梦其跨鹤去。

优 昙名如香，蜀之内江沈氏女。及笄，自祝发，辞父远游，历峨嵋诸山，遍参名宿。至晋陵，孙宗伯建庵，留课华严。尝至五龙庙，有龙数头跃出，昙曰：“若有缘，来我掌中。”一子龙果如其说，人咸奇之。厥后，来居常山。一日，将抵怀玉，半道至叶道婆家，索水盥浴，跣跌而逝。

## 补编

### 五代

桂 琛邑人。幼卓越，绝酒葷。为万寿无相禅师侍者。年二十，即剃落为大僧。初习毘尼弃去，谒雪峰，又事元沙，遂臻其奥，与慧球齐名。初住漳州石山，十余年迁止罗汉院。一日，有僧来报保福迁化，琛曰：“保福迁化，地藏入塔。”时，琛住地藏，乃石山也。于时学者莫测其旨，琛为作明道偈，有曰：“至道渊旷，勿以言宣。以言宣者，埋没宗旨。宗非意陈，无以见闻。见闻不脱，如水中月。于此不明，翻成剩法。”后唐天成三年秋，沐浴安坐而化。见《两浙名贤外录》。又杭州丁氏《武林掌故丛编》载《理安寺志》有国朝世宗宪皇帝御制传赞。雍正十二年，封本觉应真禅师。

## 列女总序

柏舟矢志，百折不回，而割鼻盟心、摩笄饮血，其节终无可改。《五代史》进断臂妻以愧长乐老人，良以妻道比之臣道也。至于养亲不嫁，地涌甘泉，而窈女投崖，彩鸾拾炭，尤为贞烈可风。朝廷旌表，下至婢妾不遗，典至重也。其他孝妇、贤母亦足以植纲常而维风化，悉类志焉。

### 节 孝

穷檐苦节，乡里所钦。即富室孀居，青年丧偶，抚三尺之孤，奉高堂之膳，能以妇职代子职者，非深明大义能如是耶？故朝廷旌表之，采辑者尤当详慎之。志节孝。

#### 元

徐氏鲁存畊妻大街人。年二十四岁，夫亡。抚子关及长，娶媳郑氏，生观。观生，关又卒。姑媳节孝并著，徐年九十三卒，郑亦以寿终。

## 明

范氏何与适妻绣溪人。年二十，夫亡。抚孤子，奉舅姑，虽极贫窘，终无二志。正统戊辰年旌。

杨氏张贞善妻年二十，夫亡。无子，姑令改适，氏曰：“吾知为张门鬼耳。”成化间，知县李溥为请旌。

徐氏张应善妻夫病，谨侍汤药。夫亡，誓不改节。奉文旌表。

杨氏郑俨妻象湖人。夫早卒，子瞻甫生，守志养姑，百艰不变。成化年间旌。

王氏进士徐瑶妻里择人。青年守节。知府林公奉诏旌奖，封宜人。

徐氏郑晃妻岩口人。艾年夫歿，抚孤。守节三十余年。成化中旌。

吴氏徐志学妻年二十，夫亡。无子。守节四十二年。成化中旌。

郑氏王孚妻氏归上源王一载，夫歿。励志守节，抚孤养姑，备历艰辛。有司具详请旌。

徐氏詹琼妻后园人。琼先娶陈氏卒，其膝生杰。继聘徐氏，匿杰母子于外家。氏归月余，问琼不答，氏曰：“但果是君子，与我子何异？”琼取归，氏喜曰：“不但得子，且得妾。”未几，琼病卒，氏抚杰成立。寿六十余卒。

樊氏徐金台妻清简公女，年十四，归彤弓山徐。未期，夫亡。葬夫，即为同穴计。抚侄佑为嗣，守节十七载卒。

樊氏徐锦妻清简公孙女，归里择徐。年二十二，夫亡。二子俱幼，守节数十年。教子汝晋，卒成名儒。郡、县并奖之。

郑氏徐光陆妻隔街人。年二十五，夫亡。家贫，三子俱幼，守节数十年。督学李公给匾旌之。

江氏胡公赞妻年二十，夫亡。家贫，遗腹生子，敬养舅、姑。舅、姑卒，子亦夭。或劝改适，氏剪发毁容，誓不变节。

刘氏徐良乾妻里择人。艾年夫亡，子未周岁，清节自持四十余年，艰苦备尝，贞逾金石。

郑氏徐漫妻里择人。举七子，家贫，佐姑汪氏苦守，子皆成立。《府志》作良国妻，误。

徐氏樊良樟妻二十四岁，夫亡。子女幼，守节五十载，家人未尝见喜怒。知县张、儒学戴奖之。

胡氏江本妻年十七，适江。末期，夫亡。遗腹生子，抚孤守节。舅姑歿，殓葬尽礼。年九十，有司奖之。

詹氏程名冈妻岩前人。年二十一，夫亡，子幼。孝事翁姑。守节数十年。郡、县皆奖之。

汪氏徐铤妻里择人。年二十余，夫亡。子幼，以绩代耕，足不逾阡。五世内子孙，计百余人，多仕宦者，人谓贞节所致云。铤，字大器。

姜氏詹尚淳妻后园人。年二十三，夫亡。家贫，守节不渝。参议公奖之。

杨氏徐瑛妻里择人。年十九，夫贸易四川不回。守节五十八载，卒。

徐氏汪绍能妻石桥人。年二十余，夫歿。杜门谢膏沐。家贫，谨养舅、姑，抚孤文禄以孝著，苦节六十余年。正德六年，御史张奉诏旌之。

汪氏廩例徐良桀妻汪通判孙女，归里择徐。夫亡，家贫，孝事舅姑。教子读书，有和丸画荻风。邑令孙奖之。

俞氏汪敬言妻石桥人。夫亡，家贫，二子俱幼，抚孤成立。守节六十余年。督学李奖之。

郑氏徐汝颐妻里择人。夫亡。自矢曰：“吾生为徐门妇，死为徐门鬼。”始终不二，其坚贞如此。

郑氏徐同怡妻里择人。夫亡遗孤三月。苦志守节，始终如一。

程氏徐沆妻里择人。夫亡，食贫苦守。邑令旌曰贞操清幽。

陈氏郑文煌妻岩口人。夫亡，无子，苦志守节。嘉靖年间旌。

朱氏周顺孙妻东门人，孝子周信良母也。年十九，夫亡。守节教子，九十岁而卒。节孝一门，乡里钦之。

祝氏郑洁妻象湖人。年二十余，夫亡。抚孤汝兴长，娶俞氏。末期，

兴以解粮死于道。或劝再适，俞曰：“吾非特为一身志节计，为吾夫酬嫠母恩，亦天海苍茫罔止极也。”事姑尽孝。嘉靖二十七年，知县王键奖曰姑妇双节。

俞氏郑汝兴妻象湖人。父名洁，母祝氏，事见前。

徐氏江子宏妻名蓉姑，年十八，夫歿。家贫无子，有欲夺其节者，辄唾之。姑樊氏亦早寡，坐卧一室，若母子然。姑妇俱以节终。嘉靖三十九年，知县张斯轼奖曰姑媳双节。

樊氏江子宏母事见前。

郑氏徐金闺妻南壁人。年十九，夫亡。抚孤有勳成立。小叔负官徭被逮，氏恐姑年老惊悸，脱簪珥、鬻田产代偿，叔始免。守节五十余年卒。同族生员金澄妻赵氏、监生金清妻樊氏，俱早寡守志，时称双井头徐氏三节云。

赵氏徐金澄妻事见前。

樊氏徐金清妻事见前。

戴氏徐镰妻里择人。年二十一，夫亡。无子，家贫，纺绩事姑。姑病瘦，昼夜扶持无少懈。后年老不能自给，族人徐深馈以薪米。守节七十一年而卒。

王氏鲁斌妻大街人。年二十九，夫亡。妾项氏，年十九，遗腹生子。二氏合志守节，俱以寿终。金复庵为立传，载家乘。

项氏鲁斌妾事见前。

徐氏举人詹见选妻后园人。年二十八，夫亡。事姑孝谨。子人栋娶程氏。未几，人栋亦亡。程年二十三岁，遗腹生子椿。每篝灯相对，纺绩课读。姑妇守志各三十余年，时号双节。椿弱冠游庠，里人称之。

程氏詹人栋妻事见前。

郑氏鲁关妻大街人。年二十四，夫亡。孝奉孀姑，抚子成立。卒年七十四岁。

赵氏鲁录妻大街人。年二十九，夫亡。遗腹生子，励志守节，教子成人。郡守、县尹给匾示奖。

徐氏吏目鲁泮妻大街人。年二十五，夫亡。坚心苦节，历久弥贞。县

尹给匾示奖。

程氏徐锡妻东案人。年二十二，夫亡。不御纨縠，秉节终身。天启八年题旌。

## 国朝

郑氏徐良逵妻东案人。年二十，夫亡。家贫矢志。顺治九年题旌。

邵氏郑伯药妻象湖人。年二十三，夫亡。家贫子幼，或迫其改适，氏引刀割鼻。岁歉，茹草根度日。年六十卒。

祝氏徐起时妻球川人。明季，寇贼猖狂，起时遇难，氏年二十六。事姑车氏尽孝。年七十而卒。

金氏徐铭珣妻里择人。年二十八，夫歿。家贫，子幼，守节数十年，后以饥死。

韩氏徐采薇妻水巷人。年二十一，夫亡，自经，姑趋救得免。家贫，纺绩奉姑。姑病，衣不解带。守节四十年卒。

王氏徐守屿妻彤坑人。年二十一，夫亡，子甫周岁，教养成立，艰苦五十一年。慈溪郑梁为之传，载《艺文志》。

鲁氏程舜日妻岩前人。年二十七，夫亡。家贫，事姑孝，治家严。夫兄令改适，氏断发自矢。卒年六十。康熙十年题旌。

赵氏廩生徐光锡妻里择人。年二十，夫亡。守节三十六年卒。

徐氏郑振之妻象湖人。于归六年，夫亡，子蕢甫三岁，舅姑年迈，纺绩奉养。迭遭兵荒，孝谨罔缺。

郑氏詹尔膏妻于归五载，夫亡，乏嗣。事姑孝谨。足不逾阈，身不艳妆。守志三十年卒。

郑氏詹尔序妻年二十四，夫亡，无子。事姑至孝。守节五十余年卒。

洪氏杨名耀妻年十九，夫亡。家贫，姑老子幼。守节四十年卒。

余氏杨瑞举妻年二十七，夫亡。子幼，孝事舅、姑。姑病痲，日奉汤药，夜侍床侧，历久不懈。



郑氏徐成佑妻南壁人。夫亡，子六岁，薪水自力。事姑尽孝，妯娌无间。年八十卒。

华氏邵简妻夫亡，家贫子幼，倚母家，纺绩自给，节操凛然，四十年如一日。

程氏徐应鈇妻屏山人。年二十四，夫亡。家贫，事姑训子。姑歿，负土筑坟，有群鸟啣土之瑞。

郑氏徐慈元继室蒋家园人。夫亡，年二十七。家贫，无子，守节四十三年，无疾而逝。

祝氏郭有美妻福枝人。年十八，夫亡。家贫无子，守节五十年卒。

徐氏詹际熙妻后园人。年二十二，夫亡，欲自尽，妯娌以怀妊劝止。先世三丧未举，氏典鬻簪珥营葬。子燧由恩贡入太学。康熙甲申，皇九子闻其苦节，书“粹贞纯孝”褒之。年六十卒。

陈氏汪士堦妻宋坂人。年二十四，夫亡。家贫，子幼，守节数十年。甲寅，避贼，病卒。

吴氏王良弼妻乔苍人。年二十八，夫亡。家贫，守节数十年，抚三子皆成立。

邵氏监生徐浑妻东门人。年二十五，夫亡。矢志守节，孝事舅、姑，教子成立。知府董公奖之。

鲁氏詹圣揆妻后园人。年二十七，夫亡。安贫守节，矢志抚孤成立。五十一岁卒。

徐氏毛光耀妻球川人。年十九，夫亡，子日栋甫五月，翁、姑继歿，独立支持，纺绩课子。学院姜公奖曰劲节维风。

王氏周旭生妻东门人。于归三载，夫歿。家贫，抚孤成立，纺绩奉姑。姑病，刲股疗之。姑亡，殯葬尽礼。守节数十年卒。

朱氏徐必耀妻东门人。年二十四，夫亡，子肇锡甫四岁，遗腹生肇锦。闽变，家贫如洗，摘草苗树皮度日。族中有逼之嫁者，氏以死自誓，苦守六十年。院司并奖之。肇锡授州同知，以孝友闻；锦，邑廩生。

唐氏叶良璧妻年二十，夫亡。家贫，子文泳甫半载，守节抚孤。遭回禄，窘益甚。有劝其改适者，氏正色拒之。中年失明，泳割股投剂，目复明。年七十卒。

徐氏生员邵忠培妻年二十，夫亡，子金栋甫逾月，氏哭踊几绝，还念藐孤，矢志守节。子继亡，环堵萧然，茹茶饮药，复抚二孙。卒年八十一。知府雷公旌曰节凜冰霜。

徐氏邵礼培妻年二十一，夫亡子殇。家贫，纺绩度日。谨跣步，寡色笑，守节五十余年卒。

郑氏徐明甲妻隔街人。夫亡，三子俱幼。孝事舅、姑，母教婉娩，子孙皆成立。

程氏郑允祚妻象湖人。年二十二，夫亡。闲阁静处，不苟言笑，里党钦其贞淑。卒年四十有七。

张氏郑启豫妻象湖人。性端静，寡言笑。结褵甫期，夫歿。守节十八年卒。绅士多以诗颂之。

胡氏詹应钟妻九都人。年二十八，夫亡，子幼，坚贞守节。七十七岁，以寿终。

程氏郑振象妻年二十，夫亡。家贫，有迫之改适者，氏引绳自缢，人惊救获免。绘夫像于堂，朝夕奉膳如生。历三十余年，以苦节终。

汪氏陈大来妻东鲁人。年十八，夫亡，子幼，纺绩供衣食，抚子成立。守节六十二年卒。

赵氏郑宪柏妻象湖人。夫亡，家贫，子在襁褓。有劝令他适者，以死自誓，抚孤成立，葬姑及夫尽礼。年七十终。

汪氏徐用仪妻名淑姑。明季，寇乱，夫避乱他适，氏依弟，针指度日。守节数十年卒。

张氏汪燠妻宋坂人。燠疾革，以氏年轻命改适，氏泣曰：“妾幼习《女经》，忠臣烈女，俱无二天。虽不能效古人于万一，节烈二字怀之已素。君见背理当殉，但二子俱幼，不敢从君于地下耳。”燠卒，苦志守节，族党贤之。

**樊氏徐一鼎妻**蒋家园人。淑慎自持，毁容截发，矢志守节。屡罹兵燹，清白独全。

**江氏徐一彬妻**蒋家园人。青年丧偶乏嗣，苦守四十余年。闾里称美，允宜旌表。

**江氏徐一褚妻**蒋家园人。贞静端庄。姑病，夫妇吁天请代，剖股投剂。姑病痊，人以双孝称之。后姑歿，一褚以哀毁卒，氏痛哭几绝，母以遗孤劝之。守节四十年卒。

**杨氏徐昱妻**蒋家园人。夫亡，冰操自励，备尝艰苦，不渝其志。有司给匾奖之。

**唐氏徐杰妻**蒋家园人。勤俭矢志，抚孤成立，操比冰霜。年七十卒。

**陈氏生员徐光龙妻**里择人。夫歿，遗腹生子，至十五岁仍卒。终身苦节，无他志。

**詹氏徐沆妻**蒋家园人。夫亡，纺绩奉姑。时，兵燹游饥，米珠薪桂，氏甘荼苦，义方训子，有孟母遗风。

**石氏郑邦倚妻**岩口人。性慈惠。夫亡，苦节自矢，教子有成。年九十二卒。郡守奖以操并松柏。

**邵氏徐明琦妻**隔街人。节妇郑氏之媳，贞女秀姑之母也。闽变，举家遭害，夫暴骸，姑柩未葬，氏备历艰辛，力营三丧。遗孤甫数月，训诲成立。劳苦七十余岁，卒。

**郑氏王佐龙妻**年二十六，夫亡，氏不食将死，舅姑劝食之。守节数十年卒。

**徐氏周永儿妻**大街人。夫亡，家贫，孝事舅、姑，殡葬尽礼，课三子皆成立。苦节，七十四岁卒。

**王氏徐鸣阶妻**里择人。年二十，夫亡。无子，家贫。守节五十四年卒。

**毛氏徐应稚妻**闽变，夫遭乱，氏挈九岁子建猷避兵山谷，采野菜度日。虽际艰难，义方不倦，子卒成立。守节八十五岁，卒。督学彭公以节寿貽芳奖

之。

鲁氏毛庆莱妻球川人。舅、姑迭丧，夫亡，子幼。因迎其寡母同居，针指度日，抚孤成立。历三十余年卒。

毛氏徐珍妻蒋家园人。年十八，归徐。甫六月，夫亡，遗腹生子，励志守节，历三十余年卒。

程氏叶日光妻年二十九，夫亡。四子俱幼，教育有方。少子馨中康熙辛卯副榜。氏年七十四，将葬日光，命诸子先营二穴，即绝饮食，谓子曰：“我今可报汝父于地下矣。”遂趺坐而逝，卜日合葬焉。

张氏贡生樊尧广继室绣溪人。年二十二，夫亡。无嗣，抚侄成立。事姑色养兼至，守节三十三年。奉文旌表。

徐氏生员王佩琚妻年二十四，夫亡，子幼，力营三世宅兆。延师训子，不为姑息。守节三十一年。具题请旌，邑侯陈公为传，载《艺文》。

徐氏江自岳妻界首人。年二十六，夫亡，子幼。闽变，家毁，携二子就母家，纺绩度日。尝以冻馁劳苦，曲右手，至老不伸。至四十余年卒。

江氏生员徐行先妻年二十七，夫亡。家贫，子幼，有欲夺其志者，氏日夜悲号，以死自誓。纺绩营生，教子有成，苦志四十余年卒。

祝氏毛应暹妻球川人。年二十，夫亡，子光珠甫三岁，寄托母家。岁歉，拾橡度日。守志五十余年卒。

詹氏生员舒圣赞妻年二十，夫亡，子广甫三岁。守志不移，婉顺事姑，承欢无间，闾里称之。

徐氏詹尹吉妻后园人。于归，克顺妇道。尹吉患痘亡，生子甫数月，氏一意抚孤，艰辛万状。历三十余年卒。

陈氏徐瑫妻蒋家园人。于归三载，夫苦读病亡，无子，抚侄如己出。孝舅、姑，和妯娌，始终弗渝。守志二十余年卒。

陈氏祝世徽妻球川人。徽往北经商死，氏年二十六，子永皋甫六岁。苦志守节，纺绩奉姑。年八十一卒。邑侯杨公奖之。

詹氏徐嘉言妻塔山下人。年二十七，夫亡。家贫，苦节自励，抚孤日

泰成立。守节五十余年卒。郡守给匾奖之。

江氏杨名铉妻夫早卒，四子俱幼，苦志守节，抚孤成立。族党皆称其贤。

鲁氏舒衷赤妻水巷人。夫亡，家贫，子贤甫周岁，教诲有成。年八十四卒。分府王公奖之。

王氏徐明杲妻蒋家园人。年二十八，夫亡。家贫，以针指抚孤成立。六十余年卒。

王氏徐河妻蒋家园人。年十九，夫往滇南贸易不回，夫兄劝其他适，毁容自誓。年七十卒。

詹氏徐仪凤妻蒋家园人。青年守节，仗针指营葬翁、姑，抚养二孤。四十余年卒。

魏氏徐启然妻里择人。年二十六，夫亡。无子，事姑婉顺。守节五十三年卒。

鲁氏徐风逸妻里择人。年三十，夫亡，子幼。守节四十余年卒。

程氏徐之昉妻里择人。年三十，夫亡，欲以死殉，以子幼守节，三十余年卒。

陈氏徐允诚妻蒋家园人。年十八，夫亡。无子，抚侄一观如己出。后一观以人才为荆州大使。诚弟允诏亦早亡，妻刘氏年十七，妯娌同操，白首无玷。直指蔡公奖以双节。

刘氏徐允诏妻事见前。

毛氏徐建治妻球川人。年二十四，夫亡。遗孤开铸及婚娶，铸又亡，姑妇俱以节著。康熙四十年，邑令堵公之峻奖之。

吴氏徐开铸妻事见前。

毛氏武解元徐开铎妻球川人。年二十四，夫亡。抚孤，坚守五十余年，始终不变。子宗濂，娶刘氏。濂卒，子幼，守节三十一年。姑媳同志。有司具详请旌。

刘氏徐宗濂妻事见前。

胡氏廩生詹人惟妻后園人。閩變，夫亡，年二十五，子昶甫三歲。孝事翁姑，教子成立，娶徐氏，生三子。昶與三子繼亡。氏語媳徐曰：“子守志縱屬徒然，然百艱不變。汝年少，毋殞令名。”徐泣，愿效死報夫事姑，完節。胡年八十五，徐年五十餘。舉人王文龍作贊美之。邑令堵公之峻獎曰双节可風。

徐氏詹昶妻事見前。

叶氏徐瑞緞妻里擇人。年二十二，夫亡，遺孤之章甫五齡，游庠生。子不幸又亡。復遭閩變，城陷，與媳鄭氏清操自持，各守節四十餘年，時稱姑妇双节。

鄭氏徐之章妻事見前。

魯氏生員吳悅妻甲寅閩變，夫被執遇害，尸骸覆沒。嘗以未得復仇為憾，紡績課讀，撫孤成立。苦守五十餘年卒。抚宪李公以夫忠妇节旌之。

陳氏生員汪斯潢妻年二十二，夫亡。安貧守節。家人未嘗見其喜怒，苦志六十餘載卒。有司以貞操闡范獎之。

徐氏魏良策妻上埠人。年二十七，夫亡，子幼。孝事翁姑，守節六十三載卒。邑侯陳公以順德可欽獎之。

伍氏魏世楨妻上埠人。年十九，夫亡。无子，守節六十一年卒。邑侯崔公獎以節凜冰霜。

胡氏詹應鐘妻后園人。年二十，夫亡。抚孤守節，苦志五十七年卒。邑侯吳公獎以節壽攸光。

毛氏徐繼禧妻球川人。年二十二，夫亡。孝事翁姑，抚孤子介若成名。守節五十歲卒。康熙四十年，邑侯熊公以松筠高節獎之。

陳氏鄭起倬妻岩口人。艾年夫亡，家貧，冰霜自矢。邑侯張公獎其貞節。

汪氏陳喜龍妻東魯人。年二十三，夫亡。抚孤守節五十年卒。雍正十三年，邑侯汪公士俊以節慈垂范獎之。

江氏胡養志妻洪家淤人。年三十，夫亡，遺腹生子。未期，翁姑繼沒。

守节三十年卒。别驾姚公旌之。

徐氏舒有廉妻水巷人。年二十三，夫亡。家贫，守节五十载卒。邑侯孙公奖其贞节。

徐氏樊金琳妻绣溪人。弱岁夫亡，矢志守节。雍正十六年题旌。

王氏生员徐调梅妻里择人。年二十七，夫亡。无出，立侄为嗣。守节四十载。乾隆三年题旌。

陈氏徐瑞麒妻里择人。年二十三，夫歿，子幼，抚孤成立。苦志四十八年卒。乾隆三年题旌。

吴氏州同许登芳妻新街人。年二十二，夫亡。抚孤成立，守节四十四年卒。乾隆三年题旌。

徐氏詹人魁妻城北人。年二十五，夫亡。守节三十年。乾隆七年题旌。

徐氏贡生詹锡光妻后园人。年二十四，夫亡。守节三十一年卒。乾隆十年题旌。

徐氏监生詹锡极妻后园人。年二十二，夫亡。事姑抚孤，苦节三十一年卒。乾隆十年题旌。以长子兆选、次子兆蛟贵，诰封恭人。

周氏生员徐之萃妻里择人。年二十一，夫亡。无子，抚侄。守节三十一年卒。乾隆十年题旌。

郑氏徐之涵妻里择人。年二十六，夫亡。二子俱幼，守节三十年卒。乾隆十年题旌。

汪氏徐锡瑶妻蒋家园人。青年守节，家贫抚子，奉姑以寿终。乾隆十年题旌。

江氏吴宏基妻季村人。年二十，夫亡。抚侄为嗣，苦节三十一载卒。乾隆十年题旌。

张氏杨瑞蛟妻城北人。年二十八，夫亡。抚孤，守节二十七年卒。乾隆十一年题旌。

郑氏吕之杰妻年二十五，夫亡。守节三十七年卒。乾隆十四年题旌。

邵氏生員毛光蕃妻年二十三，夫亡。守節三十一載。乾隆十五年題旌。

金氏樊學洙妻綉溪人。年十九，夫亡。守節不變。乾隆十六年題旌。

徐氏金良璋妻城北人。艾年夫亡，守節。乾隆十六年，邑侯宋公以清標彤管獎之。

鄭氏徐世仁妻赤塢人。夫亡，無子，矢志守節。乾隆十七年題旌。

謝氏監生許延濂妻新街人。年二十歲，夫亡。乏嗣，撫侄成立，守節三十九年。乾隆十八年題旌。

徐氏趙應升妻貌頭人。年二十六，夫亡，無子，哭泣喪明。守節三十一年。乾隆十九年題旌。

魯氏生員徐鍾彥妻年二十七，夫亡。事姑撫孤，守節四十六年卒。乾隆十九年題旌。

張氏生員詹錫祺妻后園人。年二十五，夫亡。撫孤，守節四十年。乾隆二十年題旌。

汪氏生員徐之菴妻里擇人。年二十四，夫亡。子殤，苦守四十年。乾隆二十一年題旌。

陳氏生員徐昱妻里擇人。年二十六，夫亡。守節三十九年。乾隆二十三年題旌。

張氏江元修妻界首人。年二十，夫亡。守節三十一年卒。乾隆二十七年題旌。

戴氏鄭士諫妻壽川人。年二十八，夫亡。撫子奉姑，守節四十七年。乾隆二十七年題旌。

吳氏生員徐崇范妻年二十八，夫亡。撫孤，守節二十九年。乾隆二十七年題旌。

江氏汪樹槐妻西川人。年二十五，夫亡。無子，守節三十餘年。乾隆二十九年題旌。

詹氏吳應杏妻年二十三，夫亡。撫侄承祧，守節三十三年。乾隆三十



五年题旌。

江氏余永德妻年二十，夫亡，无子。守节三十六载。乾隆三十七年题旌。

詹氏徐之纯妻里择人。年二十一，夫亡。子天，守节五十四年。乾隆三十八年题旌。

徐氏汪瑞炳妻菱湖人。年十九，夫亡，无子。守节四十二年卒。乾隆四十一年题旌。

吴氏徐之倬妻里择人。年二十，夫亡。乏嗣，抚侄事姑，守节五十三载卒。乾隆四十二年题旌。

徐氏江日昭妻界首人。年二十五，夫亡。子天，事姑抚侄，守节三十六年。乾隆四十八年题旌。

周氏徐日蕃妻文笔人。年二十四，夫亡。鸣机教子，守节三十六年。乾隆五十二年题旌。

王氏徐廷柏妻年二十一，夫亡，无子。守节五十一年。乾隆五十六年题旌。

徐氏生员江廷滋妻年二十六，夫亡，无子。守节四十四年。嘉庆元年题旌。

徐氏鲁淑璟妻大街人。年十八，夫亡。砥节五十一年卒。嘉庆二年题旌。

徐氏生员汪瀚妻石桥人。年二十五，夫亡。子幼，抚养成人，娶媳生孙。子又早卒，与媳冰操共励，抚孙有成。守志五十余年。嘉庆七年题旌。

汪瀚之媳郑氏事见前。

徐氏王宏峻妻彭坞口人。年十九，夫亡。无子，抚侄为嗣，守节三十九年。嘉庆八年题旌。

徐氏郑振鹭妻冰溪人。年二十七，夫亡。抚侄为嗣。时年七十七岁。嘉庆九年题旌。

张氏徐之炳妻里择人。年十九夫亡，子殇，守节五十二年卒。嘉庆九

年題旌。

趙氏貢生詹兆龍繼室後園人。年二十一，夫亡。矢志冰霜，事孀姑以孝聞，撫孤子成名。後子媳繼亡，仍撫孫有成。兩世一身，義方不倦。守節五十二年卒，嘉慶十年題旌。

徐氏鄭宗海妻城北人。年二十九，夫亡。二子俱幼，撫養成立，守節五十一載。嘉慶十年題旌。

胡氏鄭建浩妻岩口人。年二十，夫亡。撫侄為嗣，孝事孀姑。嘉慶十二年題旌。

徐氏魯樹琳妻大街人。年二十七，夫亡。撫孤守節。時年六十歲。嘉慶十四年題旌。

劉氏趙宜家妻城東人。年十八，夫亡。無子，守節。時年六十餘。嘉慶十四年題旌。

璩氏樊文煒妻綉溪人。年二十一，夫亡。撫侄承祧。守節四十二年。嘉慶十六年題旌。

魯氏徐始濂妻里擇人。年二十四，夫亡。守節，事舅姑，撫遺孤。時年五十五歲。嘉慶十七年題旌。

徐氏監生魯文炳妻大街人。年二十八，夫亡。上有舅姑，下有幼子，孝慈並著。守節五十年卒。嘉慶十七年題旌。

徐氏江秀佑妻葛坂人。于歸八載，夫亡。毀容矢志，冰操凜然。時年八十七歲。嘉慶十七年題旌。

章氏李公趙妻李，江西人，入籍。氏年二十六，夫亡。孝與節著，歷三十五年卒。嘉慶十七年題旌。

吳氏汪次文妻宋坂人。年二十三，夫亡，以婦代子。撫子已婚娶，又夭。撫繼孫，訓誨成立。年八十卒。嘉慶十七年題旌。

裴氏徐元魁妻赤塢人。年二十七，夫亡。奉姑撫子。子又亡，偕媳撫遺腹孫。時年五十七歲。嘉慶十七年題旌。媳氏未詳。

徐氏生員黃在中妻水南人。年二十七，夫亡。遺腹生子，勵志守節。

时年五十二岁。嘉庆十七年题旌。

郑氏季会江妻马厓人。年二十，夫亡。秉节教子。时年六十七岁。嘉庆十七年题旌。

江氏季会河妻马厓人。年二十三，夫亡。孝奉舅姑。守节四十七年卒。嘉庆十七年题旌。

郑氏生员任楷年妻珏山底人。年二十六，夫亡。子殇，抚侄承祀。时年七十一岁。嘉庆十七年题旌。

陈氏武生徐永清妻里择人。年二十二，夫亡。抚孤守节。孤亡，抚侄为嗣。卒年四十八。嘉庆十七年题旌。

樊氏徐元浩妻赤坞人。年二十二，夫亡。无子，抚侄为嗣，训诲成立，矢志守节。时年五十七岁。嘉庆十七年题旌。

江氏郑席珍妻冰溪人。年二十二，夫亡。抚侄承祧，苦志守节。年五十五卒。嘉庆十七年题旌。

徐氏监生胡安远继室胡村人。年二十，夫亡。抚元配子如己出，教养成立。守节五十一年。学宪潘公奖以松筠清操。

许氏监生华起元妻西村人。年三十，夫亡。抚二子瑞荣、毓麟成立。守节四十五年。学宪刘公奖以松鹤遗徽。

李氏贡生璩凤翔妾貌头人。年二十九，夫亡。子幼，氏守志事嫡。嫡子授室，犹循分不倦。嫡卒，哀毁成礼。时年七十五岁。学宪周公奖以旌扬节孝。

徐氏监生詹汉章妻后园人。年二十八，夫亡。抚孤守节，延师训子，处家有道。时年五十七岁，矢志不怠。学宪周公奖以幼躬砥节。

张氏生员詹含章妻后园人。年二十八，夫亡。矢志柏舟，抚孤成立。治家严肃，教子以读书立品为先。秉性醇谨，和睦妯娌，族党称贤母焉。学宪周公奖以节孝咸钦，时年五十岁。

洪氏王焕章妻乔苍人。年二十五，夫亡。无子，抚侄。守节二十五年卒。学宪周公奖以冰玉同清。

周氏王柯妻乔苍人。年二十九，夫亡。子幼，坚守完节。学究周公奖以松柏坚贞。

史氏徐文珪妻福枝人。年二十一，夫亡。抚孤。守节三十九年卒。学究周公奖以勤俭完贞。

周氏程肇杨妻城北人。年二十九，夫亡，无子。时年五十九岁。学究周公奖以安贞守节。

璩氏陈开文妻菱湖人。年二十九，夫亡，无子。守节三十五年卒。学究周公奖以柏舟矢志。

王氏周一洋妻大街人。年二十二，夫亡。抚侄承祀。卒年七十二。学究周公奖以皓首全贞。

许氏生员徐国豫妻里择人。年二十八，夫亡。抚孤守节。所后舅姑卒，事本生舅姑惟谨。卒年八十二。学究周公奖以贞操足式。

李氏徐之谦妻蒋家园人。年二十五，夫亡，子幼。守节二十七年卒。学究周公奖以松筠比操。

鲍氏徐之绣妻南壁人。年十九，夫亡。事姑抚侄。守节三十二年。学究周公奖以贞节可风。

吴氏徐常鑑妻塔山下人。年二十五，夫亡。子殇，守节。时年八十一。学究周公奖以贞行流芳。

詹氏徐之阳妻里择人。年二十三，夫亡。抚子，子又早亡，复偕媳守孙。时年七十八。学究周公奖以幼躬煮后。媳氏未详。

何氏生员徐俊樞妻里择人。年二十九，夫亡。守节，抚孤。子已婚娶，子媳继亡，抚幼孙成立，营三代丧葬。时年七十。学究周公奖以贞延龄。

詹氏樊文奇妻绣溪人。年二十，夫亡。矢志守节二十余载。学究周公奖以幽贞式里。

程氏徐俊登妻水南人。年二十五，夫亡。抚子成立婚娶，事翁姑克尽孝道。守节四十岁卒。学究周公奖以幼躬煮后。

徐氏监生詹凤池妻后园人。年二十九，夫亡。守节。时年六十岁。学宪周公奖以矢志靡他。

毛氏生员徐启元妻年二十四，夫亡。矢志抚孤，苦节自安。学宪周公奖以松筠比节。时年七十二岁。

胡氏徐庭诗妻年二十五，夫亡。安贫守节。时年七十二岁。学宪周公奖以茹荼砺节。

樊氏江天钟妻年二十一，夫亡。坚志守节。歿年六十六岁。学宪周公奖以清同冰玉。

洪氏熊奇贵妻九都人，江西籍。年二十四，夫亡。守节。卒年六十五岁。学宪周公奖以贞操励俗。

张氏生员詹宪文妻后园人。年二十七，夫亡。无子，矢志守节，抚侄为嗣。歿年五十七岁。学宪周公奖以获训贞操。

胡氏江作锬妻文园人。年二十七，夫亡。坚贞守节。歿年七十九岁。学宪周公奖以白首完贞。

徐氏胡永年妻胡村人。年二十九，夫亡。抚孤守节。歿年七十九岁。学宪周公奖以茹荼砥节。

刘氏邹闰妻江西籍。年二十六，夫亡。守节。时年六十六岁。学宪周公奖以矢志柏舟。

张氏魏圣耀妻芳村人。年十九，夫亡。守节。时年六十八岁。学宪周公奖以贞型懿范。

徐氏生员邵重熙妻坑头人。年二十，夫亡，无子。家贫不能自给，就母家度活，坚贞守节。学宪周公奖以操比筠心。

吕氏举人徐达仁妾水巷人。年十九，夫亡，无子。佐适抚孤守节。时年四十八岁。学宪周公奖以蓬室贞型。

何氏江世明妻绣溪人。年十九，夫亡。守节三十九年卒。

徐氏周士豫妻东门人。年二十五，夫亡，无子。抚侄为嗣，孝事翁姑，坚贞守节，以寿终。

陳氏廩生王滋藩妻喬蒼人。年二十二，夫亡，無子。自繪《松竹圖》以見志。守節六十載卒。

鄭氏監生徐之敏妻里擇人。年二十五，夫亡。家貧，苦守三代貞操可憫。八十一歲卒。

張氏生員程宏吉妻城北人。二十七歲，夫亡，無子。家業蕭條，苦守六十六年卒。

劉氏程大興妻城北人。年二十八，夫亡。家貧撫孤。守節三十五年卒。

徐氏葉潮樑妻城北人。年二十八，夫亡，無子。守節四十一年卒。

徐氏監生鄭起龍妻涪湖人。年二十五，夫亡，無子。舍宅為祠，輸田立祀。砥節五十九歲卒。

陳氏徐承運妻涪湖人。年二十三，夫亡。撫孤。守節四十九年卒。

方氏江成鎡妻江家村人。年二十四，夫亡，無子。守節四十九年卒。

江氏胡柔遠妻胡村人。年二十四，夫亡，子幼，孝事舅姑。守節四十餘年卒。

詹氏葉儲光妻彤田人。年二十八，夫亡。事姑守節，生一子殤，忱憤而卒。

戴氏詹兆鸞妻后園人。年二十，夫亡，無子。撫侄承祧。守節三十一年卒。

徐氏周廷崇妻大街人。年二十七，夫亡。子夭。守節五十三載卒。

周氏徐俊招妻隔街人。年二十一，夫亡，子幼，仰事俯育。守節四十年卒。

王氏沈廷錫繼妻大街人。年十八，夫亡。撫元配子成立。守節五十年卒。

徐氏魏起龍妻上埠人。年二十四，夫亡。撫侄承祧，甘貧守節，以壽終。

徐氏何兆盛妻綉溪人。年二十二，夫亡，無子。紡績事姑。守節五十

八年卒。

王氏张东彩妻城北人。年二十一，夫亡。抚孤成立，矢志四十八年卒。

赵氏杨俊杰妻城北人。年二十六，夫亡，无子。事翁姑，抚侄成立。年四十三卒。

樊氏徐大烺妻东乡人。年二十六，夫亡。抚子成立。守节二十八年卒。

徐氏赵应虞妻申明巷人。年二十八，夫亡。抚三子成立。守节四十余年卒。

王氏杨应宣妻屏麓人。年二十八，夫亡。抚侄承祧。守节三十六载卒。

叶氏任国杰妻珏山人。年二十九，夫亡。抚孤，守节。七十二岁卒。

洪氏徐士超妻金川人。年二十九，夫亡。抚子成立。守节四十余年卒。

赵氏徐振麟妻赤坞人。年二十五，夫亡。子贸易外亡。苦节四十二年卒。

徐氏陈君伦妻龙绕人。年二十三，夫亡，子幼，抚养成立。守节十五年卒。

吴氏许廷灿妻草萍人。年二十六，夫亡。家贫，纺绩奉姑。守节数十年卒。

徐氏何其俊妻绣溪人。年二十八，夫亡。子幼家贫，忍饥事姑。苦节三十一年卒。

王氏詹元生妻后园人。年二十一，夫亡。纺绩奉姑，抚孤成立。年八十四卒。

朱氏生员詹作楷妻后园人。年二十八，夫亡。家贫，抚孤，守节。年六十一岁卒。

樊氏詹开仁妻后园人。年二十二，夫亡，无子，家贫。守节五十一年

卒。

林氏黄金鼎妻水南人。年二十一，夫亡。孝舅姑，抚孤子。守节六十五年卒。

叶氏詹学发妻后园人。年二十九，夫亡。事翁姑，抚嗣子。守节三十年卒。

王氏郑钟进妻浮河人。年二十四，夫亡。抚子。守节三十五年卒。

季氏武举詹连元妻后园人。年二十一，夫赴京会试殁于途。抚侄。守节四十年卒。

余氏洪元晴妻金村人。年十七，夫亡。遗腹生子，纺绩奉姑。守节六十五年卒。

鲁氏徐始增妻年二十五，夫亡，无子。择继承祧。苦守三十六年卒。

汪氏樊见增妻年二十八，夫亡。家贫，事姑抚侄。守节六十三年卒。

徐氏程嘉兴妻城北人。年二十八，夫亡，子幼。守节四十八年而卒。

詹氏徐常蟾妻赤坞人。年二十三，夫亡，子幼。守节四十三年卒。

刘氏徐志锦妻蒋家园人。年二十八，夫亡，子幼。守节三十六年卒。

杨氏詹德基妻后园人。年二十五，夫亡。子夭，苦节自矢，针指度日。年六十八岁卒。

周氏生员汪宗元妻西川人。年二十五，夫亡，无子。守节三十五年卒。

詹氏徐始炎妻里择人。年三十，夫亡。矢志抚孤成立。守节五十一年卒。

许氏詹兆駟妻后园人。年二十二，夫亡。与妾姚氏，抚孤守节，皆以寿终。

姚氏詹兆駟妾年二十，守节。事见前。

张氏徐庆增妻东乡人。年二十四，夫亡。遗腹生子，艰苦抚养成立。守节四十年卒。

樊氏生员江廷沅妻源口人。年二十三，夫亡。家贫，子幼，艰辛守



节，四十三年卒。

徐氏江锡光妻马魁人。年二十三，夫亡，无子。安贫守节。年六十六岁卒。

舒氏监生黄世荣妻路门口人。年二十四，夫亡，子幼。苦志守节。年五十卒。

鲁氏监生詹曾貽妻后园人。年二十二，夫亡，子幼。守节四十二年卒。

江氏詹文郁妻后园人。年二十，夫亡。守节抚孤，苦志三十余年卒。

徐氏詹文鲁妻后园人。年二十，夫亡，无子。守节三十年卒。

徐氏詹知善妻后园人。年二十五，夫亡。抚孤守节，孝事孀姑。年五十卒。

刘氏詹文宇妻后园人。年三十，夫死。安贫抚孤。守节六十六年卒。

方氏陈公福妻南塘人。年二十，夫亡，子幼。守节四十年卒。

余氏陈良彬妻南塘人。年二十，夫亡。守节三十年卒。

徐氏陈宗润妻南塘人。年二十六，夫亡，无子。守节四十四年卒。

郑氏胡师灏妻胡村人。年二十三，夫亡。孝事孀姑，抚孤。守节数十年卒。

朱氏徐世坝妻溪上人。年二十五，夫亡。守节。年六十岁卒。

程氏徐肇杰妻溪上人。年二十八，夫亡。守节。年七十五岁卒。

夏氏魏世招妻上埠人。年二十四，夫亡。抚子，守节。年六十六岁卒。

徐氏舒有庆妻水巷人。年二十八，夫亡。安贫守节，始终如一。

王氏徐文伟妻塔山下人。年十九，夫亡。抚孤子，事姑，守节。年六十三岁卒。

詹氏徐崇林妻赤坞人。年二十三，夫亡。抚孤成立。守节四十三年卒。

徐氏詹增福妻后园人。年二十五，夫亡。抚子生孙。后子、孙相继

亡，孤苦自守。年八十六岁卒。

汪氏监生詹炯文妻后园人。年二十一，夫亡。抚孤成立。守节四十一年卒。

吴氏郑三凤妻象湖人。年二十三，夫亡。矢志抚孤。守节四十余年，年六十九岁以寿终。

徐氏毛士铨妻球川人。年十九，适铨。甫匝月，铨随父日微为客，没于京邸。氏与姑郑氏，茕茕孑立，苦守，从一而终。

郑氏毛日微妻事见前。

詹氏王士忻妻芙蓉人。年三十，夫亡。子幼，事孀姑，冰操共励，族里称双节焉。卒皆耄年。

王士忻母事见前。氏未详。

陈氏程之驥妻年二十九，夫亡。抚孤守节。苦志数十余年卒。

徐氏程之驥妻年二十八，夫亡。子幼，苦节自持，以寿终。

徐氏詹镇江妻后园人。年二十余，夫亡。家贫，子幼，矢志守节，耄年而卒。

邵氏周仕速妻城东人。年二十余，夫亡。守节，抚孤光继成立，娶媳汪氏，生孙。光继又亡，与媳同抚孤孙。甲寅闯变，孙被掳，姑媳忧愤而卒。

汪氏周光继妻事见前。

徐氏周鉉妻城东人。年二十六，夫亡。矢志抚孤生孙，而子又亡，氏益凜冰霜，抚孤孙成立，以寿终。

金氏陈德芳妻灵湖人。年二十二，夫亡。抚侄为嗣，守节。年七十一岁卒。

张氏江旭龄妻文园人。年二十四，夫亡。抚孤成立。守节五十一年卒。

徐氏江邦基妻文园人。年二十四，夫亡。抚子守节，历四十七年卒。

戴氏叶以孝妻朝京坊人。青年夫亡，守节，事姑，抚子成立，以寿终。

黄氏徐居松妻湖东人。年二十六，夫亡，无子。守节至七十五岁卒。

江氏胡其伦妻寿川人。年二十二，夫亡。抚子成立。子又亡，坚贞苦守。时年五十六岁。

詹氏郑作梅妻象湖人。年二十三，夫亡。守节。年六十四岁卒。

余氏江承祖妻文困人。年二十八，夫亡。抚子守节。年五十三岁卒。

徐氏周博文妻东门人。年二十一，夫亡。子甫周岁，矢志抚孤。时年五十二岁。

符氏林鸣璜妻山头人。年二十八，夫亡。家贫，子幼，纺绩度日。时年七十八岁。

徐氏生员江威凤继室江家村人。年二十六，夫亡。抚子，安贫自守。时年六十五岁。

王氏徐之经妻城北人。年二十八，夫亡。矢志抚孤，安贫守节。时年六十八岁。

江氏生员郑良妻阁邸人。年二十八，夫亡，无子。家贫守节。时年六十二岁。

杨氏汪开镐妻石桥人。年三十，夫亡。二子俱幼，抚孤守节。时年五十九岁。

徐氏詹旭升妻后园人。年二十九，夫亡。遗三子，相继而殇，孤苦守节。时年六十七岁。

徐氏叶美光妻彤旧人。年二十九，夫亡。守节，事姑尽孝，抚二子。时年六十六岁。

杨氏叶德光妻彤旧人。年二十七，夫亡，无子。事姑守节。时年五十四岁。

陈氏樊文烈继室绣溪人。年二十三，夫亡。抚前室子成立，孝事翁姑。时年六十二岁。

胡氏陈登程妻东鲁人。年十八，夫亡，无子。事翁姑，克尽孝敬。时年六十五岁。

杨氏段维兴妻特坂人，江西籍。年二十四，夫亡。家贫，抚子守节。

时年七十一岁。

何氏江志鲁妻绣溪人。年二十六，夫亡。遗孤甫五龄，甘贫守节。时年五十三岁。

叶氏徐元绅妻赤坞人。年二十八，夫亡。守节，抚养三子皆成立。时年五十一岁。

张氏徐之元妻里择人。年二十五，夫亡。三子继歿，家贫，孤苦自守。时年八十一岁。

徐氏樊帝升妻湖东人。年二十八，夫亡。家贫，抚子。子亡抚孙，坚志苦节。时年六十六岁。

官氏任兆瑞妻珏山人。年十八，夫亡，无子。抚侄守节。时年六十三岁。

商氏任兆璩妻珏山人。年二十九，夫亡。抚孤守节。时年五十岁。

鲍氏詹桂龄妻后园人。年二十六，夫亡，无子。抚侄守节。时年七十八岁。

叶氏郑德容妻古县坂人。年二十二，夫亡。子殇，抚侄为嗣，孝事翁姑。时年五十一岁。

洪氏郑德贤妻古县坂人。年二十二，夫亡，无子。抚侄，事奉舅姑。时年四十九岁。

黄氏朱之远妻年十九，夫亡。抚侄为嗣，孝事翁姑。时年七十四岁。

洪氏张之高妻年二十六，夫亡，子幼，孝事翁姑，苦节自守。时年五十二岁。

江氏生员詹思任妻后园人。年二十八，夫亡。家贫，抚子成立，守节。时年七十一岁。

谢氏徐宗宏妻年十七，夫亡，无子。事翁姑尽孝，苦志守节。时年六十八岁。

王氏江树松妻源口人。年十七，夫亡，无子。苦志守节。时年六十七岁。

华氏汪韶宗妻宋坂人。年三十，夫亡。抚孤矢志。时年五十四岁。

鲁氏陈斐然妻南塘人。年二十二，夫亡。矢志守节，抚孤成立。时年五十一岁。

徐氏詹荣科妻后园人。年二十三，夫亡。苦志矢志，抚子成立。时年七十四岁。

徐氏黄圣永妻路门口人。年二十一，夫亡，子甫三月，及长又殇，无嗣守节。时年七十一岁。

樊氏叶永吉妻莲塘人。年二十七，夫亡，子幼。艰苦守节。时年八十五岁。

胡氏江世球妻文园人。年二十七，夫亡。矢志守节，抚孤。时年六十八岁。

舒氏徐登第妻视头人。年二十四，夫亡。孝奉舅姑，以义方训子，苦志守节。时年五十二岁。

徐氏周之义妻上周庵人。年二十八，夫亡。抚孤，守节三十余年。时年六十岁。

何氏江耀葵妻文园人。年二十九，夫亡。侧室洪氏，年二十六，遗腹生子，同志守节。何四十四岁卒，洪不懈其志，时年五十岁。

洪氏江耀葵妾事见前。

徐氏王世锦妻年二十三，夫亡。矢志抚孤守节。时年六十九岁。

黄氏王世勋妻年二十八，夫亡。安贫守节。时年五十九岁。

程氏徐世团妻年二十五，夫亡，无子。矢志守节。时年六十五岁。

张氏王兆魁妻西门人。年二十，夫亡。抚侄为嗣，守节。时年七十岁。

璩氏江天玉妻绣溪人。年二十九，夫亡。抚孤守节。时年六十三岁。

毛氏徐崇龄妻东方人。年二十六，夫亡，无子。抚侄守节。时年六十岁。

余氏胡世周妻年二十一，夫亡。抚孤守节。时年六十六岁。

周氏樊见贤妻湖东人。年二十九，夫亡。守节，抚孤成立。时年七十一岁。

徐氏鲁树珑妻大街人。年二十六，夫亡。抚子守节。时年五十四岁。

徐氏江世全妻绣溪人。年二十六，夫亡。守节。时年五十九岁。

陈氏徐建俊妻蒋家园人。年二十八，夫亡。抚孤成立，守节安贫。卒年五十八岁。

詹氏贡生徐祖玮妻蒋家园人。年二十七，夫亡。遗孤甫七岁，抚养成立。守节三十七年卒。

叶氏徐德兆妻塔山下人。年二十五，夫亡。抚孤成立，矢志守节。时年七十六岁。

陈氏徐大莹妻年二十五，夫亡，无子。抚侄为嗣，守节五十八年。时年八十三岁。

刘氏林常达妻年二十四，夫亡。抚孤子成立。守节至五十岁卒。

林氏邵彩明妻九都人。年二十一，夫亡。抚孤守节。时年八十岁。

徐氏监生郑懋全妻古县坂人。年二十三，夫亡。抚孤守节，卒年六十三。嘉庆十八年题旌。

徐氏詹应元妻后园人。年二十九，夫亡。生一子，家贫，守贞，孝事翁姑。年六十二岁卒。

詹氏史宗炜妻槐阴巷人。年二十九，丧夫。生四子，纺绩勤劳，谨事孀姑，抚子课读，俱成名。守节至七十六岁卒。

樊氏张士岐妻县前人。年二十七，夫亡。家贫，子幼，抚孤成立，守节完贞。至五十九岁卒。

舒氏徐世丰妻里择人。年三十，夫亡。三子俱幼，坚贞自矢。时年六十五岁。

裴氏徐俊鳌妻里择人。年十八，夫亡。遗一子，甫三月，茕茕苦守，抚孤成立。至四十八岁卒。

姚氏程秀川妻西坞人。年二十六，夫死。抚三子，事孀姑，色养兼至，

砥志苦节。时年六十七岁。

江氏徐之仙妻里择人。年二十四，夫死。一子又殇。苦守五十载。寿七十四岁卒。

陈氏徐之佾妻里择人。年二十三，丧夫，无子。守节四十余年。寿六十九岁卒。

徐氏江天秀妻原浚人。年二十八，夫亡。抚子守节。年八十岁卒。

徐氏姚士涛妻大东门人。年二十二，夫故，无出。奉侍迈姑，苦守，抚嗣子成立。年四十四岁卒。

王氏赵开元妻马车人。年二十四，夫亡。抚孤守节。时年六十九岁。

邵氏武生徐必元妻里择人。年三十，夫亡，子幼。砥志守节。时年五十岁。

张氏余宗魁妻下山头人。年二十四，夫亡。遗一子，甫四岁，苦志守节。至六十岁卒。

徐氏胡式群妻胡村人。年二十八，夫亡。矢志守节，抚侄承继。卒年五十有一。

陈氏余承镇妻山头人。年二十八，夫亡。抚孤守节。卒年六十有三。

江氏徐始洸妻蒋家园人。年二十九，夫亡。苦志守节，抚孤成立。卒年四十有九。

郑氏徐世洵妻溪上人。年二十九，夫亡。守节自誓，孝翁姑，抚孤子，备极艰辛。年六十四卒。

卢氏洪永兆妻西门人。年二十九，夫亡。抚孤守节。时年七十岁。

鲍氏詹一紘妻后园人。年二十八，夫亡。抚子游庠，子亡换孙成立，艰苦备尝。年八十岁卒。

程氏鲁鼎思妻大街人。年二十六，夫亡。苦志守节，事姑抚子，以孝慈闻。年八十一岁卒。

徐氏樊心柄妻湖东人。年十八于归；二十四，夫亡。生一子，甫八月，抚孤成立。奉事舅姑，备极孝养。守节四十余年卒。

徐氏毛世廣妻市心街人。年二十八，夫亡。撫孤子，孝翁姑。守節五十二年卒。

郭氏余成環妻黃岡人。年二十一，夫亡。撫孤守節。時年五十四歲。

程氏江承祖妻湖東人。年二十八，夫亡，無子。守節。卒年五十有六。

黃氏徐之焜妻蔣家園人。年二十六，喪夫。家貧，子幼，紡績度日，敬事邁翁。時年五十九歲。

胡氏生員徐明桂妻里擇人。年三十，夫亡，子幼。守節至七十九歲卒。

江氏羅鍾富妻年二十七，夫亡。撫子守節。時年七十七歲。

汪氏樊見志妻綉溪人。年二十四，夫亡。苦節自守，孝事孀姑。年至六十，與姑相繼而卒。

沈氏周廷奇妻大街人。年二十四，夫亡，無子。堅貞自矢，敬事邁翁。時年六十二歲。

汪氏監生徐彩麟繼室赤塢人。年二十，夫亡。子殤，堅貞自矢。卒年五十八歲。

陳氏洪元常妻上坂頭人。年二十二，夫亡，無子。撫侄為嗣，苦志守節。卒年七十五歲。

黃氏章肇標妻溪口人。年二十九，夫亡，無子。撫侄成立，守節二十餘年。卒年五十三歲。學究周公獎以貞標彤管。

周氏裴俊德妻裴村人。年二十四，夫亡。子幼，撫孤成立，孝事舅姑，曲盡婦職。守節十有五年卒。學究周公獎以節孝垂型匾額。

姚氏樊文煒妻綉溪人。年二十九，夫亡。事姑盡孝，撫子成立。時年六十歲。

陳氏洪文岷妻金村人。年二十五，夫亡。撫子成立。時年七十四歲。

揭氏章廷岳妻圭山人。年二十八，夫亡。矢志守節。時年六十一歲。

洪氏何崇顯妻楊村人。年二十，夫亡。撫孤守志，孝事舅姑。時年六



十五岁。

余氏胡西周妻大蓬人。年二十四，夫亡。遗孤二子，抚养成立。时年六十七岁。

徐氏江汝隆妻界首人。年二十六，夫亡。抚孤子，事翁姑，苦志守节。时年五十一岁。

毛氏詹兆进妻九都人。年二十九，夫亡。子幼，守节。卒年五十六岁。

童氏詹必潜妻九都人。年三十，夫亡。子幼，守节至七十五岁卒。

康氏洪元攀妻金村人。年二十七，夫亡。家贫，子幼，苦志守节。年八十二岁卒。

詹氏生员鲁树杰妻大街人。年二十六，夫亡。矢志守节二十余载卒。

余氏张光灿妻濠涇人。年二十九，夫亡。矢志守节，敬事翁姑，抚孤成立。学究周公给匾奖之。

徐氏汪广洙妻宋坂人。年二十六，夫亡，无子。将葬其夫，命工营二穴以见志。姑病，封股和羹以进，阅十二年，朝夕扶掖不懈。雍正六年题旌。

胡氏徐俊安妻宙宇庄人。二十四岁，夫亡。矢志守节。卒年四十九岁。道光间旌。

杨氏徐振濫妻民字庄人。二十九岁，夫亡。守节。卒年七十二岁。已旌。

詹氏许起灵妻天字庄人。二十五岁，夫亡。守节，抚侄成立。卒年六十四岁。咸丰元年题旌。

汪氏生员许士鹏妻天字庄人。二十八岁，夫亡。守节，同媳徐氏，冰霜共励，时称双节。卒年六十九岁。

徐氏许士鹏媳事见前。

程氏詹应仁妻文字庄人。二十七岁，夫亡。守节。卒年七十七岁。

应氏徐定举妻民字庄人。二十三岁，夫亡。家贫，佣工谋食，抚孤成

立。卒年六十歲。咸豐元年旌。

鄭氏徐定潮妻民字庄人。二十一歲，夫亡。矢志守節，不出閨閫。卒年四十二歲。

嚴氏徐晶瑩妻民字庄人。二十九歲，夫亡。孝姑守節。卒年六十四歲。咸豐元年題旌。

嚴氏徐鍾靈妻民字庄人。二十九歲，夫亡。守節。卒年六十一歲。咸豐元年題旌。

藍氏生員徐青雲妻民字庄人。二十三歲，夫亡。矢志守節，孝事迈姑，抚孤成立。卒年五十一歲。咸豐元年題旌。

邵氏毛光蕃妻成字庄人。二十六歲，夫亡。守節，孝姑抚子。卒年九十歲。

詹氏毛士灼妻成字庄人。二十六歲，夫亡。守節，孝事迈姑。卒年七十二歲。

徐氏毛日泉妻成字庄人。二十歲，夫亡。守節，抚子成立。

徐氏毛光菽妻成字庄人。青年守節，孝事翁姑，抚孤成立。卒年三十六歲。

汪氏周元鏜妻天字庄人。二十九歲，夫亡。守節，抚子成立。卒年七十一歲。

徐氏周大定妻天字庄人。二十八歲，夫亡。孝事迈姑，抚侄成立。卒年四十八歲。

徐氏周元炳妻黃字庄人。二十七歲，夫亡。守節，抚侄成立，卒年七十二歲。咸豐元年題旌。

徐氏許兆鎔妻洪字庄人。二十一歲于歸，三月，夫亡。守節，抚孤成立。卒年六十歲。咸豐元年旌。

詹氏許兆煉妻洪字庄人。二十七歲，夫亡。守節，孝姑抚侄。卒年六十歲。咸豐元年旌。

徐氏庠生詹政妻正有字庄人。二十三歲，夫亡。甘貧守節，抚子成

立。卒年八十岁。咸丰元年题旌。

王氏詹承煦继妻正有字庄人。二十三岁，夫亡。守节，抚子成立。卒年七十七岁。

王氏詹承煜妻正有字庄人。二十三岁，夫亡。抚子苦守。卒年六十六岁。咸丰元年题旌。

谢氏詹金枢继妻正有字庄人。二十九岁，夫亡。守节，抚侄成立。卒年七十七岁。

毛氏监生聂克源妻下余字庄人。三十岁，夫亡。守节，孝敬事姑，义方教子。卒年五十九岁。题旌建坊。

罗氏生员聂绍桂妻下余字庄人。二十九岁，夫亡。守节，抚孤成立。请旌建坊玉山十八都。

樊氏王人惊妻上衣字庄人。二十九岁，夫亡。守节，抚子成立。卒年四十一岁。

饶氏王位黄妻上衣字庄人。二十五岁，夫亡。守节，抚子成立。卒年五十三岁。

王氏俞光德妻上衣字庄人。二十八岁，夫亡。矢志守节。卒年七十岁。

詹氏王人和妻上衣字庄人。二十二岁，夫亡。无子，仅生一女，矢志守节。卒年三十二岁。

徐氏郑肇敏妻垂字庄人。二十五岁，夫亡。抚子守节。卒年三十六岁。

朱氏陈法妻地字庄人。二十九岁，夫亡。守节。卒年六十五岁。

张氏余尔谋妻露字庄人。二十六岁，夫亡。抚孤守节。卒年九十七岁。

林氏余尔珍妻露字庄人。二十四岁，夫亡。抚孤守节。卒年九十八岁。咸丰元年题旌。

江氏徐士篚妻达坞人。十九岁，夫亡。守节，抚继子应商成名。卒年

四十一歲。

許氏黃榮封妻成字庄人。二十八歲，夫亡。守節，撫子邦、達兄弟成立。卒年七十五歲。督學羅公獎以 撫孤守節 匾額。

姜氏華萬邨妻律字庄人。二十三歲，夫亡。撫遺腹子成立，矢志守節。卒年八十一歲。道光十八年題旌。

魯氏樊煥升繼妻水字庄人。十八歲，夫亡。守節，孝事翁姑，撫侄成立。卒年五十五歲。知縣張獎以 節比松筠 匾額，已建坊。

張氏詹徐來妻金結字庄人。二十三歲，夫亡。矢志守節。卒年六十九歲。

徐氏江世恩妻垂字庄人。二十九歲，夫亡。遺腹一子，家貧守節。卒年五十一歲。

王氏生員黃國海妻垂字庄人。三十歲，夫亡。三子俱幼，矢志守節。卒年八十八歲。

鄭氏黃汝舟妻垂字庄人。二十歲，夫亡。事姑撫幼女，矢志守節。卒年四十八歲。

江氏黃國祥妻垂字庄人。三十歲，夫亡。矢志守節，孝事翁姑，撫子成名。卒年七十歲。

洪氏陳廣發妻宿字庄人。三十五歲，夫亡。守節。卒年八十余歲。道光間，督學趙公給以 貞操冰清 匾額。

吳氏徐常鑑妻黃字庄人。二十八歲，夫亡。守節。卒年八十余歲。嘉慶間，督學周公給以 貞行流芳 匾額。

王氏徐繼純妻列字庄人。十八歲，夫亡。撫子成立，孝事翁姑，矢志守節。卒年八十六歲。道光間題旌。

邵氏江世俊妻水字庄人。二十五歲，夫亡。撫二子成立，矢志守節。卒年七十一歲。道光三十年題旌。

樊氏江文學妻水字庄人。二十八歲，夫亡。撫孤守節。卒年七十三歲。道光三十年題旌。

徐氏江文日妻水字庄人。二十三岁，夫亡。家贫，子甫周岁疾笃，氏为夫绵裡吁天求代，子旋愈，守节三十年。卒道光三十年题旌。

徐氏张崇训妻洪字庄人。二十九岁，夫亡。守节，孝事翁姑，抚孤成立。卒年六十四岁。光绪元年题旌。

樊氏鲁复旦妻元字庄人。二十九岁，夫亡。矢志守节，孝事迈姑，竭力经营，安葬翁姑并夫，茹苦含辛，抚子成名。卒年四十七岁。

徐氏詹世酉妻洪字庄人。二十八岁，夫亡。守节。卒年八十五岁。道光二十九年题旌。

洪氏吴文学妻珍字庄人。二十六岁，夫亡。抚孤守节。卒年七十二岁。同治九年，旌表建坊。

王氏詹裁之妻地字庄人。二十二岁，夫亡。抚侄成立，坚贞守节。卒年四十二岁。咸丰元年题旌。

陈氏胡兆钟妻出字庄人。二十七岁，夫亡。抚子守节。卒以寿终。同治十二年题旌。

璩氏江有土妻出字庄人。二十六岁，夫亡。子小家贫，针指度日，矢志守节，白首完贞。同治间旌。

胡氏璩德旺妻生字庄人。二十八岁，夫亡。抚孤守节，卒年五十岁。

杨氏吴孔文妻河字庄人。二十七岁，夫亡。茹苦含辛，抚子成立，守节四十五年卒。

王氏徐利塘妻推字庄人。三十岁，夫亡。守节家贫，子幼，抚养成立，卒年七十三岁。道光年间已报蒙学究赵汇奏。

俞氏徐文斗妻推字庄人。二十五岁，夫亡。家贫苦守，抚子成立。卒年七十三岁。道光年问题旌。

樊氏王道典妻让字庄人。二十九岁，夫亡。守节，抚子成名。享年七十九岁。咸丰元年题旌。

苏氏王大观妻让字庄人。二十八岁，夫亡。守节，抚孤成立。卒年八十四岁。咸丰元年题旌。

郑氏王道大妻让字庄人。二十岁，夫亡。无子，矢志守节，孝事翁姑。卒年三十岁题旌。

郑氏王道隆妻让字庄人。二十二岁，夫亡。守节，孝事翁姑，抚遗腹子成立。咸丰元年题旌。

江氏璩德周妻生字庄人。二十七岁，夫亡。守节。卒年六十五岁。咸丰元年题旌。

郑氏陈世绩妻师字庄人。二十三岁，夫亡。无子，矢志守节，孝事翁姑。卒年三十五岁。咸丰元年题旌。

宁氏詹大鹤妻地字庄人。二十九岁，夫亡。守节，孝事翁姑，抚子永、湘兄弟成名。卒年六十二岁。咸丰元年题旌。

洪氏胡肇逵妻结字庄人。二十二岁，夫亡。守节，抚育孱叔成人，知县陈奂以抚叔嗣禮匾额。

樊氏徐宏鼎妻冈字庄人。三十岁，夫亡。矢志守节。卒年八十九岁。

洪氏徐元坦妻冈字庄人。二十九岁，夫亡。矢志守节。卒年六十八岁。道光戊子年题旌。

徐氏武生詹邦逵继妻地字庄人。三十岁，夫亡。守节，抚孤成名。卒年六十九岁。同治癸酉年题旌。

徐氏傅维善妻张字庄人。二十三岁，夫亡。守节家贫，针指度日，孝事翁姑，抚孤成立。道光二十六年题旌。

徐氏何有甲妻水字庄人。守节三十七年。道光二十一年题旌。

吴氏职员詹攀麟妻腾字庄人。三十岁，夫亡。守节五十二年卒。咸丰元年题旌。

汪氏徐俊毓妻元字庄人。二十四岁，夫亡。守节，卒年五十五岁。同治六年题旌。

黄氏徐开俊妻元字庄人。二十三岁，夫亡。守节。卒年三十九岁。同治六年题旌。

王氏徐守益妻洪字庄人。二十三岁，夫亡。守节，抚子成立。道光年

间题旌。

徐氏洪奕谦妻号字庄人。二十六岁，夫亡。抚侄成立，守节六十四年。道光庚戌年题旌。

何氏洪大陶妻号字庄人。二十一岁，夫亡。抚侄为嗣，守节三十七年。光绪元年题旌。

魏氏郑国櫟继妻虞字庄人。二十五岁，夫亡。守节，抚侄成立。卒年八十四岁。道光年间题旌。

徐氏郑朝澣妻虞字庄人。二十六岁，夫亡。守节，抚侄成立。卒年七十二岁。咸丰元年题旌。

徐氏庠生王世昌妻上衣字庄人。二十七岁，夫亡。守节，抚孤成名。卒年五十九岁。光绪七年题旌。

吴氏聂绍楷妻下余字庄人。二十一岁，夫亡。守节，事姑以孝，抚侄心传为嗣，教有义方。卒年七十四岁。坊建玉山。

胡氏徐梦鸾妻成年庄人。三十岁，夫亡。茹荼守节，抚孤成人。

谢氏徐宗宏妻成字庄人。十七岁，夫亡。茹苦含辛，白首完贞。

苏氏符登鳌妻吊字庄人。二十七岁，夫亡。孝事舅姑，抚孤，守节三十三年卒。知县徐具详请旌。

袁氏监生徐燠妻宇字庄人。二十八岁，夫亡。矢志守节。卒年五十七岁。咸丰元年题旌。

王氏余文煜妻又衣字庄人。二十七岁，夫亡。孝事迈姑，抚子并抚孙成立。卒年八十四岁。旌坊已建。

胡氏郑大溲妻问字庄人。二十七岁，夫亡。孝事迈姑，和睦妯娌，抚子兆禎成名。卒年六十七岁。咸丰元年题旌。

徐氏杨瑞照妻地字庄人。道光二十四年建坊。

徐氏舒光朗妻宙字庄人。三十岁，夫亡。守节。卒年七十六岁。咸丰元年题旌。

封氏符昌璧妻吊字庄人。二十五岁，夫亡，无子。孝事孀姑，与姑并

守节二十年。同治八年旌。

郑氏增生胡泮妻崑字庄人。二十九岁，夫亡。守节。卒年七十八岁。同治十二年，请旌建坊。

张氏廩生徐吉妻洪字庄人。二十九岁，夫亡，守节。卒年六十六岁。

徐氏武举程清泰妻黄字庄人。二十九岁，夫亡。守节。卒年六十岁。咸丰元年题旌。

詹氏程起通妻黄字庄人。二十九岁，夫亡。守节。卒年八十岁。咸丰元年题旌。

姚氏詹金章妻宇字庄人。二十九岁，夫亡。守节，孝事翁姑，抚子成立。卒年五十三岁。咸丰元年题旌。

徐氏从九张明德妻黄字庄人。二十七岁，夫亡。矢志守节，抚侄成立。卒年五十八岁。

许氏徐泰鼎妻洪字庄人。二十五岁，夫亡。孝事翁姑，抚侄成立。卒年四十三岁。

张氏徐庆云妻洪字庄人。二十二岁，夫亡。孝事翁姑，抚侄成立。卒年三十五岁。

徐氏许兆鈞妻黄字庄人。二十八岁，夫亡。孝事翁姑，抚侄成立。卒年四十四岁。

徐氏张执礼妻地字庄人。二十八岁，夫亡。矢志守节，抚孤成立。卒年五十七岁。

毛氏徐耀曾妻地字庄人，寄居江山县城内。二十八岁，夫亡。矢志守节，抚遗腹子成名。卒年五十八岁。

蓝氏李远辉妻正收字庄人。二十三岁，夫亡。孝事迈姑，抚遗腹子，守节。子复亡，抚孙成立。卒年七十五岁。

徐氏汪运烈妻元字庄人。二十七岁，夫亡。矢志守节。卒年四十七岁。

王氏监生徐显章妻宇字庄人。二十七岁，夫亡。矢志守节，抚孤成



名。卒年四十九岁。

樊氏徐正标妻字字庄人。二十三岁，夫亡。痛丧所天，得病身亡，计守节六年。

谢氏徐世贤妻咸字庄人。三十岁，夫亡。守节，抚子成立。卒年七十二。

樊氏徐德利妻咸字庄人。三十岁，夫亡。守节，抚侄成立。卒年六十四岁。

祝氏毛洪钊妻咸字庄人。三十岁，夫亡。守节，事姑尽孝，教子义方暨。卒年八十二岁。

邹氏徐华李妻咸字庄人。二十五岁，夫亡。守节，抚子成立。卒年三十一岁。

徐氏毛日铢妻咸字庄人。二十七岁，夫亡。守节。卒年八十三岁。

韩氏毛日焕妻咸字庄人。二十岁，夫亡。守节，孝事迈姑，抚孤成立。卒年七十二岁。

徐氏毛士廷妻咸字庄人。二十九岁，夫亡。守节，孝养迈姑。卒年四十四岁。

杨氏毛士尹妻咸字庄人。二十五岁，夫亡。守节，孝姑，抚遗腹子成立。卒年五十九岁。

徐氏毛洪忠妻咸字庄人。二十二岁，夫亡。守节，抚侄成立。卒年六十五岁。

詹氏王树珠妻洪字庄人。二十四岁，夫亡。守节。卒年七十四岁。咸丰元年题旌。

詹氏王肇基妻洪字庄人。二十九岁，夫亡。矢志守节。卒年四十七岁。

汪氏王焕兰妻洪字庄人。三十岁，夫亡。守节。卒年六十六岁。

徐氏胡克彰妻洪字庄人。二十岁，夫亡。守节。卒年二十九岁。

徐氏詹金森妻正有字庄人。二十五岁，夫亡。守节，抚子成立。卒年

七十七歲。

汪氏吳時桂妻師字庄人。二十七歲，夫亡。孝事翁姑，抚子守節。卒年六十三歲。

孫氏生員王賓妻又衣子庄人。二十一歲，夫亡。守節。卒年八十二歲。

石氏王永聰妻又衣字庄人。二十五歲，夫亡。守節。卒年七十一歲。

朱氏王元綏妻又衣字庄人。二十歲，夫亡。守節。卒年六十四歲。

徐氏張傳恭妻地字庄人。二十三歲，夫亡。守節，抚孤成立。卒年五十二歲。

徐氏王觀國妻官字庄人。二十九歲，夫亡。抚孤守節。卒年七十一歲。

金氏王際成妻官字庄人。二十四歲，夫亡。守節。卒年五十四歲。

張氏魏顯宗妻官字庄人。十九歲，夫亡。抚孤守節，又訓次孫启名成名。

裴氏汪承本妻師字庄人。二十九歲，夫亡。甘貧抚孤，守節。卒年七十歲。

徐氏陳發龍妻師字庄人。二十四歲，夫亡。貧無立錫，食草苗根，抚子成人。卒年六十歲。

吳氏劉英銘妻致字庄人。二十八歲，夫亡。守節，抚子成立。卒年七十歲。

祝氏毛大楹妻成字庄人。二十五歲，夫亡。抚孤守節，孝事翁姑。卒年四十八歲。

詹氏張詩成妻秋字庄人。二十五歲，夫亡。守節。卒年七十九歲。

徐氏王開文妻李字庄人。二十五歲，夫亡。守節。卒年六十一歲。

江氏王開京妻李字庄人。二十二歲，夫亡。守節，孝事返姑，抚繼成立。卒年五十六歲。

張氏王開謙妻李字庄人。二十九歲，夫亡。守節。卒年八十三歲。

陈氏王秉性妻李字庄人。二十三岁，夫亡。守节。卒年七十九岁。

郑氏王秉旄妻李字庄人。三十岁，夫亡。守节。卒年六十七岁。

章氏王秉洪妻李字庄人。二十岁，夫亡。守节。卒年七十八岁。

吴氏生员王镐妻李字庄人。二十三岁，夫亡。守节。卒年三十六岁。

吴氏季光湜妻伐字庄人。二十五岁，夫亡。守节，孝事迈姑。守节四十年卒。

邹氏生员符昌玺妻吊字庄人。结褵未期，二十二岁，夫亡。守节，孝事翁姑，阅九年病卒。

徐氏程世钧妻黄字庄人。二十四岁，夫亡。守节。卒年五十五岁。

杨氏程邦荣妻黄字庄人。二十六岁，夫亡。守节。卒年五十四岁。

江氏樊文明继妻水字庄人。二十八岁，夫亡。抚孤守节。卒年四十四岁。

魏氏庠生樊增美妻水字庄人。二十三岁，夫亡。抚孤守节。卒年六十七岁。

徐氏樊方增妻水字庄人。二十二岁，夫亡。抚侄孝姑，坚志守节。卒年四十六岁。

王氏汪国钦妻官字庄人。三十岁，夫亡。抚孤守节。卒年六十岁。

徐氏江朝言妻文字庄人。十九岁，夫亡。守节，孝以事姑。姑卒，殓殮如礼。教子义方。年六十八卒。

孙氏江象茂妻文字庄人。三十岁，夫亡。家贫，纺绩度日，矢志坚贞。卒年八十二岁。

魏氏樊见鸯妻辰字庄人。二十五岁，夫亡。孝事翁姑，抚孤，守节，四十余年卒。

郑氏徐俊煜妻官字庄人。二十八岁，夫亡。矢志守节，七十余年卒。

吴氏范光本妻雨字庄人。二十六岁，夫亡。守节。卒年八十二岁。

樊氏郑宗时妻问字庄人。二十五岁，夫亡。抚孤成立，守节，三十余年卒。

張氏鄭錫雲妻問字莊人。二十七歲，夫亡。撫侄成立，矢志守節。卒年七十八歲。

王氏鄭是忠妻問字莊人。二十八歲，夫亡。矢志守節，撫侄成立。卒年五十九歲。

劉氏鄭之昌妻問字莊人。二十四歲，夫亡。撫孤，守節，五十餘年卒。

劉氏鄭居傳妻道字莊人。二十八歲，夫亡。撫子守節。卒年六十五歲。咸豐元年題旌。

徐氏鄭是俊妻道字莊人。二十三歲，夫亡。孝事翁姑，撫子啟新成名，矢志守節。卒年六十二歲。

徐氏詹兆溥妻正有字莊人。十七歲，夫亡。守節。卒年六十四歲。

王氏鄭鼎鐘妻正有字莊人。二十三歲，夫亡。家貧，紡績度日，孝翁姑，撫子女。不數年，子女夭折，矢志彌堅。卒年四十五歲。

王氏鄭育德妻正有字莊人。二十四歲，夫亡。守節。卒年七十八歲。

王氏鄭世錢妻正有字莊人。二十五歲，夫亡。守節，始終如一。

傅氏鄭世鏗妻正有字莊人。三十歲，夫亡。守節，撫子。卒年四十五歲。

徐氏俞大林妻陶字莊人。二十二歲，夫亡。守節，孝事翁姑。卒年八十三歲。

王氏俞雲龍妻陶字莊人。二十七歲，夫亡。撫孤，守節。卒年五十八歲。

華氏傅蘭玉妻陶字莊人。二十八歲，夫亡。撫子，守節。

陳氏魯愛香妻列字莊人。二十七歲，夫亡。孝事翁姑，矢志守節。卒年七十三歲。

詹氏生員鄭文爛妻地字莊人。二十一歲，夫亡。守節，卒年二十九歲。

洪氏汪學聖妻雲字莊人。二十八歲，夫亡。孝事舅姑，撫子，守節。卒年九十歲。

徐氏生员杨焕章妻元字庄人。二十九岁，夫亡。抚孤，守节，孝事迈姑。卒年七十七岁。

徐氏龚志勃妻商字庄人。二十七岁，夫亡。抚孤，守节，孝姑，和睦妯娌。卒年三十九岁。

程氏王开国妻垂字庄人。二十五岁，夫亡。抚一女，矢志守节。卒年三十二岁。

舒氏职员徐应镗妻元字庄人。二十八岁，夫亡。孝事翁姑，抚孤成立。卒年五十岁。

舒氏徐世萃妻宙字庄人。二十八岁，夫亡。守节，教子义方。卒年四十五岁。

詹氏监生舒廷清妻宙字庄人。二十八岁，夫亡。孝事翁姑，抚子成立。卒年六十三岁。

郑氏徐守成妻洪字庄人。二十九岁，夫亡。抚子，坚贞守节。卒年六十二岁。

张氏邵光荣妻洪字庄人。二十八岁，夫亡。家贫无子，坚贞守节。卒年五十六岁。

王氏张邦达妻藏字庄人。三十岁，夫亡。守节，孝事翁姑，抚子成立。卒年五十八岁。

洪氏郑作珪妻道字庄人。二十九岁，夫亡。守节。卒年六十九岁。咸丰元年题旌。

李氏郑宏珠妻坐字庄人。二十一岁，夫亡。誓与夫俱亡，舅姑劝慰再三终勿释，危坐深闺，越七年卒。

江氏郑宏进妻坐字庄人。二十一岁，夫亡。守节，抚侄为嗣。卒年五十六岁。

郑氏徐文林妻推字庄人。二十岁，夫亡。矢志守节。卒年六十一岁。

吴氏徐尚铭妻罔字庄人。二十八岁，夫亡。抚孤守节。

程氏监生徐德楷妻字字庄人。二十七岁，夫亡。守节，孝养翁姑，抚

子成立。卒年七十二岁。

徐氏詹成治妻地字庄人。二十六岁，夫亡。守节，孝事迈姑，抚遗腹子成立。卒年六十三岁。

何氏黄庆衍妻商字庄人。二十六岁，夫亡。守节。卒年七十一岁。咸丰元年题旌。

王氏黄庆厚妻商字庄人。二十四岁，夫亡。守节。卒年四十七岁。咸丰元年题旌。

林氏黄景宝妻商字庄人。二十七岁，夫亡。守节，十九年卒。

郑氏黄景耀妻商字庄人。二十五岁，夫亡。守节。卒年七十四岁。

唐氏黄明发妻列字庄人。二十九岁，夫亡。守节。卒年七十六岁。

徐氏陈明灿妻师字庄人。二十四岁，夫亡，无子。矢志守节。卒年八十四岁。

鲁氏陈斐然妻师字庄人。二十三岁，夫亡。守节，抚孤成立。卒年八十五岁。

徐氏陈明晃妻师字庄人。二十六岁，夫亡。守节，家贫，无子。卒年六十五岁。

江氏徐明璇妻师字庄人。三十岁，夫亡。守节，抚孤成立。卒年五十四岁。

柯氏庠生郑朝选妻道字庄人。二十一岁，夫亡。坚贞守节。卒年七十九岁。

樊氏詹承钧妻地字庄人。二十九岁，夫亡。守节，抚子成立，教以义方。守节五十八年卒。同治十一年题旌。

段氏张家旺妻人字庄人。二十三岁，夫亡。家贫，守节，抚孤成立。卒年六十九岁。

詹氏徐士培妻元字庄人。与媳江氏，均青年丧夫，矢志守节。家贫，针指度日，孝事迈姑，抚孤成立，不幸蚤卒。

鲁氏徐守日妻宇字庄人。二十二岁，夫亡。守节。卒年二十七岁。

黄氏郑世琳妻垂字庄人。二十八岁，夫亡。抚子成立。子亡，坚贞守节。卒年六十余岁。

胡氏郑廷举妻垂字庄人。二十二岁，夫亡，无子。抚侄为嗣。守节，四十八岁卒。

王氏郑文焕妻垂字庄人。三十岁，夫亡。孝事迈姑，抚孤成立。守节，四十五岁卒。

陈氏朱大科妻出字庄人。三十岁，夫亡。守节。卒年五十六岁。

鲁氏徐宏谦妻冈字庄人。二十八岁，夫亡。孝事迈翁，抚孤成立。计守节二十年。

李氏黄朝珠妻平字庄人。二十一岁，夫亡。守节，孝事迈姑，抚侄成立。守节四十四年。

张氏段新福妻裳字庄人。二十二岁，夫被贼害。抚孤成立，矢志守节。卒年三十六岁。

叶氏徐正珩妻洪字庄人。二十八岁，夫亡。抚侄守节。卒年四十岁。

徐氏洪大定妻号字庄人。二十七岁，夫亡。抚子成立。守节二十余年卒。

樊氏洪奕彩妻号字庄人。二十九岁，夫亡。守节。卒年八十一岁。

胡氏徐应标妻元字庄人。三十岁，夫亡。守节。卒年六十六岁。

樊氏胡秀蕙妻出字庄人。三十岁，夫亡。守节。卒年六十九岁。

徐氏王立功妻让字庄人。二十六岁，夫亡。守节，孝事迈翁。卒年六十九岁。

徐氏王道清妻让字庄人。二十二岁，夫亡，乏嗣。孝事翁姑，坚贞守节。卒年四十八岁。

江氏王开瑶妻让字庄人。二十九岁，夫亡。孝翁，抚子。未及三月，翁与子俱亡。坚贞守节三十一年卒。

徐氏石秀芬妻奈字庄人。二十四岁，夫亡。守节，抚子礼元成立。卒年五十一岁。

何氏徐璧兰妻奈字庄人。二十六岁，夫亡。守节，抚子成立。卒年六十三岁。

王氏郑凤林妻问字庄人。二十一岁，夫亡。守节二十二年卒。

刘氏王日育妻阳字庄人。二十二岁，夫亡。守节，孝姑，抚子。卒年六十六岁。

焦氏鲁俊极妻律字庄人。二十五岁，夫亡。守节。于同治丙寅年卒。

徐氏张凤麟妻宙字庄人。二十七岁，夫亡。守节，孝事翁姑，抚子成立。卒年四十岁。

范氏汪世誥妻垂字庄人。二十四岁，夫亡。孝事翁姑，抚子成立。守节五十余年卒。

鲁氏张振骥妻黄字庄人。二十五岁，夫亡。守节，抚孤成立。卒年四十一岁。

赖氏程廷鸿妻黄字庄人。三十岁，夫亡。守节，孝事迈翁，抚侄成立。卒年六十一岁。

徐氏程廷浩妻黄字庄人。三十岁，夫亡。守节，事翁以孝，抚子成立。卒年七十二岁。

刘氏郑明允妻朝字庄人。二十七岁，夫亡。守节。卒年七十二岁。

徐氏许瑞墀妻天字庄人。二十二岁，夫亡。矢志守节，孝事迈姑，偕姑汪氏，冰霜共励，时称双节。卒年五十七岁。

汪氏许瑞墀母事见前。

严氏姚远赋妻北藏字庄人。咸丰元年，夫亡。矢志坚贞。于光绪五年身故，计守节二十九年。

洪氏徐大豪妻海字庄人。二十七岁，夫故。遗腹生一子，抚养成立。勤苦自守，白首完贞。守节四十八年卒。

王氏生员汪仕培妻官字庄人。二十九岁，夫亡。抚孤守节。卒年七十四岁。

郑氏符云程妻吊字庄人。二十四岁，夫亡。抚孤守节。咸丰间，随夫



避贼，遇贼不屈，跳入深沟泥淖中，卒年三十九岁。

徐氏符云锦妻吊字庄人。三十岁，夫亡。时值粤匪窜常，氏与衣殓殓，矢志坚贞。守节十年，病卒。

谢氏樊礼贤继妻辰字庄人。二十二岁于归，数月，夫亡。抚前妻子如己出，教养成立。卒时，年六十余岁。

吴氏季廷鳌妻果字庄人。二十九岁，夫亡。矢志守节。卒年七十六岁。

璩氏樊任贤妻辰字庄人。二十九岁，夫亡。矢志守节。卒年七十六岁。

潘氏徐俊升妻元字庄人。三十岁，夫亡。矢志守节。卒年六十岁。

陈氏鲁永理妻律字庄人。二十八岁，夫亡。矢志守节，抚子成立。卒年七十九岁。

徐氏王廷樑妻阳字庄人。二十八岁，夫亡。矢志守节。卒年五十四岁。

祝氏王树辉妻阳字庄人。三十岁，夫亡。矢志守节。卒年七十一岁。

毛氏徐永绅妻露字庄人。二十二岁，夫亡。矢志守节，抚孤成立。卒年六十二岁。

汪氏何有皋妻水字庄人。夫亡。青年守节，茹苦含辛，三十余年卒。

朱氏监生王焕缙妻洪字庄人。夫亡，守节。卒年五十九岁。

徐氏王光提妻乃字庄人。夫亡，守节。卒年六十岁。

鲁氏汪运轨妻元字庄人。三十岁，夫亡。守节。卒年三十五岁。

毛氏附贡生汪开泰副室官字庄人。三十岁，夫亡。抚孤守节。卒年七十岁。

邓氏汪国济妻官字庄人。三十岁，夫亡。抚孤守节。卒年三十九岁。

吴氏姚祖墟妻洪字庄人。三十岁，夫亡，无子。守节。卒年七十五岁。

商氏陈秀蓉妻师字庄人。三十岁，夫亡。守节，抚侄为嗣。卒年八十

一岁。

章氏毛世驛妻坐字庄人。三十岁，夫亡。守节，抚子成立。卒年七十六岁。

邵氏生员傅岩妻藏字庄人。道光十年，夫亡。守节数十年。咸丰八年卒，十年详报请奖。

江氏叶德树妻黄字庄人。三十岁，夫亡。守节。卒年七十二岁。

郑氏傅祥延妻咸字庄人。三十岁，夫亡。守节，抚孤成立。卒年七十六岁。

余氏生员汪仕坦继妻官字庄人。三十岁，夫亡。抚子，守节。卒年七十七岁。

郑氏汪仕墀妻官字庄人。三十岁，夫亡。抚孤，守节。孤子复殇，氏甘贫，柏舟自励。卒年六十二岁。

张氏徐璧城妻官字庄人。三十岁，夫亡。家贫，子幼，针指度日，矢志坚贞。卒年四十七岁。

詹氏廩生张宝辉妻黄字庄人。三十岁，夫亡。矢志守节。卒年四十八岁。

汪氏徐振孙妻天字庄人。三十岁，夫亡。矢志抚孤，守节。卒年四十六岁。

黄氏生员林上锦妻致字庄人。二十九岁，夫亡。矢志守节。卒年七十六岁。

李氏林腾麟妻致字庄人。二十三岁，夫亡。矢志守节。卒年五十七岁。

吴氏生员符建寅妻吊字庄人。三十岁，夫亡。抚子，守节。家贫，竭力奉姑。子亡，抚孙。咸丰间，孙被贼执，氏奔救，身被数枪不死。卒年六十四岁。

徐氏杨长寿妻珠字庄人。三十岁，夫亡。守节。卒年五十八岁。

郑氏徐之铜妻收字庄人。三十岁，夫亡。茹苦含辛，抚子成人。卒年

七十四岁。

黄氏徐璧元妻暑字庄蒋家园人。三十岁，夫亡。守节，抚侄成立。卒年五十四岁。

徐氏职员朱士范妻地字庄人。三十岁，夫亡。守节，抚子成立。卒年四十八岁。

陈氏樊大炯妻辰字庄人。三十岁，夫亡。守节。卒年七十七岁。

郑氏胡盛水妻坐字庄人。三十岁，夫亡。守节。卒年五十五岁。

何氏曾圣钟妻珠字庄人。三十岁，夫亡。守节。卒年七十五岁。

郑氏生员汪开亨妻官字庄人。三十岁，夫亡。抚孤守节。卒年四十二岁。

詹氏徐华枫妻成字庄人。二十九岁，夫亡。抚孤守节。卒年六十六岁。

石氏王人鸢妻上衣字庄人。三十岁，夫亡。守节，孝事返姑。卒年七十三岁。

史氏徐金鹏妻成字庄人。二十八岁，夫亡。守节。卒年七十二岁。

汪氏武生程钟禄妻黄字庄人。三十岁，夫亡。守节。卒年四十七岁。

鲁氏廩生汪国基妻元字庄人。三十岁，夫亡。矢志守节。卒年七十六岁。

徐氏林光德妻下汤字庄人。二十八岁，夫亡。守节。卒年六十一岁。

许氏陈明普妻师字庄人。三十岁，夫亡。守节，抚孤成立。卒年八十四岁。

鲁氏徐传道妻洪字庄人。三十岁，夫亡。孝事翁姑，抚孤成立。守节十三年卒。

江氏生员叶鼎新妻地字庄人。二十五岁，夫亡。守节。卒年六十七岁。

郑氏武生叶秉兰妻地字庄人。二十五岁，夫亡。守节。卒年七十七

歲。

王氏徐琮璧妻元字庄人。二十五歲，夫亡。守節。卒年四十一歲。

吳氏毛懋鵬妻字字庄人。三十歲，夫亡。守節。卒年六十八歲。

王氏俞順魁妻帝字庄人。二十五歲，夫亡。守節。卒年五十七歲。

邱氏陳致用妻師字庄人。二十五歲，夫亡。守節，家貧，撫子。卒年六十五歲。

徐氏陳明法妻師字庄人。二十五歲，夫亡。守節，家貧，撫子成立。卒年六十七歲。

徐氏詹念勅妻洪字庄人。三十歲，夫亡。守節。道光二十九年，給匾獎之。

鄭氏生員黃國慶妻垂字庄人。三十歲，夫亡。撫孤子，守節，孝事舅姑。卒年九十三歲。

徐氏王人敏繼妻上衣字庄人。三十歲，夫亡。守節，撫子成立。卒年六十五歲。

程氏何蒼麟妻洪字庄人。三十歲，夫亡。撫孤，守節。卒五十九歲。

洪氏徐嵩山妻元字庄人。三十歲，夫亡。家貧，守節，撫子成立。卒年五十四歲。

魯氏徐大雅妻《府志》載徐一楮注內。舊志失考。

魯氏鄭明經妻照《府志》補入。舊志失考。

許氏袁國鈞妻字字庄人。二十四歲，夫亡。勵志苦節，撫侄為嗣。卒年八十五歲。咸豐元年題旌。

胡氏詹云章妻咸豐元年旌。

詹氏徐璧趙妻咸豐元年旌。

胡氏徐璧忠妻咸豐元年旌。

阮氏黃聯斗妻咸豐元年旌。

陳氏庠生李培妻咸豐元年旌。

李氏郑振渤妻咸丰元年旌。

黄氏庠生杨丽金妻咸丰元年旌。

周氏张礼俭妻咸丰元年旌。

陈氏王和基妻咸丰元年旌。

郑氏张光溥妻咸丰元年旌。

汪氏郑知浩妻咸丰元年旌。

郑氏詹世统妻咸丰元年旌。

徐氏詹作宾妻咸丰元年旌。

邹氏胥联秀妻咸丰元年旌。

徐氏沈三芝妻咸丰元年旌。

杨氏徐振勋妻咸丰元年旌。

徐氏张世祐妻咸丰元年旌。

刘氏徐士祥妻咸丰元年旌。

朱氏徐解三妻咸丰元年旌。

胡氏张体崧妻咸丰元年旌。

胡氏徐渭山妻咸丰元年旌。

李氏汪熊妻咸丰元年旌。

李氏陈世鹤妻咸丰元年旌。

黄氏任学鸾妻咸丰元年旌。

陈氏章泰福妻咸丰元年旌。

周氏邱安凝妻咸丰元年旌。

封氏邱安广妻咸丰元年旌。

郑氏吴腾云妻咸丰元年旌。

汪氏许鹏程妻咸丰元年旌。

祝氏李发裕妻咸丰元年旌。

徐氏詹崇奎妻咸丰元年旌。

- 洪氏胡肇選妻咸豐元年旌。  
徐氏汪金鐘妻咸豐元年旌。  
叶氏程肇助妻咸豐元年旌。  
徐氏劉正牡妻咸豐元年旌。  
樊氏徐俊松妻咸豐元年旌。  
詹氏徐之綱妻咸豐元年旌。  
胡氏徐登壇妻咸豐元年旌。  
詹氏張明瑾妻咸豐元年旌。  
胡氏徐惠何妻咸豐元年旌。  
吳氏姚祖瑩妻咸豐元年旌。  
周氏徐始臨妻咸豐元年旌。  
陳氏徐開萬妻咸豐元年旌。  
鄭氏詹金鳳妻咸豐元年旌。  
汪氏王政妻咸豐元年旌。  
鄭氏詹琮章妻咸豐元年旌。  
徐氏袁國基妻咸豐元年旌。  
祝氏李志培妻咸豐元年旌。  
徐氏鄭道均妻咸豐元年旌。  
聶氏李振統妻咸豐元年旌。  
徐氏武生詹邦治妻咸豐元年旌。  
華氏陳元俊妻咸豐元年旌。  
徐氏何日瑤妻咸豐元年旌。  
樊氏江樹材妻咸豐元年旌。  
阮氏任學鎬妻咸豐元年旌。  
王氏金永濟妻咸豐元年旌。  
阮氏叶道翀妻咸豐元年旌。

苏氏金步阶妻咸丰元年旌。

黄氏裴瑞兴妻咸丰元年旌。

江氏武生张永泰妻咸丰元年旌。

徐氏杨俊秀妻咸丰元年旌。

余氏徐璧润妻咸丰元年旌。

王氏刘世运妻咸丰元年旌。

王氏庠生徐益妻咸丰元年旌。

汪氏汪迥润妻咸丰元年旌。

李氏吴春浪妻北藏字庄人。夫亡，矢志守节八十年。百零二岁。分载《祥异》。

裴氏徐俊鳌妻元字庄人。十八岁，夫亡。遗一子甫三月，茕茕苦守，抚孤成立。卒年四十八岁。

饶氏徐应训妻元字庄人。十九岁，夫亡，无子。抚侄为嗣，矢志守节。卒年五十四岁。

姜氏王人望妻衣字庄人。二十七岁，夫亡。矢志守节。卒年五十七岁。

徐氏王允祺妻衣字庄人。二十七岁，夫亡。矢志守节。卒年六十九岁。

鲍氏邵体仁妻问字庄人。二十三岁，夫亡。矢志守节。卒年四十九岁。

吴氏胡永贵妻下余字庄人。三十岁，夫亡。矢志守节。卒年五十七岁。

程氏胡寿生妻下余字庄人。三十岁，夫亡。矢志守节。卒年五十三岁。

季氏余福叠妻露字庄人。二十四岁，夫亡。矢志守节，孝事迈姑。卒年五十九岁。

江氏刘垂发妻裳字庄人。二十五岁，夫亡。矢志守节。卒年七十七

岁。

聂氏张其纪妻下余字庄人。三十岁，夫亡。矢志守节。卒年七十岁。

骆氏从九詹顺魁妻宙字庄人。二十六岁，夫亡。矢志守节，抚子成立。卒年三十八岁。

徐氏袁品金妻宙字庄人。三十岁，夫被贼害。家贫，守节，抚子完姻。卒年五十八岁。

江氏徐俊仕妻莱字庄人。三十一岁，夫亡。矢志守节。卒年八十七岁。

徐氏赵见福妻黄字庄人。

徐氏赵芳雄妻黄字庄人。

毛氏徐开纬妻成字庄人。

张氏徐开疆妻成字庄人。

毛氏徐开智妻成字庄人。

童氏徐宗洛妻成字庄人。

沈氏徐本成妻成字庄人。

赵氏徐光耀妻成字庄人。

毛氏徐良善妻成字庄人。

吴氏徐潢妻成字庄人。

王氏徐宗诰妻成字庄人。

祝氏徐宗诒妻成字庄人。

毛氏徐起樟妻成字庄人。

董氏徐莺妻成字庄人。

祝氏徐显颖妻成字庄人。

张氏徐开锡妾成字庄人。

张氏史庆侯妻成字庄人。奖以履洁全贞匾。

黄氏陈星球妻



徐氏程发隆妻

郑氏徐之章妻

金氏诸葛开祺母

陈氏徐永清妻

何氏王世明妻

汪氏樊见滋妻

徐氏张传清妻

王氏徐金荣母

周氏陈世璜妻

黄氏章肇梁妻

王氏郑庆章妻

徐氏詹伟林妻

朱氏陈开惠妻

吴氏江学文妻

江氏陈麟祥妻

江氏徐俊士妻

詹氏汪凤鸣妻

舒氏徐世丰妻元字庄人。三十岁，夫亡。三子俱幼，坚贞自矢。现年七十一岁。

何氏徐俊篚妻元字庄人。二十九岁，夫亡。守节抚孤，子已婚娶。子媳旋亡，抚幼孙成立，营三代葬。现年七十六岁。学究周公奖以贞范延龄。

邵氏徐璧元妻元字庄人。三十岁，夫亡。子幼，砥志守节。现年五十六岁。

胡氏徐必中妻元字庄人。二十九岁，夫亡。守节，抚子成立。现年八十四岁。道光二十四年题旌。

姚氏徐璧旺妻地字庄人。三十岁，夫亡。守节，抚子成立。光绪七年

题旌。现年五十八岁。

王氏徐维贵妻元字庄人。二十七岁，夫亡。守节，抚子成立。现年七十岁。

詹氏徐应祺妻元字庄人。二十八岁，夫亡，无子。事姑尽孝，矢志守节。现年六十七岁。

饶氏徐应诏妻元字庄人。三十岁，夫亡。家贫，三子俱幼，矢志守节。现年五十六岁。

王氏詹承泰妻黄字庄人。二十九岁，夫亡。矢志守节。现年五十一岁。

陈氏何光典妻下余字庄人。二十三岁，夫亡。矢志守节。现年六十三岁。

鲁氏夏学礼妻果字庄人。二十九岁，夫亡。矢志守节。现年六十四岁。

胡氏上官明盛妻雨字庄人。三十岁，夫亡。矢志守节，抚子成立。现年七十七岁。

柯氏徐巽妻民字庄人。二十七岁，夫亡。遗孤二龄，茹苦守节。现年五十岁。

吴氏鲁殿福妻宙字庄人。三十一岁，夫遇贼殉难。矢志守节，抚子成立。现年六十二岁。

郑氏徐俊福妻元字庄人。三十二岁，夫亡。家贫，抚孤守节。现年六十二岁。

李氏徐俊选妻宇字庄人。二十一岁，夫亡。守节，孝事翁姑，抚侄成立。现年七十五岁。光绪三年题旌。

陈氏王景安妻上衣字庄人。二十六岁，夫亡。守节。现年七十二岁。

王氏余福载妻露字庄人。二十五岁，夫亡。抚孤守节。现年六十三岁。

徐氏王耀堂妻阳字庄人。三十岁，夫亡。守节。现年五十八岁。

裴氏郑师哲妻黄字庄人。二十三岁，夫亡。抚孤守节。现年七十九岁。光绪元年题旌。

樊氏徐泮俊妻元字庄人。二十八岁，夫亡。守节，抚子成名。现年五十四岁。光绪五年题旌。

詹氏郑瑞临妻坐字庄人。二十六岁，夫亡。越七日，姑又病没，氏以妇道共子道殓殓尽礼，上奉七旬祖姑，下抚六龄孤子，孝慈并著。现年七十五岁。咸丰九年题旌。

罗氏陈乙青妻字字庄人。二十九岁，夫亡。孝事翁姑，抚孤守节。现年六十岁。同治间旌。

徐氏汪运晋妻元字庄人。二十七岁，夫亡。矢志守节。现年五十八岁。

樊氏徐守基妻字字庄人。二十八岁，夫亡。矢志守节。现年六十八岁。

徐氏余章鸮妻又衣字庄人。二十九岁，夫亡。守节，抚孤成立。现年六十五岁。

官氏璩德昭妻上光字庄人。二十七岁，夫亡。守节。现年八十岁。

徐氏毛大柏妻成字庄人。二十一岁，夫亡。守节，抚侄成立。现年七十六岁。

郑氏徐华梓妻成字庄人。三十岁，夫亡。守节，抚孤成立。现年七十八岁。

徐氏毛经汶妻成字庄人。二十二岁，夫亡。抚孤守节。现年六十二岁。

吴氏毛大翎妻成字庄人。二十八岁，夫亡。守节，孝姑，抚子成立。现年六十七岁。

詹氏余邦怀妻羽字庄人。二十五岁，夫亡。守节，孝事翁姑。现年五十五岁。

徐氏王开镰妻让字庄人。二十八岁，夫亡。遗腹生一女，守节。现年

六十九岁。

段氏叶永丰妻制字庄人。二十岁，夫亡。守节，孝事迈姑，抚子成立。现年六十四岁。

徐氏詹振随妻正有字庄人。三十一岁，夫亡。守节，抚孤成立。现年六十四岁。

徐氏郑廷瑾妻正有字庄人。二十三岁，夫亡。守节，抚孤成立。现年五十七岁。

江氏黄图河妻章字庄人。二十一岁，夫亡。抚孤守节。现年七十七岁。

徐氏王广厚妻又衣字庄人。二十八岁，夫亡。守节。现年七十五岁。

戴氏王广满妻又衣字庄人。二十一岁，夫亡。守节，抚孤成立。现年五十六岁。

袁氏何祥麟妻洪字庄人。二十五岁，夫亡。抚孤守节。现年六十一岁。

高氏郑作霖妻问字庄人。二十五岁，夫亡。孝事翁姑，甘贫守节。现年六十六岁。

徐氏黄太树妻炉里人。二十八岁，夫亡。甘贫，守节。现年七十二岁。

吴氏徐士培妻李字庄人。二十二岁，夫亡。守节。现年七十三岁。

何氏王方岳妻李字庄人。三十岁，夫亡。守节。现年六十一岁。

徐氏樊金罗妻水字庄人。二十八岁，夫亡。孝以事姑，抚孤守节。现年七十六岁。

徐氏樊世乾妻水字庄人。二十九岁，夫亡。孝以事姑，抚孤守节。现年六十五岁。

吴氏江学文妻珠字庄人。二十六岁，夫亡。守节。现年六十四岁。

鲁氏潘德性妻列字庄人。十八岁，夫亡。守节。现年八十五岁。

徐氏陈绍洞妻辰字庄人。二十五岁，夫亡。家贫，纺绩度日，抚子，守

节。现年六十六岁。

樊氏陈树栋妻辰字庄人。二十四岁，夫亡。抚孤，守节。家极贫，糗殍不给，命子采蕨而食，乡里推重之。现年七十七岁。

汪氏江绍淮妻水字庄人。二十八岁，夫亡。子夭，偕媳徐氏，抚继孙守节。现年五十八岁。

徐氏江之义妻水字庄人。二十八岁，夫亡。抚子，守节。现年七十岁。

徐氏王树金妻阳字庄人。三十岁，夫亡。守节。现年六十四岁。

郑氏王光茂妻乃字庄人。二十七岁，夫亡。抚子，守节。现年六十一岁。

段氏江上荣妻文字庄人。青年夫亡，抚孤成立。现年六十二岁。

舒氏江上喆妻文字庄人。三十岁，夫亡。家贫，纺绩度日，坚贞守节。现年七十四岁。

江氏张礼祥妻文字庄人。三十岁，夫亡。抚孤，守节。现年七十六岁。

汪氏徐时烈妻元字庄人。二十一岁，夫亡。守节，孝事翁姑，抚侄成立。现年五十六岁。

詹氏监生汪俊奎妻元字庄人。二十八岁，夫亡。守节，孝事翁姑，抚子成立。现年八十岁。

徐氏陈绍诗妻阳字庄人。二十六岁，夫亡。守节。现年七十一岁。

张氏樊廷森继妻辰字庄人。二十七岁，夫亡。守节。现年六十二岁。

胡氏樊祥山妻辰字庄人。二十九岁，夫亡。守节，孝谨事姑。现年六十一岁。

王氏徐兆基妻推字庄人。三十岁，夫亡。家贫，苦守，孝事翁姑，抚子甫爵成立。现年七十岁。

陈氏徐世植妻网字庄人。二十八岁，夫亡。守节，抚孤成立。现年六十七岁。

徐氏黃宇彥妻商字庄人。二十二歲，夫亡。守節。現年五十六歲。

徐氏章德穉妻商字庄人。三十歲，夫亡。守節。現年六十二歲。

徐氏章大洋妻商字庄人。三十歲，夫亡。守節。現年七十七歲。

華氏陳世儒妻師字庄人。二十四歲，夫亡。守節。現年五十四歲。

余氏陳世美妻師字庄人。二十歲，夫亡。守節，撫孤成立。現年五十五歲。

曾氏陳長壽妻師字庄人。二十三歲，夫亡。守節，撫孤成立。現年五十五歲。

汪氏詹達瀛妻地字庄人。三十歲，夫亡。守節，撫子成立。現年七十歲。同治三年旌。

董氏胡來祥妻余字庄人。二十歲，夫亡。守節，撫孤成立。現年五十四歲。

徐氏舒大鈞妻宇字庄人。三十歲，夫亡。守節。現年六十七歲。

毛氏魯某妻律字庄人。二十九歲，夫亡。家貧，守節。現年六十二歲。

熊氏徐立達妻元字庄人。二十九歲，夫亡。守節，撫子成立。現年六十一歲。

劉氏監生徐璧澗妻元字庄人。三十歲，夫亡。守節。現年七十六歲。

吳氏徐啟杰妻收字庄人。二十一歲，夫亡。矢志守節。現年五十七歲。

周氏廩生徐寶炬妻地字庄人，住江邑城內。三十歲，夫亡。家貧，苦節，針黹度日，孝姑，撫子成立。現年五十六歲。

許氏徐傳綸妻洪字庄人。二十七歲，夫亡。矢志守節，孝事孀姑，撫侄成立。現年五十二歲。

鄭氏徐德佩妻人字庄人。二十一歲，夫亡。矢志守節。現年五十歲。

鄭氏王開衢妻让字庄人。二十八歲，夫亡。矢志守節，辛勤紡績度

日，抚孤成立。现年六十一岁。

胡氏张礼堦妻文字庄人。二十九岁，夫亡。守节，抚侄为嗣。现年五十岁。

汪氏吴正发妻结字庄人。二十八岁，夫亡。守节，抚孤成立。现年六十四岁。

郑氏徐汝惠妻氏字庄人。二十三岁，夫亡。抚遗腹子，守节，孝事翁姑。现年四十岁。

陈氏何光典妻下余字庄人。二十三岁，夫亡。矢志守节。现年六十三岁。同治二年，儒学潘给以贞节可风匾额。

李氏樊廷琛妻北藏字庄人。三十岁，夫亡。矢志守节。现年五十九岁。

张氏监生徐士珍妻元字庄人。二十二岁于归。次年，夫亡。三日不食，恸哭几死，姑以遗孕慰谕止之。及生女，复欲自尽，或劝之曰：“孀姑在堂，何人奉侍？”氏勉存活，孝事孀姑。后姑逝，葬祭如礼。抚侄为嗣。现年五十三岁。

陈氏林秀春妻致字庄人。二十四岁，夫亡。矢志守节。现年六十八岁。

姜氏贡生樊升贤妾辰字庄人。二十九岁，夫亡。矢志守节。现年六十九岁。

徐氏郑士楨妻地字庄人。二十八岁，夫亡。矢志守节，孝事迈姑，抚孤成立。现年五十一岁。

徐氏郑令凤妻道字庄人。二十九岁，夫亡。矢志守节。现年五十七岁。

季氏徐正衎妻宇字庄人。二十四岁，夫亡。矢志守节，抚孤成立。现年五十岁。

黄氏监生詹德辉妻列字庄人。二十四岁，夫亡。孝事迈姑，抚孤成立。现年五十岁。

胡氏王志上妻阳字庄人。三十岁，夫亡。守节，孝姑，抚孤成立。现年五十岁。

吴氏徐树纲妻民字庄人。二十七岁，夫遇贼亡。氏乞食奉姑，抚孤成立。现年五十一岁。

汪氏詹麟书妻正有字庄人。二十七岁，夫亡。家贫，守节，抚子成立。现年五十岁。

巫氏郑兴瑞妻正有字庄人。二十七岁，夫亡。守节，抚孤成立。现年五十岁。

郑氏詹昌颐妻正有字庄人。三十岁，夫亡。守节。现年五十一岁。

谢氏王广生妻又衣字庄人。二十八岁，夫亡。守节，悼夫丧明，抚孤成立。现年四十九岁。

王氏詹承泰妻黄字庄人。二十八岁，夫亡。家贫，子幼，抚养守节。现年五十岁。

揭氏徐士镛妻翔字庄人。夫亡，守节，孝事迈姑。现年五十七岁。

徐氏江世国妻师字庄人。二十五岁，夫亡。守节，抚子成立。现年五十一岁。

杨氏郑安绑继妻岩口人。三十岁，夫亡。守节。现年五十三岁。

洪氏吴绍堦妻珍字庄人。二十九岁，夫亡。守节。现年五十三岁。

徐氏樊锡褱妻水字庄人。二十九岁，夫亡。抚孤守节。现年五十四岁。

徐氏樊圭金妻水字庄人。二十六岁，夫亡。孝以事姑，抚孤守节。现年五十二岁。

胡氏生员王丙燿妻下汤字庄人。三十岁，夫亡。守节。现年五十八岁。

徐氏生员郑鈇妻道字庄人。二十七岁，夫亡。守节。现年五十三岁。

王氏江泰恒妾垂字庄人。二十七岁，夫亡。矢志守节。现年五十岁。

李氏郑廷圭妻垂字庄人。二十九岁，夫亡。抚子成立，孝姑，守节。



现年六十岁。

江氏璩作楠妻光字庄人。二十六岁，夫亡。守节。现年五十岁。

徐氏胡元晃妻出字庄人。三十岁，夫亡。守节，家贫，乏嗣，孝养翁姑，针黹度日。现年五十一岁。

胡氏王鼎元妻洪字庄人。夫亡，守节。现年六十三岁。

郑氏毛光新妻坐字庄人。二十八岁，夫亡。守节。现年五十三岁。

郑氏胡中三妻坐字庄人。二十八岁，夫亡。守节。现年五十六岁。

洪氏徐永绪妻冈字庄人。二十四岁，夫亡。守节。现年五十岁。

张氏从九李先正妻黄字庄人。二十七岁，夫亡。守节，孝事翁姑，抚侄成立。现年五十岁。

王氏徐祥凤继妻元字庄人。二十七岁，夫亡。守节。现年五十六岁。

陈氏柯金林妻吊字庄人。二十八岁，夫亡。家贫，赖妇工度日，抚孤，苦守。现年五十岁。

郑氏赵钟杰妻吊字庄人。二十九岁，夫亡。守节，孝事翁姑，嗣子承祧。现年五十岁。

黄氏庠生徐槐妻元字庄人。三十岁，夫亡。守节。现年五十二岁。

张氏季大琚妻果字庄人。二十九岁，夫亡。守节，孝事迈姑，抚孤成立。现年五十三岁。

鲁氏徐传仪妻洪字庄人。二十八岁，夫亡，守节。现年五十六岁。

陈氏江祥福妻水字庄人。二十五岁，夫亡。孝以事姑，抚子，守节。现年五十岁。

邱氏徐应喜妻元字庄人。二十九岁，夫亡。抚孤守节。现年五十岁。

徐氏杨应坦妻地字庄人。三十岁，夫亡。守节，孝事迈姑，抚遗腹子成立。现年五十岁。

鲁氏张凤祥妻天字庄人。二十七岁，夫亡。抚侄成立，贞心守节。现年五十岁。

黄氏徐英奎妻冈字庄人。三十岁，夫亡。矢志守节。现年五十岁。

杨氏汪万文妻元字庄人。二十六岁，夫亡。矢志守节。现年五十五岁。

李氏傅鼎臣妻藏字庄人。二十岁，夫亡。矢志守节。现年五十五岁。

祝氏徐世鹄妻地字庄蒋家园人。青年夫亡。守节，食贫，甘心茶苦，抚子成名。知县徐奘以冰心柏操匾额。

李氏监生刘连叶妻下生字庄人。三十岁，夫亡。守节。现年五十三岁。

王氏吴绍允妻珍字庄人。三十岁，夫亡。守节。现年五十四岁。

樊氏江职雄妻水字庄人。三十岁，夫亡。事姑以孝，抚子守节。现年五十岁。

詹氏徐元杰妻洪字庄人。三十岁，夫亡。守节。现年五十五岁。

詹氏廩生徐允升妻民字庄人。三十岁，夫亡。守节，抚子支持门户。现年五十二岁。

郑氏生员徐凤标妻暑字庄人。三十岁，夫亡。守节。现年五十六岁。

赖氏胡来麟妻下余字庄人。三十二岁，夫亡。守节。现年五十八岁。

廖氏张炳耀妾黄字庄人。三十二岁，夫亡。抚孤守节。现年五十七岁。

徐氏韩金鹤妻岁字庄人。三十二岁，夫遇贼亡。矢志守节。现年五十六岁。

汪氏杨应均妻地字庄人。三十三岁，夫亡。守节，抚孤成立。现年五十岁。

徐氏周元镇妻天字庄人。三十三岁，夫亡。守节，抚子成立。现年五十岁。

汪氏林士彬妻宙字庄人。三十四岁，夫亡。守节，孝事迈姑，抚子成立。现年五十八岁。

姜氏廩生徐奎照妾宇字庄人。三十四岁，夫亡。守节，勤俭治家，抚

子成名。现年六十三岁。

鲍氏汪万春妻元字庄人。三十三岁，夫亡。守节。现年五十六岁。

赵氏生员汪鲤翔副室官字庄人。三十四岁，夫亡。守节，抚子凤池成名。现年六十三岁。

徐氏许继潮妻洪字庄人。三十五岁，夫遇贼而亡。矢志守节，抚侄成立。现年六十一岁。

陈氏汪国顺妻官字庄人。三十五岁，夫亡。守节。现年五十六岁。

龚氏黄嗣福妻章字庄人。三十五岁，夫亡。抚子，偕姑江氏守节。现年五十五岁。

詹氏举人陈世纶妻帅字庄人。二十九岁，夫亡。守节，家贫，抚子。子亡，抚侄成立。现年七十八岁。

黄氏冯黄狗妻师字庄人。三十五岁，夫亡。守节。现年六十六岁。

徐氏宁国周妻师字庄人。三十五岁，夫亡。抚孤守节。现年六十一岁。

傅氏宁年丰妻师字庄人。三十五岁，夫亡。抚孤守节。现年六十四岁。

黄氏毛宗德妻坐字庄人。三十五岁，夫亡。守节，孝事翁姑，抚孤成立。现年五十七岁。

徐氏詹煜寅妻字字庄人。三十三岁，夫亡。矢志苦守，抚子成立。现年七十七岁。

董氏生员王汝霖妻洪字庄人。三十五岁，夫亡。守节，抚子成名。现年六十二岁。

冯氏王应节妻阳字庄人。三十四岁，夫亡。守节，抚侄成立。现年六十岁。

刘氏鲁士杰妻律字庄人。三十五岁，夫亡。矢志守节。现年六十二岁。

袁氏叶毛古妻辰字庄人。三十三岁，夫亡。甘贫守节，抚孤成立。现

年六十九岁。

陈氏樊廷楫妻辰字庄人。三十四岁，夫亡。矢志守节。现年六十九岁。

洪氏徐大豪妻海字庄人。二十六岁，夫亡。守节。现年七十四岁。

胡氏王世贤妻下汤字庄人。三十岁，夫亡。守节。现年五十七岁。

汪氏徐彩麟妻

## 待旌

郑氏徐应鲤妻暑字庄人。三十四岁，夫亡。矢志守节。现年四十七岁。

陈氏徐传宽妻洪字庄人。咸丰十年，粤匪窜境，夫被贼害，氏年二十四岁。孝事翁姑，抚侄为嗣，守节。现年四十八岁。

林氏生员徐克敏妻民字庄人。二十六岁，夫亡。抚孤守节。现年四十六岁。

王氏黄佐明妻平字庄人。二十岁，夫亡。守节，抚子太和成立。现年四十八岁。

余氏王廷荣妻出字庄人。二十二岁，夫亡。抚子守节，教养成名。现年四十八岁。

黄氏徐焕章妻宇字庄人。二十二岁，夫被贼害。矢志守节，抚遗腹子成立。现年四十八岁。

华氏唐那你妻吕字庄人。二十三岁，夫亡。守节，抚子成立。现年四十八岁。

潘氏徐兆墉妻致字庄人。二十六岁，夫亡。矢志守节。现年四十八岁。

姜氏洪佑嘉妻号字庄人。二十五岁，夫亡。守节，抚侄承嗣。现年四十八岁。

徐氏洪佑宜妻号字庄人。二十九岁，夫亡。守节，抚侄为嗣。现年四

十七岁。

黄氏洪佑庠妻号字庄人。十九岁，夫亡。守节，孝姑，抚子。家贫，勤俭纺绩度日。现年四十三岁。

谢氏徐和鹤妻皇字庄人。二十七岁，夫亡。孝姑，抚子，矢志守节。现年四十九岁。

詹氏王道高妻让字庄人。二十三岁，夫亡。守节，抚子开泖成名。不幸，开泖又亡，媳许氏相继而殒。现养育孤孙，备尝辛苦。现年四十七岁。

谢氏易三来妻朝字庄人。二十七岁，夫亡。守节。现年四十三岁。

王氏徐传文妻洪字庄人。十八岁，夫御贼而亡。矢志守节，孝事翁姑，抚侄成立。现年四十三岁。

胡氏傅悦琳妻咸字庄人。二十七岁，夫亡。守节，抚子成立。现年四十一岁。

徐氏揭昌喜妻官字庄人。二十九岁，夫亡。抚子守节。现年四十三岁。

王氏符宋铃妻芥字庄人。于归一月未滿，夫亡。守节，抚侄承嗣。现年四十岁。

徐氏生员詹维藩妻寒字庄人。三十二岁，夫亡。守节，孝事迈姑，抚孤成立。现年四十八岁。

张氏季学诗妻果字庄人。二十岁，夫亡。矢志守节。现年四十六岁。

郑氏樊锡钻妻水字庄人。三十二岁，夫亡。孝以事姑，抚侄成立，守节。现年三十九岁。

季氏徐永琦妻冈字庄人。二十岁，夫亡。矢志守节。现年四十八岁。

## 《常山县志》卷六十四

知县李瑞钟修辑

## 节 烈

妇人所天者，夫也。夫存则俱存，夫亡则俱亡。乃复身遭离乱，播越无常，或舍生而赴水，或自尽而投缳，常恐堕名节者，贞志定也。荒郊碧血，风雨凄凄，则泉壤幽光安可没耶！志节烈。

## 明

徐氏杨子善妻观音阁下人。隆庆六年闰二月夜，有盗入子善家，呼之出，擒缚外庭。盗另囊一首入，胁徐曰：“此汝夫也。可疾从我。否则，与汝夫同死。”氏度不免，使妾好言款贼，自至屋后投井死。邑绅詹思虞、徐良椽等二十余人操文、刑牲祭之。詹大纲有诗美之，载《艺文》。

王氏徐荅郎妻名琼奴，字润贞。身历多艰。夫为人害死，氏雪其冤，哭送葬所，自沉于冢侧池中。御史言诸朝，下礼部，旌其冢曰贤义妇之墓。事载《剪灯余话》，详未卷《杂记》。

毛氏鲁从昌妻大街人。明末，贼盗四起。从昌集义兵御之，战歿。氏闻，投井死。

江氏生员詹天涵妻涵病瘵，氏来归，相敬如宾。以少失姑意，怒出之。父劝之嫁，氏曰：“吾既不娴姆训，失爱于姑，负惭多矣。夫又不幸病废，若乘其小异而有他志，人其谓我何？姑怒息，吾且归视夫病。望无出此言。”父不听，私与有力者订盟。氏惧其见强，自缢死，时嘉靖二十九年八月也。

王氏詹启元妻后园人。氏，江山王镇女。启元，不知谁氏子，大城县丞詹如金名为己子，欺王氏而娶焉。既归，始知之。元又甚憨。嘉靖年间，家毁，如金又以讼故客死。元携妇依镇，镇欲逐启元。氏泣曰：“世间有义子无义夫。始之不审，吾命也。义不可背，逐启元，吾必死。”镇不听，终诱启元出

别嫁之。氏知，自缢死。

赵氏郑佑妾象湖人。氏，济宁人。佑纳之时，为福建按察副使，以考绩过家，病卒。氏年十九，殡之日，缢于柩侧。有司奖之。

陈氏胡光泰妻胡村人。艾年夫亡，孤天守节，谨事孀姑，营葬夫毕，遂自缢。

张氏叶日行妻朝京坊人。避宏光采选，过门未婚，避兵分水县，舟泊半片山，遇盗，投河死。

## 国朝

徐氏张秉荐妻顺治初，马士英拥众南奔，秉荐被掠。氏脱簪珥往救，兵见氏色丽心动，欲逼之。氏大骂，胁以刃，即引颈受。兵不忍杀，牵其袂。即断袂，骂益厉。兵怒，三斫其尸而去。月余，夫归敛，颜色如生。

江氏毛应兆妻球川人。应兆任镇江守备，氏在家。顺治四年四月，白寇李能七等作乱，应兆妾杨氏被掳，江氏力争之，贼欲污之，不从，至麻溪滩被害。

王氏周正徵妻所垄下人。名富妹。甲寅夏，被掠，欲犯之，不从，抱二岁子投井死。

徐生妾名俊姑。子一。甲寅，乱被掳，贼驱之清湖。沿途骂不绝口，遂遇害。贼去数里，其子犹伏尸而乳。贼有后至者怜之，令他妇抱起，尸忽张口睨视，乃以土掩之。访徐生，归其子。

王氏举人徐光旭继室里择人。《通志》作妾，误。氏，昌化人。闽贼陷城，氏自缢，救甦，七窍流血，双目突出，贼见而义之，戒众勿犯其家。是年八月，光旭为黄岩教谕，以拒逆命，避山中不食死。氏守节二十四年卒。

杨氏姚绅妻甲寅乱，贼强掠。登舟，乘间弃怀内幼子，跃河死。时年二十，子亦失乳陨命。

张氏江之崑妻闽变，之崑与次子世晟为贼所杀，氏与长媳曹氏求自尽，孙女如娟大呼曰：“请先母死，毋取辱。”贼怒，先勒杀之。二氏皆自缢。

曹氏江之崑长媳事见前。

失名氏闽变，掠妇女数十人。氏为江山贼所掳，犯之，不屈。题诗六首于壁，存三首，载《艺文》。

汪氏生员江文元妻年二十六，夫亡，乏嗣。衣服表里皆缝缀，闭户自缢。嘉庆元年题旌。

璩氏詹纶文妻后园人。年二十五，夫亡，无子。痛失所天，愿从地下，泣血椎心，阅四十六日，饮鸩殒命。嘉庆十年题旌。仁和许乃济作诗美之，载《艺文》。

徐氏生员詹在英妻胡村人。年二十二，夫亡，孤孀。服阙之日，沐浴更衣，吞金死。督学文公奖以励节完贞。

欧阳氏郑八仔妻黄鹤坂人。年二十，夫亡。殮毕，沐浴更衣，自缢。

魏氏叶维梓妻李家淤人。年十八，夫患瘡三载。氏事夫，奉翁姑，备历艰辛，无子。夫歿，殮葬毕，托言浣衣，赴河自尽。

陈氏叶肇倬妻城北人。年二十六，夫亡。遗孤甫周岁，躬勤纺绩，艰苦六载，子忽病死。氏谓族人曰：“向未亡为此孤，孤死我何望？愿以返姑终养事相托。”遂绝粒而逝。

金氏詹日灿妾后园人。甲寅闽变，贼露刃逐灿，氏挺身捍之。因刃其胸，洞肩，血上溅，贼惊阻。夫获免，负伤携子避居苏州。子病痘剧，夫老忧愤不食，氏吁天愿以身代。子瘳，氏竟以染痘兼前伤卒。子广增举乡荐，任武定府知府。

江氏徐一福妻蒋家园人。夫亡，守节。闽变，被掳，欲犯之，骂贼不屈。贼怒，刺其背而去，竟以节终。

樊氏詹期妻后园人。性贞淑，恪遵妇道。甲寅闽变，被执，奋跃入井，贼去，捞救得苏。夫亡，子夭。苦守四十余年卒。

章氏生员徐敦彝妻彝应试，姑病危，氏祷天求代。及歿，倾箝篋以敛。年二十八，夫亡，二子方襁褓，一子在腹。家贫，有谋夺其志者，氏刺右目自誓，课子皆成名。



郑氏生员汪允中妻宋坂人。宽裕慈惠，事舅姑克尽妇道。甲寅闽变，坚贞自矢。骂贼被刺，血流几毙，尤节孝中之杰出者。

詹氏徐明备妻里择人。名三娘。素有节概。闽贼入城，氏恐辱，与女小答，俱投井死。数日，贼退，邻人出之，颜色如生。

王氏徐文瑛妻名堂姑。夫妇避兵村中。瑛病卒，氏哭泣几绝。及贼至，被掠，叱曰：“我宁死，岂为贼所逼？”以首触刃，贼断其喉而去。

周氏徐文琦妻里择人。甲寅闽变，贼掠之，不为所污，全节于乱离中，尤人所难。

王氏周廷泮妻水巷人。年十九，夫亡，子殇，即严妆自殒。乾隆十七年题旌。

徐氏舒增妻水巷人。年二十二，夫亡。未期，子复夭。密缝里衣，服滴身死。乾隆十九年题旌。

张氏武生徐元龄继室里择人。年二十五，夫亡。阅十日，吞金死。嘉庆元年题旌。

徐氏詹世忠妻貌头人。年二十五，夫亡。氏誓不欲生，因怀孕三月，姑妯劝慰，强留残喘。及生子，三日殇，氏颠碰殒命殉子，即以殉夫。人以为烈。

陈氏徐元礼妻水巷人。二十九岁，夫亡。日夜痛哭，誓不欲生，托孤妯娌，郁郁疾数月卒。咸丰元年题旌。

樊氏庠生胡进妻崑字庄人。二十四岁，夫亡。绝食殉夫。咸丰二年题旌建坊。

李氏文士徐簧妻民字庄人，婺源李荣女。归簧三年，值寇警，转徙流离。安处者不过期月，簧卒，誓以身殉，家人密防不得死。逾年，投缳，为姑觉救之。后翁病笃，四子俱夭，幼子尚襁褓，氏哭泣吁天请以身代，自经死。戊辰年旌。传见《艺文》。

鲁氏杨玉桂妻列字庄人。二十八岁，夫亡。家贫，无子，坚贞守节。咸丰十一年，粤匪窜境，遇贼被杀。卒年七十八岁。

郑氏江利良妻垂字庄人。二十四岁，夫亡。抚一女，守节。咸丰戊午，粤匪至，恐被污，投水死。

王氏徐大钧妻元字庄人。二十七岁，夫亡。守节。咸丰八年，粤匪窜境，闻贼至，将厨屋放火，自焚殉节。卒年五十四岁。

徐氏从九詹如海妻地字庄人。三十岁，夫亡。守节三十年。同治元年，遇贼殉难。

封氏吴由顺妻官字庄人。二十九岁，夫亡。守节。五十九岁时，与媳张氏、孙三人同避贼于煤洞，被贼薰死。

许氏王有妻官字庄人。三十岁，夫亡。抚子，守节。咸丰八年四月间，遇贼，投水死。

王氏叶树琚妻洪字庄人。二十八岁，夫亡。守节，咸丰八年，遇贼殉难，时年六十二岁。

许氏生员王开泖妻让字庄人。十九岁于归。二十一岁，夫亡，触棺哭泣，誓不欲生。虽遗孤在抱，卒以痛丧所天，旋病呕血卒，年二十二岁。

沈氏鲁位定妻宙字庄人。二十二岁，夫亡。守节。咸丰十一年，在南乡遇贼殉难。

黄氏徐凤赤妻元字庄人。二十五岁，夫亡。守节。五十四岁，遇贼殉难。

胡氏杨瑞忠妻河字庄人。二十一岁，夫遇贼殉难。氏未百日，亦故。

徐氏郑令规妻道字庄人。三十四岁，夫亡。守节。五十七岁时，被贼焚死。计守节二十三年。

陈氏季光蟾妻伐字庄人。咸丰年间，粤寇窜境，光蟾被贼害，氏奋身往救，贼欲污之，氏不屈，以首撞贼，贼挥刀伤其颈。氏即仆。越日，氏复甦，抚孤守节。现年六十二岁。

姜氏鲁应建妻元字庄人。三十岁，夫亡。未百日，投井而卒。

徐氏许继洋妻黄字庄人。二十三岁，夫故，绝食殉夫。

杨氏周元鏊妻天字庄人。于归一载，夫亡。守节，抚侄成立。适粤匪窜常，恐受污辱，自经死。

汪氏王君衡妻官字庄人，夫亡，守节。咸丰八年，粤匪窜境，因胞弟阵亡，与弟妇徐氏，投河殉难。

汪氏王秉铨妻李字庄人，二十三岁，夫亡。守节。咸丰间，粤匪窜境，氏投水死，时年三十六岁。

徐氏钟魁占妻列字庄人，三十岁，夫亡。守节。咸丰间，遇贼殉难，时年六十五岁。

### 烈妇附

程氏江世庆妻奈字庄人。咸丰八年，粤匪窜境。氏家贫，不能远避。同石村徐应麒妻陈氏避赵公岩山顶。贼至，欲污之，不从。二氏同陷数仞石隙中，不能上下，饿死。至今，白骨尚存。氏夫亦同时被杀。

陈氏徐应麒妻奈字庄人。咸丰八年，同江世庆妻程氏避难赵公岩山顶，陷石隙中，饿死。至今，白骨尚存。

徐氏江树彬妻师字庄人。咸丰八年，夫彬被贼掳，氏求贼放释不允，氏襁负呱呱儿，提携幼女，追至双溪口桥头，不及，伏地大哭，与儿女一同投水殉难。

袁氏许继润妻天字庄人。咸丰十一年，避难浮河，遇贼，不屈，大骂，投河自尽，贼以矛刺背，死。

徐氏陈君圣妻菜字庄人。咸丰八年三月，粤匪窜境，贼掳，不从，贼剖腹倒悬，殉难。其死甚惨。

程氏江天喜妻文字庄人。咸丰八年，夫天喜被贼掳，氏骂贼而死，天喜得脱虎口。其女年十二岁，随母同日殉难。

郑氏徐启新妻元字庄人。咸丰八年四月二十八日，避粤匪于紫竹山埭，逆逼不从，自缢殉难。

徐氏汪运乾妻官字庄人。汪国潮之媳。年二十三岁。咸丰戊午，粤

匪窳境，其夫奋勇赴城，杀贼阵亡。氏与夫姊王汪氏，投河殉难。

曾氏朱后生妻官字庄人。咸丰八年四月，匪窳境，氏逃避，路遇贼，被擄，行经塘沿，氏背女跳入塘内溺死，贼用矛刺伤数处。

黄氏吴茂清妻官字庄人。咸丰八年四月间，粤匪窳境，氏避深山，竖匿洞壑中，数日不出，饿死。后家人寻获，衣带啮尽，认明尸骸，收归埋葬。

洪氏杨秀山妻列字庄人。咸丰十一年三月，粤匪窳境，氏年迈不及避，见贼擄妇女，怒骂触贼，贼杀之。邑侯徐详请旌恤。

某氏方善有妻辰字庄人。咸丰八年，贼至，避于东乡。四月二十二日，遇贼，不屈，殉难。

陈氏郑品三妻垂字庄人。咸丰辛酉年，遇贼，大骂被害。

汪氏江崇璧妻垂字庄人。咸丰八年，粤匪窳境，恐被污辱，投水殉难，时年二十六岁。

徐氏王双福妻垂字庄人。咸丰八年，粤匪窳境，骂贼不屈，被害。

詹氏徐必添妻往字庄人。咸丰八年，遇贼，殉难。

徐氏詹乃谷妻地字庄人。咸丰八年五月初四日，贼至，恐遭污辱，跳入门塘内殉节。氏年四十四岁。匪退，稟报有案。

程氏江上春妻文字庄人。咸丰八年四月二十四日，与女招弟，同时殉难。

黄氏徐必银妻元字庄人。咸丰八年三月初九日，贼至，投河殉难。

樊氏詹作彩妻地字庄人。咸丰年间，殉难。

姚氏詹国康妻地字庄人。咸丰间，殉难。同治三年详报，准入祠享祀。

章氏阮正修妻高字庄人。咸丰八年，殉难。

郑氏章大基妻高字庄人。咸丰八年，殉难。

毛氏郑吴开妻坐字庄人。同治元年，避难上师字庄，遇贼，殉难，时年五十五岁。

徐氏詹秉涟妻地字庄人。同治元年，夫妇遇贼，不屈，同日殉难，氏时

年三十五岁。

徐氏詹秉镛妻地字庄人。年二十四岁，于同治元年，遇贼，不从，自尽殉难。

徐氏邓启寿妻官字庄人。咸丰八年四月，贼至，同夫携女避匿煤洞中，贼用烟熏死。

黄氏徐茂才母官字庄人。避贼煤洞中，被烟薰死。

黄氏吴某妻官字庄人。咸丰八年，殉难。

李氏计某妻官字庄人。咸丰八年，殉难。

黄氏张永兴妻人字庄人。咸丰八年，殉难。

崔氏张余家崽妻官字庄人。咸丰八年，殉难。

黄氏吴国兴妻官字庄人。咸丰八年，殉难。

李氏朱某妻官字庄人。咸丰八年，殉难。

江氏吴某妻官字庄人。咸丰八年，殉难。

余氏杨寿明妻暑字庄人。咸丰十一年，遇贼，投水殉难。

陈氏郑世金妻垂字庄人。咸丰八年，触匪，被杀。

刘氏郑世铭妻垂字庄人。咸丰八年，触匪，被杀。

鲁氏汪德瑶妻垂字庄人。咸丰八年，触匪，被杀。

郑氏吴海青妻垂字庄人。咸丰八年，触匪，被杀。

吴氏李香令妻垂字庄人。咸丰八年，触匪，被杀。

林氏郑大松妻垂字庄人。咸丰八年，触匪，被杀。

徐氏璩恩绶妻黄字庄人。随任云南弥勒县。咸丰五年十二月初五日，土匪入城，与夫同殉难。

毛氏林某妻律字庄人。咸丰八年，被贼烧死。

林氏郑兆兰妻律字庄人。咸丰八年，被贼烧死。

马氏杨瑞添妻河字庄人。咸丰八年，殉难。

何氏生员杨树春妻河字庄人。咸丰八年，遇贼，抱子投塘殉难。

季氏郑令鳌妻道字庄人。咸丰八年，同夫殉难。

史氏徐璧辉妻元字庄人。咸丰辛酉年，殉难。

徐氏从九张廷良妻黄字庄人。年二十二岁。咸丰八年，粤匪窜境。五月初二日，避东鲁，闻贼至，投塘殒命。

姜氏洪大纲妻号字庄人。孝事翁姑，里无间言。咸丰十一年，粤匪窜境，遇贼，骂不绝口，被贼酷杀遇害。同治十三年，工部郎中方驩结报忠义局，题奏旌表激烈。

徐氏洪奕钧妻号字庄人。清贞柔顺，妇德无亏。咸丰十一年，粤匪窜境，被贼索贿，毒刑遇害。同治十三年，已报忠义局题旌。

余氏邬善寿妻腾字庄人。咸丰十年，夫被贼掳，氏恐被辱，投水殉难，时年二十三岁。

江氏汪连祖妻成字庄人。咸丰五年，遇贼，不屈，被害。

徐氏季汉廷妻果字庄人。咸丰十一年四月初二日，骂贼，被害。

吴氏詹邦荣妻地字庄人。同治元年，遇贼，不屈，殉难。

余氏王元会妻衣字庄人。咸丰十一年，遇贼，殉难。

余氏王世庆妻衣字庄人。咸丰十一年，遇贼，殉难。

毛氏黄来宝妻商字庄人。咸丰八年，与夫同时殉难。

吴氏张有仁妻爱字庄人。咸丰十一年，殉难。

徐氏江介庭妻爱字庄人。咸丰十一年，殉难。

徐氏余性仁妻爱字庄人。咸丰十一年，殉难。

胡氏余性益妻爱字庄人。咸丰十一年，殉难。

胡氏余性导妻爱字庄人。咸丰十一年，殉难。

吴氏朱某妻文字庄人。咸丰八年，粤匪窜境，殉难。

曾氏徐俊榜妻往字庄人。咸丰十一年，殉难。

朱氏陈树棠妻宿字庄人。咸丰十一年四月初九日，遇贼，殉难。

魏氏叶某妻辰字庄人。咸丰八年四月二十二日，遇贼，殉难。

- 韩氏郑荣福妻列字庄人。咸丰十一年，在本地殉难。
- 李氏鲁兆品妻列字庄人。咸丰十一年，在本地殉难。
- 洪氏毛德宏妻宙字庄人。咸丰八年，殉难。
- 张氏潘隆豪妻列字庄人。咸丰八年，殉难。
- 钟氏潘隆水妻列字庄人。咸丰八年，殉难。
- 徐氏潘文海妻列字庄人。咸丰八年，殉难。
- 潘氏王发宝妻列字庄人。咸丰八年，殉难。
- 江氏樊肇基妻水字庄人。咸丰八年，殉难。
- 陈氏樊日元妻水字庄人。咸丰八年，殉难。
- 陈氏樊金倬妻水字庄人。咸丰八年，殉难。
- 徐氏樊增禄妻水字庄人。咸丰八年，殉难。
- 吴氏樊文彦妻水字庄人。咸丰八年，殉难。
- 江氏樊善发妻水字庄人。咸丰八年，殉难。
- 徐氏程世镇妻黄字庄人。咸丰十一年，殉难。
- 徐氏程云龙妻黄字庄人。咸丰十一年，殉难。
- 陈氏程世铿妻黄字庄人。咸丰十一年，殉难。
- 许氏程履坦妻黄字庄人。咸丰十一年，殉难。
- 詹氏程元杰妻黄字庄人。咸丰十一年，殉难。
- 郑氏汪开阳妻官字庄人。咸丰八年，殉难。
- 江氏黄九妹妻官字庄人。咸丰戊午，粤匪窜境，氏抱幼子，投河殉难。
- 徐氏朱舍凯妻官字庄人。咸丰戊午，粤匪窜境，氏抱幼子，投河殉难。
- 郑氏徐壁逵妻元字庄人。咸丰辛酉年八月二十二日，遇贼，不从，被贼伤，未死，匍匐投井自尽。
- 邹氏刘才源妻致字庄人。同治甲子年正月十八日，遇贼，殉难。
- 曾氏郑士蒿妻有字庄人。十九岁。粤匪窜境，被掳，屡犯，不从，贼刺其项，死。

徐氏汪德魁妻列字庄人。咸丰十一年六月十八日，避贼外港，遇害，时年七十一岁。

徐氏樊寿喜妻辰字庄人。咸丰八年，贼至，避东乡。四月二十二日，遇贼，不屈，殉难。

汪氏樊唐贤妻辰字庄人。咸丰八年，贼至，避于东乡。四月二十二日，遇贼，不屈，殉难。

樊氏璩德教妻上光字庄人。咸丰十一年六月，粤匪窜境，夫妇被执，骂不绝口，与夫同时殉难。

吴氏方善友妻辰字庄人。咸丰八年四月二十二日，与夫同时殉难。

张氏江原原妻水字庄人。咸丰八年，粤匪窜境，与夫同时殉难。

余氏徐立山妻官字庄人。咸丰八年，殉难。

刘氏徐毓藻妻官字庄人。咸丰八年，殉难。

陈氏徐毓彩妻官字庄人。咸丰八年，殉难。

汪氏徐毓彩媳官字庄人。咸丰八年，殉难。

徐氏邓喜起妻官字庄人。咸丰八年，殉难。

叶氏鲁克纘妻元字庄人。咸丰十一年，殉难。

乐氏鲍国基妻爱字庄人。咸丰八年二月，殉难。

邹氏毛大祠妻成字庄人。咸丰五年，殉难。

江氏汪连祖妻成字庄人。咸丰五年，殉难。

赵氏徐松林妻成字庄人。咸丰八年，殉难。

方氏毛经注妻成字庄人。咸丰八年，殉难。

胡氏汪国栋妻官字庄人。咸丰八年，殉难。

黄氏徐达先妻露字庄人。咸丰十一年，殉难。

祝氏徐希升妻露字庄人。咸丰十一年，殉难。

缪氏潘德福妻列字庄人。

王氏生员徐泰阶妻



张氏附生王濬文妻  
曾氏生员洪模楷妻  
胡氏附生张铭妻  
徐氏生员詹东杏妻  
郑氏拔贡生汪运昇妻  
汪氏监生王秉毫妻  
樊氏贡生胡树秋妻  
沈氏监生鲁位定妻  
张氏生员詹金淦妻  
章氏阮正秀妻  
刘氏王秀峰妻  
傅氏陈俊发母  
詹氏徐六书妻  
韩氏徐正源妻  
洪氏杨淇妻  
王氏徐必银妻  
某氏段遏子母  
某氏余广利妻  
阙氏毛丙炎母  
徐氏陈师楷妻  
樊氏饶景隆妻  
祝氏袁维韬妻  
汪氏江大麦妻  
吴氏李甫龄妻  
阙氏饶万彩媳  
阙氏潘德福媳

徐氏王君衡弟室

叶氏璩绂麟妻

王氏郑肖之妻

郑氏江元福妻

樊氏邵吉彰妻

詹氏王光据妻

徐氏王立型妻

张氏王志琮妻

吴氏王人圻妻

黄氏王元海妻

汪氏黄乾元妻

郑氏徐俊森妻

毛氏周金昌妻

封氏吴风云妻

张氏吴高喜妻

黄氏熊吉寿妻

徐氏邓嘉寿妻

郑氏姚如金妻

黄氏徐泰宏妻

陈氏潘长春妻

郑氏袁朝发妻

郑氏徐太贤妻

曾氏郑海福妻

刘氏詹夏兰妻

陆氏王之益妻

张氏詹邦钟妻

陈氏郑品三妻  
徐氏詹大况妻  
余氏王人宣妻  
程氏毛鹤年妻  
詹氏陈美珽妻  
陈氏郑瑞妻  
王氏姜良道妻  
王氏姜国年妻  
汪氏孔善章妻  
徐氏祝某妻  
徐氏高盛樑妻  
徐氏江南宝妻  
徐氏詹秀乾妻  
鲁氏汪德耀妻  
陆氏饶万彩妻  
饶氏潘德福妻  
徐氏王某妻  
徐氏江押宝妻  
蓝氏黄月来妻  
李氏鲁顺兴媼母  
陈氏汪增浩妻  
戈氏何文林妻  
陈氏徐世球妻  
陈氏何绣水妻  
陈氏刘长生妻  
江氏胡巧毛妻

詹氏杨发科妻  
樊氏徐匱匱妻  
甘氏樊老五妻  
徐氏程兴旺妻  
樊氏徐溢妻  
汪氏陈顺古妻  
徐氏樊令妻  
鲁氏徐三你妻  
徐氏詹老大妻  
曾氏鲍灏妻  
汪氏詹源源妻  
江氏胡纯福妻  
胡氏徐继文妻  
吴氏程和尚妻  
曾氏郑开福妻  
陈氏徐应科妻  
徐氏詹乾首妻  
徐氏樊心桂妻  
邱氏胡文舒妻  
张氏吴小九妻  
江氏鲁咸庄妻  
吕氏吴正源妻  
詹氏杨桃花妻  
胡氏戴云左妻  
汪氏徐月文妻  
江氏詹邦丰妻

樊氏傅湖东妻  
巫氏张有仁妻  
江氏徐世柏妻  
徐氏陈凤鸣妻  
詹氏徐之纲妻  
徐氏杨璧造妻  
舒氏程廷池妻  
李氏黄景泉妻  
璩氏程廷光妻  
徐氏璩世魁妻  
吴氏徐廷松妻  
詹氏王瑞芝妻  
阮氏徐应祖妻  
汪氏王连修妻  
刘氏徐世用妻  
王氏徐金芝妻  
王氏余光德妻  
某氏投井殉难之妇  
刘氏詹邦熙妻  
郑氏周生三妻  
何氏樊有喜妻  
陈氏张广贤妻  
徐氏余性红妻  
徐氏王德祥妻  
徐氏江介庭妻  
胡氏余憎熙妻

江氏胡如林妻

陈氏徐兴兰妻

洪氏王玉水妻

何氏徐永富妻

徐氏樊成本妻

王氏徐歪头妻

胡氏魏善相妻

任氏徐连英妻

徐氏郑知春妻

何氏樊寿元妻

何氏戴三选妻

徐氏戴三选伯母

徐氏汪三英妻

詹氏徐如春妻

杨氏陈世玕妻 字字庄人。

詹氏徐绿书妻 元字庄人。

聂氏徐湘妻 元字庄人。

汪氏徐锡谷妻 洪字庄人。

周氏詹金泰妻 地字庄人。

黄氏陈明垣妻 字字庄人。

某氏揭财福妻

刘氏詹某妻 地字庄人。

樊江氏

徐黄氏

某周氏

汪徐氏

潘徐氏

阮章氏

邵樊氏

陈徐氏

江汪氏

吴王氏

汪樊氏

郑刘氏

潘朱氏

詹胡氏

王徐氏

祝徐氏

张徐氏

汪鲁氏

张胡氏

吴黄氏

潘钟氏

姚郑氏

段张氏

黄徐氏

汪詹氏

许李氏

郑徐氏

何陈氏

朱曾氏

汪郑氏

徐刘氏  
黎段氏  
樊毛氏  
徐余氏  
张邱氏  
李吴氏  
段黄氏  
章方氏  
胡杨氏  
邓徐氏  
郑徐氏  
吴封氏  
周邱氏  
蒋郑氏  
吴张氏  
王唐氏  
詹郑氏  
江郑氏  
张朱氏  
某罗氏  
某蒋氏  
朱郑氏  
邵胡氏  
李王氏  
邓余氏  
吴樊氏



曾陈氏  
汪徐氏  
叶魏氏  
朱吴氏  
王郑氏  
王徐氏  
段黄氏  
詹徐氏  
徐张氏  
江程氏  
鲁朱氏  
鲁江氏  
章苏氏  
徐王氏  
程徐氏  
李方氏  
徐郑氏  
汪郑氏  
李张氏  
汪郑氏  
江徐氏  
王郑氏  
程余氏  
徐汪氏  
翁氏  
张徐氏

王汪氏  
余氏  
徐江氏  
林张氏  
王严氏  
黄汪氏  
徐璩氏  
刘周氏  
金汪氏  
吴蔡氏  
刘黄氏  
林刘氏  
汪徐氏  
某燕氏  
饶陆氏  
詹徐氏  
某夏氏  
吴杨氏  
潘张氏  
徐张氏  
张林氏  
蒋陈氏  
某曾氏  
王汪氏  
李张氏  
某曾氏

饶樊氏

詹胡氏

符徐氏

何乐氏

邓严氏

章郑氏

某余氏

王徐氏

彭伊氏

黄蓝氏

郑程氏

崔刘氏以上照《忠义录》县案录。

## 烈女附

### 国朝

江如娟江之崑女。事见《节烈》。

徐小答徐明备女。事见《节烈》。

佚名氏 閩变，一女未笄，贼驱之入营，投井死。

徐秀姑徐明琦女。贼薄城。姑年十六。夜与父诀曰：“女不能侍奉矣，幸自爱。”明旦，闻官军败，登楼自缢死。

鲁绣妹乡饮宾鲁国继女。年十三。甲寅，閩寇入室，女不受缚，投菜刀斫贼面，遂被害。

王贞女金芝，李字庄人。如奎女也，母氏张。贞女端重有至性，字城内徐姓。将合卺，徐氏子遽歿，女欲往其家临丧成服，恐父母不肯，曲从而止，郁郁成疾，卒。

周贞女巨字庄人。周正泮女也。字后园詹学乾为妻，尚未亲迎，于戚

丰辛酉年，粤匪窜常，恐受贼污，入山中，自刎而亡。邑侯黄公详请题旌。

毛淑妹 毛大祠女。咸丰五年，遇贼，不屈，殉难。

魏爱珠 魏家子女。咸丰五年，遇贼，不屈，殉难。

徐大那妮 徐立山孙女。官字庄人。

徐小那妮 徐毓藻女。官字庄人。

潘大姑 潘德福女。

江松英 女童。

陆银姑 海昌籍。

潘二姑 潘德福女。

徐爱姑 金芝之女。

叶大姑

邓顺珠 女童。

某氏 投井殉难之女。

江大姑 江南宝女。

徐兰珠 女童。

陈俾珠 咸丰戊午年，殉难。

## 贞女

### 元

何贞女 绣溪何巡檢女，字本邑磨生。生以赴幕久出，未娶而没，女悲泣绝食，必以身殉。家人多方劝止，女持志益坚，伺间赴居旁小沼死焉。越三日，尸浮出，淡妆素服，颜色如生，香气飘忽，远近骇异聚观，咸高其节，遂瘞沼侧，建庙祀之。至今祈祷，靡不响应。

### 明

郑平姑 江山郑国瓚女，许字后园磨人伟。人伟死，闻之悲恸，欲自尽。

父再四劝之，乃独处一室二十余年。每年一至詹家省姑。姑死，哀毁如礼。后病笃，泣谓父曰：“儿所以不轻死者，以父在。今得死，儿愿足矣。”及卒，父归柩詹氏，合葬莲塘山。

郑纯英象湖郑璜女，许字石桥汪璇。璇溺死桐江，纯英闻讣，悲号欲自尽。父母令人守之，女夜佯狂大呼有鬼，守者皆走，遂自经，时成化二年五月也。璇柩归，经其门不进，璜出吊告以女死，舟遂行。

鲁氏女赤石人。幼孤，育于叔父母，许配彤弓山徐洛。将娶，洛死，女请往视敛不得，屏膏沐，独居一室。家人别议婚，女知其期，沐浴更衣，夜深缢死。

## 国朝

郑丙妹象湖人，郑昭女。许字徐柏林。未婚，柏林天，遂坚志不嫁，守贞五十四岁卒。

吴氏女黄鹤坂人，字上安村黄英雅。年十七，未嫁夫亡。女闻讣，往夫家守志。事孀姑，曲尽孝敬。立继娶媳，以延禋祀。守贞三十余年卒。

徐贞女华妹成字庄人。金鹏之女也。素性贞静，孝以事亲，年方笄而卒。

郑氏汪开震妻官字庄人。未于归，夫亡，誓死靡他，归汪门守节。卒年六十三岁。道光间旌建坊。

## 孝女附

## 国朝

詹氏詹元璋女东门人。未嫁时，刲股和药，以愈父疾。分见《孝妇》。

詹氏江廷樾妻江家村人。十六岁，时未至夫家，刲股和药，以愈母疾。分见《孝妇》。

毛孝女秋姑成字庄人。振鹭次女也。坚贞不字，终身侍养父母，克尽

孝思。卒年六十余岁。

徐孝女闰讳顺英，邑庠生胡承乾妻，太学生徐崇淦公女也。年逾笄适胡，方未于归时，温柔贞静，于古今节烈事，每心识之，不敢忘，识大体，明大义。父病革，忧心如捣，誓以身代，背地刲股疗父疾。年七旬。一日，其子方侍侧，忽无疾而逝。事实载《胡氏家谱》。

## 孝妇附

### 国朝

孔氏生员詹志元妻后园人。圣裔庠生孔兴玫女。幼娴礼训。姑病，吁天请代，刲股以进得痊。越二载，姑歿，氏哀毁过甚，相继歿。学究周公奖以 璇闺顺德 匾额。嘉庆十七年题旌。

毛氏廩生樊见圣妻湖东人。幼娴姆训，长守女箴，奉舅姑以孝闻。姑病目，扶扶持不离左右。见姑病日笃，刲股以进。后姑歿，氏亦继而亡。孝淑之称，啧啧人口。学究周公奖以顺德可风。

徐氏郑天眷妻大处人。家贫，孝奉迈姑。夫远游，姑病笃，氏刲股和药以进，姑病得愈。学究周公奖以松操获训。

游氏黄良臣妻西郭人。孝事翁姑。姑方氏病剧，刲股救姑，姑病愈。阅三载，姑歿，氏相继而逝。

詹氏江廷樑妻江家村人。年十六，母病，刲股投剂，病寻愈。及于归，孝事翁姑，闾里共称其贤。

詹氏徐端文妻东门人。未字时，父元璋病笃，刲股投剂，疾遂瘳。及归徐，事继姑病半载，氏奉汤药不少懈。姑病剧，昼夜悲涕，刲股以进，姑病亦痊。

李氏邹士英妻白石街人。姑病，刲股，朝夕奉侍。又劝夫纳妾，教子成家，乡里称其贤。

王氏詹振科妻胡村人。事姑孝。一日归宁，忽心悸，急辞母归。至家

无恙。夜候姑起，居共话。更深，姑床为墙所压，以未睡获免。人谓其孝心所格云。

郑氏舒金樾妻水巷人。素廩贤淑，幼姻母训。姑病，奉侍汤药，昼夜不离左右。旋以劳瘁，得疾而卒。学究周公奖以孝淑壹仪。

郑氏监生徐瑞禧妻里择人。历事三姑，孝敬备至。和妯娌，抚庶子，永无间言。里党称之。

叶氏宁益元妻一里亭人。夫远客在外，氏纺绩孝养。姑病，奉侍汤药，衣不解带者经年，吁天愿以身代。积劳成疾，姑歿越二十日，即卒。邻里称孝焉。

徐氏汪鲤翔妻官字庄人。姑卧病几二载，氏日夜侍奉，不解衣带。姑卒，尽哀尽礼，每朝夕上香，遇食必献。尤敬字惜谷，为人所难。

沈氏汪国猷妻官字庄人。氏归汪门，姑病在床，阅二十余年，氏侍奉周至。凡事必遵姑命，虽细微，廩命始行。邻里啧啧称道之。

吴氏徐俊龙妻地字庄人。婉和勤俭，奉翁姑以孝。翁病，服药罔效，刲股以进，血流不止，用丝带缠缚，事后人觉之。年未五旬卒。入殓时，太翁以红缎尺许令人包裹，以嘉其孝。

毛氏武生王树炎妻阳字庄人。翁病笃，氏刲股以治。卒年八十八岁。

贞女与孝女，名异而实同。何则？贞女者，未有不结念于孝，此北宫婴儿子终身不嫁，率民而出于孝意者是也。如出嫁而能孝其父母者，为孝女。故志节孝、节烈，不得不类志贞女。孝女若孝妇，则又于孝女分一事亲、一事姑也。因分别之，以彰疑似。

## 《常山縣志》卷六十五

知縣李瑞鐘修輯

## 賢 母

歐母畫荻，孟氏斷機，自昔賢聲彰于閭閻。蓋上以立母儀，下以端家範。門閭之起，未有不基諸此者也。志賢母。

## 國朝

汪氏徐灝妻蔣家園人。性溫柔，通經書，孝舅姑。姑病，割股療之，病遂痊。教子侄，以立品敦行為先，著《家範》十二則、《存心錄》一卷。年五十三卒。督學吳公旌曰賢母可風。

黃氏徐世宗妻赤塢人。夫卒，子幼，操持家政，樂善好施。乾隆十六年，出米三百石，平糶濟飢。邑侯宋公聞之，獎以任恤可風匾式。

〔萬曆《縣志》〕予嘗謂古今以《柏舟》之詩與《采薇》之歌相比擬者不然，蓋節同而勢異也。何以異？婦女未嘗讀詩書、識理義，而居處幽獨，不與賢士大夫接，廉隅易隳也。若吾常則于此有無難者，蓋自嫁娶稱家之有無，不以貨財為禮。始而平日，足不履壺外，內外宗相見有節，非大喪、大婚不會，其閑之者素也。一旦不幸而寡，苟有田產可自贍，弱息可抚而成者，其非心已自分不萌矣。故予考貞節，除奉旨旌外，若以死生自決者上也。其有子與產者，必經歷患難、成立門戶者而後紀之，余概不錄。非過峻也，人人能之，多不能盡錄也。若夫未嫁而守，似為過中，然其視降志辱身者，大有徑庭矣。禮，女子許嫁纓示有所屬，則亦較深于以心許言許者矣。末世取節，又豈過哉？



## 艺文总序

一朝征信文献并传，邑旧固多著述，兵燹后散佚过半。兹姑书其篇目，至于鸿文杰构、佳咏瑶章，济济如林，美不胜收。择其尤雅并有当于采风者录之，为当世得失考镜之林也。

### 经籍

自书契以代结绳，金泥玉检，菁英毕泄。名山秘阁，代有藏书。而东观、西园，复从秦灰鲁壁中收拾余烬。天禄、石渠之秘，自是与汲冢、委宛柱下之藏，并传于世矣。谁谓偏隅之地无宿学名儒有光经籍哉！今胪其目，贲艺文之首，则残编断简，尚俟补订有人焉。志经籍。

#### 宋

《得全集》赵鼎著。

《忠正德文集》十卷，赵鼎著。

《宋神宗实录考异》二百卷，范冲著。陈振孙《书录题解》曰：绍圣中，

蔡卞等修《神宗实录》，以王安石目录，而用墨书；旧本，其增入者，用朱书；删去者，用黄抹。建炎初，诏冲重修。考异者，备朱、墨、黄三书，明其去取之意也。

《宋哲宗实录》一百五十卷。范冲著。晁公武《读书志》曰：绍兴四年，以蔡京所修《哲宗实录》事多失实，诏冲重修。

《三贤唱和诗》赵鼎、范冲、魏矼著。

《春秋解》十二卷，刘绚著。

《王中甫诗集》王介著。

《浑仪图》王沈之著。

《严谷集》二十卷。

《皇朝类苑》俱江袤著。

《归田闲咏》十二卷，胡绪著。

《春日昼怀诗集》江纬著。

《皇朝事实类苑》《周易录》：江少虞著《宋朝事实类苑》六十四卷，分为二十四门。一至五，祖宗圣训；六、七，君臣知遇；八至十二，名臣事迹；十三、十四，德量知识；十五，顾问奏对；十六、十七，忠言说论；十八至二十，典礼乐律；二十一至二十三，官政治绩；二十四，衣冠盛事；二十五至二十八，官职仪制；二十九至三十一，词翰书籍；三十二、三十三，典故沿革；三十四至四十，诗赋歌咏；四十一、四十二，文章四六；四十三、四十四，旷达隐逸；四十五、四十六，仙释僧道；四十七至四十九，休祥梦兆；五十、五十一，占相医药；五十二至五十四，书画技艺；五十五、五十六，忠孝节义；五十七、五十八，将相才略；五十九，知人荐举；六十、六十一，广知博识；六十二至六十四，风俗杂记。盖合采人物载录、传记数十家，荟萃成之。自云：圣谟神训、朝事典物与夫勋名贤达、前言往行、艺术仙释、神怪之事、外国风俗之殊，纤悉毕具。宋人说部之宏备而大有裨于史者。

《经说》、《宋朝类诏》、《奏议》、《文集》俱江少虞著。

《蓬山类苑》、《元诰正谟论》、《清高集》俱祝常著。

《柏台奏议》、《谢峰集》俱江跻著。

## 元

《归朝集》、《明农稿》俱汪文璟著。

## 明

《孝经纂注》、《纂修尚书会选》、《经业》、《余清文集》俱何初著。

《读易管见》、《易通发明》、《观物余篇》、《卦赞》、《蛙鸣稿》俱郑  
伉著。

《常山县志》成化三年，樊莹修。

《四书核实》、《超古新论》、《策学类聚》、《衣冠志》俱詹涛著。

《春秋揆义》詹沧著。

《八阵图说》郑林著。

《南游北游草》徐登泰著。

《七经思问》、《春秋原经》、《史约》、《招摇池馆集》、《范川诗文集》俱詹莱著。

《二游稿》、《平苗诗》俱詹思谦著。

《通左》詹思虞著。

《国朝宏略》、《诸儒微言》、《白龙山房集》、《禅宗语录》、《说书  
随笔》俱詹在泮著。

《诗经讲义》徐采芹著。

《写心文章》徐之俊著。

《表贞集》、《南壁集》、《续陶诗》俱徐汝晋著。

《仕学解》徐志廉著。

《墨癖斋集》詹从洙著。

《五经纂要》徐岳著。

- 《青云诗稿》陈知章著。  
《资昏小学直解》、《鸣谷集》俱鲁鸿著。  
《春秋揆义》徐腾霄著。  
《寓游诗草》陈其诗著。  
《汇朝典定》徐光谕著。  
《医学直格》汪普贤著。  
《补医学训科》汪余庆著。  
《心航唱和集》徐三秀著。  
《五经会纂》、《史略》俱徐忠元著。

## 国朝

- 《三衢人物考》、《蛰庵诗集》俱徐洪理著。  
《读史记异》徐长泰著。  
《见闻偶录》、《家政类要》、《树滋堂稿》、《瓠余草》俱程万钟著。  
《山雨楼文集》、《梅质诗集》俱王文龙著。  
《五经辑要》、《南湖草》、《卧庵薰弦集》俱詹绍治著。  
《义庵文稿》詹西来著。  
《丰亭诗文稿》吴璉著。  
《焚香偶纪》徐金位著。  
《自然室诗草》黄文著。  
《澄志堂诗集》吴阮著。  
《历代崇正好异鉴》、《历代尊行诋斥录》、《井居随笔》俱王锡鬻著。  
《四书集要》、《雪村小草》、《竹林纪闻》、《邑乘补遗》俱徐烈著。  
《谦受堂集》吴暉著。  
《北山草》僧德源著。

《拜石轩吟稿》吴士晋著。

《武经捷解》三卷，郑楠著。

《诚求堂文集》徐开锡著。

《续表贞集》、《续南壁集》俱徐致遇著。

《九河考》、《太极图说》俱詹自超著。

《易经讲义》十二卷，邵智培著。

《易斋诗草》邵金格著。

《逸志》、《邵氏庭宪》、《然叶斋诗文集》、《竞辰山房诗集》、《临松集》、《同怀集》、《兰陔集》、《海上晷余草》、《文献通考纂要》二十卷、《唐诗集》、《杜诗正》、《重订甲子纪元考》俱邵志谦著。

《理情诗文集》、《闲正编》俱邵志晋著。

《四书传注汇参》、《卷勺吟》俱邵志观著。

《寒香堂诗草》邵丰著。

《四书释义》徐达仁著。

《四书句读顿连》、《种菊简易》俱徐京著。

《菊园诗稿》徐瑞元著。

《井田图解》徐兴霖著。

《匏石碎稿》王滋藩著。

《池北草堂文集》徐瑞龙著。

《醒世俚言》徐敦礼著。

《家范十二则》、《存心录》俱徐灏妻汪氏著。

《修路记事编》

## 《常山县志》卷六十七

知县李瑞钟修辑

## 文 集

文章贵乎质实。月露风云，无关典要，编中概从弃置。故以前志已载者分为集上，前志所未见者分为集下。别其体裁，序其先后，则一览了然，班班可考矣。志文集。

## 文集上 记

重修县学碑记 依杨《府志》录。

汪 芳

圣朝有天下，自京师达郡县，莫不设立学校。夫学校所以明人伦而善风俗，所以育贤才而应时需，其关系重矣哉！衢之常山县儒学，在县治东南，列峰环其前，金溪绕其后，苍翠涟漪，远近接映，山水之秀鲜俪。历岁滋久，室屋浸入于敝，所可仍者惟讲堂耳。芳未至时，前县丞陈君春作正殿三间，塑绘肖像。未几，陈君去，为政典教者视为具文而已。正统乙丑夏五月，承乏训职，顾瞻弗称，深以为忧，欲有所为，力诚不逮。明年秋中，适三守彭侯出临兹邑，芳具以白，侯有志更作，遂节俸倡之。时浙江等处提刑按察司金事熊公专理学校，至学展谒周览毕，蹙然兴感，命下尤严。于是，知县周君文、县丞蒋君诚、主簿朱君忠、典史陈君璧相继有作戟门五间、棊星门三间、学舍八间、膳堂三间，以至殿庑、堂斋、庖廩，析木朽腐者易，瓦甍缺坏者增，墙壁破者补之，楹柱欹者正之，盖覆鲜完，圯墁辉炳。事固出于诸君同志，而其经营图画，则陈君力也。董其役者，老人徐子贵、赵景宁。既落其成，众士咸喜。以侯与诸君之功

不可泯然无闻，推为记之，用以饒于石。嗟夫，积年之頹靡，一旦而作新。虽诸君注意于学校者不后，然非侯有以扶树之，安能致是哉？虽然侯与诸君所以扶树注意于此，岂徒然乎？将以耸动观瞻，振起庸惰，俾二三子居游于是，有所警发而厚于伦，以为乡邦之表率；有所进修而优于才，以待朝廷之遴选焉耳。

重迁常山学记依原碑录。

邹守益

常山县学，旧面塔山而居，山势迫隘若相压然，而旁杂居民，喧嚣浸闻，诸生恒病之。乃嘉靖己丑秋不戒于火，瓦砾煨烬，几无遗者。诸生戚然以唁曰：“是更新之机也。其谁恤我？”衢守赵侯可与叹曰：“兹吾二千石之责也。二千石奉天子命以牧兹土，岂絜钱谷、狱讼，将教化是敦！”躬往相度，得吉卜于县之右。顾公帑方竭，出薪资以倡，僚属咸以义应。诸生之父兄及乡之老欢然以戒曰：“侯劬力捐财，勤恤我子弟。吾侪奚忍自吝，盍思以赞之？”或献其廩，或助其资，或易地以徙。乃告于巡按柱史端公，公曰可哉。侯乃展厥功。于时督学宪使汪公至，闻而嘉之，众益以劝。以冬十月庚申鸠工大作，規制伟然，中为大成殿，东西为两庑，南为戟门、为名宦祠，又南为泮水、为棖星门。庙之北为明伦堂、为两斋、为神庖神厨，又北为三廡，廡之西为号舍、为宰牲所，而辟其东为大道、为儒学门。明年春正月□□日工以成告，释菜鼓篋，神人胥和，诸生忻然以庆，曰：“兹惟赵侯之绩，曷其可谖？”陈尹炜、吴训导器使汪生钦徵记于南都，以昭来者。而赵侯以书来曰：“是更新之机也。其进我诸生于道。”予发书，喜曰：道之不明久矣，吏之弊也。以簿书为逐世资士之弊也。以辞华猎时好，有能羽翼教化，而追琢于道德，其将不背圣门之教乎？圣门之教，以求仁为功。仁也者，人之广居也。是广居也者，精纯而不杂，广大而无垠，悠久而无疆，人人

所同具也。人悦仁义，出慕纷华，其为杂也甚矣。富贵贫贱，交障而互蔽，其为压也甚矣。忿懣恐惧，凝冰而焦火，其为焚溺也甚矣。二三子之有志于学也，亦尝病而喑之乎？国家黜百家，宗孔氏，尊崇庙貌，群俊秀而肆之，固望之以服膺圣道也。克己复礼，而天下归仁，颜子之所以请事也。仁以为己任，死而后已，曾子之所以启手足也。戒慎恐惧，致中和而位育，子思之所以修道也。必有事焉，而忽正心，勿忘勿助长，孟子之所以养气也。是四子者之于圣道，其将服其服诵其言而已乎？抑将行其行而后肖之也？行无愧于言，言无愧于服，毅然由四子之绳墨以深造而自得之。仁行于父子则无不亲，仁行于君臣则无不义，仁行于夫妇则无不别，仁行于比闾族党则无不睦，仁行于四海九州、禽兽草木则无不爱。夫是之谓新其广居，而无背于圣门之实。良师傅之教之也，其亦思恤于兹乎？父兄之望其子弟也，其亦思赞于兹乎？二三子之自励以有成也，其亦思庆于兹乎？夫不以钱谷、狱讼为功，上之自爱以阜下也；不以辞章利禄为趋，下之自爱以报上也。上下交隆于爱，以对维新之机，其充于仁义也，浩然谁能御之？异时稽绪考德，尚以俟百世之纪嘉绩者。嘉靖九年。

常山县迁学记 依原碑录。

姚 镛

学校为国家养育贤才之地，规模欲其整肃，稍敞焉必葺，环抱欲其明秀，不得其地则迁。以故文翁守蜀，汲汲然兴学，育才为务；范文正相宅而得胜地，乃用之以为姑苏郡学。二公用心有此，夫岂徒然哉？□常山旧有学，前逼峰峦，无蜿蜒盘曲之秀；后临通衢，舆马奔辘，多喧嚣声。有学已来，科第寥寂，旷岁乃一举，诸生病之。每私相谓曰：“是宜迁，未之有吉也。”正德间，清戎侍御吴公华尝莅学陋焉，亦曰：“是宜迁。”亟择地于邑治之西谋改筑焉，会兵变卒未



果也。往年八月，旧学邻人弗戒，火焚其庐，灾及学宫，尽为煨烬。郡守安福赵君可与闻而惊惕不自宁，即日单车赴县，图所以新之，环视故基，病其隘塞，乃亦曰：“是宜迁。”周旋顾盼，得一区善之。诸生曰：“是即吴公所尝拟者。”赵君喜甚，遂定计，以迁学事白于今巡按侍御端公廷赦，且曰：“兹重事也。民不可概敛，必得富而尚义者相与成之。”又曰：“钱谷、金帛，谤之媒也。宜委官以总其役，若县与学宜使各得周知其数，庶事集而谤不兴。”侍御公是之，乃腾檄以促其成。于是，赵君首捐俸金为倡，民之好义者亦各出其赢以相济，共得若干缗。遂以是年十月九日肇工。凡殿堂、门庑以次就役，栋宇杰壮，丹雘有辉。阅数月讫事，诸生得于目击，或跃跃以奋，自是文风十倍矣。郡守走价徵言为记。予惟国家设立学校，以六经、四书陶镕士类。其说一以濂洛关闽为宗，教有常法，士有定业，百数十年来道德同而风俗一，而世道亦日跻于太平。永乐间，饶州士人常有为诋斥濂洛关闽之说者，时主盟有人重谴之，且焚其书，天下称快。弘治间，常州士人亦复有为此妄者，时亦主盟有人以前日之法治之，天下复快焉。是以邪说屏息，正论大明。近日乃有负聪明挟名法恣为高论以自绝于世者，诡曰唱道，痛斥考亭，并排关洛，以及于濂溪。虽才俊之士亦或为其所惑，相率而归之。其师弟子间，自相贤圣，偃然以孔颜自处，至诵言于人，不以为疑。夫孔子大圣，亘古今而一见，岂敢易言？即颜子之卓尔，彼亦何尝梦涉其界？乃以区区浅僻之见，遽欲高自许与，不几于举拳石以跻泰山，跨蚯蚓而攀神龙乎？其不自量亦甚矣。必以经传非一家之书，义理非一人之所能尽，儒者各得以异同自致，然不有至当归一之论乎？其中正而无弊、真切而可从者，此古今圣贤相传之正法也。是恶得私心以求胜，纵小辩以破大道，尽毁儒先之见而欲独伸其说于天下，且假此以径趋于洙泗乎？夫濂洛关闽之有论著曰：吾宗孔

氏。世之为异论者亦曰：吾宗孔氏。岂果无辨？譬之子孙之于宗祖。然濂洛关闽者，孔子之世适，虽状貌不能尽肖，然其血脉则贯通而无疑。舍此而为异论者，虽极力描画自谓得孔子之真，然皆崇韬拜汾阳之墓之类，姓氏虽同而气味本不相属，此贗也。孔氏门墙有不麾而斥之者哉！夫所贵于圣贤者，岂直以其言，恒于其身心求之。今其所以告诏于人，未尝不以传心为言。及考其平生，则亦不过富贵胸襟、词赋伎术，是何有于正心诚意之功。况功名之际多舞弊智术，甚或不归功朝廷，而专美本兵。此于《常武》之诗，犹有未读而妄希圣贤，可乎？顾独以虚名相煽，实繁有徒。癸未春闈之试策问，尝一及之，而正论几吐气矣。其党阴相庇护，排之不及，反迁就以屈于其说，遂使其势转盛，忧世道者慨焉。属者幸逢天子明圣，独览其非，特下诏以正其罪。于是，公论再明，学者视听始回，皆知吾儒之有正学，此非世道大庆哉！昔宋庆元时，道学有禁。刘光祖记涪州学，特致慨焉，谓其以真为伪。予谓今之所谓圣贤皆伪也，而世反以为真，其是非同一缪戾。使光祖当此时记此学，其立论又不知当何如耶？衢郡守素有学术，向慕甚正。闻予言必有左袒而起，以共翼斯道者。若其为政之廉平，惠爱之旁洽，则衢人有口碑，洋溢人耳久矣。此不及书。嘉靖十年。

报功祠记依原碑录。

秦武

祠以报功名，序绩也。何绩乎？大守青石赵公功著常学，常学之士怀其功，公既去，而序之也，故祠之。夫太守，郡邑之君，吏民之首也。胡为乎唯常学之士祠之乎？青石为政，急教化，先学校，故学校之士首祠之。祠之，盖以倡天下之公议也。其急学校也，则何如？故有学亦有庙，面壅崇冈，背腴闾阡，卑隘弗称，士苦之久矣，求迁之未能，而太守为之迁之也。方役之兴也，吏有惮改作，而

系因循者庶谣言焉，太守弗顾也。或苦于费，太守曰：“有冗支在，节之则充。”或苦于劳，太守曰：“有冗丁在，集之则供。”务急于教化者然也。泉不告匱，工不告劳，而事集矣。惟时我圣天子有令，正祀典，撤梗偶，定称号。他郡邑守令师生方惮于改作，常学乘毁烬之后，当经营之初，无所于改而正，无所于毁而崇也。猗欤休兹，其惟有庸已乎！常士淹于故学，滞而困者数十年矣。幸兹堂宇登闕，胸襟洒落，地灵人杰，化育从新。登科贡者，哀然踵首选焉。熙熙乎，有贤圣之希。士之习于是者，方日改而月异矣。青石之功，兹其所以为伟，而常之士适会其美哉！其祠之，乃因青石按常也，整顿庶政，小大咸和。其在也，仰之无遐迹。其去也，怀之无久近。匪惟常则然也，五邑皆然，常之士倡之云尔。有或为间未竟，至邑谕维扬高君信庵宝肇晋教事，循责其实，建议从众毋从其一，奋义而举之，知青石立学之功独详。故是祠之，可谓不忘功矣。高君昔在台教惟良，士林重之，走书索予记。余嘉青石能留去后之思，而常之师生能思去后之德也，故为之记。青石名可与，字子中，安成人，以武库正郎来为衢太守，迁福建鹺台使。今逾年矣。嘉靖十三年。

### 重修常山县学记

依原碑录。

詹思虞

常山，姑蔑支邑，故学宫在邑之东，盖创自宋熙宁间。入国朝，沿其旧，然而制未宏也。迄嘉靖庚寅，太守赵公可与徙之西，倚山塔为文笔，掖以昭庆高峰而规画，始称备矣。岁久渐湮，吏兹土者每欲更新，皆夺于簿书弗克果。越六十载为万历癸巳，而淮阴刘侯始成之，盖亦异数云。先是侯至吾常，思以兴学致理为先。会岁大侵，务与民休息，精不登庾釜，役不及邱乘，清静以宁者有期，民稍辑矣。乃发笕库聚百工，率诸簿尉及博士弟子从事，首文庙，次启

圣宫，次两庑，而明伦堂、文昌楼渐及之，即绰楔庖湢之属，靡不以坚易腐，以阜易圯，整顿辉黯，焕然新焉。复为增修山塔与高峰之昭庆寺。今西山耸然并秀，为簧宫标胜，则侯之功也。而所经费，皆从侯隐度，民弗与知且也。念诸生业治博士家言，非代耕安所糊口？食而后教，业所繇兴乎？则抉新垦地税入学，岁若干缗，而诸贫士始得炊资粒，焚资膏，婚资雁，当大事者资具矣。越一岁，而侯以政声表卓调长兴，诸士子重侯之行，若以学宫为甘棠也者，谓余知侯深就而请记焉。余惟古人诵德化，往往用学校为词，故鲁僖公修泮宫，诗称其美。今读《采芹》、《采藻》诸篇，歌咏其旂之声、鸾之声，与夫载色载笑者不一而足，盖爱其人而想见其盛美如此。然所谓敬明其德、为民之则者，鲁侯实身有之，故其化至淮夷攸服，而矫矫虎臣在泮献馘，固知兴学致理所愿化者远也。今寓内多故，需材甚急。天子申布功令，广励学官，实责在有司。而侯以敬慎文武其人，率旧德而新吾邑，士蒸蒸向化，当必有克广德心者出于其间，以佐天子中兴。异日者称吾常有人，侯实赐之矣。矧常故材藪，若王介以直节著，江少虞以治行称，而郑林、樊莹尤彪炳本朝。自后鸿儒硕彦更仆未易，即寒素如余世，而雁行起家者，方各兢兢，庶几济济多士。士饮侯德化，所不乘时淬励，树不朽者；非夫也。余不敏，敢自附于泮水之诗，诵侯三善焉：下车而问学校，识体先；噢咻而后率作，知序甫；治岁而告成事，敏有功。忆昔余守云间，值岁恶甚于吾常，而所为调剂民生，兴起学舍者，亦勉焉不敢后。惟是获藉以盖愆塞责，则若于侯有私淑也。侯名一临，直隶山阳人，万历己丑进士。邑簿朱宗武、尉蔡贡，区度程量与有力焉，法得并书。万历二十二年。

常山县学田碑记依原碑录。

赵文炜

邑大夫唐侯，松江华亭人也，侯讳之屏，字长公，号曾城，以博学宏词，领辛卯乡荐，登壬辰进士第，岁甲午奉命筮仕于常。常当浙西首剧邑，民困士窳，故学宫毁，徙基筑改，规制未甚备，其学田则阙如也。俗士尚多负气强立，如贫不能取者，丧不能举者，饥寒顿踣僵卧徒四壁者，非至戚周问不敢以告人。比年大祲，几无以为生。侯自抚字调停外，深为感怆，曰：“士犹处女也。处女静居邃阁，不令窥户。诸凡无撓其念，十年待字以养贞，斯能明妇顺而宜室家。国家须士，寄心膂，托耳目，外为屏藩专城之司，则将以海内为其室家，而使之宜之。奈何简菲荒凉，是不令季女饥哉？”于是，积俸为资，徐裁之赎缓寸余铢累，共置田一百二十五亩零，乃曰：“方覆之篲，始基之矣。”侯之意，盖在行其渐而扩之大也。居亡何，侯行矣，所为议贮议散，未遑究也。又厚幸得沈侯以续前绩，核实而均施之。今而后常之士得免季女之饥，有自来矣。诸士德沈侯，因益思唐侯芘造之恩，僉曰：此仁者之功乎！于是谋伐石，祈言于余，以镌不朽。余以朝廷养士以待用，士待养以效用。使自给无资，即欲致效何由哉？故宋人有曰：衣食为累。虽太山孙明复先生亦无以自见，况其下者乎？养生之亟若此。余乃因诸生之所感念侯者，而知其一举有三仁焉。惠流事集，俾孝子获自尽，鰥士乐有家，壮才得表见，是一邑之仁也。创盛典于久旷，培英材于艺圃，备周楨于廊庙，是为天下得人之仁也。比莪化生成楨干材，显持以展布遐方，且将引而推之曰：我谁树之，谁我树之？庶几期不负侯，是又锡类不匮之仁也。它如创号舍，建魁星亭，皆昔无而今有者，当别有记。而茂伐殊勋，高明之表扬者，固自在也。今沈侯讳仪范，苏州长洲人，实成厥美。主簿陈讷，常州靖江人，实周旋是举者。

于法俱得书。万历二十七年。

常山县儒学文昌台暨频池碑记

依原碑录。

黄汝亨

《记》曰：君子之于学也，藏焉，修焉，息焉，游焉。夫然故安其学而亲其师，乐其道而信其友。是故师严道尊，莫如孔子，亦尝婆娑杏坛，盘桓舞雩之下。而泮水之颂，载歌鲁侯之色笑，以为美谈。然则斤斤溷溷，皮弁祭菜，鼓篋多讯，非学官之精义可知矣。夫学者终日扞衣趋隅，坐尸立斋，掬溜播洒，而卒无游息之物，清夷旷夷之具，以清烦涤滞，又必九年而成。吾见怠者将无法以收其威，而号称俊秀者亦且罢惫而耗乱。此学者所以易疾其师，而古所谓藏修之地一变而阒无其人也。吾友钱长人先生之教常山不然，先生经术湛深，行谊标洁，教常斯年，学徒浸渍。于是作而言曰：“我教事略具，惟不可缺游息之所。学旧祠文昌，盍择地新焉？”于是，大夫先生咸劝，良干坚甃，不日而集；周垣崇阶、明宫斋馆，不月而就。因山筑台，俯瞰横眺，一邑之胜，俄焉毕献。羸糗剩力，以浚泮水，斤刷一施，乳泉激泻，纤鳞游泳，烂熳霞锦。于是考德问业之暇，相与登台而啸，临池而哦。生徒欣欣，或越班而赴，或乐而忘归，盖庶几圜桥之观听矣。嗟乎！人知常山之士亲其师而信其友，无小无大，从公于迈，有思乐之风。而孰知潜挽默化之功，在台池间也。使盈盈之水仅以修故事，峨峨之台仅以妥神灵，此时师报政之恒规，小儒徼福之大惑，岂先生之心也哉？说者谓太史公书言，斗魁戴匡，六星为文昌，有上将、次将之名。而泮水献馘献囚，觶弓搜矢，正与之合。盍援经证史，以夸常山之人。是大不然，岂若在泮饮酒，为诗人深意也哉！是役也，郡大夫叶修白、姚贞吾，县大夫龚茹溪、陈梦维，司训吴洛祥，文学掌故詹在邦、徐光祚等，所谓咸劝而效夫版筑糗糗者也。法得附书。万历四十三年。

重修常山县儒学碑记 依原碑录。

徐可求

三衢山故在常，控郡上游，山水雄特，接壤豫章、闽粤，居然我浙东南之户庭也。民什七火耕水耨，其俗俭啬而敦礼让，比屡侵不无夙逋，盖不胜鸿雁嗷嗷之慨矣。王侯出领兹邑，壹意劳来拊循，稍稍还集，弦诵如故，已进诸生学宫，诏所以先后文之旨。顾瞻黉宇圯弗治，谓此固风教首善之地，奈何安之？于是，冯隙斥羨，敬庀乃司，士民子来，门堂斋富，翕然增胜。众謁予纪。其时，余惟国家中叶以后，官方渐淆，戎备渐弛，河防渐溃，赋役渐繁，俗尚渐讹，大约不能遵祖宗三尺之功令。而独庠序之教加飭，盖自肃皇帝，革不经之号，还其本称，易偶以主，稟于大雅。至我皇上慎酌从祀诸贤，俎豆生色，士知向方。《传》曰：大人举礼乐，天地将为昭焉。此则千载之一时矣。迨辟举征聘之典久废，耑录书升名。公闻人率由是途出，亡论阐性术，筹经济，煌煌乎光于谱牒，即绾十室之符，秉群士之铎，亦畴不曰吾师之弟子也。则庠序之教，恶乎不加飭也？若夫培养有日，铸冶多方。在圣天子宪老乞言于国学，郡邑大夫率先课督于黉宫。绳墨在前，要约在后。湛于质茂，蔚为菁华，旋转未盪之天下，维持苞桑之运祚，何患乎官方之不整，戎备之不张，河渠、赋役、俗尚诸种种之不古若也！《逸书》曰：大道亶亶，去身不远。圣门由求，治兵治粟之外，靡不各操一职，殫厥实用。诸生假令持三寸不律空言而已，安所称塞朝廷广厉之意与子大夫嘉惠之盛心哉？西京独数文翁力兴髦隼，迄得相如鄂不辍矣，谈者犹嗛焉。侯以子惠开美淑士性行宜，必有敦允嘉粟如元颢者，傥志而敬应已。侯之指一尽于丹堊涂墍，以崇观示，庶几尔诸生洒濯粹白，是惟明德之师哉！相与镌石，以志不朽。是役也，经始于戊午孟夏，工竣于本年孟冬，约费资若干有奇。侯名升，华亭人，丙辰进

士。博士李之盛，海门人；顾可望，云和人；朱振祚，都匀人。维时丞庄国礼，晋江人；簿邓良彬，丰城人；尉曾惟宗，海康人。俱左右侯有协赞之勩，得并书。万历四十七年。

常山县重修儒学碑记依原碑录。

孙 鲁

三皇以降，聿隆无位之尊；五帝以还，丕显缝衣之统。挺素王于衰季，麟书呈阙里之祥；作师极于东周，凤唳振尼山之响。星精降瑞，帝车叶五老以俱来；异表开符，河目与鸢肩而并峙。诗书百禩，制作千秋，仁义礼智信之文，河图并阐；温良恭俭让之德，日月重开杏坛之问答已湮，山颓安仰；树下之礼容犹在，梁坏谁依。琴书剑履三千，仅守夫茔祠；礼乐衣冠七十，尚存乎传记。逮暴秦之灰烬烟飞，启炎汉之褒尊伊始。下马而睹圣颜，首效太牢之享；修宫而闻丝竹，肇新蝌斗之书。自是二十一代之追崇，为王为圣，千八百国之庙食，为帝为师。冕旒南面，功高于社稷勾芒；剑佩趋跽，礼重于师儒耆老。所谓亘生民而首出，旷百代以维新者也。惟兹姑蔑，邑有常山，庙貌倾颓，黉宫凋落。时值兵戈之后，讲肆已鞠为园蔬；运丁阳九之余，俎豆或沦于马厩。长吏之瞻拜兴嗟，子弟之弦歌无所。爰惟贤令，实有王君，期月之功已效，人传渡虎之谣，三年之政有成，俗革饮羊之诈。以为俗必先乎教化，莫急于先圣之宫墙；治必首乎诗书，莫切于生徒之诵读。率先捐助，聿事鼎新，鳩工于丁酉岁之冬时，断手于戊戌年之夏月。殿宇辉煌，重见圣容之肃穆；门庑整丽，载瞻陪祀之雍容。讲堂庖漏焕然，知弦诵之有人；礼器髹丹焯尔，羨骏奔之克举。鲁备员兹土，欣覩落成，随肩释菜，幸观有血之蒸尝；藉手贞珉，勿忘孔安之断度云尔。令名明道，字有功，江宁之句容人。顺治十六年。



常山儒学修明释奠碑记 依原碑录。

金汉鼎

兴朝开国，以恭俭垂训万世，一切度支，悉经裁定。至祀事先师孔子，益加虔虔。今上复数临雍释奠，崇师重道，典最隆也。若郡州邑有司奉行，克谨与弗克谨，则存乎得其人与不得其人而已。岁春，予儿游东粤，取道定阳。邑博士黄君，予姻友也，过访之，适有事上丁，孺子获往观焉。见庶羞如此其咸备也，□□如此其合制也，趋踰登降如此其黼黻祗祗也，不禁赞赏久之。及询彼都人士，何修而臻此与？都人士金云：邑典制素称大备，自兵燹后因陋就简，沿习有年矣。今幸起衰扶敝，转移风化。有郡侯雷公为之上，优学校，课农桑，以实心行实政。有邑侯杨公为之下，一时百废聿兴。而于文庙致祭，尤欲率循旧章，曩以稽考乏人，恒怀未逮。去夏黄师衔新命至，杨公一晤谈，协若水乳，知其可与襄大事也。遂进而图之，爰取邑乘及频宫礼乐全书，并征诸生娴习者讨论商榷诸所陈设，而总科岁额定数，为之缕析条分祭品少多，权衡往籍，务酌其宜，众物贱贵，平准时价，给以现值，俾成规有所垂，侵渔无所施。而黄师复取祭器之朽敝仅存，稍修辑之。于是凡有事庙廷者蔑不肃然兴起，谓仪文至今日而明且备也。诸肆行蔑不欣欣，谓至今日始无亏折而乐供输也。因得以复兹礼云尔。儿聆是言，于归里之暇备述于予，予既已心识之矣。顾黄君始仕云阳，继调慈水，数邑礼乐约略鲁卫。惟时力请当事为之振起，然有不克遂其请者矣，有稍遂其请不克尽遂其请者矣。即或有尽遂其请，而未免胥承作奸，半值以取备物，至备物之家，怨咨载途者矣。兹何独于杨侯不谋而合，不烦而兴，上下公私各得其宜，有如此其仰戴于中也，不啻如出诸口也！邑之荐绅子衿，其仰戴于其中也，亦不啻如出诸口也！黄君遂以其事上之督学使者，冀勒贞珉，以垂不朽。学使者可其请。

于是将伐石镌诸泽宫，而以予儿向者之赞赏之叹嘉之也，乃走使征予一言。予惟国家崇重典祀，加意右文，其主持者固圣天子之事，而秉承之者实贤有司之责也。今常以僻寂之区，振极替之典，使非贤侯识大体慷慨有为，则亦具文焉，传舍焉已耳。乌能上体雷公祖之心以为心，乌能同得黄公之心以为心，又乌能合得诸绅士之心以为心也乎？是则，所为奉行克谨若杨侯者，洵乎为得其人，而不愧于贤有司已。抑闻侯为人兰清冰洁，在常多惠政，治称循良，梧垣柏台方虚左以待，树骏流鸿自兹伊始。予宁敢辞厥芜溥而不彰之，以为后来之标榜也哉！侯讳梦吉，号上漳，八闽上杭人。黄君讳延濬，号液桃，金婺永康人。是役也，协赞则幕尉杜君，讳士俊，燕山宛平人；弟子员徐光元、詹日炘、徐鸣玉、汪澄、徐玉涵、徐日从、杨懋玮、汪逢吉、徐任勤渠左右，咸著成劳。若夫总揽纪纲，诸君稟率，则端赖郡侯绥山公祖雷公，讳经，西蜀成都人。公崇文雅化，固将楷模天下，区区一郡未足以名言万一云。康熙八年。

重修县学碑记 依杨《府志》录。

杨 溱

学校之废兴，岂不以时哉？时际升平，则家弦户诵，圣教行而大道明，礼乐兴而风俗美，宫墙制度犁然备举，猗欤盛哉！及当抢攘，健夫悍卒皆得肆其凭陵以侮嫚士类，学校有莫保之虞矣。定阳为浙东边，甲寅寇变，盘踞城内者三载，儒学俱为荒址，惟圣殿、启圣祠犹岿然独存，岂非圣人在天之灵有以默慑之乎？溱承乏兹土，每朔望展谒，瞿然谓多士曰：“学校者，人材所自出，政教所自行，而堕坏若此，是余之责也夫。”遂亟捐俸以倡，师生咸量力捐助，爰于孟秋之月鸠匠兴工，正殿之梁栋崩折者更易之，椽瓦圯朽者甯补之，缮墙垣，除甬道，戟门以及棂星门一时具举，阅三月而工竣。虽时诎举羸，修飭未能尽善，而规模幸已粗立矣。溱岂敢自以为功，

庶几藉以道不职之罪于万一尔。襄其事者学博余君灏、莫君家祯，董其役者则邑丞王君光祖也。谨为记其略云。

**重修县学碑记** 依孔《志》录。

汪 澹

教化之兴，莫先学校。左氏美卫文而言敬劝学，史克颂鲁僖而曰：既作雋宫。盖长民者道德齐礼，渐仁摩义。至于风移而俗易者，非是末由也。顾有地百里铜符而黄绶者，乍到官守，迫以簿书期会，扰以两辞五听，而催科注考黜陟因之，则他事猝不暇及。视雋宫鞠为茂草，殿庑倾圯，上雨旁风，非不但焉念之。而职事旁午，辄置弗问者，往往而是。暨阳孔君以宿儒宰常山，适予奉特恩再留视两浙学。孔君既下车，进而语予曰：“某受命牧民，自念身从学校中来，治事无他急务，惟以兴学教民为先。至春秋释菜释奠之所，尤地尊而礼肃也。邑故有学，岁久不修，非吏之责欤？当谋所以新之。”予闻而喟然叹兴曰：“孔君诚贤矣哉！”治莫大乎知所本。今圣天子久道化成，欲跻斯民于唐虞三代之盛。慎简有位，将以广教化，美风俗也。孔君首葺学校，俾民渐被声教，敦崇礼义，晓然知上之人意旨之所在，则士各奋然淬厉，臻于大成，而民俗自蒸蒸焉进于古矣。矧常山人文秀拔，又得孔君鼓舞而作兴之，将见邑之贤才辈出，科名益盛，出而赞襄休明黼黻至治者，当不啻倍蓰于曩昔也。予五巡浙属，凡郡学咸得躬亲文庙，率博士弟子拜跪，俯仰于庙堂，式瞻人文之盛。至属邑七十有六，卒以试事程限，或万山阻绝，或荒江寂寞，不克遍历其地，保无榱桷倾欹、丹彩漫漶者。尽如孔君之用心，以兴贤育才为首务，加意于宫墙礼法之区，俾学于敬业乐群，以瞻以仪，无废成美，则予之快慰为何如哉！孔君又云：是役也，鳩工庀材，规模粗立，要皆捐羨为之。虽一瓦一植，不以及士庶，是尤人情所难。爰遗之记而志诸石。

## 重修文廟碑記 依孔《志》錄。

孔毓玘

客有問于余曰：子于常學用力則已勤矣，如之何其不為學記也？余應之曰：玘特有事文廟耳，學宮之事概乎其未有及也，如之何其敢為學記也？然則，廟與學有以異乎？曰有異。虞夏以來，有上庠，有下庠，而東西序左右學之各具見于《禮經》。成周盛時，上自王國，下迄鄉遂州閭，大小學具備。維時釋奠釋菜、獻囚獻馘之典舉行于澤宮。然則三代以上有學而無廟，蓋先師先聖未有定位故也。自漢祖有太牢一祀，元朔以後多崇報之，儀要皆以周公為先聖，孔子為先師，禮多并行。至唐貞觀二年罷祀。元公始專立夫子廟，而師儒之講堂、弟子員之號舍，以及貯經書、藏祭器，凡今之所謂學者未及通行也。是三代以後有廟而無學，非無學也，蓋漢尊黃老，唐祀元皇，崇儒重道之意未專，故迄無定制。宋慶曆三年，始詔天下郡縣皆立學，歷元明，至國朝，規模大備。要之大成殿東西庑暨鄉賢、名宦兩祠，南有戟門，越泮池至棖星門以迄于屏牆，此文廟之制也。五年中既已捐貲修建，次第告成，而殿與庑猶判然不相附屬也。至學宮之制，向由儒學門通于兩齋，而明倫有堂，敬一有亭，若神庫若神廚若號房及刑牲之所，前人之規畫創建，何一可缺焉。弗完者今止有明倫堂五楹，余尚愧未遑也。揆厥所以，豈繫歲比不登，人心怠廢之故，亦重困于勢之無如何耳。夫旧貫宜仍，紛更無益，古志之矣。常學基址誠窄，然果攬其大勢，綜其全局以定謀，則亦無偏而不舉者。如曩日之規模風濤氣聚，亦可以無訛矣。自大成殿北移，使東西兩庑如身手之弗屬，而文廟病；自明倫堂加擴，致齋亭廚庫之屬皆無余地，而學宮病；自殿宇太峻，堪輿家有虎興之說，而縣治亦病。噫嘻，是誰之咎欤？計惟移殿與堂復還旧址，而後殿庑之絕者可續，齋亭之闕者可補，風氣之散者亦可以復聚。且

官师弟子人人办至诚纯敬之心，使已去之圣灵格而来享。庶几人心、风俗、科名、仕宦之盛，追嘉隆而及之，而后为学之成是，不能无望于后之君子矣。客乃喟然叹曰：有是哉！请书之以俟异日。雍正元年二月二十日记。

重修常山县学大成殿记 依原碑录。

王 玮

凡天下事可已而不已者谓之纷更，不可已而已者谓之因循。纷更固非以集事，因循亦岂可图功？矧胶庠为首善之地，学校为起化之原，尤非可以因循任之者乎？县治西不数武，即系簧宫，圣庙为蠹蚁侵蚀，栋折梁颓，垣墙倾圯，行将鞠为茂草。余朔望拜谒目击怆然，爰集邑绅士谋为葺修之计。但殿材既属朽败，而故址耸然特峙，与两庑不相联属，势须改作，一切土木工费，度估不下千余金，恐难为巧炊。究归道谋之室，余遂捐薄俸以倡，各绅士无不感激乐输。爰举其才而有力者，詹君锡嘏、徐君炽、樊子见涛、陈子君英四人董事督理，余亦时为鼓舞，鳩工庀材，鼎新革故，建如程式，而宏敞过之。经始于雍正癸丑之春，落成于是年之冬。可知天下事患其不为，不患其不成也；患其为之不力，不患其成之不速也。余因忆雍正丁未莅兹土，下车之始，见民贫士嬉，夙逋累累，万孔千疮，百职废弛，几无可下手处。遂日夜焦思，不遑宁处。窃念既富方谷，必先耕凿，而后习弦诵。今丈量既清，虚额已豁，积逋邀免，一切祠宇、坛壝、义冢、城垣以次举兴，而圣殿始观厥成，将来人文鹊起，科第蝉联，其权舆也。前辛亥岁，谬膺卓荐，叨恩内擢，复蒙宫保李公题留命以升銜，暂理邑篆。今值计典制府程公仍荷卓异，特荐内召入都，束装北上，行有日矣。学博吴君超、汤君子翮以为宫墙万仞，栋宇辉煌，俎豆千秋，牲牢荐享，皆藉是举。以崇高山之景仰，不可不勒石以记其盛也。因乐为书，非敢恃为仰称圣主隆

重先師之至意，亦庶稍異夫傾囊倒篋邀無量功德于梵宮蕭院者爾。  
雍正十一年。

修造常山縣儒學記依原碑錄。

高國樞

學校者，人才所由出，教化所自行。我國家崇儒重道，追尊先聖，隆禮有加，亘古鮮俪。常邑縣治西左不數武，即系黉序。庚申夏，余奉命承乏茲土。至則謁聖視學，見廟貌多陋略，而兩庑及名宦、鄉賢各祠有漸就傾圮者。進諸生而問之，僉稱黉宮積被蚊蠹侵蝕，雖于雍正十一年間，蒙前升任王改建大成殿，甫得構豎，隨以卓異離任，草率告成。一應檐阿椽桷俱未整飭，丹雘塗墍俱未及施。若東西庑，若儀門，若名宦，若鄉賢各祠，欹斜朽敗，未有計及者。予聞之不禁瞿然曰：政必圖其所重，治必務其所先。昔晉李清河請修孔子廟曰：事有如賒而實急者，此之謂也。居今日而商政治，孰有重且先于修除學宮者哉？因謀之于學博湯君，綜全局以定算，有從前規模未善必須改作者。兩庑地勢卑下，與聖廟懸隔，如人身手足不相附屬，地脈靈氣渙散不聚。名宦、鄉賢兩祠左右背向，檐水倒瀉，滲漏為病，以致棟腐梁頹，浸久漫漶滋甚。春秋享祠拜獻于禿木夷級之下，神明能無怨恫乎？常邑素稱人才淵藪，迺來賢書寥落，雁塔無名，職是故也。爰急議修造，首捐薄俸以倡，諸紳士民無不忻然樂輸。筮始于辛酉夏初，鳩工庀材，庑祠則改造之，儀門則修葺之，地勢低下培之增之，廟貌朴陋丹之黝之，瓦甃缺壞者更補之，垣壁坍塌者綴築之，層階陂仄則甃石以平之，列碑顛踣則扶整以植之。五閱月而屆秋中，大工遂爾告竣。時值鄉闈，登賢書者文武聿有三人，益知地鍾其秀，天破其荒，如响隨聲，呼應不爽。將來人文蔚起，科甲蟬聯，直可操券而得矣。由是英賢輩出，聲教覃敷，蒸蒸日上，而進于隆盛者，未有不自學校為權輿者也。是役也，

经营成算指使咸宜者，学博汤君于翮也；因事逢会乐观厥成者，典史王君世恩也；竭蹶襄事不辞劳勩者，邑庠杨子廷梁、陈子君莢也；振兴倡捐鼓舞讫事，余亦与有荣施焉。伐石镌名，例得并书于左。乾隆六年。

### 重修学宫碑记

依原碑录。

丁如琦

学宫之设，所以奉先师、兴后学也，而于一邑之治化实有关焉。考常山之学，移建于明嘉靖间，其后历年既多，浸以倾圮。我朝康熙五十八年己亥，县尹孔公毓玠始捐俸重修。寻于康熙五十九年庚子、雍正元年癸卯次第捐建增葺，易朽与頽，克称完美。自是亦间有规度而重新之者。夫常山据浙水上游，与江右接壤，山川秀丽，翠绕烟环，扶輿灵淑之气，宜其郁积奋兴，摘榜花登仕籍者后先接踵而起。诂数十年以来，科名未能称盛，毋亦学宫之位置未宜，且日就倾废故耶。今年四月，邑之绅士谨以修建之议来告于予。余曰：此有司之责也。乃与广文顾公一清、何公振权协心经画，相度基址，庀工兴事。移建明伦堂于正斋之前，博文、约礼两斋新建于启圣宫之前，东西廊庑及名宦乡贤二祠、戟门、棂星门，至庖库、亭池、屏墙阶阼之属，一一整理，凡阅八月告竣。视其规模有逾其旧，视其位置既精既密。黝垩丹漆，焕然改观；庭城端洁，坦墉平圉；两庑两祠，各妥其灵；两斋连属，风紫气聚；外敞正门，爰立画戟；内立三门，以应灵星。予既悦斯役之速竣也，师模士气固无不鼓舞而奋兴矣。窃尤愿斯土之士列于学者，游圣人之门墙，端一身之行习，道德以为之地，忠信以为之基，仁以为宅，义以为路，礼以为门，六经以为户牖，四子以为阶梯，励其志气，储其材干，以备国家之求。至于人文之炳蔚，科甲之连绵，固将旦暮遇之，又何必屑屑言之哉！余以丁未之秋来莅兹土，知学宫废坏，即欲倡修，因循

未果。日逐逐于簿书钱谷之中。阅七年之久，乃始克从事于此。于教化士民之本，实有关焉，而特喜初志之克遂也。故记之。乾隆六十年。

### 新建敬一亭博文约礼斋碑记依原碑录。

按：是碑无撰著人姓名，但平列衔名，曰知县万相宾，曰教谕张巽，曰训导傅廷机。陈《志》以是记属之万令。查职官，嘉庆元年教谕为顾一清。张之任教谕在嘉庆七年，与此殊不合。金石文字，足资考订，姑录以俟考。

县学大成殿后为博文、约礼二斋，其上为敬一亭，向因迁移废弃。今各绅士捐资补建，亭成而索记于余。予乃会诸生于亭，席而言曰：居吾语女士希贤，贤希圣，圣希天。今夫天得一以清而已，圣人继天立极，其道同，其心同。顾心之体惟一，而心之用在敬，敬一云者，圣人所以与天合德也。圣门诸贤，颜子以克复进，曾子以忠恕进，子思以戒谨恐惧而慎其独，孟子以知言养气而不动心。所入之途虽异，所至之域则同，毋不敬贞夫一而已矣。虽然夫子循循然善诱人，中道而立能者从之已耳。是故见之者谓之智，见之者谓之仁。颜子曰：博我以文，约我以礼。夫文与礼，人所同也，非我所独也。夫子循循然善诱人，诱夫人也，非独我也。我事斯语，即以为博我约我云尔。然则，尽己为忠，亦斯礼之不可越也；推己为恕，亦斯文之行且远也。自戒惧而约之，自谨独而精之，其所精所约者此文也，其约之精之者此礼也。孟子不云乎，乃所愿，则学孔子也。四十不动心，敬之至一之机也。凡此者，天下古今之通义也。诸生由士而入，毋躁毋荒，毋偏而不全，毋大而失居。始之于博闻强记之中，范之于撙节退让之内。今之学由古之学也，然而更有进者。天得一以为清，圣得一以为贞。散之万殊，弥乎六合，无非文，无非礼，惟居敬以穷礼。其博文也，不为耳目睹记之功。其约礼也，不



徒登降应酬之末。惟天不贰，惟圣法天。其见而为文，见而为礼者，洋洋发育从容中道，吾不敢知。惟士希贤，惟贤希圣，其由博返约，以渐至于主敬存诚者，如有所立卓尔。过此以往，则天也，虽欲从之末由也已。其共励于斯亭。嘉庆元年。

重修常山县学宫碑记 依陈《志》录。

陈 珪

珪之初至常山也，谒圣庙，周视殿宇两庑以下，宫墙以内，翼翼严严，水汇其东南，山环其西北。地既灵淑，而创建如制，规模巨丽，洵足据全浙之上游，壮入境之观瞻，而人文鹊起于鸾旂芹藻间者，非偶然也。考常山学宫建与县治同时，代加修葺，而规制未备。旧明伦堂在大成殿后，崇圣祠在大成殿右，教谕宅在大成殿左，泮池在丹墀下。秋冬常润，明伦堂地湿生蚁。乾隆三十八年癸巳，重建戟门、青云楼，移泮池于棂星门下，培明伦堂旧址而重新之，今改为崇圣祠。又于教谕宅前为堂三间，今改为明伦堂。前令金坛王公訢然为之倡，诸生徐瑞元、徐淮、杨之藩、徐射斗等董其事。棂星门，则休宁诸生吴隰以子焕畅入常山学所建也。三十四年己丑，建乐育堂并训导宅于大成殿西，前训导王公绍昌为之倡，仍徐瑞元、徐淮与诸生徐鯤同董其事。自是学宫之制完备，视浙中诸名邑无多让焉。顾自讫工以迄于今，为时既久，而整肃如初。非学博率诸生以时修饬，不及此。兹学博与诸生深念前此葺治之勤，以尚未勒贞珉为怅怅也，虔请予为之记。予嘉其归功前哲之忱，因益叹两王公始事之功，诚堪不朽。而前董事诸君之子姓，彬彬郁郁，济美胶庠，诗书之泽逾久未艾。虽云家学，夫岂非曩日襄力尽心之明效大验欤！后之君子，宜何如懋勉也。是二役也，时之相去不四五年，予记之则阅四十年。维嘉庆壬申之秋。

以上俱学宫碑记。

## 附：学宫碑记跋

碑记之文，孔《志》已多删润，而陈《志》特甚。丰碑巨制，屹立泽宫者，扫薶苔藓具可读焉。汇录于此，以还庐山真面。詹按副、金给谏两记，为前志所未录。其无原碑可勘者，仍依各志录之。此外，非学宫碑记，间与原碑小异，删改似有所据，悉仍之。训导许仁杰。

## 沉籍记

张 枢

江君名景房，字汉臣，衢州常山人也。世事吴越王，为镇海、镇东两镇节度使，官属吴越。唐季建国，有浙江东西十三州，地境狭而民庶，国俗奢靡僭逾。自武肃王时，好宫室苑囿池籞盛丽之观，珠玉锦绣雕刻之饰，内以奉贡贽中国，外聘问四邻，修邦交之好，崇浮图老子之宫，用既无艺，不足则取益于民，故其田赋、市租、山林、川泽、陂障之税，视他国为尤重。吴越之民皆困苦，不理其生。宋太平兴国初，王俶朝京师，吴越国除。景房以镇海军节度判官，奉其国图籍以归于有司。初，太祖既平诸国，皆因故籍以赋于民，而当时在事群臣无能建请宽减者，由是定为令。景房素闻其事，欲去其籍以利其民，慨然叹曰：“吴越民困久矣。使有司视其籍以悉其赋，是吴越之民重困无有已时也。吾宁以身任之。”遂沉其图籍于河，诣银台自劾所以亡状。太宗大怒，将寘之辟，而近臣多怜之为言者，帝意亦解，景房得不死。时吴越国官暨两浙官属皆得以名次铨序，独景房屏归田里以卒，坐亡国籍故也。朝廷既亡其籍，乃命王方贽永为两浙转运使，使差定其赋。钱氏时田赋亩三斗，方贽至更定赋法亩一斗，其余杂赋苛敛一切以便宜罢之。有吴越国计院吏诣方贽，自言十三州图籍虽亡，其赋税杂科之目历历可考而

言也，请传至京师言状，方贄心患之，然未有以制之也。居数日，吏无病一夕死。方贄毕使还朝，奏计登对，帝以擅减赋税责消之。方贄顿首言曰：“臣闻税亩一斗者，天下之通制也。其苛赋横敛，五代僭伪之乱制也。两浙之地，今既为王土矣，岂得复循钱氏之乱制哉！昔周世宗既平淮南，欲劳徕安辑其民，遣使行均田，赋税亩不过四升，淮南之民得免重征就宽政，莫不歌舞，周德至今人能言之。今两浙甫归版图，未洽德化，宣布昭惠利，使元元知德。”帝悦其言，著为令。两浙田亩一斗者，本方贄所建，然其去籍，则自景房始。其后，方贄五子皆为显官，孙珪遂为宰相，人以为王氏阴德之报。景房既以罪废，其子孙继起进士为大家，在宋时擢正科者七十八人，其由他科进与贡而不第者不在此数，自出身得官至纒金紫曳银青者八十七人，其杂流者不在是数。而六世孙侍御跻、七世孙侍御溥尤显达，十世孙丞相万里及弟万顷，宋亡皆死节，然则天于江氏阴德之报也。宋自高宗以后，依吴越人以国者七世，方贄一言而国家省赋，宋氏得民而子孙赖之信，夫仁人之言其利溥哉！方贄事具著《宋史》、《会要》，其高显于后，而景房独以微不传。盖二人之事，实相为始终，法当牵联得书。延祐中，予尝至其家，江氏裔孙焞以其家牒示予，知其世系繁衍盛大，实由镇海军判官始。比岁，予友太史黄君潛向予言所传闻景房事，与江氏谱无异辞，益信。君方执笔东观，他日书宋事，愿以一二存之，使后世君臣知与之为取惠利及民者，天之所祐也。

### 县尉詹公捐基址拓县治碑记

张 荣

古之尚义者，或舍己财以修桥梁道路，或捐谷米以赈饥荒人民。是皆事之可取，义之可尚者也。惟若割己之肌肤充人之饥馁，尤事之难处，义之难尚者也。县自信安卜徙常山草莱之中，遽兴衙

門，迨今雖歷年久而門徑狹隘。詹公彥深任是邑蓮幕之職，一日與同寅阿散忽都魯公曰：“縣總百里之風化，東接兩京，西通諸省，最為要衝之地，而門如是，不足以肅觀瞻。然遍門左右之地，皆吾家祖宗所有，今欲辟而廣之以壯觀瞻，可乎？”同寅曰：“此人情之所難，而公獨慨然如此，吾輩當處置錢糧之余貿膏腴之田，為公易之。”公曰：“不可。是吾以是求銜于官府，不免起人以假公營私之議。”遂擇日命工辟之方縣之基，東西不均，西之地廣，東之地褊。公遂割所居之后，自東抵西數百步，自南抵北亦數百步，輻輳縣基，遂使東西相等。訖事，同寅置酒設上座以坐公，設樂于堂下以侑公飲，盡歡而罷。明日，縣父老咸往拜之，頌其難。公笑曰：“使吾不捐地，他日子孫有不肖者，必為他人所有。吾捐之，他日子孫興盛，豈患無可居之地哉！”諸父老咸服其量。同寅諸公征余文，勒石以記其事。吁！公割所居之地以補縣治之基，予故曰割己之肌膚充人之飢餒，尤事之難處、義之難尚者也。以是志公之功，用垂久遠矣。

## 沉籍后記

王直

予讀元翰林修撰張子長所書江君景房事，又識景房之裔孫秉心而信，仁人流澤之遠也。蓋仁者，天之道也。君子以仁存心，斯無愧于天，則天之佑之，寧有窮哉！當錢氏納土時，為其臣者孰無去就利害之思？得早入朝以自托幸矣。況奉圖籍納土，其階于顯榮可必也。景房獨存愛人之心，不忍其復困于重賦，遂去其籍，寧自棄于貧賤，而使十三州之人得輕稅之利。其心之篤于仁如此，豈非天之所佑哉！宜子孫之久而盛也。古者什一而稅，軍國之用量入為出，而上下皆足。后世費用無經，故往往加稅。加稅不足，則暴征橫斂以繼之，民困無聊，至于亂亡而莫救。《書》曰：民為邦本，

本固邦宁。钱氏赋重民困，虽不纳土，势亦不长。其自归于宋也，乃天哀其人，不使重困于兵革，而钱氏因以成归德之名，盖其幸也。浙之轻税，虽成于王方贄，然使其故籍尚存，方贄亦莫如之何。自是以来，民享其乐利百三十四年。高宗立国于此，民心戴之，又百五十年而后亡，盖由祖宗德泽在人，而此乃其大者也。推本而论之，景房之功岂其微哉！子孙之久而盛宜也。呜呼，后之仕者有欲为宇文融、皇甫镈之徒，其尚监兹哉！

### 进士题名记

钱 溥

常山，衢之大邑，自古杰人伟士多产其间。国朝洪武设科以来，怀牒就试者常得其人，率皆题学之壁，壁毁则录之以纸，纸毁则复书之。令是邑者目为泛常，漫不加省。景泰元年春，番阳章侯来令是邑，视篆谒学之日，首举此而叹曰：“使久而湮没，何以考前贤而传后学乎？”明年春，会朝京师，谒予以记请，归将勒石。适是春会试，登甲第者三人。侯复喜曰：“是殆山川之灵，久郁而始发欤！诚不可以无记。”于是，请益勤，乃谓之曰：“一邑而有三人，盛矣！但后之视今，多或过此，而失人未可以为盛；少或不及，而得人未可以为衰。宋太宗谓博求俊彦于科场，非敢望拔十得五，止得一二亦可谓致治之具，非以得人为重乎！”侯起而谢曰：“善，敢登诸石以告来者。”侯名凤应，字汝鸣，尝举贤良方正，为华亭丞，有声转今职。

### 科贡题名记

韩 阳

我国家重道崇儒，视古鲜俪。自京师至郡邑，建学立师，以育俊秀，得人之盛，亦迈前古。而名邦大郡，有历数科无一人可举者，虽循例有贡，又不能赫赫树大功显名当世，匪朝廷教养之偏，抑有司与典教者之责也。衢为浙大郡，常山衢之名邑也，自昔号为文

献，钟山川清淑之气，贤才后先相望。洪武迄今垂百年，而宾兴贡举及登名进士者总若干人，或居台部，或当方面，或为守令，或典诸司，济济彬彬，连升汇进，皆克以其所学竭忠效能，有裨盛治。呜呼，以万家之邑，而贤才之众如是，固乐育菁莪之化之深，而有司典教者必当得其人，以奖诱启迪之无疑也。先时，揭木板列诸氏名于讲堂之左。近广东杜英来知县事，崇学校，劝课生徒，修举废坠，用心厚矣。复捐俸资，伐坚石书姓名而勒之。一为永世之图，一为后学之劝。若杜宰者可谓知所务而为良有司也已。余友湖广金事徐公禄，邑人也，由是学以升，既没，而公之孙金全以余与其祖契，致杜宰意请记题名之碑。余闻杜宰为政之善，故不辞而为之书。

### 报功祠记

詹 某

惟两浙以倭患始建督府，七易帅，而兵部侍郎、长洲羽泉刘公畿实镇临之，甫期月而倭患息。公则充类搜薙，将俾阖境无或一毒我民而后已。适檄报处人攻陷婺源，公矍然曰：“处固我所治，且又安能越千里而为寇哉！”乃使人侦而尽得其情，曰：“处人啸数千党屯而颺其利，时为旁劫余十年许。官军撻之三败，势遂大张，出没无所壅。其所由道，牛羊刳，室庐焚，妇女淫，货财夺，江、常之村落荒墟甚矣。丙辰正月十八日，颺旗骤至常山城下，邑人仓卒仅及阖门，天幸迤迤北走，意其志固有在也。今不救，即恐为婺源次矣。”公乃震怒，按剑而起，亲提大军，挟两道卷甲裹粮，五日抵穀水。上敕被兵之县地各为守，衢、严府官俱亲在行间，先使塞遂安之道，然后乃遣偏师自虹桥进诱，致芙蓉隘口一战败之。贼敛入据屋，我师以火攻之尽烂，逸者蹙诸水，凡杀二千余人，生擒者六百八十余人。因扫其巢。会有新贼自严来欲入合，距于遂安，擒斩称是。屡年逋积，一朝戡

定，民心悦而颂声作矣。复请于朝，特建兵宪，联络数郡，拔塞祸源，公弗自以为功也。方且嘘大寒以春阳，敷巨创以灵注，简贤崇良，陈经立纪，招来流散，蠲涤逋累，灾眚肆宥，度数省约，同其好恶，平其羨阙，结比间以倡义勇，薰礼教以同风俗，宁独免丧亡保家室而已哉！于是，耆耄俊乂相与醮金，庀材建祠，祀公其中，春秋永存，笱豆有践，以报戢大功礼也。伐石丽牲，镌铭式示。铭曰：

荡荡浙藩，跨有员辐。前控洋浸，后带山泽。蠢兹蠹孽，阻敖忍忒。帝念生生，慎简明德。明德翼翼，铁钺是克。首戮鲸鲵，次取蝥贼。讎谟诞犹，以奠南国。南国未奠，急缮其怒。载帅师干，如熊如虎。央央彭彭，朱鸟金辂。神匿其形，疾赴其度。兵不再籍，粮不外赋。折首获丑，水火迭仆。皇皇瘵民，克安厥祚。如彼大旱，云行雨施。布濩霖霖，树德务滋。外御我侮，内恤我私。我父我子，我食我衣。斂不朘膏，刑不椽肌。既欣决拾，复闲礼诗。拔我荆棘，仁寿允跻。百姓稽首，公实生我。愿公百年，抚我江沱。公终归辅，爰立右左。金谋著存，曰祠其可。大辇小负，或木或瓦。上栋下宇，翼翼砢砢。伏腊鸡豚，倪旄果蓏。以舞以歌，奏鼓雅雅。以介眉寿，笃是纯嘏。

### 容保祠记

詹 菜

吾浙自倭寇载兴，百务增设。总督者，悖天心决成法，朘竭膏髓，倍加倍斂，因以赂缓敌攻，输填倖空，馈箝谏口，剋实贪溪，而纵恣武怒，动按军兴。是以吏民含怒莫宣，求息无措。岁己未，监察御史惺庵庞公奉命会计浙直财赋，检核军用而得其实，不忌权贵，撻其同事而劾之。疏虽报闻，而直声震天下，仁闻洽于两浙，日望公之来活我也。乙丑，果代巡焉。公既素谙习两浙夙弊，至则再奏，以为绥猷在于惠鲜，惠鲜在于平赋，平赋在于节用，节用在于免

役。爰以事计役而定其直，以役配赋而一其敛，以钱代庸而免其力。凡出力者有多少而无重轻，应役者有缓急而无盈缩。而又为之节远迹之期，罢勾巡之卒，贫富以均，劳逸以节，苞苴以杜，财用以舒，朝廷韪之，下其议户部，使著为令。此固百世之利，而两浙之惠也。如吾常之困，贪饕渔夺，徭赋偏枯，固其一也。而其土瘠产薄，虽丰岁饔殍犹且仰给商粟，加以兵燹之避徙，谨疫之凋丧，畎亩弃而不耕，妻子鬻而无主，因以饰厨传，具徒旅，供冠盖之织驰，舟车之宿会。吁！良可悯也。故民闻令下，莫不欣喜爱戴，犹先他邑者，譬之大旱之澍雨，固无择于山陵、林麓、涂巷、城郭也，而独龟畦之藁苗，欣欣然回姿而向荣焉。于是，邑之耆旧相与伐石立碑，昭示久远。乞铭于予。碑为三道，中列铭，旁镌公之事例。公名尚鹏，广东南海人。铭曰：

於姬皇，访洪范。重货食。敷怀保。则三壤，建九式。絜贪饕，恣率割，敛怨德。急拏会，鳩僝工。肆掎克，若鼯鼠，若茧丝，若竭泽。膏血枯，杼柚空，糠粃窄，于柱史，切痼瘵，行免役。量丰耗，均西东，酌桀貉，敛配役，役中庸，庸称直。严科限，稽廉冒，陈艺极，锡宴宴，苏睭睭，舒唧唧。立烝民，保妻孥，复耕织。帝曰俞，著令甲，安反侧。公罔功，子困穷，出悯幅。我耄悼，举欣欣，有喜色。愿继今，罔二三，比金石。伐松柏，斫栋桷，曼且硕。嘉言彰，穹碑嶷，闾宫恤。愿良牧，同好恶，践绳墨。视兹镌，顺帝则，蕪蠹臙。传有之，凡治人，莫如嗇。

### 修道庵记

詹 莱

常、玉为江浙门户，有大道焉。旧甃以石，岁久弗葺，齟齬焉，嶮岬焉，商旅病之。嘉靖戊戌、己亥间，都督四明鹿园万公表出镇南海，往返悼焉。其乡人先师雨川先生任氏子龙与先君子一泉府



君，皆其友也。遂就谋于范山云护书楼，定义而去。万公遂遍告诸监司，檄下知县事揭阳程公世鹏俾行之，且召杭州报先寺行者明晓董其事。先子是依结庐于白石之弯，名之曰修道，而募资于往来达官信人，远近惟地，贵贱惟位，多寡惟意，积渐修治殆四十年。平坦完善，人如衽席上行，雨夜无壅。明晓且老，喜其事之有成，且欲无忘前人之德，以启后虔也，伐石请镌其始末。予惟《周礼》：道途之设有遂人，掌治五沟五涂以达于畿，而其经涂环涂野涂之轨，主于匠人，其数藏于量人，其阻达于司险，其道治设于候人，而司空则视其修否。今虽不若是详也，而载在律令，职亦有恒归矣，又何俟于外假耶？《易》曰：通其变，使民不倦。神而化之，使民宜之。天下固有变通之宜也。当今之世，畛域分而事情隔，财力拙而心意漓，古之道又安有泥也？予谓兹役有四善焉：彼其尽屏百务纷杂而殚力焉，衣食是资，事育敛役，莫之或干，其志专，与政事裨益者异也。不惟其人惟其能，以后先为弟兄，以授受为父子，继继绳绳，其途一，与贤否代更者异也。取之外来之益，天地四方，无穷尽方所，与众共之，其规宏，与分画慎守者异也。取赢而不取勤，无所迫抑困苦，一皆满意善政，而后出之，其道仁，与督厄箕敛者异也。合是四者以共为此举，又何儒释吏民之计哉？是故善用法者融之，使达于法之表，则无法者皆为行法之地。善通方者规之，使运于方之外，则无方者皆为有方之民。所谓豕零鸡雍，有时为帝者，此也，又何疑乎？乃为铭曰：昔也齟齬今就理，周道如砥君子履。易虑陂复啣虎尾，后其葺之念厥始。

### 招摇池馆记

詹 莱

邑西南隅有池曰月湖，疑为宋赵清献公所凿。今则洼然一小池，旁四面俱鞠为蔬圃，或杂以居肆，则其非旧明矣。自予先君子

鬻得其北畦，几二十年。至嘉靖甲子，予解武昌之宪。又三年，始克改筑于其上，前后及右偏总为屋若干楹，垒垣总若干丈，池更浚而深之。既成，与客觴焉。酒半酣，顾池而称曰：“斯池也，方下而回斜其首，状似招摇之星，焉得旧名如月者乎？请名之曰招摇池馆，何如？”金曰：“然。”相与左右陟降而观之，见夫睥睨右旋而抱之。四山屏围，若起若伏，若却若前，罗列于其外。松桧橡樟、桃李梨栗、篔簹栝桐之木，蔽芾荟蔚。莺友鸠妇、鸡孙雉雏，矫彩翻而扬妙音。猿猱麋鹿、麋鹿牛羊、僧炼樵牧，相与并出而互没。涧泉冷冷然若琴瑟，回溪浩浩乎若雷霆，杂然若在樽俎枕簟之下。白云苍霭、丹霞紫氛，舒卷岩壑，一日而九变。启轩临池以笑以语，以歌以琴，以壶以奕，以鼓以吹。游鱼篔簹焉而听之，泼泼焉而逝，若与我相乐也。情与景融，诚有忘食无忧而不知老者，矧身外物哉！客有问曰：“宅则信美矣，抑地势卑，每淋潦芦金二水斗，则浸淫及其半扉，独无滞之虑乎？”应之曰：“噫，不其迂哉！予生四十六年，才两遇水尔。使更两遇之，逾大耋矣。当斯时也，身之不图，而暇计其居乎？水哉，水哉，吾惧其不得亟遭也。且馆者，堠舍旅寓之名也，观其名，则知吾之无固求矣。”客曰：“达哉斯言！请书为记。”

### 超露台记

詹 莱

予既作招摇池馆于金川门内，久之复辟书院于其北，以贮典籍。每暇日著屐登后山之巅，徜徉寄目焉而乐之。遂筑台构室三楹，既成，登览四顾，愕然而骇，俯首而思曰：此境之可乐固也，然未见其佳胜如此也。今则山也，水也，草木也，鱼鸟也，群然争技而竞妍，使耳目不知所接也。其奇倍蓰于旧者，何耶？昔也散而无统，今也聚而有归，是奇以台而增也，奇为台增，而台因有此奇也。我则登台而增此奇，是我又有夫台也，我有夫台则台亦因以有我矣。

君子放浪于形骸之外，逍遥乎埃壒之表。廓乎，天地难为大也；炯乎，日月难为明也；悠乎，江河难为流也；奥乎，鬼神难为变也，而为一台所有，则亦渺乎其小哉！吾因染翰而书其额曰“超霞”，矫其失也。夫霞之为物也，非云非雾，若烟若霏，映日而绚，际雨而舒，朝暮互易，青红异姿，体态轻盈，连蜷纤徐，烂若锦绣，变若龙螭，倏尔四塞，忽而太虚，乍往乍来，若有若无。此物之至渺者也，而犹超之，则凡天下之所谓可喜、可怒、可忧、可惧者，皆不足以为心累，而岂台之所能泥哉！故曰矫其失也。或曰：“超，犹有迹，不若无为；霞犹有形，不若无朕；台犹有区，不若无垠。子知自广而犹有泥焉，其犹有窒之心欤。”予曰：“非然也。吾不能无乎身，又安能去乎物？霞可超不可无也，身以及身无穷之超也。万物一超也，世以及世无穷之霞也。天地一霞也，超霞非以自谓，谓夫人也，谓夫子若孙也。然则何以超之，亦求诸身而已矣。”是为记。

#### 四贤祠记

詹 莱

出常山西城门半里许，少迤而南，有石山巍然累为洞。旧传二白龙化去，遗迹其下，有泉泠泠，常冬夏流其上。则洞口豁然敞，可罗席为一二十人饮，其喉翕然如瓮，仅通一人蒲伏入，既而可竦身以立、鱼贯以行，亦或可偃而行、班而坐者。入者必以炬，但多蝙蝠，或扑灭炬，则必预挟燧以俟之。亦或有时见天明处。至二里许，闻石崆水碓啞声而后返。其巖魄之石，左右累累，不可纪也。常之奇迹为称首，旧则梵宫宅焉。族叔父邑弟子员詹涛毅然上书当路曰：“惟我国家稽古重祀，凡生于其地，而贤与宦之有功于民者，始得从春秋之祭典。惟宋宰相丰国忠简赵公鼎、翰林侍读学士范公冲、集英殿修撰魏公叟，皆以流寓葬于邑里，虽于二典未协，而其功德实在古今。若忠简决策亲征以抗横溃之势，黜王安石从祀

而崇伊川之学，劝立孝宗为国本，且择贤师傅建资善堂而教之，纂修神、哲二宗实录，以辨宣仁之诬。而魏、范二公，实相与周旋其间而左右之。其所系拟之一乡邑者何如也？若不隆为特祀，何以妥游灵而树名教？窃不胜固陋，愿改白龙庵以祀三公。而司农寺丞、前常山县尉翁公蒙之，当郡将章杰移檄索赵氏书简，冀倾其宗以媚秦桧，以身膺祸谪而幘蔽之，亦可连类并祀。窃不自量，以为有三善存焉：旌湮废秩无文一也，黜淫崇正二也，寄迹幽奇俾游览者观而兴焉三也。”顾时之人狃于俗，书三上事始获行，而犹有沮之者，是以规画不悉。不及三十年而几頽且废，为荆榛之藪，蛇豕之窟矣。隆庆辛未冬，邑侯南滁鹿野郝公博雅好古，其至之明年，将事祠下，潜然兴嗟，尽撤其旧而作新之。中为寝庙，以奠神灵，罗豆登，翼焉俨焉，名之曰四贤堂。左当洞口为虚亭一，轩然以明，引洞泉涓涓绕而周焉，可风可浴，其于夏游也，宜名之曰环清。其右羊角而起为闾亭一，侏焉以奥，可歌可饮，其于冬游也，宜而镌赵公寄黄冈僧诗手迹于壁，名之曰仰止。明数公之德，与山水争高与长，以歆世也。外为门，名之曰白龙洞四贤祠，正名而存旧也。募道士为之守，而又从而拓之，芟治涂秽，穷诸颠右之嵌空，怪美毕露。陟而望之，则西接鹭岭，东按鹭山，北援锦屏，南瞰芦田。凡夫山林水波之旖旎淫漾，烟云鱼鸟之升沉出没，雉堞鸥尾之逶迤杂沓，耕贾冠盖之辘轳纷纶，尽收览于转盼之间。由是，景为加胜。初成，与予觴焉，属为记。莱略为记之如左，复从而叹曰：即庵为祠之善，书之三言尽矣。予又观夫治历者先晷日，观政者先论相，盖王者之任相犹天之任日也。故日之永短，晦朔晕珥侵翳，无不究也。而于暘、昧二谷，犹必谨而宾饯之，重其出与入也。彼在南宋使忠简得尽其用，国必不蹙，身固生荣，而死哀又奚至于首丘之失哉！今而留葬于斯者变也，譬之于日则蚀也，而非入也。君子于此伤心焉，

是故重之。侯又欲寘田以祭，为久远计。且将构葺余房，召士类以肆而风焉，意亦勤矣。彼慢之而使至屋坏者，独何心耶？

#### 四贤祠记跋

朱希周

常山四贤祠者，祀宋赵忠简公鼎、范公冲、魏公矸及翁公蒙之也。盖赵、范、魏三公，皆流寓常山，歿葬其地，而翁则尉兹邑者。诸贤事迹备载简册，诚足以流芳百世。闻其名者莫不竦然起敬，而其平生所历之地仰慕尤甚焉。然自四百年来，未尝一享苹蘩蕝藻之荐，其何以慰邑人之思也哉！今兹祠之举，倡于詹子，而成于督学二张公，其有关于风化大矣！尝以吾苏观之郡，故有韩忠武王世忠墓。成化中以守臣建言，诏每岁致祭。夫宋室南迁，国势不竞，当其时若忠简之相业、忠武之将略，皆宗社所恃以为安者，其功一也。忠武既祀于苏，则忠简之祀于常，固其所也。如有请于朝者，必将著之祀典。为国家表章先贤之盛事，岂直为有司之私祭已哉？

#### 四贤祠记跋

文徵明

衢之常山新作四贤祠，祀宋赵忠简公鼎及范龙图冲、魏侍郎矸、翁寺丞蒙之。赵、范、魏皆葬常山，而范、魏又尝为赵公所荐，翁则尉常山而经纪赵公身后者，是宜同祀一堂。按：忠简解州人，范蜀人，魏和州历阳人，国史皆有传，然皆不著其所以居常之故。愚意建炎南渡，中原俶扰，衣冠奔迸。三公当时侍从扈驾而南，占籍于此，未可知也。绍兴抵今三百余年，詹子乃能搆访遗迹于荒烟野草之墟，贤有司为表章于音尘消歇之后，岂不以忠贤过化，山川耀灵，居其地者固将假之以为重耶。闻秦桧墓在建康，穹碑无文，偃卧草莽，比岁盗发。其藏尸棺狼籍，有司置而不问，乡人亦耻言之。呜呼，彼生其乡而人耻其事，此非土著而人将假重焉，则夫忠邪贤

不肖何如也！

## 义仓记

詹 莱

督抚军门工部侍郎兼副都御史常熟徐公莅浙之期年，下教部中曰：“吾幸也，仰藉圣灵，宁义江海，不试于戈甲，然天灾流行。犹不无可虑者。《周礼》司徒荒政首曰散利。顾非积，曷散也？是故仓人藏粟入之余，旅师聚野粟，遗人掌县都之委积，皆以待凶荒而颁之，此其本具也。且六属之中，若乡师以岁时调难阨，司救当天患民病则施惠，皆以王命行之。司稼则均食以调急而平其兴，则所积又不以一而足也，古之道也。今制郡县止有预备一仓耳，而法又多废，倏有不虞之患，将奚以给之？凡吾部民有素好行义而赢谷积者，可自以其意输县官，满百石者优以章服，比下士半者旌其闾。别为仓以储之，且使有司修常平之法，以需赈贷，庶其衣衲之戒乎。”知常山县邹公宣奉惟谨，于是义官徐洙等争辇负应教共出谷几三千石，又卜筑于南山之麓为仓。凡若而楹，既竣工，名之曰义仓。属莱为记。予惟古之御天下者，不曰治而曰平，平斯治矣。故《大学》之道，絜矩莫先于理财，理财莫先于制义。义者，利之和也。夫自阡陌开而井田废，谷禄之不平肇矣。而限田而口分，世业其法，又以势格，不可以骤而举，故不得已以义起此役也。夫旱乾水溢，虽造化不能以自主，今既先事以为之备。偶有遭焉，上取以供二簋则赋税可蠲，下承以给二鬴则流离可复，是天地莫能灾矣。此其平丰歉之候，一也。衣毳与曳绮者偶，甘糝与厌粢者俱，孰无伎求之心哉！今取有余以资不足，而哀者藉荣益者立命，分愿具嫌。此其平贫富之情，二也。春夏则时其贵而散之以和余，且使旧有所泄；秋冬则时其贱而敛之以收羨，且使新有所资，此其平农贾之权，三也。一举而备三善，制诸心而允宜，揆诸事而不戾，谓之以义为

利，非耶？抑又闻之语曰：王者富民，霸者富国。今兹举宜若为国富者，然夫腴于下以壅于上，是诚不可也。苟为民而积，则惟恐其不厚，又何可以迹嫌乎？盖君民一体，则王霸同道矣。虽然，制事者知其利，又不可不知其害。其害维何？守支之害二：始曰虚开，继曰乾没，弊在厮斗；出纳之害二：始曰抑配，继曰和籴，弊在胥吏。苟若是，则不平孰甚焉！今之仁贤其精勤可杜也。后来者慎诸。

### 知县题名记

沈仪范

粤稽常山，秦为太末地，汉初平始建定阳县，唐永徽改立常山，宋咸淳又称信安，元至正复称常山，我朝因之。常山之邑，其来旧矣。令常者，亦不知其几百十人矣。岁万历二十六年，余承乏兹土，适县堂倾圯已极，士大夫父老请余改建。盖数百年既坏之基，重兴于一旦。因忆正德初年，余乡有沈冕者曾令于此，筑城有功，越今未百年而泯泯无闻，深可慨叹，由题名之碑未立故也。后之视今，亦犹今之视昔。失今不建，后将何所取征乎？乃稽邑乘，汉唐以上无载矣，于宋得四十五人，于元得十人，于我国朝自严公思忠以及余共四十九人，爰伐石镌名并书里居于左，以俟来者次第列焉。亦将使观者历指而数，曰某也贤，某也不肖，俾贤者可以景仰，不肖者可以警惧，未必无小补焉。余不敏，亦兢兢于斯矣。是为记。

### 知县题名续记

张斯盛

常山县无题名碑。万历辛丑，姑苏沈公讳仪范者始创为之，历记宋元以来如指诸掌，有文冠其上。厥后沈公升任去，未经竖立，偃蹇庀下四十年，字迹模糊几不可辨。崇祯丁丑，余奉檄来常，慨然欲竟沈公之志而未逮也。鞅掌三年，修废举坠，凡城垣、学宫、官

舍、仓庾，靡不整葺。因次第及此，从新剗，仍列沈公文于前，而略以己意叙次于末，使后来者知所兴起云。其自沈公迨余，凡更十三令，楚人居其七，或者吾楚之无忝于兹令也。是为记。

### 重建县堂记

詹在泮

予曩忝水曹郎，亟执畚鍤而趋。大工中贵人实董其役，糜金钱以千万计，水衡无从诘也。比出视河道，值河壅淮决，修浚之工大，兴，役徒千余，万人募之。滨河诸郡邑不足，则鲁宋以迄亳颖，咸部夫以往，江淮间骚然烦费焉。然后知春秋一宫室台观之作，必谨而书之。殆深惟土木之耗蠹，罢劳兢兢，重其役也。惟仁人君子，才足榦时，廉能励俗。际鼎新之会，用民而民不称厉者，彼其规为有渐则事不扰制，用有经则财不费用，能悦使风行，而大工以集。吾常县治，构自洪武初，相距二百三十年。其栋宇离披颓甚欲圯者，又二十余年。计握符佩墨而来者，宁忍遽庐视之，盖其慎也。藉使虑不周乎民瘼，恣睢以逞，其发令也如风驰，民之奔命也如鼎沸，甚或竭上下之膏以自润，而托之乎经费不贲。夫令实长民，毋乃翦为逋逃，俾自弃于沟壑，勿亟子来之义，端不其然。沈侯甫下车，常父老以县治请，侯曰：常方不稔于岁，岂忍轻用吾民？然已潜请命当道，授簿、尉二君方略，储材蓄用，为经始计。越二载，麦禾渐丰，乃分命二三耆老拓地程物，量工命日，而轻重布之。役兴于辛丑夏，五越秋而告竣。中为堂，堂巍以显。前为鹤轩，轩虚明以爽垲。堂左右为廊，廊翼如森如。于是荐绅先生暨诸胶士，咸奉觞称，庆以为百年巨丽，创自一朝，一劳永逸，其斯之谓欤。夫吾常山飞水驶，冠盖肩摩，诗所为赋杼轴空者。念谓堂皇诚急务，第费多役重彫，邑恐不能堪。乃百堵俱兴之日，不闻鸠工而工已集，不闻抡材而材已具，由其筹之有本末，而行之有次第也，故士民咸服侯之才。县



治所以绥甯涣号，四封具瞻在焉。试令富者输财，贫者劝役，疇不谓分实宜然。今栋宇落成，而闾井晏如。其费用率缀拾羨余及取诸俸赎，而民间一无所预。荐绅里老捐助者以百数，侯悉让不受，故士民咸服侯之廉。侯仁爱结于民，真实心信于士大夫。当戊戌之岁，肥蠶见于郊，道瑾相望，匪侯罔克宁济。诸如修文庙，建贤祠，赈贫生，礼高年有德者，以至分司公馆、桥梁道途靡不修整。姑记县治所以重建者勒诸石，俾吾常世世无忘戴德云尔。侯讳仪范，字范夫，号津里，苏之长洲人，以春秋魁南畿。县丞戴君煜，长泰人，新至观厥成焉。主簿吴君之棐，吴江人；典史梁君建殿，新会人，翊赞之功居多，于法咸得书。

### 重修城垣碑记

汪庆百

常邑旧无城。正德七年，睦州姚源洞贼侵掠至西北鄙，民人四散逃避。知县沈公冕申请筑之。东南临溪，西北据阜，延袤五里，崇广各一丈，邑永赖之。将一百三十年，修缮无闻，雉堞渐圯，甚或削为平地。莅兹土者辄谓是邑也诘诘，又不可以需。岁丁丑，邑侯张公自楚中来莅，履行其城，咨嗟久之，谓常邑水陆交汇，江浙咽喉，卫国安民，繫城是赖，一隅之隙，全邑任之，谁为封人而不思一劳永逸也。适江右警于西，宝婺哄于东，聚甲喋血，与邑接壤。遂疏请当道，而藩司朱公以守兼巡，奋然曰：常山踞浙上游，虽疲邑实雄镇也。吾职在藩屏，岂异人任？慨然捐资三百两，檄张侯仔肩其事。一时良二千石诸大夫及缙绅以下捐资各有差，张侯捧檄色喜，擘画已定，目中有全城矣。于是，步广袤，核崩圯，计采石，营陶砖，程工力，虽赫羲如蒸，祁寒如冻，亦躬省不少倦。邑民晓然于侯之利民、保民如此，咸罔敢惰偷，荷畚持锸，踊跃争先。以戊寅三月始事，迄于岁腊，凡九阅月而告竣。捐助之外，尽系张侯设处。较旧

规增崇，雉堞巍然，楼櫓翼然，缺者饬之，倾者修之。工完而民不知役，相与欢歌于途，曰：神龙在渊而鳅鱓不敢夜舞，猛虎在山而鼯鼯不敢昼号。江右宝婺，我先声有夺人之气也。今而后有备无患，宁复虞鸱张獍噬耶。乃莆匐谒余于山中，曰：张侯视民如子，保障常民，世世享衽席之安。敢乞一言，寿诸贞珉。《诗》云：公侯干城。又云：子来不日。其张侯之谓乎？窃尝览邑乘，常有城而难于守御者有三：路当孔道，辎轩商旅旦暮鳞集，奇袤难诘者一；东南平坦而无隍堑，西北外山崑峻，俯瞰闾陬，矢石难格者二；内无储蓄薪米，尽取给于外，水亦如之，牧圉难固者三。今张侯塞旁窞，慎启闭以严讥察，饬什伍以防奸宄，通水门以便薪水，制火器，造军械，储仓谷，以备缓急。固目前之权宜，即万禩可不朽焉。《易》曰：王公设险以守其国。常为全浙重镇，西隩一隙固其藩篱，将半壁河山巩如磐石。守宪公与侯固大有造于浙也。夫侯讳斯盛，楚华容人，乡进士。监工则升任典史陈必选，而县丞周鼎瑞、主簿黎一汴、典史赵天秩俱有分任之劳，例得并书。崇祯戊寅十二月日记。

### 喜雨堂记

詹承祉

常之为邑，摄于徽、闽、饶、信之交，时有邮繻符传之扰，冲疲甲全浙。比年以来，令长数易，民敝于田畴，而冯夷旱魃互相为祟，生计耗蹙靡有宁。岁戊寅，四月不雨，至五月黄苗委地，百里如焚。邑侯华容张公瞿然而起，循省斋沐，率邑之父老士民躬暴骄阳，吁神祈祷数日，阴云密布，霖霖遍郊，圻委地者皆起。今年己卯又大旱，侯虔祷如往，仪雨随踵，至岁复大稔。于是，在野者忭于畦，邑居者舞于衢，翕而谋曰：天载幽元，侯取如寄，俾我室家耽乐，困仓告盈，微明德不及此，盍图以志不喧。相率择爽垲地于县治东，构木为堂，颜曰喜雨，而征言不佞。余惟旱之为言干也，阳干而不节

则僭，故恒暘，占为水不胜火。稽侯下车以来，孰非可消愆阳驱女魃，时若而无偏胜，固有循迹可记者。知邑之瘠而催科扰也，加意抚字，宽为之程，起营京储，前祛陋规，易民解以官，是卵翼之仁也。秉性澹泊，食无兼簋，细如麻枲，无不准诸市直，是悬鱼之洁也。邑城卑而狭不容轨，甃仅表耳。侯捐资增筑睥睨三千七百有奇，饰丽譙者三崇，视五尺而赢，东西有警，间左帖然，夫非衣袂桑土之防乎？至若严保甲，恤马递，垦荒土，缮器械，丰积储，美政种种，不啻十奇三异也。则侯之沾溉于四封，而渗漉于兆姓者既深矣。至诚感召天心降康，岂偶然哉？盖侯惻怛肫恳，实心实政，用以厚根本，不用以事炫耀，故无赫赫之表暴，而沦浹于肌肤。试以雨喻，飘风惊霆，挟甚雨而至，非不震荡一时，然物已受其摧折，抑入地仅肤寸而止，物何恃焉？惟夫不鸣条不破块，既优既渥，酌之不竭，物资之以华以实，斯乃长我禾黍者也。则今之雨，实肖侯之解泽，故精气感通，往往默邀帝鉴焉。邑父老既构是堂，将见过其下者胥颂侯张弛格天，是侯之成劳以雨而著，人心因雨而喜，政纲并此堂而传矣。异日者膺特简履端揆行，且霖雨遍天下。斯堂也，俨蔽芾之甘棠，襄州之岷石已。是为记。崇祯己卯中元日。

### 新安里记

叶向高

定阳之有新安里也，盖鹤暘郑子创也。郑子，新安名族，以业嵯侨寓定阳，因携家卜筑焉。其址在邑城之东，环数十家，皆其产也。凡新安人氏流寓兹土者，郑子悉聚而居之。既洽比其邻，又念里族邱垄皆在新安，因于其地创辟一里，颜曰新安里，示不忘本也。吏部殷君宗器与郑子同里，至戚，相友善。殷尝为余言：郑子天性孝友，气谊敦笃，颇有郭有道、徐仲车遗风。且长材宏略，雅志经世，间有所论述，亦不类经生家言，殆伟士也。余心识之久矣。及

余司铎南雍，郑子以祠部儒士加授中翰，寓金陵，因久与之游，益稔其令德冰操，始终无间。尝出所著《穀似卮言》质余，余读之，又知为博物善作，乃信殷君之言诚不诬也。谈次及新安里事，辄神往之。今蒙予告南归，取道定阳，亟命刺相访，获至新安里观焉。往余尝由新安趋陪京，访吾邑宰汪君，见新安门第闳，甲于江南。今兹闾閻轩敞，房舍参差，盖俨然新安故里云。昔人居拟丰邑，乐操南音，皆惓惓有首邱不忘之意，故君子仁之。兹里之创也，微独俾新安人士咸知有本之不可忘，亦将使闻其风者，莫不安乡重土而萦怀邦族，其为功于世道人心，尤未可量矣。余既稔郑子之为人，又嘉兹里之创之有合乎仁也，因为之记。

#### 定阳李公书院记

孙廷銓

书院曷昉？或曰昉于隋。王通开坛集学，门生故旧服教畏神，故私谥曰文中。前此皋比拥之，后此俎豆馨之。或曰否，濂溪周子簿某邑，好行穷乡，僻塾秀顽皆蒸诸髦士之班，乡塾咸引领望其来，虚席俟之，尊其名曰书院。伊川程子簿某邑亦然。熙宁间，鹅湖、白鹿相继起，厥名闻朝廷。为择院长最郑重，其任迄阳明、龙溪、甘泉、白沙，皆郡邑大夫择地启请，从游诸彦彬彬受教惟谨。贤人多而天下治，师道立而朝廷尊。于戏，盛哉！惟兵宪庚生李公，当之濂洛关闽，阳明、龙溪、白沙、甘泉也。先以高第主三晋棘闱，三晋士风焕然丕变。天子念浙人士初隶，幅员方蠢动，督学政殊难其人，于是敕公南来。时兵甲满天下，公鸾轼熊幅，其间弦诵声洋洋，陵莽卖剑买犊者强半。自丁亥泊今辛卯，登贤书者咸公前茅所拔士，是公大有造于两浙，固不独五邑人士实受其福也。已复以简书，治兵驻衢。衢接壤闽豫，顽民匪茹，闻君来，扶鸠筇骑竹马，欢声溢路，今而后喜可知也。盖文武为宪，克壮其猷，公实具濂洛辨

逆之风，伊川摄奸之力，原不徒以玉衡金镜，拔萃文昌，布檄四远，而负固者投戈矣。骏伐鸿猷，载在盟府，亦何俟贞珉勒之，乃卓有千古也。今予奉使祀南海，往来假道常山，谗常邑绅衿佩德，远逾文中，图所以拥皋比、馨俎豆者言于予。予窃同年之谊，不禁手加于额，为之颺言曰：“公大政先宁民。干年鸿雁集，虎豹藏，有过于革鸱音为凤哢者乎？”曰：“驱除白贲，化盗为良，前此未有也。伏处巉岩者尽安之而不能颂之，此宜留瓣香者一。”“公大政先膏民，黍苗螟螣，清祥殳息，有过于甍魴尾为雉驯者乎？”曰：“改折白粮，变劳为逸，前此未有也。嬉游田畴者，几忘之而不能颂之，此宜留瓣香者二。”公大政先伤民。饮酒读法，孝友姻睦，肺嘉省，雀鼠希，有干于躬亲棠下锡鞶三褫者乎？”曰：“米盐悉经，官吏不得私其手，前此未有也。安乐廛市者，咸戴之履之而不能颂之，此宜留瓣香者三。”“虽然，凡此皆大猷之允升，而未及邃德之私淑，亦安见公之为濂洛、伊川、鹅湖、白鹿也？又安见公之为阳明、龙溪、甘泉、白沙也？公之大政本诸学，公之积学本诸德，无常师，未尝无卓见。今之驱石羊于铃阁也，犹昔之选神骏于金台也。横经辨难，课艺论理，登多士以为干城焉。此定阳书院之屹然辉映山川，直欲与周程诸子并鑣道岸。”士僉曰：“然。”公有造于两浙，而浙西尤多历年所，俱应为公置一座。弹丸常邑，何足云夫！亦曰请自隗始云尔。书院外门三楹，内为厅事、耳房二间，两庑六间，前有敞轩，古木石笋，周遭墙垣，方广共基地七十弓三尺六寸，计税七分有半，坐于土名槐荫里之南。职其事者邑绅徐闻夏、詹鼎元，孝廉史惟杰、徐光旭、周士雅，庠士詹东图、徐允茂、詹长春、杨毓梧；而率作省成则署邑郡别驾张宏典也；教谕祝绍焯、训导宋可成共襄厥力，例得并书。

## 重建城隍廟碑記

楊 昶

故明洪武三年，敕都會郡邑咸奉城隍神。其邑神之秩，則視諸伯，殆仿古者設險為國，築城增高，浚隍加深之遺意乎。定陽為吾郡支邑，據浙上游。余昔自粵歸，道出茲土，見邑台左城隍廟，其地軒聳，遠收川原之勝。今歲首春，定陽人士走書于余，以邑侯楊公建廟始末暨公之德政，請余記之。始知舊廟在北郭滸，萬曆元年邑侯郝公移建屏山東麓趙琛祠地。皇清順治八年，邑人改建。越丁卯除夕，以祝巫不恭，致罹于火。邑父老子弟依依然，靡敢寧居者三年于茲。以時之不偶，水旱厄厲之頻仍，瘡痍未起，逋賦山積，蒞茲土者方晝夜焦勞之不暇，其曷能致力於神耶？會關西楊公來治是邑，甫下車，謁廟惻焉傷之，即有妥神意。神乃于庚午元旦晤公寐中，而告以建廟故，至上元夕夢復如前。公遂捐清俸百余金，進里老十余人謀之，金奮然興感。乃采木于山，督瓦甃于陶，糾資糧課人工，自庚午季春，迄辛未孟冬而廟告竣。有堂有庭，有外門，繚以高垣，掖以兩庑，其后辟山麓為寢，廟外則衰階坡之土二丈余為廟門。規模宏闊，丹堊光華，視舊制加壯以麗焉。落成之日，公匾之曰寐中三接，志實也，且以見神人之相感為不爽也。然醞資微而成功大，取材宏而糾工遠，不閱歲而成，如桴鼓之相應，斯固神力默佐之，而公之至誠感神從可知矣。尤可異者，辛未歲六月不雨，螟蟲為祟，殺禾几盡，里民嗷嗷，莫知所措，公又惻然傷之。于是月望日，設壇于惠安寺，督緇衣黃冠以雩，率僚佐輩烈日中步禱，每日兩至壇所，環父老而泣。至十七日午後，雷風大作雨如注，二十里之內螟咸溺死，無復孑遺。是歲晚禾復大獲，公之惟德動天，又何如耶？夫常，故孱邑也，嚴峻者不能治，而平易者治之；智巧者不能治，而真朴者治之。公莅常三載，如敦教化，重學校，勸農桑，革羨

余，息词讼，绝差遣，种种善政已在人口碑。而平昔之言曰：吾处大事如小事，化有事为无事。诚哉治县之良谱，而施之于孱邑为更宜。息事宁人，殆本诸武侯澹泊宁静之旨欤。际今辑瑞之期，宜以课绩闻，而公乃以年耄致仕。常之人思之慕之，如婴儿之乍释诸怀，攀辕卧辙，义无可留。故于庙右畔建厅事数楹，将奉公之像，旦夕趋谒，拟诸召伯甘棠之义焉。吾知常之人士，其世世荷神庥于弗替者，亦世世颂公德于弗替也。夫公讳沉，字希蔡，陕西西安府蒲城县人，癸卯亚魁，与余同出汉大司徒四知公后云。

### 定阳书院记

孔毓玠

玠至常山，诸士子咸以其名相引重也。为延请经师，教以文义，玠则备修膳，以时督课之。顾邑无成塾，乃于县治东偏谋建书院一区。既经始矣，以岁之不时，期会告讦相频仍，事以中辍。越三年，辛丑始，鸠工庀材，肇工于八月初，吉越两月告成。前后各三楹，又其前为戟门，以时启闭。余乃于冬十月朔旦，汇士民庶众宣讲圣谕十六条，随与多士约以次日会讲于此。至期方斋肃将事，而考亭夫子遗像适至，乃悬诸中堂以次瞻拜。余进诸生而告之曰：此吾道将兴之机乎？诸生皆额手称庆。维时广文先生顾君夔、吴君輿揖余登皋比之座。余敬谢不敏，诸生固请乃就席，为讲明《学》、《庸》大旨，首分疏，继合证，卒乃引归身心，使之随时参验，随事力行。诸生皆懵然有省，维时徐子长泰、詹子肇熿、徐子烈、郑子世球、詹子启璋，仁和则张子紫芝，归安则严子英，淳安则齐子自超，人人各抒所得，而里老行客无不堵墙而观，以为创见。嗣是，月一再举，以为常。余之说綦繁矣，而要归于实践，若乃岐文与行而二之，则口言格致，而事至而多眩，物来而莫能烛也；口言诚正，而嗜慾蔽于中，声色货利之缘攻取于外也；口言修齐，而动多越检，父子

兄弟、尊卑长幼之间未见秩然有伦也。以此致君泽民，其成就可知矣，尚何治平之业之足云乎？此余之望诸生反求诸身当下直任有以也。夫常山去婺源二百里，而近子朱子任南康，往来建安，提举浙东常平，虑无不经常山者。东莱先生订期来会，时常之学者，江君元适往复酬答，见于大全集者，可考而知也。厥后，徐公梦麟兄弟从学于西山，三江先生受业于白云，是则常士之于理学，历有师承矣。诸君子试以吾言求之，无安小成，无规近利，人人端其企向，砥于躬行，以敦穆化争，以精勤起惰，以考德课业为事，以希贤作圣为程，以正人心厚风俗为己责。从此对考亭遗像，真不啻覩面相师者。此则不佞惓惓诵说之意也。夫康熙六十一年壬寅三月十二日记。

#### 十景亭记

徐烈

两间皆景也。景而十，十景而亭者，何也？以亭于超霞台之故址也。因欲步趋先哲，而揭其诗题于额也。前隆、万年间，后园詹范川先生解绶归里，后筑超霞台以供瞻瞩。又约为十景，每一景缀以一诗，而台之胜概历历在目也。十景者何？一曰石崆水，赋雪浪也；一曰新溪桥，拟潜龙也；一曰浮图鹤，况雁塔也；一曰睥睨鸦，叹城乌也；一曰范山松，慕宏景也；一曰杨坞竹，仿王猷也；一曰圆通钟，怀长乐也；一曰丽樵鼓，悯晨征也；一曰观音阁，契禅悦也；一曰御史冢，吊忠魂也。今则风景不殊，而业已三易其主，乃复还其故，又仍其台而亭之，是不可不记也。亭之者谁？则先生之族孙锡爵也。记其亭者谁？则爵之友人徐烈也。时康熙六十一年壬寅夏六月。



### 重建常山会馆碑记

邵志谦

《周礼》特重宾旅。敏关来告以后，遗人、委人抚恤备至。则路室侯馆，栖止行李者，自必以时葺治。况京师乃四方之极也哉，故侯国卿士入都必有朝宿之所。而汉唐亦立邸舍以待计吏，此会馆之所由昉也。吾邑浙东弹丸耳，旧有会馆在南城正东坊。盖前代游宦日下者颇盛，而事弦高之业者亦踵相接，因置此为旅食者寄一枝。惜不能举创始者姓氏，要之仁人用心也。洎乎本朝管理无人，维鸠居之王宛虹前辈，力行清理而未竟其绪。又数十年阅今乙丑，孝廉姚君舒源、锦川伯仲与余谋兴复。适伯氏牵丝三晋，遂捐养廉为倡。比部太学两徐君、嵯佐詹子询谋佥同，共吁于城坊诸当事，鸠居者给贖使迁，典质者遵法来归，刻期经始，旋即先后散去。予董其役，以次年二月落成。吾于是慨然而叹，天下事不难为也。向之败壁颓垣，过客咨嗟而太息者，今已西山当牖，蓊树荫扉，寓公歌声出金石矣。见义者期在必为，有志者何虑不成？推是心也，凡保息之养，本俗之联，所以敦伦睦族，赈穷而恤危者，何一不可毅然行之！大丈夫贵立志耳，顾让史册以独美乎？君子观于乡而知王道之易，兹于会馆亦云。特余乞米长安，仅从诸君子后以告厥成功，是则所愧怍而未能满志者夫。

### 重修常山县大堂记

秦廷基

治之有堂，若首之有弁，所当不时丕饰以肃观瞻者。常山县堂，康熙戊戌，知县事江阴孔公毓玠曾一修葺，距今三十余年矣。常小邑，为七省孔道，官此者大率急于酬应，即欲时葺，力不暇给。乾隆己巳，安邑宋君鉴来宰是邑，下车即慨然曰：堂如是，何以听治？顾承积弊之余，惟四境之阖庐是急也。比年而诸务渐张，始捐

廉俸经营之。一时士民争效输将，君不可，则固以请曰：“此公堂也，饮射读法，某等将于是乎观礼？君勿能禁。”于是，庀材于庚午夏五，迄夏顿还旧规，未及记而上官器君，移调海疆。及余自永嘉来，君莅鄞三年矣。邑人士请余追记其颠末。余谓之曰：“宋君政迹皆当登邑乘，修堂特振废之一，请就尔等铭心诵口者言之。”如赖某佣于毛姓，一夕忽发狂自刎，或有利毛贖者指毛杀，前后屡易宰而讞未决。君到即出之于狱，则君之明于听讼，可得其概。岁辛未大祲，君急请赈于上官，复捐廉俸以助。好义者感发争乐输，民以不毙于饥荒，则君之衣食斯民，可得其概。庚午为同考官，君得人为第一，如解首周君天度，今甲戌传胪汪君永锡尤著文名，二君余忝同年，又系门墙世好，知最悉者，则君之娴于文教，又可得其概。盖君为大理寺卿在诗公令子，大中丞崔公纪快婿，两公皆当代真儒，负朝野伟望。君耳濡目染，又少年名进士，于理之醇驳，经术之异同，朝章国典之沿革，咸涉其流而讨其源，其体者有用，其来固有自也。既以告邑之人士，复牵连附书于此。余兄廷埜官南，今八月以书来述，有同年某盛称君政事文章者，愿闻其略。余亦举三事报之曰：君循绩皆此类也，盖余之欣慕于君，非一日矣。乾隆二十年岁次乙亥孟冬之吉。

### 游严谷山记

詹绍治

邑城北严谷山之胜，由来旧矣。石崆志公诗僧也，其徒德安住持山寺，岁壬午以赎回田亩及修整殿宇，刻碑碣，求文于余，并订龙山之游。余乘兴一往，行二十余里，足已疲，憩水口小庵，值僧德安在焉，即命童捧浆解渴。僧为先导，过村墟越阡陌约三四里，两山回合，仰视蹭蹬，步履甚艰。从曲径度危桥，山石豁然洞开，蜿蜒玲珑，状若神龙破壁飞去，上露天光，壁立千仞。余曰：此正蔡公所谓

山从头上起，泉向眉间出也。剖大瓮之形，斯得之矣。僧曰：未也。石径坦夷，委折如之字者几里许。两岸灵木倒悬，奇葩侧出，莫可名状，虽武夷九曲不是过也。中间基坪较广，一石桥巍然起。桥上建亭，榜曰洗心亭。北片石一葫芦印，右拄杖，左足趾，穿石演法，苔衣莹碧，旱乾不涸。崖上琮琤玉乳，宛似石髓凝结。旁一巨石，倾压欲坠，相传为仙翁所遗。过此经数折，始为土山，列翠如屏，下则水田五六亩。由田踰层级而登石峰，面屏巉岩秀拔，嵌崎嵌空，或如狮踞，或如虎攫，或如凤舞，或如龙蟠，块然如群羊扑地，挺然如万笏朝天，一寓目而象斯呈焉。左右两坞，飞瀑湍流，林木荫翳。由蹊径入山门，一石壁形如削，中有剑形。从石壁后迂回曲折，至半山向右转，一香炉峰适当寺门。寺名妙喜，前为殿楹，后为客堂。左设方丈，右引笕泉，为僧厨。虽不甚壮丽，而清静幽雅，视天竺、少华较胜矣。烹茗洗酌，坐少憩，僧命小沙弥引游观音洞。自右侧下，几五六十步，一洞豁豁，容十笏地，石像跌坐其间。旁一小门仅可侧身，僧谓此穴直通殿下，可燃炬入。余惊悸，旋从小径迤迤盘桓，巉岩崿嶭，直如山阴道上行，一步一胜，令人应接不暇。僧夜进蔬饌，参玉版味，煮云子粒，相与射覆，酩酊尽欢。既而月朗星稀，夜色如昼。余偕僧出寺门闲行数武，清宵练影，光射竹石，霏金屑玉，恍置身于蟾岩桂窟中。是夜假宿庵楼。楼向后山，华盖栖霞，松影满地，疑泛仙楂干斗津。梦寐方觉，晨钟惊醒，亟起盥洗整屐，再游步至山下，睹昨所经，别一洞天。僧曰：此地纤尘不蒙，四时互异，至冬穷阴凌洄悬崖，水流冰柱雪车，真同刘义所赋。时余方坐洗心亭，观崖石仙迹，恍然李仙降临，欲追从飞升，倾壶中丹髓，共尝低徊而不能去。时乾隆癸未三月二十日也。

## 重建邵康节祠堂记

杭世骏

六经皆圣人手定，而其言不必皆出于圣也。惟《易》始于庖牺画卦，泄天地之灵，而该万物之要，汉唐诸儒不能契其微也。陈搏、种放、穆修、李挺能得其指，而无书可征。康节先生自雄其材，而无所用于世。渊思覃虑，超然独立于诸儒之表，以天时验人事，亦以人事验天时。《皇极经世》一书，悉本于庖羲氏先天之《易》，创为十图，以日月、星辰、水火、土石尽天地之体用；以寒暑、昼夜、雨风、露雷尽天地之变化；以性情、形体、走飞、草木尽万物之感应；以会元、运世、岁月、日辰尽天地之终始；以皇帝、王霸、《易》、《诗》、《书》、《春秋》尽圣贤之事业。明道谓其纯一不杂，汪洋浩大。东莱谓其思致幽远，妙极道数。子朱子谓其驾风鞭霆，历览无际，手探月窟，足躐天根。然则先生之学，洵所谓天人合一者乎？深矣，大矣，粹且精矣。庖羲画卦奇偶之序，抉摘无遗义矣。圣人复起，无以易吾言矣。庠黉俎豆遍于天下郡邑，舂蚕盛于中州，而其家祠在三衢之常山，自元迄明世未尽知也。按《谱》公长子伯温，为四川制置司副使，赠秘阁修撰，遗命居蜀。伯温生三子，长传，历官户部侍郎，高宗时扈跸南渡，暂居临安。元孙淳，官新昌令，居会稽宁桑里。曾孙周佐，元成宗二年为衢州路判官，解组归隐常山。周佐为先生十世嫡长孙，故常山邵氏实先贤之大宗，即所居建邵子祠于鹭鹭山下。崇祯己卯居宅焚如，祠亦遭毁。乾隆三十二年，二十五世嫡孙、汤溪教谕志谦复于旧址重建祠宇，并请给予祠生奉祀。常山之人皆晓然知邵氏大宗之系得共居斯邑。斯虽邵氏一家之私祠乎，畏垒尸祝遍于三衢，即为一郡之公祠，无不可也。志谦与余厚，祠成，乞记其本末。余学浅陋，无以窥先儒之微旨，姑以夙所闻于诸大儒之评议者，而一引伸之，慨然于继述之难，而叹邵氏之有贤子

孙也。濂洛关闽之书，炳在天壤，其门人弟子及私淑者各有论说以阐明之。《经世》之书，子朱子、西山蔡氏，而后心知其义者张行成、祝秘、朱隐老、黄佐，无几人也。先生子伯温既为《观物内篇》之解，又为《一元消长》等图以括其要，过庭之训未坠于地，则周、程、张、朱之后嗣所不逮也。阅三百年而有建祠之周佐，又阅五百年而有复建之志谦，诚能照物，谅亦先生千载以上所推测而知者。今日者钟鼓考室，锵喑盈耳，末学小生获以芜辞而贞乐石，其荣不既多乎！

### 文公祠记

郑 瀛

徽国文公朱夫子者，近纘周张、二程之绪集理学之大成，远接颜曾、孔孟之传，为圣人之嫡派，诚天下所共尊，百世所共仰，非一郡一邑之私裡也。定阳为浙东通衢，北距婺源不下三百里，西连豫章，南界闽之浦城。在昔，夫子返故园，抵考亭，守南康，游鹅湖，往来必经，凡官驿客邸，灵爽实式凭焉。明天启七年，徽商诸先辈捐贖地，建祠于城之小东门朝京坊新安里，同事者十三姓，合业者二十九人。国朝康熙九年祠毁，其时各子姓聚散不常，谋议不一，迁延未能复建者百余年。迨嘉庆戊午夏，其乡复不戒于火，由是各后裔佥议重建。仍故址除瓦砾，鳩工庀材，逾月而落成，墙垣崇固，柱桁朴实，焕然一新。前后两进，后进三楹两厢，妥侑神位，颜曰统接尼山。前进三楹，赁贖办祭，订立条规，岁时荐享。是举也，不特新安属籍踊跃急公，邑人士莫不欢腾瞻仰。从兹遵道勤学，飭躬砥行，成经济之材，储国家之用，文运振兴，科第连绵，不慕乎利禄，上希乎圣贤，告无忝于夫子之灵爽可也。是为记。

### 重建四贤祠记

陈 珪

黄冈山旧有三贤堂，祀赵忠简公鼎、范龙图冲、魏侍郎珩，白龙

洞四賢祠則增祀翁寺丞蒙之也。祠始建自明嘉靖間，詹文學濤請于當事，改白龍庵為四賢祠。未几，傾圮。隆慶辛未，鹿野郝公令常，撤而新之，建亭二：虛亭曰環清，閤亭曰仰止。詹公萊為之記，姑蘇朱公希周、文公徵明為之跋章矣。時歲辛未夏，珪承乏茲土，甫下車偕同官禱雨白龍洞，甘霖既沛，禾稼有秋，乃陟白龍之巔訪祠堂之故址，而片瓦尺椽無復存者，蓋祠之廢亦不知几历年所矣。今年春謀于諸君子，重建四賢祠于石崆寺赤雨樓下。既成，集同官暨署內諸彥、邑之紳耆羅拜于堂，用永志高山仰止之義。考四賢在宋功德昭垂，雖天下祀之宜也，豈惟常？而趙公、范公流寓于常，魏公、翁公又宦于常，厥後子孫多在常者，故常尤四公靈爽所凭依。四賢為常山增重，而茲祠為石崆增重矣，豈一世之事哉！夫不重建于白龍洞，而建于石崆。彼雖因實創，此雖創實因，不勞民不傷財，且寺僧易于守祠宇，官茲土者得以春秋享祀勿替焉，猶前人志也。諸君子曰是不可無記。謹識其顛末如此。

### 西郭定陽書院記

陳珪

學官所以造士。書院之設，則延鄉先生品學兼優者，或當時名流主讲，凡以造就人才之意，有加無已。然縣必有學，不必尽有書院。以掌教修脯，諸生肄業膏火，必出于好義之捐輸，而又賴有紳耆為之經理，以善其後。如社倉之在民，社長稽其出入，無胥吏侵蝕之虞。有司亦樂得于政事之暇，與諸生揚挖風雅，以托于經術潤飾。吏治者之為非是不能有，即有亦不能及于久且遠也。定陽舊有書院久廢。乾隆六年，詹君兆麟偕諸昆季出九房公留書屋址，地字四百零五號，稅六分八厘有奇，為一邑建書院地。久之費不集，詹君乃慨然哀己貲建焉。門南向，旁翼以兩房，中三椽為講堂，周以回廊。由講堂而北三椽為師生燕見所，東西翼以廂房，再北七間

为主讲燕息地，高广与讲堂称，下而庖厨毕具。前令杨公世鼎闻于学使彭芝庭先生，以世敦善行额表其间。惜工甫讫，而詹君遽捐馆舍，其掌教修脯、肄业膏火均有志未逮也。乾隆二十八年，徐君学至，捐田地一十二亩，节年丈出各庄隐垦荒田地六十一亩有奇，三十四年丈出灰灶二十四户，通计仅租钱六十三千有奇，有司捐廉足其数，以奉掌教之修脯，而书院亦几几等诸告朔之饩羊矣。然他日有因书院之存，慨然以好义为怀，修堂宇，捐田亩，俾修脯膏火益裕，诸生得以从容肄业乎？其中又延品学兼优之彦教导而诱掖之，科名以盛，人才以出，推原首庸，则詹君创建之功，岂曰小补之哉！抑予谓前山之塔县文笔也，笔有颖则利，塔有尖则秀。今塔尖久圯，塔身亦倾其四级矣。有好义如詹君者出，必能复七级之旧观，顾合尖以护塔根。予人以有所凭藉者，其不在于今日耶？詹氏子姓读书守分，皆能有声庠序，家产再析，虽视前少替，而后必有兴者，即以詹君之好义卜之也。书此为詹氏子姓勗，且以望邑之奋然兴起者。为记嘉庆壬申孟秋。

### 重修县堂记

陈 珪

常山县署背阜邱，面群壑，由大门至堂皇有严有翼，得居高御下之体势焉。乾隆己巳，前令宋公鉴修之，秦公廷基为之记。戊寅张公又泰、嘉庆丙辰李公峰先后修之。至今又十七年，非缘官斯土者视公署如传舍，实以邑当八省之冲，悉索敝赋以供行李之靡屨，犹惧不给。何有于宫室，非惟无费，且不暇也。顾敝陋不至于极犹可弗修，至极而无倾压之虞，修之犹可少缓。若至极矣，且将倾压矣，竟听其倾压，而不为之所非，所以为训也。余辛未至常之年，正县署极敝之候也。甫阅月即届县试，乃修头门补垣墙，以蔽试事。庖厨三间，每风雨则庖人不敢入，常断炊，其冬乃折修之。今年春

仪门将圯，又修之。大堂柱梁伤蚁，用绳系于上。小梁过其下者恒惴惴，初冬乃得大木易而新之。至是，头门、仪门、大堂及庖厨始无倾压之患。二堂以内悉加瓦俾不陋，周围墙加高覆以草俾不坍，非以饰观也，非不量力也，亦非谓除授者之必无三五年居此也，审其重轻当务之为急而已。《吴志》称陆抗与诸葛恪换屯柴桑，抗缮完城围，葺其墙屋居庐，桑果不妄，败恪入屯，俨然若新。而恪柴桑故屯颇有毁壤，深以为惭。予于抗、恪二子毋能，为役斯举也，岂拟抗之缮完欤！抑岂能免恪之惭悔于百一欤！姑识之以谗继此而莅斯堂者。壬申孟冬月既望记。

### 常山县重修城隍庙记

陈 珪

自京师至于郡邑，皆有城隍庙。先王以神道设教而天下服，莫著于此。而常山城隍神尤显应，载于前记，彰彰可考也。邑之庙旧在北郭浒，万历元年改建今址。顺治庚午，前令杨公沉重建，杨公昶为之记。乾隆四十八年，许嘉楷等重修。迄今又四十年，栋宇倾坏。嘉庆三年，前令彭公家鼐集绅士倡修，以岁比不登中止焉。十二年，德公豫至常，仍集前绅士劝捐鳩工，经始于十三年三月，迄十七年冬而工大就。中为大堂，后为二堂，辟二堂右为寝宫，辟大堂右为厅，祀邱公神像。大堂之前扩以三楹，外为牌楼，左右为钟鼓亭，中为甬道，前为酬神合乐之台，两廊为十司殿，殿之下为行香官厅。石购于山，木采于林，垒壁一新。惟头门尚未讫工，而二门以内，巍然焕然，规模巨丽，前此未有也。用白金一万二千有奇，所收捐费祇一万有奇，工巨而费省，襄事者经理得宜之明验也。诸君子以修邑志，请予记之。予莅常一年余矣，见诸君子竭诚治此，心甚嘉之，而犹愿诸君子之善始而善终也。《书》曰：为山九仞，功亏一篑。孔子曰：譬如平地，虽覆一篑，进，吾往也。彭公需次省垣，德



公近在江山，其属望诸君子之意，知必有与予同者。若夫聿观厥成，神之福尔，事有必至，理有固然，毋俟予言征引焉。是役也，督理庙事，许鹄；劝捐，王振源、杨翼沧、徐保泰、徐之益、徐泰豫、徐玉辉、詹君奇、詹吉人、詹沧水、徐圣立、陈德涵、徐君载、王禘顺、刘殿忠；司理规式，采购木石砖瓦，徐世宁、许坚；督工记银数出入，钱塘胡建千也。壬申十一月上浣记。

### 寿康道院记

陈 珪

寿康道院者，郑君朝纶偕其弟朝绪、朝纪、朝绅遵父献瑞明经之遗命所建，以护一村之居庐者也。予尝览其图，观其栋宇之巍峨巨丽，适在山水清幽之区，隐然为一邑名胜。欲至其地一游目骋怀焉，以距县稍远，未暇也。嗣以公事两至芳村，芳村距寿源五里，而近以为得迂道过之，乃均促于公事临发回车，而寿康道院之烟云栋宇，只时得之于图画想像间。学博张惺哉先生以邑志将成，不可遗此勿纪也，曰：公其为郑氏记之。夫拥厚费者，只知以田宅为子孙计长久，无论已。而好义之士有志未逮，身歿而子孙志趣不同，不克竟先人未竟之志者，亦何可胜数。然则，郑氏此举有三善焉：明经志在护一村居庐，义也；朝纶兄弟遵父遗命鸠工庀材，孝也；兄先后共襄厥事，友也。经始于戊申之春，落成于壬子之冬，中间创桥修路，犹前志也。此见郑氏子姓之多贤，而明经之遗泽长也。其可风已！若夫梵宇琳宫之烟云缭绕，丹山绿水之回环清嘉，可以备登高之赋，而发诗人之清思者，他日登清虚之阁，尚当涤笔于冰瓯雪碗，摭写景物以继龙山之胜云。嘉庆壬申冬月。

### 游豸峰记

江维新

吾邑由县治而北二十里，有山曰豸峰。其旁多立石，望之横

亘，若埤垸然。吾往尝自舟中遥识之，未之奇也。其下居人多江氏，于吾为宗。乾隆十九年二月三日，余以故往谒宗人作鉴，就视之，仍无奇。而作鉴固导余，由狸狃之径攀附而上，意惴惴恒恐蹶仆，颇恨兹山固无奇，空费足力，徒以作鉴怱怱切，不获已，赩赩喘汗，意未尝不悔也。比至，则其上多大石离立，各数十仞，仰而望之苍然上逼，俯而覷之冲然下驰，毛耸肤慄，且怖且喜，若相与乘虚空而不得下也。余方以为奇穷欲还，而其石相距各二尺许，中有间通人若弄。作鉴又导余以入，入则其中有可容三数人列坐者焉，有仄足视其下若将坠者焉，有两石夹立十余武忽焉大豁令游人如熟寐乍寤者焉，有数巨石横斜更置如好事之为者焉。然皆乍高乍下，萦纡委折，缀之以碧藓，阑之以乔松，故足喜也。若夫烟云之敛舒，川原之缭曲，林麓舟帆之映掩，显晦异状，苍白异色，纷纭交错，而周环罗献，又一奇也。然后知兹山之奇，而吾宗人作鑑之善游，而吾向者遥揣默度而遽弃之为寡识也。作鑑秀士与吾游，几七十矣，而登陟健捷，余愧弗及云。

### 忠孝祠记

陈 珪

忠孝祠在县治西，去学宫不数武。旧有祠久圯。嘉庆八年兴修，未竣工而复废，砖瓦柱桷仅有存者。予过其地，慨然久之。商之两学博，欲修建以妥忠孝之灵。学博与诸绅耆均以前此中止为可惜也。乃于孟冬，邑志将成之会，鳩工庀材，阅月而工告竣。中为堂三楹，翼以两廊。前为门三楹，高与堂称，可以妥神灵，可以奉祭祀。匪踵事而增华，亦外观而有耀。用青蚨二百零三千，督工者为诸生姚丙璩、庆墀、汪开鏞，不间风雨，不辞劳瘁，例得并书。嘉庆十七年十二月上浣。

## 常山邵氏古孟记

陈 珪

邵康节先生裔，宋南渡后家于常山者代有闻人。杭堇浦先生作《康节祠堂记》，为常山邵氏作也。邵氏有古孟十二，相传为康节先生所宝藏，后子孙世守之。明末失其二，今尚存十。壬申冬初，邵文学诵芬来，会课于蕉碧竹青桂黄橘绿之轩。捧孟至，乃得拜观。孟质铜，色如漆，有水云斑、古绿点，大如今茶瓯。十孟轻重不一，底上有星文或二三至十数不等。扣之，声清越以长，顾一器一声，不相蒙也。或曰秦汉物，十二孟应十二律；或曰成周之遗，无篆籀。其时代不可考，然非唐宋后物，不待辨而知也。夫以康节先生洞彻天人，师范百世，即寻常之物，手泽攸存，靡不宝贵，矧先生以为古贵重而爱惜之者哉！天下之大，百世之后皆当珍之，矧其子孙也哉！孟存余所十二日，因得出示萧素村李小竹，并属小竹为之图，而归孟于邵氏。所失二孟留心物色，干将莫邪终当会合。邵氏其世世永宝之，以承旧德，以继清芬，先贤之灵爽实式凭焉。夏鼎商彝，岂惟古是尚云尔哉！文学求为记，故记之。与观者林奏君、米翰品，季弟友梅，兄子承祖，儿子虎观。

## 序

## 《春秋原经》序

詹 棻

说《春秋》者类取信于三《传》，至有经文了然而反，曲移以就其事与例者，遂使本旨晦薄，讼说诚淫。愚谓圣人伤吾道之不行，退而删述。惟《春秋》则其所自作，固将显明其意，如日中天，以教天下后世。而乃秘诡掩藏，必俟笺释，然后微见端绪，岂其开物成务之本心哉！《记》曰：属辞比事，《春秋》教也。故予每伏读此经，固

必求之一言之予奪；不得，則究之以其事之始終；又不得，則質之以其舉動之后先；又不得，則旁達以其勢情之向背；又不得，通証之以一經之去取。蓋誠有不俟傳而后知者，久久頗若有得，遂私錄之，以備遺忘，計十七卷，名之曰《春秋原經》，尊經也。大抵《春秋》之褒貶，准諸禮。而《周禮》之節文本諸情，情者人心之所同，有周孔特得其平者耳。當是時，有以見天下之倫法淪斃，奸暴縱恣，反而求之不得乎情！作而嘆曰：《周禮》之廢所由致也。遂因魯史而作《春秋》，一皆斷之以《禮》，所以與天下共是非之也。至于《禮》所未有，而委曲以義起之者有矣。或侈然大之，如周王加天魯侯稱公之類；或惻然隱之，如魯弑不地夫人孫邾之類；或哇然闕之，如夫人婦姜夫人氏之類；或臲然詳之，如紀叔姬宋伯姬之類；或闕然覆之，如璧假許田至河有疾之類；或顯然闡之，如趙盾許止弑君之類；或愉然受之，如高子來盟、季子來歸之類；或拂然拒之，如入于栝、入于南里之類。蓋亦其情之不能自己者爾。今夫閭閻封鄙之父子兄弟，相與談論敘述于華門圭窻之間，其抑揚舒慘以發揮其喜怒愛惡者，尊尊而亲亲，善善而惡惡，豈无情哉！特不若聖人之平焉耳。得其平，則皆可以為《春秋》矣。故曰：斯民也，三代之所以直道而行。夫唯聖人之情率于性，性通于命，命原于天。得天道者可以為天子，故儒者謂《春秋》為性命之書也，謂其為天子之事也。夫以是三者大孔子則可，以為孔子之自大，則不可。

### 《春秋原經》后序

詹 棻

予將著《原經》，巽川李大夫問予于上航之泚，曰：何居乎？子之原之也。為《春秋》者不既多矣乎？予謹應之曰：我将明其有是非，而无赏罚也。其曰：能爵人罪人者蓄也。夫以天子之权，不得黜陟异世之士，生杀异域之氓也。况仲尼虽圣德，其位则卑，其分

则臣子也。敢肆然于天子、诸侯、卿大夫，予夺之，进退之，其为逆理忘分亦甚矣，而谓夫子为之乎？人之恒称，尊则严之，如先生、大人之类是也；等则夷之，如兄弟、姻娅之类是也；卑则下之，如奴隶、盗贼之类是也。而其人所有，或不副其情之所存，则尊者或有时而杀，卑者或有时而登矣。且以古人言之，若张子房，若诸葛武侯，若曲江，若陆宣公，若陶元亮，若韩魏公，若范文正公、司马温公，岂无名矣乎？而不忍斥言之者，其德业诚足崇也，况若周、孔者哉！若商鞅，若李斯，若张汤，若桑宏羊，若李林甫，若王钦若、丁谓，若秦桧，若蔡京，若贾似道，彼岂无爵矣乎？而不肯推尊之者，其奸贪诚足鄙也，况若莽、操者哉！《春秋》之作犹是也。王之称天，鲁之称公，尊之也。或以媚妾去天，以会彝讳公者，其行不足尊，故弗尽尊也。诸侯不称名，公族称公子、公孙等也。或以失国书名，或以弑逆去族，其行不足齿，故弗尽等也。四夷称国，媵妾不录，贱也。而楚屈贞以救郑称公子，纪季姬以归鄆称字，其行不可下，故弗尽贱也。盖圣人睹行而感于心，由心而宣于口，由口而笔之书，不待勉强而为之也。夫人有是心也，非曰某也吾罚之，某也吾赏之，某也吾今日赏之而明日罚之也。《春秋》之可尚，特以其察识精，品第公，功罪当，故足贵尔，非谓圣人有之而他人独无也。昔者子贡自其家来谒孔子，正颜举杖罄折而立曰：子之大亲，毋乃不宁乎？放杖而立曰：子之兄弟亦得无恙乎？曳杖倍而行曰：妻子家中得毋病乎？盖尊卑疏戚之不同，故身之倨仰、手之高下、颜色声气因之以异，从心而达者，《春秋》之褒贬犹是也。《原经》成，以示大夫。大夫以为此大旨也，散见诸条目间，未甚彰彰也。盖总而挈之，以利阅者。故著之末简。李大夫名齐芳，巽川其号也，直隶成安人，户部郎中，隆庆初，以谏诤贰吾衢云。

## 送邑侯邹见吾入覲序

詹 莱

时制，每三岁大计天下郡吏之治殿最，而加庆让焉。我邹侯见吾莅治甫六阅月，亦以例行，寅畏自度，虑其未有成劳也，就莱问策。莱谨对曰：“宣父绥动之化，于期月为仅可，自是而三年而必。世有定程，不可躐也。君兹濯濯焉恭为身先，而循循焉，怡怡焉，致和于士庶，体之若一，视之若伤，通其抑郁，掖其颠仆，融其乖蹇，周其窘急，事皆緜緜然，就厥绪德惠孚矣。譬之受人赤子而乳之者，虽未遽见成立直需时耳，而母子之情已洽，保抱以勤，襁哺以时，疾痛痾痒不为厉，以是为厥父母有不欣然承之者哉？无以虑也。但一邑之事，君所能为者君自勉之，其非君所能为者不可不为。玉陛陈之书，曰：敷奏以言，明试以功，车服以庸，敷奏其首务也。莱谨为君述之，而君自择之。其词曰：九职任民，三农成务，臣职也。至如今岁涝夏而曠秋，穡功亏民天窘，将何以给之？均井地，和贫寡，臣职也。近乃清丈卤裂，自占失核，腴者衍者，公欺共逸，而俵加于实报之饶窄，滥收乎冈圩之新垦，以概旧额，赔纳不敷，数年尽且逋窜，将何以平之？地当水陆交尽，送往事居，臣职也。乃舟车马有程，饩飧有式，而委积素乏，欲免愆责，非下渔不可，畏法不敢，且悯穷不忍也，将何以充之？催科以时，情法毋废，臣职也。至如诏蠲而复征，额定而加派，积逋併诛，先时撮兑，将何以应之？弭缉奸宄，绥奠生齿，臣职也。乃境邻萑苇，旁逋窃启，肩滕一夜五发，且羽檄召募，道径城市，扉糶少阙，即将奋剑投袂，肆不轨之状，百家恒以永玉之变相惴惧，将何以绝之？之数者，害归齐民，权非由己。虑究鄙屋，明烛机先，而囊囊言之。诏王者必当体公之诚，而有以辅吾行，如汉室便宜者矣。诗云：嗟尔君子，无恒安处，靖共尔位，正直是与。神之听之，式谷以女。正直以共位，虽神且听之，而况

以八统驭民者哉！昔唐来济入觐，试理人策，擢第一，后果以治行为名宰相。然则车服之锡，即用相授无异也。”邹君乃拱手自称曰：“先生此言，正吾之所日夜嗣股肱而腐肺肠者也。万一不得，请龟勉就而调之，俾少宽焉，亦小补也。不敢以不敏懈。”遂书为行赠。

### 竹林治社序

徐瑞鳌

文章一道，关乎国运，其所从来者远矣。则谓文之盛衰，关乎国之治乱也，夫何疑？然今之学士，非惟株守括帖者，不堪远到，即称宿儒，坐破青毡，穷研千古之上，采摭百氏之林，至还问吾心安顿何处，有懵然独丧者矣。然此犹微言之也。试令显诘，其爪生发长，筋转脉摇，不将茫然，而亦不知其故也乎。如是，则以八股生活，自治其身而不能，乃欲以治天下国家也，不亦难乎！顾吾谓治世之文，莫先于自治其心。帝王之典谟训诰，无一句不从心坎中流出。故自孔孟以及程朱，其所为经济之实，未有不以正心诚意为兢兢者。余老人负俗之累数十载，而每起振衣千仞之思，兹以为二三子顶门一针，苟爽然而有得。于是精以治己而余以及物，庶几世皆芒，而我亦有不芒者乎？若夫制艺，与时俯仰，甲子而后言理，则征以事堆垛填实。此犹禅家昔谭性而不谭相，今且详于谈相而略于谈性，亦一时风气使然。阅己卯试牋，又变而有晋魏之清言也。转相效颦，宁有已乎？倘有英贤崛起，以治心者治其文，一洗风云月露之习，而又不蹈袭空言，如昌黎之起衰焉，是未可知。世之治也，吾于社中人有厚望焉。时崇祯庚辰孟春月。

### 游石崕山华严庵诗序

詹人训

吾邑梵刹颇多，其山水名胜冠冕一邑者，无如石崕山之华严寺。盖出南关仅里许，不村不郭，万山耸秀，一水横绕，迤迤西望，

而寺出焉。寺中胜概则有沐鹿泉、漱石亭，山际烟霞石室黝然以深，峭壁梯云崭然以峙，幽篁秀发，芳草丛生，鸟啼花落，别一洞天也。开山立涛和尚，东吴嘉定人，先年客游吾常，睹兹山而悦之，慨然生出世心，遂祝发受记于大德和尚。罄其橐创构斯寺。其所与多文人杰士豪于诗酒者，雅善丹青，虽手不停挥，而严持戒律，精究禅理，不欲以艺术自著。

国初，衢节推孙公沂山命驾来游，颜其亭曰漱石。继此，则郡司马沈公石友留连晨夕，豁其寺之赔粮若干亩。凡达官贵人，皆于师若有夙契者然。余自楚黄解绶归里，犹及与师握手言心，相视莫逆，迨只履西归，良朋云散，徒众落落晨星。其高弟拨意上人者勉力支撑。甲寅，闽寇自须江来，蹂躏兹寺。拨意冒锋镝以死争之，寺得不毁，真无臂林中法嗣也。拨意狷介绝俗，矜矜自守，初亦工画能诗，今皆弃置不事。时以发覆额，行游城市间，忽忽若狂，破衲疏食，至累月不知盐味，处之恬如也。或语以“寺将倾圯，不作募缘，僧涛公传灯一派不几熄乎”，但笑而不答，既而曰：“自有人在。”呜呼，大力长者果属之谁氏乎？今春，余与杨君凤止、徐君咸若泊武林半轮上人闲步至寺，见山川不改，风景依然，沐鹿泉一掬犹香，而漱石亭已废为荒址矣。蹑屐而登，翠微虬松，古柏宛如张盖，怪石磊磊，或欹或偃。予数人盘桓其上，俯视万壑凌虚，平林如绣，剧谭竟日，追忆涛公于榛莽丛棘中辟此境，喟然久之。回至方丈，两树碧桃相迎如笑，彷彿涛公声影，呼之欲出矣。途次偶成一律，诸同人和咏成帙，录次于左，以志感慨云。

### 《定阳书院课试录》序

孔毓玘

《周礼》：正月之吉，大司徒颁教法于邦国，都鄙乡大夫退而颁之乡吏，使各以教其所治民。夫三代盛时，远至山陬海澨，无不率



教之人，要必托始于乡。小司徒以下，无不倡教之官，要必重其责于乡之吏。盖乡吏与民甚亲，故其言易人民之习，闻其说者亦乐其便，而以为易从。然则，后来选士、造士、俊士，凡所论定而官之者，皆教所已成之人，非教所由起之人也。今者乡、会、闾之取士，必由学使者校试于前学使者。岁科两试之举行，必由州县之考校为士人先资之献，则颁教法于乡吏，固至今不改其旧也。然予闻之，父兄之教不先，子弟之率不谨，则平时业之勤惰，趋向之是非，其能漠然如秦越人之视欤！古者各教其所治之明训，独非官兹土者之责欤！予至常之明日，即集士子之秀者，告以科名寥落，司牧之耻，用以鼓其精进之气，多士亦咸以其名相慕悦也，争矚就焉。以故未匝月，辄举行季试之典，士无论远近，多持卷囊笔而至。予引至几案，告以题之奥窅，文之阡陌，则欣然以喜。既乃手自评阅，拔其尤者凡若干人。谒见时明示其所以然，字句之疵虽微必摘，其不在列者，亦无不争自淬励，以庶几其一当。自是，月有课，季有试，诸士子不惮烦，予亦乐与观其成也。行之既久，风气为一小变。然则谓山城荒陋，其人无足与言文者，非贼其民之尤甚者乎！厥后摄篆江山，士子之矚就者犹夫常也。爰汇而课之，与常山付梓之文都为一集。门人、子婿之间作者皆附刻焉。名曰一编，示有待也。虽然，今之受法于司徒者，八股业其一端耳。

圣天子训饬之文具在，卧碑以垂示之，木铎以申儆之，凡所以教民之道甚详而有法，即《周礼》所云考其德行，察其道艺者，其职兼领于乡吏。诸士子其各敦本行，重廉隅，无徒以华文相尚而后为教法之成。尚共勉之。

### 《徐蛰庵诗集》序

徐之凯

常山蛰庵先生者，吾乡前辈叶静远之流也。静远为前朝诸生，

受业于戴山，僻处村馆，未尝轻出，出则后生望而敬畏之。性复不喜见客，年八十余卒。后邑宰陈公廉其行白于学使者，因得祀乡贤。蛰庵之品概端严，大略与静远同。顾余未知静远能诗否，蛰庵则诗多率性，不烦修饰而自工，大有晋征士风味。生于天启甲子，遂以甲子老人自称，其立意又可觐矣。蛰庵尊人克齐先生偕弟山英先生，皆负笈武林，从名宿严印持游。既归，与先君子同执经于方青峒先生门下，学有师承，与静远之于戴山又无异也。虽然静远无嗣，而蛰庵之子孙多且贤。今冢孙景彦下榻荒斋，因修世讲而辄诵是诗，又叹蛰庵同于静远，而静远乃不能同于蛰庵也已。

#### 邵妃云然叶斋诗序

杭世骏

康节邵子之学，浅学所不能窥，强学所不能企。《观物外篇》几乎一字不解，吾非不学者也，盖其难也。至其诗，脱口而出，无深文，无棘句，若人人可以学而至，又若人人可以不学而能者。难与易之间，吾试一论焉。凡学有难有易，而究皇极之微则甚难。诗有易有难，而为击壤之诗则甚易。姑以诗论，其出之也甚易，而其初则必备历诸艰，尽心养性一难也，察物观变一难也，选声作色一难也。乾坤清气，散人心脾，阅历之深，夫而后妙手乃能偶得以为易，而不知其有甚难者立乎其先也。妃云学博，康节之裔孙也。祖述经世之学，手抄香山黄氏之传，而能指祝泌朱隐老之非，探幽极微，其学可谓不畏难矣。自其少时，即以诗鸣浙东。吾悬而拟之，以为或有击壤之余风焉。与之论诗，而其言曰：唐司空图之品诗也。有曰：空山无人，水流花落。其境可会，其诣不可说也。请以诗证之。《风》之诗曰：一曰不见如三秋兮。《雅》之诗曰：昔我往矣，杨柳依依。今我来思，雨雪霏霏。其是乎！陶之“采菊东篱下，悠然见南山”，谢之“池塘生春草”，不假安排，不待思索，皆水流花放之境也。

其易也如是。夫《三百篇》，垂之为经，章之为教，经大圣人删定，果若是之易。明堂清庙何以登，聘问燕飧何以赠，天神人鬼何以格，非夫渊懿卓铄炳焉与典诰同风，固无以与乎三百之数也。且诗之道，结体贵庄，庄则不佻；造意贵恣，恣则不支；削句贵重，重则不剽。敛之欲其纯，纵之欲其肆，优而游之，恐其趣数也。固而存之，恐其闷以庵奄，弛尔而隳也。如挽强不审固，矢去疾而不能射疏及远也。如捧盈不车轮，曳踵时则不至而控于地矣。韩愈氏之言曰：六字常语，一字难愈。盖能为其难者也，吾亦为其难者而已矣。若其易，吾祖能之，而我不能也。诵其诗，句锻季炼，不恃利于齿牙，不缘袭于口耳。与其所论，若陶冶之归埏埴。《登岱》诸篇，雷电精锐，走集笔端，贞之金石，大书深刻，支而不愧，信矣乎！其难其慎，而后得此矜炼之一境也。自今伊始，余得以正告于人，学者毋务求其易，姑循于杞云之所难者而从事焉。其于诗也，思过半矣。

### 《志余》序

陈 珪

《志余》者，予修《常山志》既成，以未入邑乘者辑为是编也。昔李穆堂先生谓拾前人诗文传刻行世者，其功与肉白骨哺弃儿等。阎氏《元百家诗选》成，梦古衣冠数百人拜于堂下。夫诗文者，文人之精神，与其过而弃也，毋宁过而存之。顾志乘达之邻邑，行之天下，上之史官，非可以滥收也。是编，詹《志》、孔《志》所有而不宜入新志者收之；詹《志》、孔《志》所无，得之采访而不必入新志者亦收之，以为他日修志之采择，以备一邦文献之考征。后之修志者仿此而续刻之，俾前贤与后起之精神，长维系于文峰崔巍、定阳澄映之间。不诚与邑乘相辅而行于无纪极哉！嘉庆十八年岁次癸酉仲春上浣，金溪陈珪识。

## 传

## 明处士谦受徐公传

章 懋

尝观人苟为善未有不获福者，而孝友之获福尤大，天恒从而默佑之。又其异者，若董永孝也而遇仙，吴猛孝也而登仙，事虽不经，然以理揆之，当必不爽。衢常徐君谦受，讳益者，当世隐君子也。其先本汴人，南渡居常之南壁，始祖讳幸隆者，仕宋为河南节度使，以死节著朝廷，录其子大兴为衢太守。历五世生处士，曾大父青登进士第，大父成夫、考克让俱以时艰隐。处士歿后，曾孙赐进士，御史大夫同爱暨同晖等请予为传。谨按：处士貌伟而德充，气刚而识远。年十七，厥考以避兵卒于严之遂安。处士不辞艰险，扶柩归窆，抚诸弟和乐且耽，颜其堂曰翕和，论者咸以为确。为人素而无华，恭而无倨，子姓化之彬彬如也。望之者咸叹为有王谢家风，费甲于乡，下以赈贷，上以助国。尝遣子输粟一千五百石，朝廷诏旌表之。晚益好修乐施。忽有讳氏名号浮空者过公。公舍之，初不以为异也，寻谓公曰：“公有意外之患，吾术能寝之。”已而果然，患既寝，其人笑而逝。既葬，形去而履存。是岂真有神仙乎？抑天之报施善人特著灵异乎？此可以为世劝矣。

## 徐节妇传

郑 梁

徐节妇王氏，父福赞，常山里仁坊长者，胞兄良德，当郡伯洞庭张公行乡饮酒礼时有允矣三槐后裔之称。于此见先有贤父兄，而后有节妇也。妇生而端淑，父绝怜爱之。染危疾几死，服彤坑徐医药得生，因许配其子守玦。氏年十八于归徐，翁已卒，事姑甚谨。未几姑卒，又未几守玦亦卒，妇年甫二十一，日抱其周岁儿一俊哭

曰：吾当死，奈此孤何？逾月生一女，毁容截发，誓为徐氏立孤。守絜无兄弟，族人利其产，侵侮百端，节妇内抚孤，外以好言戢强暴。儿女稍长，课书教绩，斩斩如也。久之，一俊能自立，堂构播获，以孝行名。女适诸生王问瞻。一俊生五子：起祉、起正、起祚、起祥、起祐，而起祉髫年应童子试，已有文誉。问瞻素充学行，子允葵、允莲皆年少蜚声庠序。人咸谓节妇立孤之志遂矣。顺治甲午，剧盗魏国贤啸聚西安，土贼徐家槐应之。家槐故与一俊争山木有隙，一夕突入一俊家，执一俊及起祉杀之。节妇合门惊窜丛棘间，起祥遇蛇伤立毙。一俊之妻心悸成癡疾，亡何起祚又以逋粮计窘投缢死。盖妇数十年辛勤艰苦为徐氏成立者，至是丧亡殆尽。而节妇抚病，媳抱弱孙，拮据卒瘁更倍异时。吾友王子骏生宛虹伤之，常恨不得一邀旌典。嘱予作传节妇者，骏生宛虹之姑也。壬寅仲冬，姑年七十矣。骏生昆弟同问瞻父子往奉觞为寿，问登其西楼，姑指谓骏生等曰：某田吾子及长孙受贼刃所也，某山之侧吾祥孙遭毒螫处也，若斯楼之左则祚孙扃户自经者也。语毕姑泣，骏生等亦泣。后三年姑卒。今其家存者孙二人，曾孙一人而已。

寒村子曰：世未有节而不苦者。然有如徐节妇之遇之惨者乎？识者于古今节妇，不信朝廷之旌表，而信名人之传志，以旌别多得之势利也。然余每观节妇传，亦必后人贤而后名人为之命笔，则予亦未始不以为可疑。今徐节妇之家微矣，而骏生宛虹汲汲焉欲传之。其为节又何疑哉？夫立节而使后之人无疑，遇虽惨，在节妇亦可以无憾矣。

### 浮空传

张尚瑗

浙衢常山徐氏故世族，明洪武初有名益字谦受者，素以长厚名。有家佣始至，衣被弗具，露宿中庭，风雨至无所沾湿，问姓氏，

答无有。益笑曰：“岂浮空者耶！”应曰：“唯。”遂呼浮空云。尝乏薪，以足代，然炊已熟，足卒无恙。俾涤瓦缶于溪中，反覆里外，益妻王从楼上覘之，若揉布囊然。宅傍数里为东明山，乡城孔道也。无井泉，夏暑行者苦渴，浮空手抉石得泉，甘冽异常，水遂为名迹。有耕者侮之，乃摘一叶，散之沟塍化为鱼，耕者争取入手，则复为叶矣。益有密亲居上源村，路百里，遣浮空致馈，晨发，日未中而返，所答馈食物熟而温。又使之催谷数十里外，庄户数十，家家有一，浮空不经日报竣。输谷之户匿升斗，浮空辄知而摘之，无敢给者。文帝迁都燕京，徙富民实北边，益名在籍，浮空曰：“吾能脱公于行。”乃扃户独处一室，诫七日毋扰我，户外或闻应对声。届期启扃出曰：“已脱籍矣。”复为益卜生圻于渔湖，事竣曰：“吾将有远行。”益诺之，置酒为别饮，既醉，吟曰：“人间功行满，天上梦魂高。”遂端坐而逝。益哭之恸，厚殓。将葬，举柩至东山岭，棺渐轻，启之，则只履存焉。豸山郑某方遣使至益所，遇浮空于虹桥，一足跣，脱所著一履，曰：“往遗我主人翁。”群咄咄信为尸解，乃立祠奉双履于其中，而于某葬之处构慕仙亭焉。徐氏子孙代有衣冠无不虔祀浮空，祷辄应。四方名贤至者，咸作为诗文表章之。予乙亥道经常山，舍于诸生翔凤家，族人璟为予言之，因偕步其祠，即徐氏二世祖太守大兴公之墓也。浮空像适不在祠，盖为祷禳者异去。遂援笔志之。

旧史氏曰子不语怪，而左氏内外传往往多神异之说，范书费长房、左慈诸传，论者讥焉。徐生璟能文，教授为人师，非妄说者。亭与祠皆岿然表常邑中，故次第其语。璟又言族人深涉扬子江遇盗，将逼，呼浮空仙救我，忽疾风吹盗舟而东，深舟则风送之，遂免。又与樵风经宫亭湖相似。小说家神异之事，浮空不啻兼之。吁亦怪已！

## 浮空传跋

徐 璟

天人之理微矣。人有以感天，必有以应。观于吾祖之招仙，与仙之所以辅吾祖者，可知焉。予家自始祖宋河南节度襄愍公扈跸南迁，以死殉国，暨二世祖衢州太守大兴公负骨来葬，遂家于常。忠孝传家，格天已久。及八世祖处士谦受公积功累仁，遂来浮空之助。今观传中所载，其作用甚微而其为功于徐甚大，岂犹夫崑崙之于崔生，仅作氤氲大使而已哉！及尸解后，棺存只履，再遇虹桥，以视达摩西归何异？及今几四百年，遗迹尚存，或疑神仙之说诞不足信。然余考衢郡青霞山王质樵采之事，天下皆知，要其异不过以局终柯烂，初无毫末裨益于人者。何如浮空至今，祈祷辄验，非独为功徐氏，且默相合邑之人，则其事更可传，传之尤足为修德者劝。前朝诸名人皆赐为诗赞，以光家乘。而吴江张太史之传尤详，岂非祖德动天，天实命之乎？故其羽化时，有人间天上之言，则表而章之，非以传浮空，实以传吾祖。因撮举大概而为之跋如此，后之人尚亦共念尔祖聿修厥德也哉。

## 乡饮正宾许公思儒传

张时凤

翁姓许，讳嘉楷，字思儒，号砚斋，系出古歙，旧居唐模，后业盐筴，徙宅三衢之定阳。父伊在公，母汪孺人，翁幼而岐嶷，不苟訾笑，擘画若老成，一切博杂无益之术漠然鲜所嗜，伊在公知其能有立也。年未艾，内外事悉以委翁。翁废书叹曰：为儒不能以经术出，理世务稍自表见，徒屈首举子业无益也。遂弃去隶名成均，绝意进取。至性敦厚，内行肫挚，深得堂上欢。事继母及庶母一意承奉，搢拄艰巨，前业克光。抚群弟妹诸侄，体恤周至。总功之亲暨族属无服者，遇力绵不能举婚丧事，每咨嗟计议以殫终始。至与人

交，久而能敬，意所未达，必体察以适其愿。虽舆台臧获亦御以礼，绝无疾言遽色。性好施与，设诚致行，凡造舟成梁，建寺修道，乳婴掩骼，医危殍死，济物利人之举，无不倾囊橐尽力以蔽其事。识量恢廓，当事莫不倾心折节，悬额赠联，然操履耿介，非公不至，未尝干以私也。元配璩安人，继配叶安人，皆端庄淑慎，梱以内诤淬不形于箕帚，笑语不出于厅屏。生丈夫子四，诸孙头角崭然，门风肃穆，和气周浹，里党间亟称之。今上御极之四十一年，诏举行乡饮酒礼，明府宫公，学博戴公、王公采舆论以宾礼请翁，固辞不获，肃趋宫墙，成礼而去。道旁观者咸啧啧谓：国家授几宪乞之典，如翁洵足当之而无愧者矣。翁之季子鹄从予游。予三至定阳，翁必馆予于听鹤亭，琴歌酒宴，忼爽多自负，善摄生，虽老犹僂捷如少年人。寿八十岁，一夕无病而逝。其子彪等走使赙函，属予为传。追念平生之酬洽不可再接矣，江风岩月，四顾凄清，因泚笔书其梗概，俟后有史责者据而录之。

### 节孝王母徐孺人传

陈 珪

节母王孺人，邑文学王君佩琚之配也。父徐铭玉，母毛氏，幼端慧孝谨，父母绝爱怜之，常指孺人曰：若男也，必兴徐氏宗矣。年十八归文学君。文学之先代有隐德。文学父乡饮正宾云龙公慷慨好义，为善于乡。文学胚胎前光，积学厉行，年二十六遽歿，族党悲之。遗孤六龄，而乡宾公与太孺人俱耄矣。孺人乃于痛定之余，劝舅姑勿过伤，且曰：儿之事媳任之，媳在犹儿在也。舅姑稍慰，为节哀。孺人饮藜茹荼，抚育孤子。家政稟命舅姑，及见之施行有条不紊，御臧获严而有恩，待亲族加礼，任恤施予悉从厚，而于己身及其子加俭约。舅姑歿，哀毁丧葬如礼训。子锡祉生在敬戒，后锡祉为邑闻人。孺人年二十四丧所天，守节三十一年，于雍正十二年请



旌，奉旨锡金建坊。又三十七年歿，寿九十二。子锡祉太学生，孙四人：振国州同知，振家国学生鸿邑庠生，振源州同知。孙十人：廷潮州同知，廷臬州同知，兆柱、兆科、兆甲，廷豪营千总，廷佐邑庠生，兆探、兆贵，廷杰州同知，加二级封奉政大夫。

《论》曰：《易》云坤地道也，地道无成。《诗》云：无非无仪，非以章明。妇顺在德，不在才耶。予独谓节妇必才与德俱。盖节即其德，顾所以胜守节之仔肩，而大有造其家室者，断非才不为功。今观孺人之怀清履洁，安舅姑，抚子成立，而释憾于已著，消患于未萌，岂非才德兼备，懿范之昭昭者欤？为善无不报，贞节之后其食报尤大。常山数十年来，如修文庙及买谷平粜，诸善举靡不有王氏子姓勩力其间。前抚军清公以义高指困表厥间，蔚然为定阳望族。又或独力修浮桥，施义冢，何莫非懿训之遗也，盖王氏之流泽远矣。

### 烈妇江汪氏传

汪滋皖

烈妇氏汪，余同宗致溍明经女也。祖籍休宁之富昨村，先世为嵯商，客于浙东衢州府常山县，遂家焉。氏赋性端谨，不苟言笑。幼见父兄读书，雍容问字，闻古人忠孝节烈事，能默识不忘，其素性然也。动循礼法，一室怡怡，颇得堂上欢。许字同邑江生文元，生两兄主持家政，弃儒服贾，因偕两幼弟肄业家塾。氏年十九归文元，食贫茹苦，篝灯劝读，遂补博士弟子员，盖内助之力居多云。居平井臼操作，习其劳且忘其劳，娣姒辑睦，从无间言。每届舅姑忌日，洁蘋藻，襄祭祀，必敬必诚，恒以不及侍养为憾，宗党咸以为知礼。文元嗜学，积劳成瘵将一载，氏奉侍饮食汤药，衣不解带，目不交睫，未尝一刻离左右。迨疾革，誓以身殉。既歿，哀号泣血，濒死者数，家人力救得不死。月余乃投缢寢室而歿，年仅二十有六。嗟嗟！柏舟自矢，断臂全贞，巾幗杰出，繫岂无人！假令舅姑在堂，妇

代子职，氏可以无死；藐孤子立，教育成人，以存夫后，氏亦可以无死。乃上无垂白之高年，下无黄口之弱嗣，一死相从，从容尽节，吁如烈妇者，弗可及也已。今春，其兄彭模孝廉公车北上，为余述其颠末。余忝居史职，闻之始而恻然，继而欣然，爰效乐府体作《烈妇行》，以发泉壤之幽光，即以留史乘之记载云尔。

三衢山，石门里，吾宗乃有烈女子。父明经，兄贤书，佩纫兰茝，锵珩琚。许字江氏子，文采奕奕光门闾。婚礼成，勤佐读，午夜灯挑漏点续。机声书声起霜屋，三冬文字用充足。试锁院，列胶庠，观国之光宜宾王，羽毛丰满抃天阊。天上玉楼成，才人上应召，呕残心血篆凝丹，折断琼枝风转峭。并命禽，同功茧，九死一生余残喘，玉碎兰凋恨不消，海枯石烂心难转。仲秋月晦时，毕命冰绡丝。良人修文向何处？黄泉碧落拚追随。灯光惨绿阴飏吹，飙轮激荡无还期。松柏久交柯，鸳鸯不独宿，同心同穴含笑归，二十六年何太促！吁嗟乎！人天路隔须臾际，千古纲常此维系。

## 引

### 重修常山县武帝庙引

陈珪

常邑武帝庙，地址爽垲，规模堂皇，而户壁墙垣有朽壤处所。昨下车即欲修葺，适差务旁午未遑也。东厢三楹为靳公祠塑像，祀太守靳公，而设常令之贤者木主配祀焉。岁久，像剥落，木主字亦模糊不可辨。余亟为新之，询诸绅耆，知武帝庙及靳公祠，邑人旧有祀会，有田租、屋租，每岁仲夏召梨园合乐有余，乃存备修葺厥旨懿矣。余因告之曰：式歌且舞，神听和平，必在寝成孔安之后。若徒事歌舞而弗崇庙貌，非所以为敬也。且征色艺悦数日耳目，曷若饰栋宇肃四时观瞻之为费不虚糜乎？金曰善。所存新旧租息，悉

为修治费。凡邑中素敬奉武帝暨岁以梨园事神者，皆当以此意诏之，俾知所先务也。于是捐廉以倡之，且为之引。

### 重修节孝祠引

陈 珪

予莅常山年余，为年例相符之节孝请旌及补请旌者，凡数十余人。其风气相励相维，有由来已。节孝祠，在县治西，有堂三楹，前为大门三间。予过之，见其墙屋不修状，乃与绅耆商葺治，以妥贞魂。遂捐廉倡之，诸君子同声相应，节孝之子孙尤踊跃鼓舞。允矣，常山士民之知所重也。祠之修费不多，有余则置田亩为岁修计。每岁春秋祭节孝祠，例分胙如所置田亩租入饶裕。司事者重备祭品，重分胙于节孝子孙，以昭食德无既之义。是月也，修建忠孝祠计日竣工，即兴修节孝祠，其木主之旧在祠者新之。其已请旌而未入祠者，悉置木主，有司卜吉，率绅耆及节孝子孙鼓乐送入祠。致祭嗣后，有应请主人祠者，于春秋祭祀前一日送入，如前仪，以钦崇圣朝旌表节孝之令典，以慰孝子慈孙之永思，而相励相维风气于无有纪极焉。官斯土者敢不敬欤，襄斯事者敢不勉欤！壬申十一月中浣。

### 跋

#### 跋赵忠简公帖

朱 熹

赵公初谪潮州时，哭其季子而行，既行又丧长子。熹家有吕紫微与先君手书言之，犹云不知此老力量能堪之否？此帖云今年在贬所，而渭亡适半岁，则是犹在潮未过海也。衢守章杰实绍圣故相，诸孙雅怨赵公，故藉此以发其私忿。秦桧知其不专为己，而借力以逞憾也，故不直之，不惟翁尉事解，杰亦遂废不用，盖疑其已甚

也。翁又胡侍郎妻兄，胡亦草制罪状章厚者，其家持此事訐冤，乃得移兰溪。予与翁亦亲旧，知之尤详，因记于此，以补跋语之未尽云。庆元丙辰二月十三日，晦庵题。

### 再跋赵忠简公帖

朱熹

赵公为相时，高宗因览元符谏官任伯雨章疏，论章厚、蔡卞尝乞退废宣仁圣烈皇后事，赫然震怒，召直学士院胡寅草诏手书，以付三省削夺厚、卞官爵，禁锢亲戚子孙。其词有“谁无母慈，何忍至此”之语，天下快之。赵公犹以行遣太重，奏为申理乞免锢其亲戚，高宗手诏褒其仁恕，颇为末减。今宸翰犹藏赵氏，或为刻石以传于世矣。然章氏子孙不知也，但见赵公力主元祐，因谓此事皆出其意而深怨之。世亦鲜知其曲折者，因复并记于此云。

## 文

### 除夕遗文

周京

壬寅腊月之廿九日，常令周京循例封印，方冀息事宁神。徐观贞下启元行礼甫毕，而诸凡不能卒岁者皆来取给于令，令仅能百以一应。适养马之役又至，各项急需刻不容缓，因复星飞差办。民间百无一应，不禁涕落，曰：常邑之真能死令也。且转心恻曰：常民之果必至死也。虽然，与其死吾民也，毋宁死令。常邑死一民则常邑遂少一民，常邑死一令则常邑又更一令。令可以死者也，死而为国，死而为民，则死耳。常令之死何为者，而固必至于死哉？京初到官时，见夫前之令常者皆曰：令兹地者不可得生，即幸而不死，亦与死等。何其危视令而易视死也！乃数年之内羁累几人，一人之身参罚数十则甚矣，常之能死令也。

功令最急催科，而常邑竟致无科可催，不当死令乎？额赋出自税粮，而常邑半皆有税无粮，不当死令乎？户口定自人丁，而常邑每遇有丁无人，不当死令乎？此其死于地方者也。军需动云紧急，而常邑凡急皆缓，不当死令乎？协解至严愆期，而常邑应解无期，不当死令乎？那移即责征补，而常邑有那无补，不当死令乎？此又其为地方而死者也。有此数死，令常者能不死乎？京在任未几，即奉各上宪有为常邑题荒之议，此常民一线生机，亦常令一条生路。履亩勘荒之时，回念敲扑之下，亦有以生代死者，自惟福薄复造孽如此，彼苍应亦为我减算矣。即幸逃天谴而逋租盈万，罚赎半千，只身远族，告贷无策，又能生还耶？然京自分必死矣。味不知甘，寝不能寐，到官二百日积病二百日矣。犹勉力自持，冀延残喘，幸得逢浩荡余波，赐归乡井，七旬之老亲有子，百日之婴儿有父，其感戴圣明，曷有终极。倘不获终常令之事，负常令之辜，一旦疾作，祸生不测，则京惟以身殉常邑，断不以常邑殉京也。常邑其真足死令也，常邑其真足死京也。然京宁死，不死常民也。感而记之，或不至为京绝笔也，又其幸矣。

### 告文庙文

孔毓玠

毓玠以江干后裔，奉圣天子命来令常山。夫葺宗祠、修时祭，期于报本而返始者，子孙之事也。端士习、兴文教，期于风移而俗易者，有司之责也。二者虽随时自尽，然或不能尽有司之责，则亦无以告无罪于吾祖而为圣人之子孙。故今者莅任伊始，窃愿在天之灵助益精神，俾得尽力于民事，更默牖邑中之成人、小子，人人洗心涤虑，争自濯磨，庶几士气还淳，文风日盛，科名接踵，甲第联翩，而后莅兹土者乃得藉手以告无罪焉。区区之愚，伏祈昭鉴，谨告。

## 告城隍神文

孔毓玘

玘以江干下士，恭膺简命，来莅兹邦。窃念常山休养生息于今三十余年，而民物凋残，科名寥落，抚柔而训迪之，固官兹土者责也。诚不胜大愿，欲为吾民课农桑，崇节俭，兴文励行，扶进淳风。恐年齿就衰，心有余而力不足，则人呼父母，情实耻之。伏乞尊神默佑其衷，俾精神常用而不竭，庶几教养二事，得以循端竟委次第举行。若乃心存抚字，自当力杜苞苴，一切誓词，毋庸渎听，神其鉴之。谨告。

## 祭旅魂文

孔毓玘

常山为四达之冲，旅棹无归者相枕藉于城堙，令见而心伤，命总甲籍而计之，凡百有五具，乃捐赀募夫舁而埋诸义冢。为文以妥其魂，曰：

呜噓！尔何人？斯非商即旅，或老或病，莫知所以。醮金为殓，栖泊城堙。凄风苦雨，煜煜青燐。薄棹将糜，单衣已朽。乌鸢之食，免狐之藪。令实伤之，募夫以舁。生各一方，死同一处。魄安常土，魂返故乡。云山漠漠，永安其藏。呜噓，伤哉！康熙五十八年清明前一日。

## 募 疏

## 白龙洞观音堂疏

詹 棻

伏以表忠作观，古昔已为。咸秩之文，推墨附儒，释老亦有可进之训。事如有待，道贵旁行。缅惟四贤之祠，旧藉双龙之洞。顾玩时愒日垂久，既非可久之规，故败壁颓垣，尊贤反为褻贤之举。

兹值邑侯鹿野郝公居贤善俗，扬善顺天，加丹刻而栋宇新，德以崇而功以报，拓榛涂而奇瑰见，山增高而水加深。表章既覃竭其诚，处置复极尽其妙。召优婆夷而付托，固惟贵其无著之心。建大悲阁为瞻依，亦以广夫迁善之路。梓材朴斲，先出公帑，匪颁觉水，招延取助十方。因果休论，三生之报，心本涅槃，普及万人之缘。门开方便现金轮于鹿苑，咫尺人天，显珠树于鹤林。跬步福地，崒峩高并，西通鹭岭之云烟，嵌空奇观，东望鹭洲之兰芷。使皈依者生菩提念嗜天酒而日新，俾住持者存香火情爱土物而图永。是无住者固为长住之计，而无用者实为有用之资。初非混儒释于一途，权以通公私之两利。谨摭文告，用读心乎。

#### 赵公岩观音堂疏

詹 莱

赵公孰谓？谓吾郡先贤清猷公抃也。岩不知旧所名，自公构堂读书岩侧，遂为岩重，故名之以其姓。若万靖庵，则释氏者流尔。何以附于儒？非附也，寄其用云尔。予年已长暮，闻有是岩者乃丙子杪秋，始克历览。仰景贤模，俯悲颓废，思欲兴复，而未有以也。是方耆旧谋召僧员明等，请建一庵，外为堂以事观音菩萨，而内为寝以事清猷，盖为佛有福田利益之说，足以动众资其施舍以助香火，庶为长久计尔。予始疑清猷之介不相为谋，既而思曰：今之建造寺观庵院者，皆曰护国，曰祝厘，所以奉尊也，则贤者亦可奉矣。韩昌黎有云：孔子必用墨子，观音独不可为清猷用乎？况今之号为儒者皆窃释氏之精英，改易面目以角吾儒之粗梗，乘其内溃入其室力战而胜之，世人方且崇尚以为师圣，而忘其释氏之穿窬也。姑用之庸何伤？凡有志于建助者，务后福利之获。而先贤哲之崇，兴起教化，诱掖俊英，昭昭之益，固十百于冥冥者矣。

## 募建龙山妙喜禅院疏

沈奕琛

谢康乐守永嘉，登临名胜，旬朔忘返，至今以为美谈。余视事三衢，行部所至，于属邑灵奥，间亦躡足而未到者，每于志乘中披阅其概，久之以当卧游而已。定阳踞郡西上游，其地山高而水驶，其人磊落而英多，其林壑之最著者，如赵清献之读书岩，魏、范诸君高隐之黄冈寺，皆以其人传。今开士语公为影和尚，首座蔗庵法嗣，性悦山水，有道林惠远之风。都人士钦之，欲为之卜卓锡地。一日来告予曰：常北三十里许有严谷，载在邑乘，林峦之胜甲于诸方，风雨晦明，云烟万态，琪花瑶草，不暇名言。洞壑嵌空，乳石幽异，嶙嶙峋峋，有肖像圣贤与飞潜动植之奇者。水从绝壁间流出，淙淙然珠之盘而雪之舞也。土人名之曰龙山。留语公建刹其中，乞余一言为前导。余按兹谷为有宋江仲长隐居之所，即仙释高流曾过而问焉。或未著于简策，岂造物者秘其区不轻以予人？待夫遐心远韵与山灵相副者，乃以开山传人间世耶。语公诛茆于兹，将晨夕佳气开荡心胸，叠嶂层峦，深林曲涧，一往止观，无复车尘马足之扰。东来面壁，西去拈花，诂足多欤！余既喜山灵之有托，而叹名胜之无湮也。峨眉佛现手迦陵，智者显相于兰若，宗风宏畅，繁异人事哉！然而布金落成，开堂结制，尚有藉于长者。余他日按部至其地，相与把袂登临，辑邑乘所未备，则康乐游屐彷彿见之。斯地斯人，伊维传者。遂书以弁其首。

## 重修常山城隍庙募疏

孔毓玘

国家命府州县城隍之神位号，悉如旧制。说者谓幽则有城隍，明则有守令，阴阳各司其职，理固然也。于是普天下城隍之庙，巍焕有加。盖守令不敢慢神，而郡邑之士民亦得有所凭依，以邀福



庇，所从来旧矣。余莅任常山，自朔望行香而外，凡宣圣谕，祈雨泽，常与诸绅士并集于庭，至则悚然惕然，惟恐行事谬戾，或致干神明之纠督也。己亥冬十月，诸绅士以修庙请，余颇讶庙貌崇严，其事可缓图也。及月吉谛观之，则梁柱朽蛀，不久将圯。夫事败于需而功成于豫，不及此时亟为修治，直至颓废之后，始太息于谋之不早，悔何及乎？然则诸绅士之未雨绸缪，诚急所当务者。惟愿城乡士商氓庶凡仰叨神庇者，皆慨然捐贖，共襄胜举。自今岁获丰登，人无疾疫，神之福庇兹土，可操券得焉。盖幽明一理，余之言神听之矣。其各勉旃毋怠。时康熙五十八年仲冬之吉。

## 铭

### 居易斋铭

宋 濂

衢之常山有簪纓世族，曰鲁氏，盖出于宋参知政事肃简公贯之后。自亳而来迁，旧藏玉刻传宗印可验。其远孙文潜，念祖德深长，思继承之，种学积文，惟恐弗逮。州县察举其才，贡之中书，中书奏文潜才行雅飭，擢为侍仪舍人，迁秦王府典仪。将行，诣词林请，曰文潜读书之斋名曰居易。鄱阳周先生伯温为书三大篆揭之，愿以铭文为属予。谓居易乃素位而行，外物之来一归之于天，君子进德之方，有出于此者乎？是宜铭。铭曰：君子守分，如守百职。出位以思，乃德之贼。银黄三组，庾粟万钟。我合受之，不以为丰。衡门栖迟，藜糗是食。我则安之，不见其畜。此非在我，皆天之为。天则孔迩，我敢背之。或逆或顺，视之若一。心以道宁，不累于物。徇而弗察，非怨则骄。惟外之愿，而中则摇。触类而推，何往非正。其正伊何，安于义命。侃侃鲁生，文献之家。夙夜以思，揭德振华。斋居深沉，蛟螭作篆。前陈回溪，右撑翠岫。尔居居易，勿险与难。

尚慎旃哉，德将不刊。

## 赞

吏部侍郎魏缸公赞

周必大

堂堂吏部，世载其直。端笏垂绅，立朝正色。新经勿遵，和议敢抑。屡折奸相，疏清选职。戢和群帅，金虏载北。惠泽泉闽，忠贯社稷。请祠优游，明哲是则。

司农寺丞翁君赞

周必大

是时士气未泯，喧问迁客，议论时事，决非一族。微君以身捍蔽，则根连株逮，当起大狱，保全善类，非仁乎？君初被委，苟能避免，亦足取名，然惧小人代任，则于善类奚益，故诡词以承之。忠简之家赖以纾祸，非智乎？凡小吏忤二千石，罪或不测。公鼎镬在前，直趋勿顾，非勇乎？一物而三善，从可书也。公长不满七尺，语不能出口，见义必为，不择难易。轻财乐施，尝鬻田宅以济人之急。交友付托，之死勿背。为一尉已如此，向令践贵任，临大节，其所立必卓然不可及。

赐何初像赞

明湘王朱 柏

从容仁义，游泳诗书。学宗伊洛，德重璠玕。谦谦君子，惟道自娱。大放厥辞，佩玉琼琚。班杨董贾，公与齐驱。光风霁月，谁得公如。

朱夫子像赞

孔毓玠

康熙辛丑，定阳书院告成。余定期于冬十月二日，通传士子讲学其中。

盖此邦于有宋时考亭夫子、东莱先生浹旬会讲，其载在《朱子全集》、《吕成公遗集》者可考而知也。玃承乏定阳，土瘠民贫，事多棘手。幸居先贤过化之地，窃欲导扬前美，为风俗人心留一线命脉。而会讲之初，朱夫子遗像适至，盖同年李子滋霖为婺源校官珍重相遗者。或者斯文将启，故气机之感召不期而致然欤！乃率官师弟子挹衣肃拜，旋就席讲。毕退而为之赞。其词曰：

天降水精，祥钟阙里。亦越婺源，南北并峙。圣圣心传，千秋一揆。剖析六经，发明四子。何幸山城，地居密迹。游宦往来，人承风旨。东莱订期，浹旬聚处。接踵鹅湖，会讲于此。五百余岁，风斯貌矣。标以示人，居敬穷理。阐公微言，覲公容止。穆穆德辉，雍雍道履。元气流行，莫窥终始。肃衣整冠，再拜仰企。耸然就席，清风拂几。

## 《常山县志》卷六十七

知县李瑞钟修辑

## 文集下 记

## 重修学宫碑记

李瑞钟

学校之设，人伦风化攸关，非只为崇德报功地也。是故学校之兴替，政教之治忽关焉。顾事每废于因仍依违，即未有不成于几经观感激发之余者，则鼓舞振作之气之大可为也。然当鼓舞振作之既久，事竟有垂成而未克即成者，何哉？或曰时为之，势为之也。虽然，有志之士，时势所不能阻，故事当方辍，旋作一蹶复振，必底于成而后即安，鼓舞振作之机所由一发而不可遏也。此非时与势之所能为也。邑文庙旧在县治东南，明嘉靖间毁，改建今地。入国朝迄乾隆间，屡废屡修，凡十余次，俱详旧志。嘉、道间修葺无与焉。咸丰七年，前任李君鹏扬始下车，谒庙见梁柱朽蠹不支，白上宪，谋诸邑绅，筹费兴工，撤其旧而新之。又以门前逼近街衢，尘嚣不静，圜桥观听，殊形纷扰，因移明伦堂于后，稍扩其规。是年十二月，大成殿梁柱林立，規制粗具，题荣棗桷，渐次可施。明年春，粤逆突至，凡已成间架物料俱被毁。九年，李君维著莅任，估计改建经费，核与未收捐项，不敷甚巨，议仍旧制兴造，不事铺张。嗣是逆贼窜据无定踪，警报沓来，诸匠惶惧，屡欲停工。经理诸君处险若夷，监督如故。迨秋九月，殿庑方幸告成，忽贼警至，日凡数惊，应葺各工不能遽动。同治元年，黄君敬熙权篆展视簧序，椳星门内遍地砖石，殿庑泥土山集，稍事修剔，置神座其中，设木主，书至圣先师暨先贤先儒姓氏位次。规画甫就，藉妥圣灵。时间阍苦于兵燹，斗米千钱，营葺力有未逮。四年，张君文熠莅任，筹款治材，谋历新

崇，圣祠、大成门、魁星阁、明伦堂暨名宦乡贤两祠、庠庖悉备，并造东西两学斋舍。八年，潘君纪恩加以髹采丹堊，各工一律告竣。斯役也，前后动作凡三次，越岁十有三，知县事者凡历七君，董其事者则徐君鸣盛、云鹏，李君荣，徐君制锦、廷燮、壬林、鹏举，高君冈，徐君春溶，詹君栻之。诸君子其间或存或亡，或乡居或远适，未与成功者有之；而咸丰九年一役司出纳通财用，历著辛勤而不辞劳勩者，则云鹏与荣二君之力居多。光绪六年，谭君恩黻复于内外泮池之圯者砌之，淤者通之。自咸丰七年至今二十余年，诸君子迭费经营苦心，宫墙咫尺一旦卒睹全模，可不谓有志竟成乎哉！徐君钦斋鸣盛为予言之，历历如睹，又以见徐君好学之深，与其乐善之公心，有非小儒狭隘之见所可同日语者。今夏五，予复与志局诸君商议，改崇圣祠为明伦堂，以明伦堂极高地为崇圣祠，以示尊崇之意，势无复有加乎其上的！事详移建崇圣祠、明伦堂碑记。盖本木本水源之义，崇当祀之礼，复推当祀者所欲祀之心，以崇祀之也。秋七月谿吉动工，不匝月焕然一新，位置悉如制，可谓美且备矣。抑予思阳明先生有言，葺敝坏新圯墁，给匱乏警怠弛，此有司修学之事也。士之修学，以道德为地，以忠信为基，仁以为宅，义以为路，廉耻以为墙垣，六经以为户牖，求之于心，措之于行，以要诸实践耳。邑为宋儒讲学之地，流风未泯，民俗淳朴。兵燹后，士习尤极端方，植品励学，家声继起，弦诵勿衰，贤父兄之教育，与其师儒之化导，不敢稍弛。贤良之举盛事，安在不复睹于今日乎？凡我多士，继自今鼓篋雍容，优游涵泳，他日处为名儒，出为名臣，予有厚望，其畴不仰荷圣天子兴贤育才之雅化哉！是为记。

### 移修崇圣祠明伦堂碑记

李瑞钟

崇圣祠者，圣天子钦崇圣教体先师上祀之意，而因以崇祀乎其

先者也。我朝追封先师五代王爵，改启圣祠为崇圣祠，特典也。而崇圣祠必位乎大成殿之上者，显示天下以伦理之宜尊，而推尊所生之义为不容缓也。明伦堂者，国家本建学明伦之意，使天下人人明乎人纪人纲之大道，如布帛菽粟之切于吾身，而不可一日离者也，治之本也。所宜建之正大宽平之地，以为圜桥观听之资，亦特典也。考旧志，明伦堂原在大成殿后，而崇圣祠则在明伦堂右，非所以尊崇圣道体先师上祀之意也。后改明伦堂为崇圣祠，而于教谕堂前增两楹为明伦堂，后复移明伦堂于山半平坦处，则崇圣祠反居其下，于圣心似有不安。予承乏是邦，于今三载，每月朔释菜望日，上香，及春、秋二仲致祭来学。与学博朱君安甫昌泰、许君壬伯仁杰商议，改崇圣祠为明伦堂，以明伦堂为崇圣祠。祠高于堂，凡七级六尺有咫，所以重特典端治本也。因公未果。今春复与志局诸君子商之，诸君欣然乐从。秋七月大熟，乃议兴工，缺者补之，圯者起之，朽者易之。金碧丹堊，焕然一新，屹然于山半平正之地，而无与并尊者，崇圣祠也。每春秋释奠，朔望谒庙之始，必本先师上祀之意崇祀之，庶可以妥圣灵而昭伦理于万古也。豁然于山坡之下而可容数百人观听者，明伦堂也。每讲约宣读之顷，士民环立竦听，庶足以植彝伦于两大之间而不朽也。工竣释菜告成，观者如堵墙，率两学博与其群弟子之贤者而落成之。复进诸君子而语之以明伦之义。诸生緬宋儒讲学之余绪，以时肄业其间，斐然蔚然，弦诵勿辍，礼乐诗书，蒸成善俗。予乃顾而乐之。两学博属予文诸贞珉，予不能以不文辞，因悉次其事以纪之。

### 重建城隍庙碑记

知县周履泰

天下始事之人未有不欲为成事之人也，而天下成事之人又未必即属始事之人。盖事从乎力，而力从乎心。有其心无其力则事

不成，有其力无其心则事亦不成。有心矣，有力矣，而或心力殆尽，则事之几几乎成，而究难得而见其成，是必有负大力与诚心者出焉。图功攸终，乃克逖观厥成，斯成事之望也，抑亦始事之光矣。常邑屏山北麓，城隍庙旧址也。嘉庆五年，前宰彭公菊圃，中间若德公立斋、陈公晓台，以次率董事共襄盛举。君子以作事谋始，不可谓无其心与力矣，乃以九仞功亏崔巍，有待比泰来时，小作者已有年。每于朔望行香询知所以，慨然曰：作庙翼翼，灵爽式凭，既有以慎厥始和厥中，繄独无克成厥终者乎？未几而怀英王君果有承輿之志，于未竟庶工未修神貌一力肩之。而头门一役，几同创始，扩基址以壮威，施丹雘以肃望。丁丑肇造，逾年告蒨，廉其资费不下数千余金，欣然出之，无稍吝也。人每道怀英好义轻财，素怀乐善。余以为是举也，其力大，其心诚，其识有，以见乎其巨固非，犹是英豪慷慨之为者。今者首事诸君，固乐其相得益彰，即前宰诸公或需次会垣，或移辙邻省，而属望之意未有不与余同慰焉。继起之功亦伟矣哉！抑余闻之城成也。城池之谓隍，盖取保障斯民之义。是以明初昭郡县立学后，即敕都会郡邑咸奉城隍神。国朝因之。兹王君以独力嗣兴丕成轮奂，由是凜拜展以景神仪，宣训谕以厚风俗，祈晴雨以福苍生，守土者实嘉赖之。又况积善余庆，理有固然，百祥之降，予不将为王君操券欤？

### 修建城隍庙记

徐德裕

圣人以神道设教，而阴阳分理者，惟城隍独濯焉。凡御灾捍患，以护国佑民，莫不惟神是赖，则灵爽所寄，不可不整齐而严肃矣。邑之庙旧在北郭浒前，明万历元年，邑侯郝公始移建屏山东麓。国朝自顺治迄乾嘉以来，次第修建，规模极为闳敞，载在志乘，彰彰可考。咸丰年间，邑人虑其久将圯，方鳩工修葺。适粤匪窜

境，迭肆蹂躪，遂至殿宇傾偃，兩廊暨亭台蕩焉無存。同治己巳年冬，余奉檄來莅茲邑，次日祇謁邑神，瞻拜之下，心焉惻然者久之。然誠信未孚，弗敢舉也。越明年，幸雨陽時若，民氣安謐，爰集在城眾紳士商議，設局會同各鄉庄紳士，分勸捐資修建，用是庀財物具畚築，量功課日，以授匠役。經始於庚午年十月，迄壬申年三月而告竣。中大堂，後二堂，二堂右寢宮，大堂三楹，前牌樓，頭門十司殿，殿下行香，官廳撤朽腐為新壯，加漫漶以髹采，巍然煥然，視前有加已。大堂右邱公祠，左右鐘鼓亭，兩廊長樓暨酬神合樂之台，均購石於山，采木於林，壁壘新焉。計用白金六千有奇。是時襄事者十四人，每日監督工役無少懈，且輪備餐飯，不動支捐貲分毫，其潔已奉公如是，以工巨而費約也。今者聿觀厥成，余喜斯舉之能恢前制，并喜諸君子之相與有成也。是為記。十四人：徐鳴盛、張執禮、徐雲鵬、詹如潮、陳社堂、徐軼俊、徐肇基、徐炳熙、徐維翰、徐希俊、王家瑞、許文耀、詹瑞錦、徐籲俊，例得并書。其捐貲助役者則附名於碑陰云。

### 重修文昌閣并置祀田碑記

邵志謙

《史記·天官書》：北斗魁前戴筐六星，曰文昌宮。蓋天府離宮也。以有司祿將相諸名，故以明晦占文運之隆替。又舊史梓潼張氏居七曲山，仕晉死事，人為立祠。唐宋屢封至英顯王，然皆祀之於蜀。鄉先生沒而祭於社禮坎。厥後以文昌六星與梓潼張氏合一之，謂上帝命其掌文昌府事，主人間祿籍。元世加崇帝君位號，此廟貌之所由設也。其說雖始於道家，然《天文志》所載景星中周伯蓬芮，乃上古高士；列宿中傅說、王良亦盛世賢臣。蓋乾坤清淑之氣，在天為星辰，在人為忠孝，聖賢星降而為人，人還而為星。則張氏之為文昌，亦理有可征者。要其扶綱植常，牖民覺世，陶成天



下,使人人有士君子之心。则名教儒者,尤宜与斗中孝悌王并肃俎豆于千禩,故天下学校皆祠祀之。吾邑文昌帝君祠在学宫西北数十武。康熙间中州堵公治邑时,诸前辈聚资创建,即以堵公附焉。吾祖静园公实董其成,迄今垂六十年,几至倾圮,学博沈公委诸同人修葺。吾家复效奔走,于□年□月竣事。爰每月积青蚨买膏腴,供春秋粢盛及守事修理之费,庶几永永勿替。然岂如斯而已乎?亦期于执事有恪之余,濯濯乎其在上,奕奕乎其左右,如仰圣模景贤范,必以纲常自励,以忠孝自勗,言有坛宇,行有防表,斯卓然为名教有赖之人,不至裔宇嵬琐,负疚清议。吾知明裡孔时,帝君其右享之,若夫科名福泽,则阴阳之和不长一类,雨露之濡不润一物,君子亦尽所当为者而已。帝君岂能为我辈私哉?遂次而泐诸丽牲之石,至同事姓氏例得连书,田亩邱段则刻之碑阴,以垂久远云。

### 重建关帝庙记

知县李象昂

今天下祀事,自中国以迄乎四荒遐裔,无间于官私,所在皆是,未有如帝庙之盛者。夫诚能动物,闻诸子思氏矣;气塞两间,闻诸子舆氏矣。是二者,非犹夫翬翬尔,桓桓尔也。诚必曰至,非气以负之,孰与充其量而无余气,曰:浩然,亦惟根柢于诚,然后有以盛大其出而无尽。自古至人参天立地以立极,盖莫不然。然由后以观,道存功存教泽存,则其人自存,而所为存于莫测,大都在若隐若显。惟帝之神,乃历千六七百年长存而弥有赫,岂不以生平志所欲施既多未竟,而一代史书又不能传其真于天下后世,故郁极而宣之气体至诚以周流于天覆地载,人迹所到之区,遇物则犹有见欤!帝之庙于常山也,遍乡邑无算也。官所将事故在邑西南文笔峰之麓,道光己丑,象昂宰斯土谒焉,病其久不葺,上栋旁楹穿漏,几不蔽风雨,乃偕僚属集邑绅暨多士谋所以新之。而余君廷梁、徐君广厚、王君

廷潮、詹君朝魁輩遍以諗于邑人，邀帝之靈，皆欣躍輸貲以助，為錢凡六千緡有奇。委材于己丑八月，集工于庚寅三月，迄辛卯夏六月而斷手。前為飡殿三楹，其前為兩廊、為回廊門三焉，外周以崇垣，后為啟聖殿三楹。堂庑之恢闓，輪奐之堅美，前此未有也。工未既，敦匠諸君來請曰：是地也，昔為靳太守祠。乾隆初，詹君錫嘏因以建帝廟，而祀太守于后之別宇。詹君沒，好事者又以配太守血食焉。太守名樹德，康熙中官衢，多惠政。詹君亦邑之善士也。眾咸謂繼今不可以無祀。象昂曰然。其祠靳公后東偏，詹君之配食如故，以從民望。諸君又曰：凡作于前，懼無以因于后。則惟補苴之乏人，故有其人，又乏貲故今計所費去所釀十之九，其羨者或可以營十一，為歲時塗暨須乎。象昂曰：然，是在諸子矣。落成之日，象昂舉酒勞諸君。諸君復請曰：吾常于三國為吳地，去蜀蓋數千里，帝之福我佑我，乃不異于蜀人。豈眉山蘇氏所云：水行地中，無不在者耶。象昂曰：然。退而本所聞于《中庸》、《孟子》書，夫人能讀之者疏其義，使咸易曉，且為紀其始末，俾鑱諸石，別有瓌志附勒于碑陰。

### 捐修常邑武廟碑記

補用協鎮余朝貴黃岡人

浙衢常邑城西武廟，建自前朝，代遠年湮，未及深考。第觀其廟宇巍峨，規模宏敞，煌煌祀典，振古鐸今。迨粵匪蔓延，燒焚殆盡，是廟之舊制猶存，蓋武帝之靈為之默佑者也。予于乙丑閏夏，奉檄率同新湘五營駐防常邑，以固浙西邊陲。因藉是廟，屯積軍裝、糧米，往來昕夕，見其椽桷朽腐，檐庑破殘，兩楹之間半為瓦砾，恐其積久傾頽，難于為力。爰商之胡君潤生曰：武廟如此，何以肅觀瞻而崇祀典？胡君欣然樂從。于是，邀集周君存義、夏君湘州、楊君朗山諸同人，各捐囊金用加修葺，就其不完者補之，將傾者整之，非敢云克壯前猷，庶不致于廢墜。工竣勒石，謹書首末，仍冀后

之同志者续修，以垂不朽云尔。是为记。

### 重修西峰寺记

知县李瑞钟

西高峰自草萍蜿蜒而来，两翼欹侧，拥护山城，为县治来脉，遐奇灵贖于此钟焉。下有寺，在堵公墓迤北十数丈，为八景之一。晚钟一杵，峰头夕照，荡为烟云，诚林泉胜境也。寺创唐垂拱时，历宋、元、明，迨国初，凡六七建，卒不能没者，盖一邑灵秀融结于此，山势停蓄，气为一束，精华不至涣散，故历久常新也。予于春、秋二仲，在寺设坛，祀社稷，并祀群神，非求福也，为吾民禱除灾沴，祈丰年也。兵燹后，断础颓垣，仅此殿楹数间，半就倾圮。顾下车伊始，当务为急，修葺未遑。癸未春，召邑绅谋所以振兴之。偕陆君子泽捐廉为倡，诸绅商亦乐为捐资，庀材鸠工，数月工竣，焕然一新。中塑弥勒诸佛像，山门署曰西峰寺，前殿左一院书“庆安福地”，内耳门额曰来青，曰延绿。中有轮藏阁故址，寺僧募建小楼三间，规模狭隘，予因辟为精舍，广其楹，敞其轩，署曰爽岩轮阁。阁前旧有放生池，浚之深五尺，扩之广三倍，甃以石界以栏，杂蒔花木数十株。山鸟一鸣，檐花乱落，苍翠时复一滴，周围缭以回廊，左角翼以危亭，榜曰听泉。泉自阁左一线入池，互为吞吐，溢其余出亭下，仿流觞故事作数曲，出山门傍石岩下分灌农田，犹时作烟霞气。劝课余闲，偶与士大夫雅集，煮茗联吟，清谈治理，获与田父野老相慰问，备悉民间疾苦，又奚止为一邑风水计哉？是役也，董其事者为茂才吴鲤庭、詹定澜、徐儒臣诸君子，法得并书。

### 乌石山寺碑记

知县孔毓玘

僧寺之建，始于汉，盛于唐，迨今而滥觞已极矣。无论福地洞天，仙真之所窟宅，神物之所栖蟠，莫不有琳宫梵宇，星罗棋置于其

間。即十室之邑，卷石之峰，亦往往而遇，蓋五宗一炬，深中人心，雖有聖明莫由息其焰矣。特其人果戒律精嚴，法行清苦，因而辟幽邃之地，成布金之園，則亦足以增益名勝，粉飾治象焉。余前之令常也，有修志之役，見常山叢爾區而寺觀不下三十餘所，其外或旋興旋廢，或僻陋未列志書者更復不少。茲所稱烏石山寺，乃桑門性雄創自康熙戊午年間者。性雄俗家團村胡氏，移居石村，素有孝思，葬母茲山，一徑紆僻，間隔俗塵，而谷中則幽深夷曠，木石清疏，遂削髮披緇，誅茅構小庵居焉。歷十餘年勤苦焚修，鄉人感之，由是銖積黍累，建殿宇，置庄田，而容膝屠蘇居然成阿蘭若矣。性雄入窳堵坡，規制未備。其徒天緣偕其徒孫遇紅踵而成之。凡其師所未建者以次告竣，且恪奉師法，苦行拮据，未嘗募一磚片石以自肥也。夫所惡于創興佛舍者，以其假慈航為射利之資，挾衣鉢為殖貨之具，誘愚魯之民奪其父母之奉，盈千累百，充飽私囊耳。若不擾民不惑眾，師若弟，善作善，成如是，則豈非旃檀林中一美舉哉！歲乙巳，余門人姚子舒源、邵子牧村過其地，天緣介以請于余，余重違二子意，聊為述其始末。因憶昔修志時，天緣胡不早言，余將編入邑乘，為常山增一勝境也。勉之哉，詒謀圖其可久，清規守而弗替，安見無大智慧者出于其中，振宗風，轉法輪，而葱嶺猿江不再見于此地也乎！是為記。

### 重修保安院碑記

程 斗

常山謝源保安院，故吳越侍御史江公之香火院也。初謝源有故院基，其廢興年代不可考。至侍御時，為江氏業，遂創院居僧以奉香火。越百五十九年修，為僧文雅，而六世孫奉議郎知餘姚縣褒等助之，徽猷閣待制北山程俱記之。又二百六十有二年以迄今，僧文茂等復修之，十一世孫以平等復助之。十二世孫徵來告曰：創院

本末，前记备矣。然自始创及今四百二十有一年，所以久而不泯者，以待御之德在我子孙，世世有人推其余力以及浮图故也。呜呼，微大人之德，何以及此乎？斯前记之所未备，愿有述焉，为诵东阳张枢所作《江公沉籍记》。按枢以史才名一时，后数年朝廷修宋、辽、金三史，征枢至史馆。叔载先生斗师也，闻枢被征，将置书礼，因枢上其事，既而枢不赴，征黄君潜。潜虽太史亦不果载其事。斗执经先生前闻先生述枢之言，历历能记。呜呼，江公之德不惟国家赖之，而庇其子孙，浮图亦赖焉。史既不及，谨录之俾刻于石，以待后世史氏之拾遗，且使其子孙登侍御之祠者知所以世其德云。枢字子长，焞字子明，叔载先生讳垢，与从弟孚起皆以理学名当世，时人号为三江先生云。铭曰：

谁谓上天，其远漠漠，善恶之报，知必种获。若稽古昔，小人聚斂，邦本以踣，身且不恤，遑恤其后。景房沉籍，方贖减赋，宋氏得民，以延厥祚。仁人之泽，施于国家，及其子孙，洗洗绳绳，冠盖盈门。瞻彼谢源，惟宇岌岌。江公作之，子孙是葺。子孙绵绵，以德而延。世有葺者，院则不蹇。院之不蹇，视原之石。呜呼博哉，江公之德！

### 常山浚修城河记

赵光

天下之水利莫便于东南，顾有其废之莫或举之者，岂果急公赴义之人寡欤，抑司土者不身为之倡也？常邑据浙上游，环山多陆，水清濼浅，故泉源陂泽之利较他处为杀。而楚粤之人浙者，肩摩毂击，皆缘城河通舟楫，实为水陆要冲焉。其水自北来者出开化，自南来者出江山，二水交汇，凡城垣之拱卫，民田之灌输，咸赖于是。在明景泰、天顺间，北水决而外泄，邑宰张公泽有金川坝之筑。国初，南来之水亦泄，项时亨大令增筑石坝以护之，因名项公坝。迄

今历岁久远，潦水所啮，土涨而淤，邑人士与官斯土者虽各有志疏浚，会以事不果行，盖相沿失修者又百数十年于兹矣。吾乡戴子中明府，以干济才来令是邑，甫下车，慨然欲复其旧，既而政通人和，民力休畅，徇士绅之请，起乙巳冬月，迄丁未冬月，而功以告成。适余校士来按三衢，属为之记。余惟两间美利，恒资水以为用。其河渠沟洫一废一兴之故，时与地脉衰旺相乘除，故古循吏悉以是为先务。然而滨河之氓常惮畚鍤之劳，坐视其沙淤石积，日就于涸，甚或资其播植以生，聚久则侵为庐墓。后之人即欲复其故道，而嗇于费，艰于力，格于势，又乌乎复之？今则不烦于公，不伤于民，倡者先呼，输者乐应。其侵占为庐舍者给资以助迁，更于岁晚务间借用余力，故能说而忘劳，令不扰而事集。是役也，桥坝河身挑筑丈尺与夫捐用款数，既勒之于石。大吏且将请于朝，以旌其劳。余益信急公赴义之果不乏人，而莫为之倡，则无以告厥成功也。长斯土者，因时利导，俾勿湮勿坏。圯者修之，塞者浚之，民享其利，永永无穷。是又子中浚修之意，而重望于后来之贤有司也。是为记。

### 重修大路记

知县张祖基

由常邑至草萍镇为陆路，凡四十里，商旅往来孔道也。岁久失修，行人苦之。邑绅士商诸余，醴绅商之资慨然兴修，经始于道光甲午年四月朔六日，落成于乙未六月晦日，计费制钱万有五千缗。砌以石不以土惧倾圯也，填以沙不以泥防雨淖也，中高而旁下虞积水也，呈请宪示严禁小车绝祸本也。董其事者，余君廷栋、徐君广厚、詹君朝魁、周君绍濂、徐君鼎元、詹君殿元、徐君鹿鸣、许君坚、詹君作珍、张君文铨、傅君启惠也。事既竟，请余记其事。余曰：事莫难于创始也。余谓创始犹易，而守成实难。创始者一鼓作气，聚精会神，事克举矣。守成则非思患预防，忧深虑远，鲜有能善其后

者。小车蠢动，非严以惩之，势必日炽，而路立败，雨潦冲损，非速为葺之，势将瓦解，而费益巨。涓涓不绝将成江河，毫末不札将寻斧柯，防微杜渐之谋不綦难哉！余与诸君子既为其易矣，其难焉者，是所望于后来诸君子。

### 重修常山大路记

吴文榕

常山为通江右孔道，与江右玉山共八十里之山，而常居其半。驿报之传送，商货之运输，踵相接肩相摩也。途皆甃以石，岁久多圯。属常邑者未及修复，行者病之。戊申秋，予自江右幢移来浙，道出此山，亟思修治。爰倡议鸠赀以属权县事阮令，遴邑之绅士董其役，缺者补之，泐者易之，危者使夷，欹者使正。既竣事，将纪其本末以垂久远，乞予一言弁其首。予惟崎岖之跋履，于役之困也；道路之不治，亦守土之责也。斯役也，经之营之，阅十余月而告葺，得捐资白金共一万三千六百三十六两有奇，费于工者八千一十九两有奇，余置产生息为岁修计。继自今葺之，以时勿使废坏，挺挺焉，坦坦焉。行之而利，履之而安，岂非守土之吏与往来于两省者所共快欤！予嘉阮令及诸绅士之能相与以有成也。因不辞而为之序。

### 重修常山通玉大路记

刘仲琦

常邑居浙省上游，与江右玉山界，路距四十里，为八省通衢，士宦商贾络绎不绝。自前明嘉靖及国朝乾隆间，两次兴修，严禁小车俾勿驰骤，行人称便。迨道光十四年又修复之，迄今十余年，日渐损坏。戊申秋，余因公到常，目睹道路之坏日益甚，与邑侯戴君嵩年议思修砌，以利通行。惟经费浩繁，必资众擎之力以成巨工。是时，吴大中丞由豫章来抚浙省，余以通玉大路亟宜修复，缕晰陈之，吴大中丞嘉斯举焉。时戴君调署秀州，有志未逮，继阮君恩洪来宰

是邦，余复以修路之举谆谆商确。阮君下车以后，即毅然以为己任，遂慎选董事，择日兴工。新任草萍司巡检顾君锜委以镶办，与阮君和衷共济，悉心讲求，大工乃及时兴举。彼都人士及他省之贸易于斯者，靡不踊跃乐输，醵金捐助，爰是鸠工庀材。自常邑西门外起，至玉山交界之草萍止，计程四十里，分作四段，每段各立董事分司其事。先铺砂砾，中用条石，旁用块石，一律修砌完整。起工于戊申十月，蒞事于己酉仲冬。勘其修法，督其工程，较旧式尤为坚固，往来之人藉藉称书。《易》曰：履道坦坦，不其然欤。又玉山接壤处，向有巡检衙署，于嘉庆七年坍塌，故址尚在。吴大中丞捐金首倡，余与邑侯阮君各捐廉俸助，乃重为建复，以资驻防，同时告成。是役也，各绅董勇于从事，殊属好义可嘉。而邑侯阮君与巡检顾君劝捐有方，朝夕督工不辞劳瘁，俾工竣而速，二人之力居多。仍严禁小车蹂躏，勿令复蹈故辙。从此行人乐由荡平之路，而无跋涉之艰，诚盛举也。因述其颠末，而为文以记之。

### 重修常山大路记

知县阮恩洪

常邑居浙西上游，与江右玉山相毗连，路距八十里，两邑各辖其半，为南北孔道，仕商往来，驮运络绎，几昼夜无停。使非时加修筑，何以便商贾而利行旅？溯自道光十四年前，县张公劝捐修砌，时值委办海塘要工，同时并举未能兼顾，率尔竣事，迄今十有余年。车辆蹂躏，路悉洼陷，担簦者多倾折之虞，雨雪时备涂泥之苦。戊申之秋，余捧檄来权常篆，会抚宪吴由豫章移抚两浙，途次迎谒，即以修葺大路面加谆谕，嗣诣郡垣谒府宪刘，亦以是举为当务之急，于此仰见两宪体恤商民，惠周四境。余忝膺民社，更属职所当为。下车日早已悉心筹画，无如工巨费繁，户非饶足，若藉蕞尔一区势难创举，而商民贸易艰辛，深宜眷念。于是，谋诸邑绅广为劝谕，并



令各行家仿照玉山提厘旧章而酌减之，赖众擎之力，图久远之谟，询谋佥同，商民踊跃。乃于常山所辖之四十里至草萍界止，画作四段，每段各派绅士专司其事，设路工局，择公正廉明者董理度支，分任鸠工。圻者补，塌者益，狭者扩，凹凸者平，路旁铺砌碎石，路心换用条石，以冀历久坚固。新建凉亭一座，圜桥一座，修葺凉亭十，石桥十一。共计捐钱二万七千二百七十三千零，实用钱一万四千八十九千九百零，余资置田地塘三百五十六亩七分零，岁约得租额七百零石，并旧康庄会租额九十石，为岁修费。置买王姓仓房一，以为储谷、办公之所，善其后也。自东门外广济桥至三里滩马头，为商贾水陆必由之路，旧本泥涂，去夏山水陡涨，近河一带尽被冲圯，行旅肩负踣躅堪虞，又从而修砌之。缮东即以全西，亦前人所未计及者。草萍旧有巡检驻防，职司捕务，稽察奸宄，盖即古典兵之任，职亦匪轻。嘉庆七年，巡司衙署圯废，后移居城内，鞭长莫及，巡缉为难，以致挑夫偷窃之弊日渐丛生，殊非设官分职之本意。是以抚宪吴与府宪刘筹议路工，并思及此，各捐廉为倡。余亦随同捐廉雇役缮修于榛莽中，清旧址重为鼎建，然措备无多，甚形支绌，因思复巡署，以便稽查，于客商均有裨益。爰于路工告竣后，分其余资挹注津贴，工乃落成。另拟严禁挑夫偷窃及责成巡检稽查规条详呈各宪，并申前令永禁小车毋许碾损，以期巩固。是役也一载有余，余有催科听讼之繁，未能朝夕工次，时巡司顾君锷才识兼优，善于经理，巨细谘商，赖以匡助。邑绅董事三十人中，学博徐君鸣盛勤劳尤著，余亦经营尽善。起工于戊申冬十月，蒇事于己酉冬十一月，勘收各工一律完固。乃详记夫营缮起讫之岁月，金钱出入之实数，襄勤助力之姓名，以及善后经久之章程，备泐贞珉，以告来者，俾知经始由于宪意，输将成于众善。而余所尤望者，经费既余，岁修之资，毋庸另集，循而行之，毋侵亏，毋挪移。王路共遵，坦途

共履，日久月長，永永無極，豈不懿歟！若夫肅清境地，平治道途，固守土者之職也，曾何足云！是為記。

### 重建義園碑記

常邑居浙西上游，八省通衢，仕商輻輳。道光年間，朱君杏梁、李君信行諸前輩，于金川門外捐建義園，為客籍停棺之所，厝則例限周年，葬給石碑一片，規遵已久，人稱便焉。兵燹之後，拆毀無存，既贍生之不暇，何恤死之能為？邑尊徐以是舉為當務之急，出示勸捐重修，爰集仁人同肩義事于榛莽瓦砾之中，清其旧址重為鼎建，面南樓廳三間以為善最樂意，名樂善堂，為養病會客處。廳側倚湖築湖樓三間，以供遠眺，顏其額曰平湖一覽，仍其舊也。義園之西為暫停處，面水背山，平列兩進，每進約停棺五、六十具。下安石條，兩廊及上檐概用長窗以蔽風日，東傍為管園人住屋，屋後向有古梅數十本，每逢春初遊人不絕。今于空地周圍添砌短垣，以為將來補種梅樹地步。起工于壬申春三月，成事于是年秋九月。戚家橋向有涼亭一座，往來行人裨益良多，爰于義園告成，分其余資一并重建，各工完竣。是為記。

### 卷勺山房記

趙文煒

邵與趙并家金川之濱，望衡對宇，甚相洽也。邵氏世為儒門，至吾友肩宇益肆志力學，品詣蔚然。兩姓宅皆凭山，邵氏所凭者為鷺鷥山，自文筆迤西而南，一峰峭拔，岩石蒼秀，清泉一泓，殆勝吾家山數倍。肩宇于山峽構別業，顏曰卷勺山房，縹緗稠疊，硯几清嚴，邑中文人彥士咸樂聚為文酒之場。予以忤瑯罷官里居，亦往來無間焉。肩宇請予為記，予因思石一卷，水一勺，渺然小也，然天地之數起于一焉。知此一卷者非即泰岳嵩高之所胚胎乎？此一勺者

非即沧江海若所滥觞乎？肩宇自此来志不懈，学山而必至于山，学海而必至于海，则出云降雨说物润下，吾将不能定其所至矣。将安石不出，如苍生何固不获，以山房终老也。书已，片石迎人疏花如笑，泉流冷冷如琴瑟声，殆亦于予言有神契云。

### 长春馆记

萧 椿

南壁东明徐公雅好士，筑长春之馆，以接贤豪长者，车辙履迹，日往来于其园。公辄治具为欢，流连光景，穷日累月不倦也。孝廉某君，其先世隶籍东粤，以才雄一时，为人齟齬，削籍南归。归而家四壁立，君族富人素悦君者皆厌弃之，徐公独为倒屣，馆之别业，尊为上宾，人以为有朱家季布风。盖常山当孔道，独徐公称贤主人，吴越间才士如东海屠君、西江张君辈皆数过君园，题咏其中，至低徊不忍去。予自豫章入越，再游公园，则亭馆台榭益飭治，诸花卉、竹石、果树之属益增植焉。予与公登台而眺，临流而赋，把酒列坐亭中，倚觞为歌，松涛篁雨答响相应，恍若旧游，致足乐也。公乃命予记之。萧生曰：予少有四方之志，壮游吴越间，足迹几遍东南，控遐吊古铜池金谷、丝障钱埒、平泉绿野之迹，荡然邈矣。即世所称王公贵人、游闲处士、五陵三辅之豪，诸所建置备游观，非不瑰然而也。然要以娱目荡心，穷一己之乐，矜矜乎惟我有之，此未免为境累耳。自公有兹园以来，客无不过公，公无日不与客共乐其中也。夫天地蓬庐，人世泡影，花木竹石之变态，亭馆台榭之结构，皆幻境也。而拘拘者以为真，且据为我有，不亦累乎？公能自适其适，能令人与我皆适其适，斯无滞于境也已。公曰：善哉！客之言。然吾与若皆客也，吾将与若游乎方之外，胡恋恋乎一园为？既罢酒，又明日别去。萧生乃以其语寄徐公，为记。

## 挹翠軒記

李 膺

金川為閩浙舟車四達之會，邑西有峰圓整峭拔，嶷然摩霄漢，下臨孔道，東出里許為邑治，左馳下將百步為闌闕，交利者集焉。由是却而左入邃門幾數十步，邑士徐君實居之地，雖逼市廛，車馬之喧勿及也。徐君開軒為游息藏修之所，面與西峰適對，朝暉夕嵐，坐可攬擷。邑人言境內環百里皆山也，而莫若西峰萬仞鱗矗，中見浮圖。然吾邑居水陸要衝，地氣至是必扶輿而郁積，郁積必發，其發也必奇，奇固有所鍾，西峰殆靈奇所鍾。與歲大比，士率多領荐為顯官聞人，實茲峰之發其祥雲。戊辰春，予以使事客金川間，得從徐君游，嘗一再至其所，君指締構以語予曰：是未有以名之也。噫，西峰之秀甲一邑，而君軒不出跬步間，如延如肅，徘徊顧揖，如對而拱，群巘羅立，呈奇獻秀，若與軒為賓主者。然且邑居千室，而君軒獨領其勝，豈偶然哉？君字謙受，謙有山之象焉。天朗氣清，八窗洞辟，巾履緗裘，翠映碧浮，時雨既降，草木欣榮，烟雲出焉，蔚若翳穀，琴瑟觴咏，于焉俱宜。于斯時也，惟幽人靜居之，嘗繹朱子翠屏之章曰：目擊道存，君之受益，為何如耶？然非有高明之姿超出物表，則不能有是，茲殆天造地設，待其人而后發與。既為題其軒曰挹翠，又從而歌之，俾日哦而樂其樂焉。其辭曰：西峰兮岑岑，孔蓋兮翠嵌。有室兮北下，開軒兮西臨。芳菲兮襲予，蘭桂兮并馨。旨酒百壺兮，鼓瑟鼓琴。我歌孔揚兮，樂子之知音。靜者宜居于此兮，永愜素心。

## 翕和堂怡集圖記

金 純

凡人之情不難于合而難于和，蓋合可以勉為，而和必由衷出。和者，合之實；合者，和之著。故合有苟焉而合，迹雖比而心皆非

也。和也者，必心腹相孚，诚意交畅，爱憎取舍莫不允协，若五味之相济、大乐之合奏，无一毫乖戾之意，而后可。故处合在和，非和则不能久合。孔子之论乐曰：翕如也，纯如也。是亦贵乎合而和矣。人之不可以不合，而又不可以不和者，宜莫如兄弟。故曰：合必在于和，和之至而后能久合也。予友余君用章以书抵予，道常山徐氏之善，且曰：徐氏代以醇厚著名，兄弟四人，长彦温，次彦沃、彦用、彦正，并敦友爱，熙熙然堂庑之间，有事则相与议定而后行，无事则从容谈笑以为乐。与人交久而不变，积田至数千亩，家既饶裕，而所居在防郭之南，面山临流，宛然林野之趣，濯清泉迎凉风，甚自得也。于是，以翕和名其堂。予尝以句读授其子若孙，交游二三十年，始终如一。今诸老虽凋谢，而子姓无虑千余指，同居共处，犹悻翕和之意。见予恂恂慊慊，犹执昔日师弟之礼，可谓厚矣。欲申翕和之义，以益励其昆玉，而表诸老畴昔怡集之爱，于是即其居傍之景绘为图像，以归诸徐氏子，盍为我文之以弁其端。余于徐氏宿有宾主之旧，数登斯堂，稔与诸老游处而目击其实者也。顾以薄宦驱驰南北，终不若用章之久且深。然用章于余最厚。徐之得用章，予实介之，则徐氏之贤，宜乎予乐道之也。重用章之请，因为衍翕和之义以复之。他日或与用章重登斯堂酌酒献酬，徐氏翕和之意熙熙然有加于昔，不亦乐乎！

### 留靴亭记

徐金陵

嘉靖六年七月，侍御西蜀杨公彝，字宗叙，巡按事竣，将复命，道常山。常民扶老携幼万数遮道，拜且泣曰：“氓所以有今日者，公之赐也。所愿留公永为怙恃，公不可留，愿留公靴。”公曰：“吾职则清戎，他政勿与，位则柏府，势与汝远，何德于汝，而乃若是？”曰：“去年夏，公始入境，自常抵杭莫非公土，则莫非公之赤子也。公念

无秋，谕郡上其状请减赋，而郡独外常，公批驳曰：常乃吾目所属者，曷不与焉？奏下获免五六。夫一赋奚足以尽公之德。公知有常民而不忍弃之，使蔽吾常民者有愧，而常民之情得以暴白于上下，所生者多矣。是公之德犹元气流行，不自知其能生，而常民则知由元气以有生，自不忘之，乌得不留靴以慰永感？且靴之留不留，何系于公之轻重，见常民亦能知感德者，何蔽之者独外之也。夫衢有五邑且蔽其一，公莅浙十一府一州七十二邑，而犹收常民以归之肺腑，可谓胞与无外者矣。且常邑不过公入境之始一见之耳，自兹以后势之相去甚远，公尚念之，而常民乌得不念公德公？故愿留公靴。”言毕哭声振天地，公与常新令叶君竦亦相对而泣，遂听其留靴，含悲而去。噫，金陵宦游有年，见民之感上有攀辕挽舟者，虽公昔日之令宿松亦尝有生祠，此皆亲民之官，不足为异。至于为侍御之尊，兼清戎之疏，而又能使民感而泣下留靴，实为大异。予故因常民之请，记之如此。

### 叶侯去思亭碑记

江应选

常俗畏法而好礼，旧称易治。近以令失其平，貽戩厥下，乃蒙汕上之名，民甚患之。岁丁亥，叶侯受命自京，浮议纷至，侯曰：“有是哉，吾阅民多矣。龙泉之鄙，慈溪之梗，无吾龃也。常山之民，非天下之民乎，奈何疑之？”既至，一行所无事，罔作好恶，人亦不得以毁誉干之。每举，辄求利害于民，务为调停便益。至其隐微之间，尤为清心寡欲，精白厥衷，未尝夺于世累。阅月，人情大洽，遂致官清民安之谣。俄而，家设木主，题厥四字，奉之甚敬。侯闻之曰：“眇予何修，乃克至是？虽然，我固知常山之民也。有如竦，一竭其心，而百里之内应之矣，况不为竦者乎？”自是益开诚布公，与民日亲，民亦日以为便，罔或携贰。明年戊子春，擢刑部主事，报初至，

闻者相顾夺色。旬日之间，犹或幸其不果，且谋疏于上，求迁其秩弗移其官。事未举而玺书已至，侯不可复留矣。民乃相与咨嗟叹息，不意今日果失父母。议者又或追恨前日之谣，以为暴之太早，成之太锐，而不工于自为，良可惜也。比行，老幼携扶而送之者以千数，曰：“何以慰我百姓？”侯亦为之感怆曰：“吾无以庇尔，重劳尔怀。今且有贤父母来矣，其无虑。”侯既行，人益思之不置，乃于观风桥西作去思亭，而代石为碑，属予记之。予惟侯之德，其在人者深矣。初令龙泉，恩信大被。尝以事至云和，儿童骑竹马来迎者数百，曰：“僻里愿过化之。”因为构竹马亭记之者，舒太史国裳芬也。其后更慈溪，声教尤振，未几以外艰去，民至今思之。太史姚维东涑慈人也，修《武宗实录》，列侯于循吏传，纪其及人之政独加详焉。此皆侯之德不可泯没者也。侯历任三邑，皆在浙中，惟常山最后，约仕宦及家居十有余年，故其充养日新其德，与政日益纯粹，被之者自以为不能忘也。故因民情而记之，俾勒诸石，以示永久。

### 陈侯去思碑记

徐登泰

先王之教弛而士罔知学，学不明故吏治弗古，吏治弗古，民生斯困矣。夫惟天命君，惟君命官，以义民也。义之弗克而顾困之，是携民而贼君以绝于天也，幸而去焉，民如去病矣，奚思之为？故善为治者义民，所以事君，亦所以事天，不幸而去焉，其德泽固在也，民思弗忍忘。是心也，三代之直道也，非有私与伪也。常山隶衢鄙浙，而通两都达八藩，繁剧甚矣。力役供需，日不暇给，民滋罢敝焉，吏于兹亦艰矣哉！嘉靖庚寅，惠安宾峰先生陈侯来为令，公恕端恪，夙夜匪懈，谓事不扰则无繁，民不劳则无罢，财不渔则无敝，乃厉廉洁，总体要，谏疾苦，裁夫役，宽征敛，时赈贷，恤无告，铲奸蠹，凡厥区画胥愜輿情；民既浸苏，则申飭训典，劝学优贤，薰其

化者咸耻干于正。岁壬辰适修邑版，虑任人致弊，乃屏居闲静，躬自裁定，阅月而底成。邑有废寺田，久没于豪猾，而逋赋数百石，岁烦追赔，为一方无穷之患。后历其地，按籍稽产，惩僭垦荒，得故田十之八九，复为厘正其赋，民用不病。旧廩多圯且匱，侯听政以赎金缮廩而实之，赎粟以预积储，后常饥，赖以济全活几万。余家城西，界玉山四十里，陆有洼处，值雨辄淖不可行。侯出资为倡，募有力者僦工砥之，行道便焉。性宽平，每折狱，无忿詈，无苛责，亦卒无所枉，远近感服。郡邑承平既久，吏趣办目前转习为操切，以伤元气，侯惩之，虑深图永，卒成惇大之裕。然法慎纵贷门，杜干请，公暇，垂帘晏如也。政既成，厥声四著。甲午秋，以报政之京，适迁温倅以去。民冀其复来，而不可得也。属泰为文，刻碑以识之。夫侯德政在人，无庸佞矣。抑按泉志，侯先大父某先生，由名进士，累官参藩，以清谨闻于时。以是而溯厥渊源，其渐涵深矣。然则，谓政不本于学，而学不由于教，詎知言也哉？若侯之抱负，诚获大用，以究厥施则，所以匡吾君以承天意者，何如邪！惜也，位未滿其德，而功犹限于势。吾惧史之或逸也，故识其大者于石。继为是邦者可以观，可以兴矣。侯名炜，字伯昭，闽进士，宾峰其别号云。

### 司训洛祥吴先生去思碑记

徐可求

夫名以行著，所从来久。挽近位隆则誉隆，而豪杰之士沉沦下位而名不称，不可胜纪。乃其诚心质行，表人耳目者，卒亦不能忘也。余兹有慨于洛祥吴先生云：先生以明经司训常山，余以邻壤得接其眉宇，温温其恭，知其为有道人矣。及余与常士游，谆谆道先生之行，异喙而同辞。其言曰：先生之行，不翊易今人之所难，而有古人之所希有。如与同官者处，令人厌纤趋，不免矜慎伎。先生开心见臆，刚不吐柔不茹，故人不見其亲而自爱敬之，久且靡厌，斯非



先生之独行乎？其接诸生也，无少长无贤愚无丰啬，一以礼相接见之者，人人满意去。而时捐厥俸以周贫士，惟恐人之或知也，斯不亦今人之所难而先生易之者乎！时同宦假先生之舆以异过客，客有篋中金数百置焉，既去而归舆，先生勿知也，旦起乘舆见篋金在，亟报官人追还之。左右曰：是乌知失金所乎，其还之也。先生曰：“嘻，古人畏四知，吾敢负吾心乎？”同宦大服，而与人获免于戾，岂非古人之所希有者乎！而诸生之德，先生又有大焉。学使者行郡县，必别行之优劣而赏罚之，先生止疏优而无劣，学使者督之急，郡长吏金为先生危，先生徐应曰：“职惟见其优不见其劣也，宁引罪去，敢污蔑善良以希上旨？”卒不报。此与皇甫威明、史公谦二君何异，又岂非古人之所希有者乎！矧先生以诚宅心，以恕待人，故行孚于上下，虽至舆台贱隶，靡不口先生不忘者。莅任再期而造膺嘉奖，嗣后久旷直指，以故满考，声籍甚而莫以上闻，仅循例迁谕萍乡。常之士念先生之去不可留，又思先生不置也，于是砉石而谒记于余。余惟今之仕宦无奇，而丰碑窿碣巍然道左，盖势之所在，人争趋之耳。先生一校职，其势何足以动人哉！余故嘉先生之德谊过人，而又叹常士之行直道，非趋世贾声者也。遂为之记。先生讳廷叙，号洛祥，处之庆元人。万历四十三年乙卯十二月日记。

### 王侯署篆去思碑记

徐闻夏

民情于绾组分符者，日久而泽浹媚兹，犹易至暂。而摄篆每预以小人腹度君子心，索瘢腾议之不已，何言见休。况时事多艰，才长日短，欲令急迫愁叹之声转为歌颂，民岂易驯哉！孰意常民乃惠邀王侯也。侯以三山名流屡振铎，五陵风教被及已。所在苏湖，而比地西河矣。一时铨例参军为广文乔转，侯仅得衢幕。当道雅贤侯以龙渊巨阙，非试之水断陆剗，无以见锋锷，常篆因借恂焉。常

固羸邑也，乙未之歲漂廬焦石之慘，洊至駢集已，觸目砂磧而遍嗟云漢矣。入閩戎馬復屯牧匝月，蹂躪搜掠，栉比無遺室。寇乘兵後，嘯聚四起，火人居，孤人子，遍村落絕雞犬聲。地方之毛骨既盡，然歲納額賦分應上供，不能以石田寬也，督逋憲檄又絡繹而下。嗟嗟常民！剝膚有骨，補瘡無肉，悲鴻雁而思樂郊，有胥溺而已。乃侯固醫國手也，念常之消耗病在元氣，攻治稍急，百診斯集，惟調以和劑，鎮以清寧，沉疴且就平。故諸所擘畫，汰除煩刻，而一意休養為務，去害馬，斥假狐，摘發不事，蒲刑示辱，功曹取給，書牒鈴下，僅奉傳呼，不令游詞誦張而墉鼠之奸息，不以無菽誅求而政虎之苛塗，養民全力以辦歲輸，影射乾沒之蠹無所施，惟是江有水畦有匪以充使君之廚，他無煩焉。蓋至是而鄉市之魂魄始寧，居廛出途各安其業，且休征叶應，雨暘時若，交慶而賡，黍苗伊誰賜乎？休哉，侯也。風雨飄搖中，廣夏以為蜚幪，雖如毀也，而有孔迯矣。他如勸賑活飢則青州之鄭公，捐俸助衿則麥舟之忠宣，剪寇而枹鼓不驚則洛下之董宣，招垦而流亡安集則清源之崔衍，種種美政不能縷舉，皆才謂克優，亦特侯緒余耳。侯廉平勤惠，披襟示人，不詭近名，曾未浹月，生我之戴遍窮檐，豈私昵哉？施以誠衷故入深，惠以當厄故感易，浸假得竟厥施，單父河陽豈終專美哉！昔人云：不履其境不知其事難圖也，不际其時不知其勢易窳也。茲之水旱并臻，兵寇交讐，公虧而私匱，支左而掣右，已履其艱，际其窳矣。侯游刃有餘，而常之元氣遂藉以培。邑父老以從來署縣無如侯賢，式歌且舞，遂勒石以志永懷。仆毫無文，愧不能宣揚盛美，摭其概明。子弟于父母，言言切確云爾。侯諱威玉，号閤冠，丙戌拔貢，閩之侯官人。

### 堵公墓碑記

知縣庄葆誠

且自古有德化及民，而能使之愛慕不置者，雖一草一木之遺，

民犹斤斤宝贵以示毋忘。召公舍甘棠，而民皆相戒勿剪伐，其明证也。又况兹之僦然在墓者，固神灵之所寄哉。然而荒烟野蔓日近萧条，断陇孤邱遍吟樵牧，其故何耶？盖由都人士忽于修葺，而邑宰又不知表而记之，世远年湮，后之人将无所考于夕阳衰草中也。岂不哀哉！堵公为常之名宦，自公没后迄今百数十年，常之人称公名犹嘖嘖不置口。余始下车之日，谒公之祠，睹公之庙貌，读公之传，知公之政绩。闻公之名，想公之为人，而犹未知公墓址之所在也。今年春因道出西郊，见有累累荒冢杂出于荆棘中者，李少尉小竹遥指曰：“此即国朝贤宰堵公之墓也。其旁累累者义冢也。”余因慨然有怀，愀然有感，归而详询邑中父老，始得公之本末焉。公姓堵，讳之竣，河南阳武人也。康熙间以孝廉来宰兹土，居官一以教养为主，民有疾痛则体恤之，有顽钝则劝谕之。其视民如家人父子，无所用其矜饰也；其持己惟勤慎廉洁，不敢有愧屋漏也。尝语人曰：“县令为亲民之官，人之弟犹吾弟也，人之子犹吾子也，岂徒恃鞭扑耶。”当夜巡视遇人于途，笑曰：“若不畏老堵耶！”闻读书声，必亲往讲画，曰：“读书以融会贯通为主。”其惠爱如此。当是时也，恶者知愧，善者知奋，外户不闭，四境帖然，公之化亦神矣哉！既没之夕，邑中人无不流涕道路嗟叹失声者，此公之留葬所由来也。嗟乎，吾观古之良吏，如汉侯霸、晋陆云，或攀辕不能去，或图像留其形，其动民之情，得民之诚，亦已至矣。乃至四郊会葬，万民深父母之思；百里侯封，千古传馨香之祀，然则公之德不更有盛焉者乎！爰为表而记之，使后之人有所谘访焉。是为记。

### 重建四贤祠碑记

詹培英

黄冈有三贤堂，祀宋忠简赵公鼎、学士范公冲、侍郎魏公叟，由来旧矣。岁久堂圯，不能复建者数百年。明嘉靖间，族弟子员詹涛

上书当路，请改白龙庵祀之，以寺丞翁蒙之配为四贤祠。不数十年圯而复建，寻颓且废焉。迨我国朝金溪陈侯莅，嘉庆壬申纂修邑乘，慨祀典之久旷，访黄冈遗址，欲仍旧而力不逮，乃迁祀于石崆寺赤雨楼下，岁时妥侑，习为故常。陈侯之移置赤雨，亦仿詹子之改祀白龙，有其举之，莫或废也。稽自炎宋南迁，中原鼎沸，衣冠奔迸，公等避地来常，遁迹黄冈山寺，唱和诗篇，备载简册，是黄冈尤三公灵爽所凭依也。嗟夫，夕阳乔木，空山流水，凡古昔名贤，衣冠剑履之所过其地者，尚低徊而不忍去。矧是院为三公同隐之处，存神过化，川岳耀灵，居其地企慕尤甚。由绍兴抵今六百余年，祠宇屡迁，故址荒墟，椒馨不及，何以妥游灵而慰邑人之思慕哉？按万寿庵为城北古刹，今樊子大鹏由武举任千总，解组归里，数往还焉。检得四贤木主，犹累累沉歆廊庑间，顾瞻恍然，有修废之志。爰纠诸信善江秉彝、江原岷、程文杰、樊胜群、何大灏暨寺僧严华等，醮金庀材，相攸庵右隙地，新乃栋宇，前后各厅事三间，夹以中亭，外为门，内为堂，安木主以妥神灵。虽规模粗立，而寸薨尺木胥赖檀那之力，尤人情所难也。落成之日，征记于余，因不辞芜陋，缕其巔末以饘诸石。

### 宾兴会记

李瑞钟

《周礼》：乡大夫三年则大比，考其德行道艺而兴贤能。此后世宾兴之典所自昉。他邑宾兴皆捐置田产，集成兴贤会。遇乡试年，分官举礼，而会内给资。常邑则不然，每逢省试虽循例钱送，而饮助无闻，以故应试者常不过数十人。同治三年，前任黄君敬熙念常地离省较远，诸生或艰于费，欲奏其技而不得，因捐俸为宾兴费。七年，张君文熠又筹画增捐。嗣后，新籍好义者亦量力捐输，惟城乡殷户捐事尚未遍及。计自光绪乙丑迄壬午，历科所分川资已用

钱一千六百，余千，又置田一百二十亩有奇。予来视于此四越岁矣，披阅宾兴案内，循环印簿，所载具悉。各董事殚心经理，积累无遗，于照章分资外，复能增置田产，殊堪嘉尚。予于壬午、乙酉两科，备卷资为诸生劝，特小补一时之见耳。若扩充捐款，俾志图上进者不艰于资，愿以俟诸异日。

### 文笔峰麓双泉记

叶希迪

常邑文笔峰东北一隅曰黄土山，为汪氏原丈，其下曰积善巷，又曰双泉巷。自平冈下磴道二十余级，及山之翠微，有屋曰半舫。再下二十余级，西南曰月观，东北曰听涛，有复道与月观通，统名曰石桥书屋。周围缭以土垣，垣内竹树葱茏，嘉果纷披。左顾县治，屏山隐现，见贤侯敷政之优；右盼溪河，樯帆出没，念商旅风涛之险。以外层峦叠嶂，星罗棋布，如出几席间。朝晖夕阴，烟云万状。每逢夜静月明，梵呗出林中，与塔铃隐相和语，潇然有出尘之想，亦城中一胜境也。山麓有双泉，冬夏不竭，泠然淦然，可鉴须眉，鱼虾游泳其中，荇藻荡漾其傍，足以涤除烦虑，畅适幽怀，洵可乐也。兵燹后，山则童矣，仅存古木数章，泉则涸矣，几至井渫不食。余与汪子藕仙忝有年谊，请记于余，以志兴废。余维平陂往复，自古为昭，汉苑秦宫，鞠为茂草，岂特一掬之水也欤！天道好旋，从兹贞元启运，水流山峙，安在钟毓之奇不复为一邑之光哉！故为之记。因系以歌曰：泉涓涓兮脉自分，峰挺拔兮势凌云。繫谁斡旋兮而蔚为人文。〔《晨眺》诗〕晨起开窗望，岚光隐隐浮。山高云气静，树密鸟声幽。翠竹堪栖凤，清泉欲泛鸥。待看明月上，照彻读书楼。〔《古松》诗〕郁郁老龙鳞，常留青碧色。葱茏不可描，天矫谁能刻。鹤去海门红，云归边塞墨。风从天际来，波涛任其逼。〔《双泉》诗〕异境辟双泉，何待长柄斲。石罅迸碎珠，微涡泻绿玉。瓶笙饭后鸣，甘冽我所欲。因知座上宾，长此留芳躅。

## 古冢方姑墓合记

知县李瑞钟

县署花厅后檐墙角迤左有冢，高二尺许，北向。旧立石碑，镌“古冢”二字。相传古烈妇墓，不详其姓氏。下二尺许一碑，题曰方姑墓，盖另一冢也，云系前县方公秉钧女，亦无确据。按：妇与姑有已嫁未嫁之别。既云烈妇，又曰方姑，二碑一高一下，明系二冢，不得混而为一。予履任初，奴辈见一女，淡妆丫髻，年可十二三，循墙而走，状若有失，倏忽不见，后无他异。方姑之说将毋可信耶！抑予有疑焉。果方公女碑，当为方公自置，宜书方氏第几女某之墓，未署方公名衔。即系邑人所立，方公任年未远，不至无考，亦当书云邑侯方公某第几女之墓。今第书曰方姑，即谓事在方公任时，窃疑是方公随任来常亲友族属之女，决非方公女也。予每值佳节，必命设樽酒盂饭，焚冥镪数事祭之。或曰：祭必有主，而后鬼神有所凭依，二冢无主，何依？予曰：县令一邑之主，二冢在此，吾即其主，安得不祭？祭必来享。昔陆士衡赋感邱谢惠连祭古冢，盖皆有感于鬼神之无依，而隐动夫悲慨之忱也。明月清风，凄凉五夜，白杨宿草，零落秋风，可勿悲哉！铃语通宵，早衙未放，曙鼓鞞鞞，时为呵护，贞魂旅魄，翻得凭依，而庭树阴浓，鸛音永革，山魃木魅亦不敢侵折厅前一草一木，安知非二冢一缕之灵隐为保护，相与酬报于重泉下耶？且冢在厅角墙外，出入不见，略与公事无碍，幽明俱可相安。岁甲申适修邑乘，中元节后志局诸君请予为文记之，盖恐后来者不察，或以不便于公而迁之，则无依之滞魄得所依而旋复失之，有怨恫而不忍去者矣。益见此邦风气之厚。于邑父母眷属之遗葬于斯者，亦不忍漠视，士民之淳朴为何如哉！公暇曲会其情，走笔书之，不自计其文之工拙也。

## 登云门峰记

失名

云门者，龙山第一峰也。予于戊申春正偕徐西垣再游龙山，从寺后左冈望去，峭削入天际，心怦怦为动。乃令山僧悦仁前导，辟榛棘，攀藤萝，崎岖万折，始造其巅。寺中所仰为耸拔者，至此皆出其下，一望超然，穷数百里。东北诸峰，若赴若峙，为岨为岌，忽起忽伏，累累如贯珠者以千计。南望长江，水如匹练，江村可指诸掌，而城郭隐隐，在西峰之外。日光遥射，苍茫莫辨，西极百里，诸峰杳杳横于天际，超然而突兀者，吾以为此黄岗，僧以为此少华也。屹然而缥缈者，吾以为此玉山诸峰，僧以为此三清也。苍然而杳蔼者，若有若无，吾不得而知，僧亦无从而辨也。浩歌云动，长啸风生，登东山小鲁，登泰山小天下，始信其言为不诬，而为学之道从可悟已。爰循旧径下山，走笔为之记。

## 序

## 邵静园《易经讲义》序

知县叶承

《易》之为书，经四圣人之心思而成，广大悉备，诚乃性命理道之鸿苞总汇。后之注疏者，毋虑数百十家，鲜有能窥其奥者，故朱子谓考象词者泥于术数，而不得宏通简易之法；谈义理者沦于空寂，而不适仁义中正之归。虽粹然如郑元、王弼，尚有遗议，何论其他。求其泄先天之秘蕴，可与程传、朱义并有功于圣人者，繄惟康节先生乎！是则四圣之心传，其为邵氏之家学也审矣。岁辛亥，余奉命宰浙之常山，阅邑小史氏所载，知先生裔孙有入籍于定阳者，尝物色求之，庶有以探先生未传之奥。既而识邵子志晋于诸生中，日以诗文相往复，并见其贤昆志谦、志观之著述，大都絜静精微，殊

有得于《易》教者，信其为家学不虚也。因遍征家乘所藏，得其大父静园君《易经讲义》若干卷。予反覆卒業，则其指趣渊确，义理曲畅，殆不减康成、辅嗣。夫有理而后有象，有象而后有数。今静园君将卦爻诸理发挥旁通，往往不专言数象，而其义已举。彼程、朱之易言理而可该象数之全，康节之易言数而悉根义理之极，先生与程、朱异而实同，则静园君《讲义》可以羽翼乎程、朱，即可以步武康节先生而无愧矣。静园君人品行略载在邑志，生平虽蹇于遇，然有是书也，于以光先烈而贻孙子，顾不伟欤！是为序。

#### 邵纪云《临松集》序

丁 棻

足不出十笏地，目不越环堵宫，耳不绝妇绩儿啼声，吟兴勃发，掀髯摹写，皆纸裹中物。纵卷轴富有，按图摸索，殆山屋角而水溪流已矣。即或剡川鼓櫂，灞桥策蹇，亦惟舴舨烟波，村舍风雪，坐听渔歌，樵唱相互答耳。拘虚者眼光如豆，谓宇宙都类是矣。古今大手笔光焰万丈，老于瓮牖者弗敢望其项背，良有以也。常山邵纪云先生，两浙名士，遇予甘州，出其近作相示。卷曰：临松皆自延安至甘途次所吟咏者。夫人生终老牖下者无论已，即慨然杖策远游，而遗碑古垒重地名都类无由图其嵌崟历落之状，写其兴亡险夷之故，则游矣而不能诗，诗矣而不能工，皆天地间憾事也。今先生策款段，陟峻阪，乱绝壑，吊故墟残照，冲荒塞寒烟，悉有以抒其壮志，扩其豪情，而笔复足以达之。嗟乎，登楼感叹遇似仲宣，渡江苍茫情同叔宝。掷封侯之笔，系请颈之纓，望云而悲，闻鸡而舞，性情盎流，非徒老生常谈也。盖先生以恂恂雅度，摅磊落襟怀，啸歌慷慨，犹是匡床面目，情简以真，故其言澹以远，迹其所造，駸駸乎超大历而升天宝。假令早膺黼黻之任，高文典册何难成经国大业？而顾使之潦倒风霜，歌吟驿路已乎？然先生年未强仕，历览所及，文章



日奇将见庙堂，著作悉关国家典故，以视斯帙、固有馆阁江湖之异，实皆自此权輿也。儒生其可株守章句、裹足乡里乎哉？

### 《临松集》序

叶承

余少时窃慕赵充国、班定远之为人，以为天下大势重在西北，身为丈夫当为国家提兵走万里，扫烟氛，拓疆宇。即不然，亦负书挟剑，运筹佐策，谈笑于边关沙漠之间，以一吐其志。郁郁老死内地，无谓也。今年几四十，匏系江隅，沾渍文墨，常西望慨然。杞云邵子，年少于予，而早为万里之游。尝从延安至甘州，历邠泾平凉，阅兰州重镇，按休屠燉煌，考焉支弱水，爪沙河套，皆在肘掖，尝与谈地势兵形，历历如指诸掌，其游可谓壮哉！顾身至军前，抱其策而不得试，其魁奇磊落之概，郁而无所表见，乃一举而发之于诗，故其气雄而奇，其情挚而肆。世未有识邵子之为人者，于其诗可以知其概已。邵子不得志，归卧浙东，而西北诸保障已入悲吟歌啸中。予虽未获游，而得读邵子之诗，不啻身游其地。试于风窗雨夜酒酣耳热时，击节高歌，少年壮志未始不可藉是以慰也。今天子有事西邨，搜罗天下之士，凡有片长薄技者，孰不当自效？他日倘得与邵子联辔而西，驰骋上下，遍历诸地，尚当为邵子和之。

### 重修大路序

知县李维著

尝观于是路之始末，用慨然也。士当一行作吏，各有其分之所宜为，而欲责其能为与否，先问其得为与否。此其中又各有时焉。往者不能待，来者不及追，独际其时而所为，乃超前而轶后。常山大路之宜修也，岂一日哉！前邑侯张君盖始基之矣，维时塘工险要兼顾，难而筹画，容多未善。然则承得为之时而尽能为之量者，贤哉，其惟我阮君范叔乎！当其广筹经费，妥议章程，逾年工竣，荡荡

平平，盖行旅皆欲出于其途矣。而备岁修以垂永久，则尤前人所愿焉。未逮者惟其任自为之，既专且久，故周而详，不诚足以上纾宪厘也哉！庚戌春，余承乏来常，而葺事已月余矣，窃乐观厥成焉。而愿与在事诸君子循而行之，图厥永终也。是为序。

### 重修大路序

县丞饶作霖

常山之通衢也，自县西门直抵江右玉山界，计程四十里，为肩摩踵接之所。岁经久路倾欹，理固然乎，抑修治者之失于筹远也？霖籍隶闽西，公车北上，往返频仍，亦崎岖间阅。丁未调丞斯土，思集都人士，询谋平治之举，力愧未能也。然耳闻目击，未尝不心怒焉。戊申之秋，大中丞吴移节抚浙，由玉来常，为垂询者频仍，维时郡尊刘亦缕陈此路之亟宜兴修也，而又虑兴修之正不易。适宰斯邑者真州范书阮公也，贤令下车，勤求吏治，政必先其所急，且凛各宪淳谕，毅然以身任之。乃即会集寮属、邑绅议章程，筹经费，访举邑之贤能以任厥事。其核价办公，纤毫不假胥吏手，而往来绅商亦各欣然倾助，共得资二万七千有奇。溯于戊申十月起工，于己酉十一月工竣。至其奇羨若干，则广置田产，为岁修费。自是而四十里中，碌铍者整之，圻堦者城之，延袤璜埃。行人咸啧啧称道不衰，谓是路之易，接壤太平，永作康庄焉。霖阅前邑侯张公修路碑，有曰：易者余与诸君子为之，其难者是所望于后之诸君子。夫事亦何难易之有，顾其人何如耳。是役也，治险为易，功成不日，所谓易者为之；善后蓄租，为岁修计，所谓难者为之。甚矣，人之不可畏难而苟安也。所虑者事久则志懈，费厚则弊生。是在后之莅兹土者时亲综核，而凡在事者又能孳孳焉；毋弃成劳，惟怀永图，俾周道之常如砥焉，岂非一邑悠久之盛举哉！霖既隐符素愿，乐观厥成，不揆樛昧，为序颠末如此。

## 《重修大路记事编》序

知县谭恩黻

今皇御极之五年夏四月，恩黻奉檄理常山县事。维时方隅砥平，四夷八蛮奔走孔后。常境毗连江右，内而闽、楚、粤、蜀、黔、滇商旅所辐凑，外而番夷琛賚之所由上达京师。自草萍四十里入邑西门，东出而达于河，道路、桥梁皆瓮以石，代有修砌，由来旧矣。道光三十年，尹常山者为仪征阮君，所著纪事编法良意美。兵燹后不能墨守旧章，所谓社仓即岁修之产也，名在实亡。至以修路期诸嵯业，是岂大可恃者欤。黻之将履任也，入辞方伯今山东抚军任公，昔由豫章抵境，身历崎岖，盖念兹至切也，谆谆言之。下车之日，查阅卷牍，知汉阳萧观察与前任徐君已请复社仓，为大路公所巢所储谷作经费，益以官绅捐款、商贾杂税，然浚河已耗不貲，履勘路工事未及半，乃集邑中父老申谕方伯之意。徐钦斋学博，民望也，道光间即董斯役，至今不倦。于勤在事诸绅亦皆杜浮警惰，百堵具兴。于是秋九月而迤西之路工毕，即以余力施于广济桥、项公坝。今春又接修城内街道，罔不缺弥隘扩，险夷欹正，告厥成功。而黻亦将瓜代以去，因续刻记事，如旧例麓记颠末于简端。夫昔人季春开道路，十二月舆梁成，盖岁行之以为常。今此数十里中，行踵交遣，石有时泐，不待久而知也。至倾写已甚，始合大吏庶尹百执事，不得已群聚而谋之，宜其难矣。官斯土者将俾斯民，尽纳康庄，以仰副我国家荡平之盛治，勉其易无俟其难焉可也。

## 《井田图解》序

朱士彦

岁戊子，余视学两浙，衢州训导胡元熙以《井田图解》请余叙，将以广其传，且使浙之士知所重也。窃谓立说之端有二：未深核乎众说之本，原私臆所属求胜先正，此不可者也；力学之久，积疑成

断，了然有得于心，以补前人之缺与误，此学经者所不可废也。西汉经学初兴，各承师说。东汉康成氏出于诸儒传注外，折以己说，经赖以明。如井田、学校、田禄、兵制、明堂、朝庙各制度，解之者同异并呈，是非互见。吾恐浙之学者习为空谈，随声附和，于先儒指趣不敢言其非，亦莫能道其是。今徐生之学以经解经，不苟同于传注，非有数十年冥索之功未易有此。余观其书，甚有望乎浙之士奋然自励，不以攻击为长，亦不以孤陋自废，进探乎圣贤立法之意，求会乎汉唐注疏之通，能使经学昌明，典制不晦，则得之矣。

#### 《井田图解》序

成世瑄

古法有不能尽行之势，古训有不容稍晦之经。士生三代下读古人书，出而有为，其必思所以化裁通变，求合乎因革损益之权，而后宜于今者不戾于古，《周官》之误及新法不大可鉴耶！顾立法非有害也，亦用法者坏之也；读书非徒见古人之迹也，贵有以见古人心也。夫古人往矣，其良法美意散见于六经诸籍，博综而贯通之，得其微矣，于是乎笔之于书；而不能起千百世之人口讲而指画也，则又灿著之于图。若徐生《井田图解》一编，不可谓穷经之士欤！今就其书之排比而释之，首井田之法制，次朝市匠人所以营宫室也，次学校载师所以任士田也，次城郭司徒所以制室数也，次坛墀甸师所以供祭祀也，次封域所谓大都之田任疆地也，次官制凡鄙师县正鄴长之供所谓禄食也，次兵赋则邱乘之政令役徒之比法也。证诸《周官》，无不一一符合。必终之以九畴者，盖言《洪范》与《周官》相表里，亦善能抉经之心矣。嗟嗟，古籍云亡《礼经》滋阙，自贾公彦之疏，不无浅陋，遂有疑《周官》田少而禄多者，有疑其与《王制》、《孟子》相触背者。得徐生之书，庶几发明经义，有以申杜郑之绪而释增麇之嫌，谓非古训之不容晦乎？抑闻之谷梁子曰：听远者闻其疾而不闻其舒，

望远者察其貌而不察其形。立乎今日以规井田之制，亦有所不能尽行者，则势为之也，而岂经训之诒其误哉！又岂古人之任其咎哉！

《井田图解》序

陈桂生

古称《八卦》、《九章》相为表里，是以天道八因之六十四，地道九因之八十一。窃读《皇极经世》书，其元会运世之旨，自唐虞以至宋世，凡气运之盛衰，人事之得失，揆之《周易》爻辞，若合符节。谁不读《易》，有如邵子之明天道者乎？至于九宫则有顺逆飞吊之说，起自后世，三代上无闻焉。及见犹龙徐生所撰《井田图解》，晓然于先王体国经野之法，无在不以九宫疆里天下。考之《周官》、《礼》、《左氏传》、《语》、《孟》诸经，实能发前贤所未发。是知《八卦》为表，动而不息；《九章》为里，静而有常，天苞地符，互为体用，此其相为表里，而非吊替之说明矣。今徐生于康节夫子之学未知何如，然其加倍之法亦当见称于明道夫子。后之人苟得九九图以察地，与夫八八之图以观天，亦可谓能读八索九邱者。

《石门赋》序

徐璟

今上御极之六十一年，邑侯孔父师莅常五载，政通人和，百废具兴。慨然念文献之无征，纂辑邑乘。特于课艺之外，分题命赋，以备采录。余鄙陋无似，窃欲附青云以垂不朽，漫构《石门》一篇，尘稊视听，不胜惭慙云尔。

传

前常山县知县孔公传

知县李瑞钟

公讳毓玠，字秋岩，号象九，江南江阴县人，先圣裔。康熙己丑

进士，分发浙江，即用知县。公以名进士，数充同考试官。戊戌奉檄令常，下车即敦劝农桑，教民树艺，购桑五千余本，散布四乡，示以养蚕法，平畴绿树，劝课时亲。邑人徐烈、徐长泰、徐璟劝农劝蚕诗，为公作也。陂塘官坝旧淤塞，公亲履相度，设法开浚，务使通者不至于塞，迅者不至于涸，冲者不至于溃而后已。编查保甲，自城及乡，无不清晰联络。虽城乡异势，而略事变通，隐为一气。法悉善。保甲既定，详请添兵要地，募工修壕，设关其地，捐建营房，移白石坞汛，绝不劳民动帑。设义学于文昌阁，具修膳，延明师，多来学者。康熙五十八年，勘灾取道木棉岭，悯行路之艰，重建栖云亭。是年大旱，买米平粜，自冬及春两月中颇有全活。复以工代赈捐，修文庙东西两庑，及名宦、乡贤祠并戟门、棂星门，浚泮池，筑屏墙，制先贤、先儒木主。次年，复捐修大成殿、明伦堂。辛丑岁饥，捐米百余石以备添赈，设厂赈粥，务在确有实惠，全活无算。雍正纪元，捐建崇圣祠于棂星门右。时启圣祠倾废，适奉褒封五代之旨，故规制益加崇闳云。学校既立，于是详请厘正名宦，分别乡贤，祀典无缺。抵任之明日，以礼招集士子而导之。以学设立讲所，月有课，季有试。谋建书院以事中辍。视民如子，教养并至。逾年，士民悦服，请为立生祠，公力却之。谕令创修书院，汇士民宣讲圣谕。月一再举，讲学务引归之身心，随事参验，随时力行，父老里氓行路堵墙以观，以为创见。尝谓常邑宋儒讲学之地，理学历有师承，患在人不学耳。其教人大率以敦穆化争，以精勤起惰，以希贤作圣为程，以正人心、厚风俗为己责。邑人徐长泰、詹肇熺、徐烈、郑世球、詹启璋，仁和张紫芝，归安严英，淳安齐自超皆得其益，成名士。己亥岁，瘞旅榘一百余具，越一年又得四十余具，埋诸义冢，为文祭之。邑自甲寅闽变丧乱之后三十余年，元气未复，凋敝时形。江闽流民开种麻山，取土培根，铲平古冢，斩截龙脉，奸匪潜匿，为害匪

浅。公心忧之，岌岌乎有反客为主之惧，因著《形势论》，极言利病，深中其弊。后督宪满公严檄查蒙杜匪，公恪遵查察，和柔静镇，开诚譬喻，不知劳瘁，盖欲弭患于未形也。康熙辛丑，距修城八十余年，半就倾圮，公捐贖重加版筑，一复旧观，屹然雄镇。公家乡居，熟谙农事，又往来西、常间，勤惰工拙，参验甚悉，故于劝农一事尤极剴切详明。其训农八条略云：一在勤力。一在粪田。一在开塘，浅则浚之使深，狭则恢之使广。无塘处所或隙地瘠田，宜与田邻合力开浚，为永久计，无谓土浮不能盛水。彼旧塘孰非常土，试观窑户取泥处久必成渠，独非常土耶。惟无惮劳，斯塘易成而利赖乃无穷耳。一贵置具。旱涝，天行之常，宜以人事补救，塘既开浚，又须家置水车，啣尾而上，不难达之高远。今虹桥、水南二处种糖蔗多用此法，是其明验，何视糖蔗太重而视禾苗太轻耶？如谓糖蔗可易钱易米，何如救禾得米更为直捷耶？一贵通沟。沟洫之制，潦则泻以注塘，旱则戽以灌田，往来通行，惟沟是赖。常民之弊只知泻水，不知灌田。二麦、油菜、芝麻、黄粟诸物，其性皆喜燥恶湿，故深沟以泻之，及久旱又由沟引水以润之。自三吴西浙至衢之西安皆用此法。常民惮浚沟之劳，止用牛耙运平率尔播种，往往有地数亩不设一沟，水无所泻而二麦、麻菜等物皆日就黄萎，久旱亦无从引水以润，及歉收则群咎地气之薄，地岂任受咎哉！一贵尽地力。邑与西安接壤。西安田多于四月分秧，六月获稻，获稻之后急种黄粟以乘其隙，谓之偷空。九月收粟，又及时种麦。其地亩则二月初旬即于麦陇中种豆，四月刈麦，六月刈菽。菽麦登场则种芝麻、黄粟等物，既收则又种麦为来岁计。田与地皆一岁三收。于田则灰肥广而戽救时，于地则锄削勤而开沟密，故收入皆丰。常民异是，田则六月收割，即弃而不耕，至明年三月而后从事；地则刈麦以后迟久而布杂粮，又歉于灰肥，懒于锄削，故土膏不发，而所入殊有限也。

一貴乘天時。刈麥之後，宜乘時下種，使之置根固而受氣足，雖有水旱不能為災。余于己亥、辛丑兩歲勘災時，見芝麻、黃粟諸物早者已開花，尤早者且結實矣。若下種于六月之杪，則透土不能以寸，安能當酷日之烈耶？一頃之田遲早不同，菀枯頓異，此理易明，勿為退脫以自文其惰也。一貴齊人力。一家之中父子、兄弟呼之即應，不待外求，其程功較易，否則通力合作之法最為近古。若各自為計，則人力鮮少，必至失時。農之子恒為農，七八歲時即當使之餉田，使之耙柴刈草，稍長則隨父兄為耕耘之事，少成習慣，筋力不至懈弛，成人之後，其不為惰農必矣。其勸農之悉本于誠如此。邑產紙擅利一方，又柏油、糧蔗亦止通行一時。柴炭息倍稱，而木牙招致遠商，構貧民奸利，盜取山几盡童，公每重懲之。婚喪禮俗一依文公家禮，參以時宜，力戒奢侈。康熙六十年春，奉府檄，纂修邑乘，公以淵懿醇茂之才秉筆，嚴謹搜羅，抉剔刪定，不稍假借。公余，往返道上輿中，每手一編，四閱寒暑而書始成，內斷于心。折衷至是，興利除害，振衰起敝，言之確凿不磨，誠善本也。公性長厚，學養深粹，悉根柢程、朱，故其居官一以誠意動人。自康熙五十七年迄今百七十余年，其善政之洽于民心者，邑之人猶津津樂道不衰。

論曰：余讀公告文廟及告城隍文，想見公之為人，及與父老言公之為政，一以教養為事。孔《志》一編，其勤勤恳懇于民事者，章章如是，公蓋以見諸行事者發為文辭云。簡質該切，皆有真意流貫于其間。兵燹後，旧本散佚，僅存一部，予讀之數過不忍釋，惧其傳之久而必失也。爰擷其撰述之精意，次公之政績，比而為傳。庶讀公之《志》，知公之心，而公之學行與公之政教俱不朽矣。至其世系之出自東魯，亦無庸綴述焉。



## 前殉难云南弥勒县知县璩公传

李瑞钟

公讳恩绶，字廷锡，号砚春，一号星槎，道光丁酉选拔贡。元祖铨仁，国学生，幕游陕西，卒于同州府华阴县官署。父庆墀，增广生，积学未遇，生子二，公其长也。道光甲寅考取汉教习第七人，补镶红旗教习，期满引见以知县用，咸丰癸丑选授云南弥勒县。乙卯春，揭眷赴任。六月，接篆，政绩教化焕然一新，而安治土酋于反侧，尤加痛惩。冬十二月，奉檄严缉土匪，公躬亲督役前往，胥吏均有难色，公曰：莠不锄，即良不能安，此邑宰责也。养痍遗患滋蔓，岂复能图？先是，公未抵任时，回汉居民构衅互斗，汉人杀伤回民，经前任彭君上之督抚，扎飭广西州知州吴公查办，吴公治之稍事宽缓，渐遂不服，王章祸胎基此矣。离城一百二十里地，曰溯普，武举纪国政倡乱，王赞文附之，居民多受其害。公至，宽猛相济，力为整顿，法不稍骫，而大得民心。上宪知其能，专以此属公。公廉得贼势可以计获，不可以力捕。适值武闱乡试，纪国政有生徒应试，公谕令各武生父师赴省送考，随密禀上宪擒获首犯纪国政，余党尽逸。公闻信即领兵役往溯普，直捣贼窠，贼于各隘口聚众力拒，施放枪炮，公虽稍却，而贼已胆落矣。次日，复带兵勇巡缉无获。嗣是练团设防，悬赏抄捕无虚日，月余获纪党九人解省。又于国政家搜获大炮一座，兵器、火药无数。是年三月，道士朱悛白云：前明后裔以掌有莲花纹，煽惑愚民，自称弥勒佛转世，与土匪江炳先谋据州城，铸龙头莲花伪印，封江炳先为伪官。至是，王赞文以公访拿严密，恐被弋获，率众往投，合谋为国政复仇，声势增盛。又县役王珍因案下狱，令其党张春等阴结江炳先、朱道人为内应，时城守出防广南，城中正值较阅武童县试，贼乘隙潜窜城外三十余里。十八日，天未明，数百人逾城蜂拥入署，劫狱出囚。公知事不可为，指贼

大罵，夫婦俱被害，婿張桂弟亦為賊所殺。子韞璞先奉公命携妻及二妹之戚家未歸，時城中鼎沸，韞璞聞變，踉蹌回署，賊已散去，伏公尸痛倒在地，配軍某扶救掖之，行遇公門下士項寄生抱頭大哭，謂寄生曰：父仇不報，何顏人世？所以不即從先君地下者，欲有為也。君與家君誼不薄，當共圖之。寄生收涕，二人帶同配軍往謁丞捕，則行已久矣。因往各武童寓中，跪地泣訴父死之慘，且激以大義，謂縣官一邑父母，賊殺死吾父，即殺諸君之父也。各武童及諸認保聞言胥動，至有流涕者。比即糾眾，分途捕緝。應試武童一千二百餘人，合城鄉人民二千餘人，未末申初共得三千餘人，各持兵仗追至城外，不及十里，戮賊七十餘人，生擒一十三人，置之法。士民合錢貿棺，殮公及夫人尸殯城內。韞璞隨帶鄉練百餘星夜赴省告變，省中迅即發兵，月余盡殄其類。事平，迎公柩殯于省垣之浙江飡堂內室，邑中送者塞道。咸豐六年，議恤云騎尉世職，襲次完時以恩騎尉世襲罔替，欽恤祭葬銀兩。韞璞後以勞績，奏保知州需次雲南，上憲憫公殉難之慘，恩遇獨隆。項寄生亦以九品官登荐牘。公性溫雅，鄉人欽佩而辦，公無稍阿循，故抵任未久，民咸感誦。配徐氏。一子，即韞璞是。女二，長許字張桂弟，次未字。孫延齡、保齡。

論曰：古謂求忠臣必于孝子之門，而忠臣之後又每多孝子，信乎！教孝教忠，理無二致乎！當公遇害時，韞璞本痛不欲生，然父仇未報，一死于事何濟？故于闔城紛擾之頃，料賊去未遠，銜哀痛哭踵訴各武童寓，倒地呼號諸武童及父兄師保，同聲共憤，旋即誅滅匪徒，大仇立復，何其速，又何其壯哉！此足見公之靈，亦足征公教子之方矣。然非公之善政，有以動士民之隱，又何以報公？若是之肫切哉！抑予觀公命韞璞携妻及妹之戚家時，知公之志預辦一死，留其子以為殺賊地，而韞璞果能毅然殺賊以慰公于地下。嗚

呼，公诚有子矣！光绪乙酉夏，韞璞扶柩归，累累四棺，跋涉八千余里，观者莫不嗟叹。公赠资政大夫，韞璞袭公荫。呜呼，公不死矣！

### 诰授朝议大夫前署常山县李公传

李瑞钟

公讳盘，字莲塘，陕之洋县人。嘉庆癸酉举人，大挑一等，以知县用，分发四川，历署新宁、隆昌、垫江、酆都等县知县。道光十三年，题补彭水。十五年，丁母忧，回籍哀毁并至。十八年，服阕，赴都候选。二十一年，授浙江浦江县。二十三年，调补嘉善，厘剔漕蠹，宿弊一清。二十五年，奉化匪徒滋事，奉檄署理，拿获首犯，身受重伤，奏请议加二级。二十六年，补宣平县，赈恤灾民，人免流散，阖邑颂德。二十九年，调署石门，办理赈务尤为出力，奏请遇有繁要缺出，酌量调补。三十年，调署余姚，大计卓异。咸丰纪元，蒙准注册。二年，署常山县事。五年，粤匪由江西玉山窜邑西境，意在进窥全浙，阖邑惶惧，浙东各郡县旦夕惊。公募民夫充当勇壮，日夜督率防堵，扼守屏风关并曹会关诸隘口。贼离城四十里侦探，屡为公获，知有备不敢进逼，由七都球川窜开化之华埠。华埠居邑上游，水陆皆通，瞬息可至。公先于华埠下游逐去民船，贼掳掠无可运，陆行惧为官军所截，相顾惊谓久此必为李某剪缚，其翼能飞渡耶。遂间道入徽宁，浙东郡县得保无虞。事定，以固守危城功，洊升同知，加知府銜。先是贼窜扰徽饶间，浙东戒严，公聚邑绅董会议，督办乡团练勇逾二万人，以资捍卫，且耕且战，守望相助。苦城中无炮，以木之坚结如铁石者，意造之周围密固以牡铁，权时可用与铜铸无异，每操演时轰腾震山谷，声威大振。公乃教以部伍整齐严肃，进退均有纪律，虽兵民杂处而麇市无惊。时复单骑巡诸营堡，捐廉犒赏，晓以大义，人多感激，踊跃争先，日夜梭巡无稍息。匪徒无从溷迹，贼侦知不可犯，鸟兽散去，城民安堵如故，孔迩之歌

遍四野矣。公性廉俭，淡泊自甘。在任三载，自奉常屏去华服鲜饌。晋省下乡，骑从寥寥，力劫苛扰。邑定阳书院，校士肄业之所，公下车后扃试观风，捐廉奖励，暇辄详为讲解，士风为之一变。清理案牘，尤细心研究，务得实情，秉公断结，无任拖延，觉察如神，棍痞悉为敛迹。咸丰二年秋旱，公方视事三日，轻骑减从，清查四乡户口，设法劝捐减菜，民赖以生。利泽所及，保赤情殷，于育婴、养济二者尤多实惠。计公宦浙十余年，所去民思口碑载道。署常三年，适值事多棘手，公一以实心行之，事无巨细，独肩其任，风露土湿，辛苦不辞，积劳成疾，四肢壅肿不支，复力疾办公，疾笃犹时以民事、军务为念。咸丰六年正月十七日，卒于常山县署。百姓闻丧，奔赴如丧考妣。咸丰八年，题请崇祀名宦祠。子五：长志膺，蓝翎同知衔，四川候补知县；次志峤，增生；次志端，同知衔，候选知县；次志庚，候选从九品；次志康，监生。孙光裕，候选从九品；次光祐、光勋业儒。

论曰：死生之际，难矣哉！人生素无定力，徒取决于一时之血气，遂斤斤自矜，侠烈逾时，鲜有不溃其防者矣。予闻之父老，公当阖邑纷纷奔徙时，城空久矣，犹督令长子志膺分巡仓库、监狱，只身朝服坐公堂。志膺时复侍侧，凡三日夜不衰，仓皇扰攘之中，非只藉资镇定，盖预办一死也，此岂临时可矫饰者哉！呜呼，公之配筑名宦俎豆千秋，宜哉！

### 邑侯黄公传

徐鸣盛

公讳敬熙，字曙岩，江西袁州府萍乡县人。由廪膳生员考取道光己酉科拔贡，庚戌朝考二等，选授九江府德化县教谕，保举知县，分发浙江。同治元年署理县事，公性格勤，不惮艰巨，喜济人急，尤爱培植士类。时值粤匪窜踞，后事多棘手。甫下车，毅然以

修废自任，庶政旁午，而邑绅率避难未归，耆旧多物故无与商筹。公务莫振时，公访诸绅寓处，函致殷勤，嘱以善后事宜，诸绅义不容辞，渐自乡归，日与妥议筹款，次第兴举，学校为一邑首善之地。初谒文庙，睹棂星门外两旁墙门砖石封固，蓬蒿塞路不可行，大成殿及两庑等处泥土堆积如山，心殊恫惘。爰谏吉启门，剔除瓦砾，芟薙秽芜，立扶神座，新易木主。文昌庙门壁及启圣宫、堵公祠二处墙屋，兵火之余半遭拆毁，檐楹砖瓦时被窃挖，迭经究惩，旋嘱咏霓会士筹修募庙，使祀典无缺。乱离后米价腾贵，难民初集，难以度日。公会议劝捐，设立粥厂，自同治元年冬十一月起，至二年秋七月止，存活无算。兵燹甫定，疫厉踵作，异乡难民及本邑穷民死者填衢巷，公倡捐给棺掩埋尸骸，得免暴露。同治三年，匪从华埠窜常七都球川一带，旋遁江闽，沿途难民过境者日以数百计，厘局奉恪靖伯左命按名给米，资遣其残疾困惫艰于行。公会同局员暨绅董设厂医治，愈时仍由厘局给资回籍，沿路颂声不绝。先是二年春，公逆知米价势必涌贵，与绅董计议，于盐厘局置盐二万余斤，运赴江右销售易米回常。及米到，每石价值已涨至十千以外，非惟粥厂赖以接济，即城乡亦藉以资籴无恐。邑紫港渡广济桥，城东左上必由之路，尤徽、严两郡通衢。壬戌冬，渡船几沉者数次，桥亦略约难行。公清查前任案内渡船捐款，提洋蚨百枚，造船一只，并多购杉板架置桥墩。又朱家渡经费向系问津会管理，历久会不能集，船只失修，行人病之。公劝捐修造，随将会产交局经理。又三里滩渡船，历归盐业耑理经费，自盐务改章浸久废弛。公谕局接管，并劝捐资修理，人称利济焉。定阳书院被匪拆毁大半，存者亦复倾欹堪虞。公集议购料修补，俾无尽圯，继起得所藉手。邑向无宾兴，公常有志创兴。未几，大府夺之而去。去之日，士民遮道不能行，公意常不怿。计公自同治之元九月署理县事，同治三年七月卸任，未

及三年，百廢俱舉，顧猶以未創賓興為恨，如公者可謂盡心為治者矣。是年冬復由雲和任內，匯捐洋蚨五百六十餘枚，函交盛收掌，作為賓興，並叮囑襄成義舉，以振士氣，公誠大有造於常也。還我使君，口碑載道，常之士庶烏能一日忘公德哉！己卯秋，聞公歸道山，比訃至，百姓莫不警悼。嗚呼，聞公之風者，又孰不感而泣哉，況如盛之親炙其風者哉！

論曰：牧民者勿第曰吾盡吾職而已也。第曰吾盡吾職，則必多不盡之職。一日在職，曰民吾民，事吾事也；一日不在職，即曰民非吾民，事非吾事也。是雖稍盡吾職，而未必克盡吾心也。若公者一日在職，即終身以之。若曰吾心未盡，不得遽云吾職已盡也。況明明職有未盡乎！若公者，可不謂良吏乎哉！

### 孝烈李孺人傳

編修黃貽楫

孺人安徽婺源李封翁榮之季女，浙江常山文士徐黃妻也。幼端重不苟言笑，其母教以《女誡》諸書，輒成誦，與談古節烈事，尤欣然識于心，不敢忘。咸豐庚申，年逾笄歸黃，值寇警。甫結褵，即避山谷間，日常移徙雖顛沛，執婦禮惟謹。稍平，還故居，則勸黃勵學。明年，賊又至，其父挈眷遠遷，孺人亦與黃偕之南昌居焉。未几，黃因祖母病篤歸侍，既抵里遭祖母喪，弟三人又相繼染疫死。黃哀感致疾重，以疫無醫，未一月竟卒。孺人聞訃恸絕，家人防之密，不得死。閱半載隨親歸婺源。父知其烈也，諭之曰：此非汝殉節地，宜自審。則敬諾，而日對家人述所聞古節烈事，悲泣不止。逾年亂靖道通，歸省舅姑，謁夫墓，夜起投繯，其姑覺而救之甦，許為立嗣以慰之。忽翁病且危。翁四子既夭，幼子尚襁褓，脫翁不幸一家無依，襁褓子成立何時，族中兒又無可為夫嗣者。孺人雨泣呼天，願翁生而已速死。寄語其親曰：未亡之身終死耳，早死，天如鑒

怜假翁寿，则儿未死也，毋以儿为念。越一日而死耗亦至。先是，孺人为其夫位于室，每中夜焚香，侍婢伺久无他异。是日沐浴焚香毕，命婢睡。晨起，婢屡问不应，呼众排闥入视，已自经死矣。时同治甲子十月初六日也，年二十有六。将敛面如生，族人奇之，告于邑尹，以其事上闻。岁戊辰始达于朝，予旌表。其兄昭炜属同年生，貽楫为之传。

论曰：读史至一代危亡之际，见忠臣、义士能舍生以争命于天，谓是读书学道之力，浩浩然吾自完其为吾，不问天心之转与不转也。徐家妇闻夫死殉志决矣，非亦得力于《女诫》诸书者耶？为翁病吁天求代，又忠臣、义士所以自完吾分而已。人生舜息百年，所难者死得其所耳。若徐家妇一死，而孝也，节也，烈也，得其所矣。虽其死后，翁卒不起，则天心不为我转。俯仰今古，类有同慨，妇其一耳。然天能厄人之遇，天能夺人之心哉？

### 高孺人传

叶如圭

夫人不幸而生占虺蛇，姿稟阴柔，莫或振采蜚声，震耀门楣，伤已乃复，杼柚屡空，悲咏斯饥，苟伉俪永偕，虽属饘糟糠，亦倡随足，乐此君子，所以重偕老也。若夫命罹孤鸾，茕茕在疚，孤舟饮泣，莫可告诉，此又韩闥中之最惨者。今豸峰儒士郑作霖其妻高氏，本邑太学生诰封文林郎盛梁公长女，贞心淑质，夙娴闥仪。结褵二稔，霖即见背，哀痛迫切，几欲身殉，阖族唁以翁姑在堂，弃勿侍养即为不孝。乃拭泪而言曰：罄室孤悬，未亡人虽不能为无米之炊，尚堪竭力以资仰事，所痛者正惟堂上人在，不能从夫于地下耳。盖孺人生甫匝月，即乳养于姑，其恩谊浹洽，奚啻生母？故言虽惨怛，卒不忍刻离左右，以促残喘余年。于是忍死，旦夕恪供妇职，卒岁茹荼，绝无怨言，里中皆以陶婴、桓嫠称之。未几，翁姑继歿，泣视含殓，

草草成服，內無承祧哲嗣，外無期服宗親，只影徙倚，艱苦萬狀。母氏憫之，躬詣勸勉，携以同歸。無何粵寇告警，侍奉萱親遠避山陵，雖顛連疾苦，其調護慈帏謹敬無少懈。嗚呼，孺人之遇抑何艱歟！始以苦節自持而代夫養志，繼為寇氛所逼而依母完貞，似此松筠砥節，冰霜盟心，倘素帏已敝而彤管勿輝，其何以表滄瀟之懿行、揚巾幗之清芬耶！歲在癸酉，纂八採訪總局匯題旌表，嗣蒙俞允在案。吁，孺人銜哀四十餘年，其幽郁亦可以稍紓矣。

### 嚴孺人傳

徐維新

嚴孺人者，儒士徐晶瑩妻也。儒士積學數奇，屢試不售，孺人外為婉言寬慰，實則隱相悵郁。儒士以數不得志，遂染沉疴不起，孺人一恸几絕，水漿不入口者數日，誓必相從地下。舅姑婉諭之曰：汝長男方七歲，次僅五齡，二女未離襁褓，誰為顧復？予二老發皤皤然，誰為奉養？言已大恸，孺人亦哭失聲，由是節悲哀，強食飲，供養二老，甘旨無缺于供，清理家務如平時。翁病聾，事奉未嘗稍違意旨，姑亦得其歡心，上祀追報祖考及儒士生諱日無遺忘。男婚女嫁俱擇名門，子能讀必延名師，少長令就外傅，具修脯給膏火，具見熊丸佐讀苦心。長子護補博士弟子員，次子念亦食廩餼。翁姑相繼歿，喪葬盡禮，人無間言。數十年養親教子，心力俱瘁，未嘗一日忘泉下人也。咸豐歲丙辰，恭遇覃恩，特予旌表。命下之日，宗族與有光寵。嗚呼，如孺人者堅貞之操視百年如一日，此其節概巾幗中豈可多得哉！

### 王琮奴傳

瞿 佑

琮奴姓王氏，字潤貞，常山人，二歲而父歿，母童氏携琮奴適富人沈必貴。沈無子，愛之過己。生年十四，雅善歌詞，兼通音律。



言、德、容、工，四者咸备，近远争求纳聘焉。时同里有徐从道、刘均玉者请婚尤切。徐本华胄而清贫，刘实白屋而暴富。徐之子名苕郎，刘之子名汉老，皆仪容秀整，且与琼奴同年。必贵欲许刘则鄙其阉阉之卑微，欲许徐则虑其家道之穷迫，犹豫迟疑莫之能定。一日谋于族人之有识者，彼为之画策曰：“但求佳婿，勿论其他。”必贵曰：“然则，何以知其佳耶？”曰：“易耳，子宜盛为酒食，特召二生，仍请前辈之善藻鉴者使潜窥之，一则观器量之如何，二则试词翰之能否，择其善者而从之，于选婿乎何有。”必贵深然之。至二月花晨开筵会客，凡乡里之号名胜者咸集于庭，均玉、从道亦各携其子而至。汉老则人物整齐，雍容应对，降登揖让，未免矜持；苕郎则眉目清新，言谈儒雅，衣冠朴素，举止自如。席中有耕云者，沈之族长也，名知人，一见二生，已默识其优劣矣。乃颺言于众曰：“宗侄必贵有女及笄，徐、刘二公欲求缔好，两门子弟人物并佳，但未审姻缘果在谁耳？”必贵起对曰：“此事尊长主之则善矣。”耕云曰：“古人有射屏、牵丝、设席等事，皆所以择婿也。吾则异于是。”因呼二生至前，指壁间所挂《惜花春起早》、《爱月夜眠迟》、《掬水月在手》、《弄花香满衣》四画曰：“二郎少搃妙思，试为咏之，中目奋衣在于此举，奈何？”汉老生居富室，懒事诗书，闻命睚眦久之不就；苕郎从容染翰，顷刻而成呈上，耕云喞喞称赏。《惜花春起早》曰：胭脂晓破湘桃萼，露重茶蘼香雪落。媚紫浓遮刺绣窗，娇红斜映秋千索。辘轳惊梦急起来，梳云未暇临妆台。笑呼侍女秉明烛，先照海棠开未开？《爱月夜眠迟》曰：香肩半亸金钗卸，寂寂重门锁深夜。素魄初离碧海壖，清光已透珠帘罅。徘徊不语倚栏干，参横斗落风露寒。小娃低语唤归寝，犹过蔷薇架后看。《掬水月在手》曰：银塘水满蟾光吐，嫦娥夜夜冯夷府。荡漾明珠若可扞，分明兔颖如堪数。美人自浥濯春葱，勿讶冰轮在掌中。女伴临流笑相语，指尖擎出广寒宫。

《弄花香满衣》曰：铃声响处东风急，红紫丛边久凝立。素手攀条恐刺伤，金莲移步嫌苔湿。幽芳擷罢掩兰堂，馥郁余馨满绣房。蜂蝶纷纷入窗户，飞来飞去绕罗裳。均玉见汉老一辞莫措，大以为耻，父子竟不终席而逸矣。于是四座合词，皆以苕郎为好，而苕之婚议亦自此而成。不出月余，已择日过聘矣。既而，必贵以爱婿之故，遂招至于家，延师教之。一日，偶童氏小恙，苕郎入问疾，而琼奴正侍母汤药，不虞苕之至也，回避不及，乃相见于母榻前。苕郎盼之姿色绝世，出而私喜，封红笺一幅，使婢送与琼奴，拆之，空纸也。琼奴笑成一绝，以答苕曰：茜色霞笺照面頰，玉郎何事太多情？风流不是无佳句，两字相思写不成。苕郎喜不自胜，持归以夸于汉老。汉老正恨其夺己之配，以白均玉。均玉不咎子之无学，反切齿恨徐、沈入骨，即诬以事，俱不得白。徐阖室役辽阳，沈全家戍岭。表诀别之际，黯然销魂，观者莫不为之下泪，遂散去，南北不相闻已。而必贵倾殂，家事零落，惟童氏母女在，萧然茅店卖酒路旁。虽患难之中，琼奴无复昔时容态，而青年粹质终异常人。有吴指挥者悦之，欲娶以为妾，童氏以许人辞。吴知其故，遣媒谓曰：“徐郎辽海从戍，死生未卜，纵饶无恙，又安能至此而成姻乎？与其痴守空营，蹉跎岁月，盍不归我贵家，任汝母女受用，亦不虚度一生也。”琼奴坚然不肯。吴又使媒姬行言，且压以官府。童氏惧，与琼奴谋曰：“一从苕去，五阅星霜，地角天涯，鱼沉雁杳，汝之身事终恐荒唐。矧又父递沦亡，他乡沦落，权门侧目欲强委禽，吾孤儿寡妇，其何术以拒之？”琼奴泣曰：“徐门遭祸，本自儿身，脱别从人，背之不义，且人之异于禽兽者，以其有诚信也。弃旧好而结新欢，是忘诚信。苟忘诚信，殆犬彘之不若也。有死而已，其肯为之乎？”因赋《满庭芳》一阕以自誓，曰：“彩凤分群，文鸳失侣，红云路隔天台。旧时院落，画栋积尘埃。漫有玉京离燕，向东风、似诉悲哀。主人

去，卷帘恩重，空屋亦飞来。 泾阳憔悴女，不逢柳毅，书信难裁。叹金钗脱股，宝镜离台。万里辽阳郎去也，甚日重，回丁香树，含花到死，肯傍别人开。”是夜自缢于房中，母觉而救解，良久方甦。吴指挥者闻之怒，使麾下碎其酿器，逐去他居，欲折困之。时有老驿使杜君亦常山人，必贵存日相与善，怜童氏孤苦，假以驿廊一间而安焉。一日，客有戎服者三四人投驿中。杜君问所从来，其人曰：“吾侪辽东某卫总小旗，差往海南取军，暂此假宿耳。”值童氏偶立帘下，中一少年特淳谨不类武卒，数往还相视，而凄惨之色可掬，童氏心动，即出问之：“尔谁耶？”对曰：“茗姓徐，浙江常山人，幼时父尝聘同里沈必贵女与茗为婚。未成亲而两家缘事沈责南海，茗戍辽东，不相闻者数载矣。适入驿，见妈妈状貌酷似茗外母相类，故不觉感凄，非有他也。”童氏复问沈家今在何处，厥女何名，曰：“女名琼奴，字润贞，对亲时年方十四，以今计之当十九矣。第忘其所寓州郡，难以寻觅耳。”童氏入语琼奴曰：“若然天也。明日又细问之，果茗郎也，今改名子兰矣，尚未娶。”童氏大哭曰：“吾即汝丈母，汝丈人已死，吾母女流落于此，出万死已得再生，不图今日复能相见。”遂白于杜君及兰之同伴，众口叹息，以为前缘。杜君乃率钱备礼，与兰毕姻。合卺之夕，喜不塞悲，琼奴诉其哀怀不任凄断，因诵杜少陵羌村诗“夜阑更秉烛，相对如梦寐”，此句殆为今日设也。兰抚之淳切曰：“第无伤感且尽绸缪。姑候来年，挈尔同归辽东，则鱼水欢情永永相保矣。”既而兰同伴有丁总旗者忠厚人也，谓兰曰：“君方燕尔，莫便抛离。勾军之行，我辈当分诣各府投文。君善抚室，且此相待。公事完日相与归辽。”兰置酒饯别，诸人起程。不料吴指挥者缉知，以逃军为名捕兰于狱，杖杀之，藏尸于窑内。亟令媒恐童氏曰：“彼已死矣，可绝念矣。吾将择日舁轿来迎汝女，若又不从，定加毒手。”媒求诺反命，琼奴使母诺之。媒去，与母曰：“儿

不死，必為狂暴所辱，將俟夜引決矣。”母亦無如之何。是晚忽監察御史傅公到驛，琮奴仰天呼曰：“吾夫之冤雪矣。”乃具狀以告，傅即嚴加鞠訊，而求尸未得，忽羊角風自廳前而起。公祝之曰：“逝魂有知，道吾以往。”言訖，風即旋轉，前引馬首徑奔窆前，吹開炭火而尸見矣。公委官檢驗，傷痕宛然，吳遂伏辜。公命州官葬於郭外，琮奴哭送，自沉於冢側池中，因命葬焉。公言諸朝，下禮部，旌其冢曰“賢义婦之墓”。童氏亦官給衣廩，優養終身焉。見《剪灯余话》。

### 石僧傳

詹紹治

邑之北二十余里，有容車山，高峰崔巍，奇石堆疊，花卉秀發，林木叢薄。下二洞，一名碧玉，一名蓮花，入其中，悠然心曠，鏗然聲啞，澄泉汨汨，歲旱不竭，誠仙窟也。相傳昔有賣薪者五鼓過此，聞梵唄聲，異之。後十年，山嶺忽破，中有石僧跏趺而坐，形如胎生，似非人工琢成，始知梵唄聲乃石僧之所為。嗚呼，異哉！石僧其奚自來耶！非土非木，豈岳降而嵩生；不語不言，似天造而地設。行云為伴，流水為鄰，餐乎清風，宿乎甘露，县琉璃于皓月，鳴鐘鼓于丹霞。其白石仙之流亞與，抑如來佛之化身歟！《卧庵薰弦集》。

### 跋

#### 宋河南節度公墓碑跋

金實孫

天生豪傑，豈徒然哉？或以功業軒天地，或以精忠貫日月，其名固宜悠久永存，豈與物同盡已乎！然苟非賢子孫克世家聲，則身沒而名亦隨泯。若唐之房、杜相業偉矣，遭不肖子孫，壞土未乾，蕩覆殆盡，非其明驗哉！今觀宋河南節度徐公，當北虜猖獗能抗節死忠，真可與日月爭光，與天地并壽，既而受贈葬護國寺之原。經今

四百余年，岁时享祭，子孙以千计，其以科名显于时，以诗礼世其家者，正未有艾也。昔韩昌黎有言：莫为之前虽美弗彰，莫为之后虽盛弗传。以公观之，信矣。公之大节，具于太史王公巨笔，已足以传不朽。予也景仰之余，谨赘此数语于末，以为其子孙之劝云。

### 书堵公墓碑跋

李瑞钟

予下车时曾谒公祠，继又谒公墓。读碑记，知公有政声，亦不详公有无后嗣，并所以留葬此乡之故。读公传，有云：每夜巡，遇人于途，笑曰：尔宁不畏老堵耶？体公之意，若深恐民之不知畏上，又深恐民惟知上之可畏，而不见上之可爱者。然岂真欲民之畏我哉？夫畏者，有威可畏之谓也。古文畏与威通。《书》曰：天明畏自我民。明畏《传》言：天明可畏，亦用民成其威也。又曰：用顾畏于民。《正字通》言：民情参差不齐，晷险可畏，治民者勿曰民畏我也，直我畏民而已。《传》曰：大畏民志。盖一诚相格，直有以动其隐微，寤寐之真而服其心耳。畏云乎哉！古云：布畏之气，蠃螬不得成。信哉！虽然彼觚断无主角者，又乌足以顺民望乎？道在爱民，民爱爱之，至斯畏之深耳。

### 书孝妇徐俊龙妻吴氏传后

李瑞钟

割股虽令甲所禁，然出于孝性之自然，惟知有亲，不知有身，非可伪为也。昔人有诗云：亦知割股非中正，情到摧伤岂伪为？又舍身崖诗云：此身如何容易舍？舍时除是为君亲。至哉言乎！至于女子笃念椿萱，心伤陨瘁，割股和药，尚属结念毛里私恩。即割肝进姑，亦或姑嫜笃爱，情至易感。至翁与子妇，情与分隔，庭帙严礼义之别，纵不至情悬而易薄，亦或礼严而不亲，又或有所诿而情不笃。若孝妇吴氏之事翁姑，直如子事父母，一无所诿，诚有大过人

者。故当翁病时，刲股以进，翁病旋愈。氏年未五旬卒，人咸惜之。呜呼，氏不死矣！世之为人子者，得无对之有愧色乎。吴氏奇孝矣哉！

### 书浮空传后

李瑞钟

贾谊《服鸟赋》云：其生也若浮，其死也若休，澹虚若深渊之靚，泛虚若不系之舟。又曰：不以生故自保养，空而浮。服虔云：道家养空虚若浮舟。若浮空者，殆所谓至人遗物独与道俱，真人恬莫独与道息。寥廓忽荒，与道翱翔者比乎！其有鉴于贪夫徇财，列士徇名，夸者死权，品物每生，愚士系俗，儻若囚拘，而因托于浮空之说以讽者乎？且夫天地炉也，造化工也，阴阳炭也，万物铜也。自无而有，自有而无，消息循环，变化不居，未始为有，未始为无。无所谓有，安所谓无；无所谓无，安所谓空；无所谓空，何自而浮空？则无翳浮乃不胶。本来无物，纯任自然，本体之明葆而无失，吾于浮空得所养焉。覆杯水于堂坳，则芥为之舟，置杯焉则胶，亦此类也。由是言之，六合以外，皆空虚也。天地亦浮于空虚之内也，使天地不浮，块然一物耳。天地之气，浮者为阳，清而无滓，流而无着，故能含和万类，化而弥光，得所养也。人亦体天地之气，载以清虚，以全吾真焉可。

### 疏

#### 修道庵疏

万表

伏以除道成梁，王政大务；扶危济险，佛氏所先。凡有利于人民，亦何辞于方便切见。常、玉二邑，路通八省，崎岖八九十里，艰比羊肠，匍匐百千，万人劳过，鸟道已苦，霜严路滑，尤嗟雨泞泥深。

昔人畚鍤未奏成功，频岁轮蹄渐成圯陷。若非因人以成事，何以示我于周行。所冀达人善士捐金委粟，拔群生于苦海，种万善于福田，遍叩慈心，大兴喜舍。万历《县志》。

### 惠安寺普同塔疏

明知县黄 卷

真正修行人，志出三界外。视此臭皮囊，何啻一敝屣？非若阎浮情见，必须乞灵佳山水，为荫庇子孙计也。顾惟一期旅泊所藉，修行办道。此个皮囊实有功德，夫来时藉其力用，去后委之粪土。自匪无情，何能置此？肆观我佛涅槃，商王建塔，舍利坚固之藏，所自来矣。古定阳惠安寺，先朝灵迹甚盛，近且得万融开士用金缕振之，鹫头古格，焕然一新。诸所应有，无不毕具。比又为所作已办脱去布衫者，卜兆山麓建普同焉。夫此方法席萧条，即现在圆颅方趾，拨草瞻风，诸龙象无图聚首，共打葛籐尚共一宿，无所抵而万融□为逝多计，亦迂矣。虽然，天人还礼故身，饿鬼亦自鞭骨，所愿当来。佛未登此地前，趁此一期且自作计。若复青山点埃，不愧迦文遗蜕，则凡共成此缘事者，视彼阿育王亦复何多！让不佞闲食此邦，惭负万家香火。惟是福田利益，嘉与都人徼惠尔，其强意持券龙华，异日有言，微宰官之赐不及此，则予幸矣。万历《县志》。

### 考

#### 赵忠简墓考

知县李瑞钟

赵忠简墓有三：一在闻喜，一在昌化，一在常山。闻喜为葬衣冠处。昌化在粤，为公贬所。史称遗命乞归葬，明年得旨，故汪应辰祭公文有“归骨”之语。胡澹庵当公歿时亦在贬所，挽公诗云：一堆孤冢寄琼岛，千古高名屹泰山。盖时尚未得归葬之旨耳。说见

嘉興錢新梧給事儀吉答陸心蘭方伯言書，陸書問吳禮部集過常山趙忠簡墓詩云：淒涼柩車還，倉卒書疏焚。誰知尉職卑，乃能杜使君。若有不釋然者，錢歷證諸說，以公墓確在衢。又引李幼武《言行錄別集》：忠簡不食而卒，子汾護喪歸葬衢州。章杰知中外士大夫平時與公有簡牘往來，至是又携酒會葬，意可為奇貨。乃遣兵官下縣，同縣尉翁蒙之以搜私釀為名，馳往掩取。復疑蒙之漏言，潛戒左右伺察之。蒙之書片紙，走仆自后垣出，密以告汾，令盡焚篋中書及弓刀之屬，比至無所得，公家賴以紓禍，事與禮部詩合。則詩云：杜使君謂杜絕章杰來使也。錢以為杜字有誤，殊未得解。按：朱子《翁君墓碣銘》：杰怒誣翁君他罪劾之，會尚書郎胡公寧以事白桧，桧亦悟為杰所賣下其事。安撫使問狀，徙翁官旁郡，則使君又似指安撫使。杜字疑是枉字之訛，于文僅闕一畫，與上語“誰知尉職卑”文意緊貫，玩此當以枉字為確，茲不深論。按郡志，墓在縣北定陽鄉。舊志：在十三都石門，即今稱字莊。舊分四畝，今并二畝。正統時，按察僉事歐陽哲詢公墓，鄉人無知者。後自開化經行，始得邑人詹萊有《謁公墓不獲》詩，云：巒麓郁窅窅，河水清彌彌。翹首睇層漢，惟見尾與箕。蓋山水環護之處，樹林蓊翳，不易尋也。今按：公墓在文圖村後，城北三十五里，所謂相公墳者是也。石門山迤邐數十高峰，去葬處五六里許，無怪歐陽公、詹公詢謁不得也。然石門山綿亘數十峰，則凡十餘里內皆可以石門該之，文圖特石門之一村耳。舊說原未為失，今為指出，庶謁墓者知所從入云。

### 穀江五畝橋聲溪考

知縣李瑞鍾

《太平寰宇記》載：常山縣有穀江，并引《輿地志》：其水波瀾交錯，狀如羅穀之紋，因以為名。孔志、陳志但不載。惟陳氏《志余》



引《水经注》：灊水又东，定阳水注之。其水分纳众流，混波东逝，径定阳县，亦无穀江之名。按《汉书·地理志》穀水出太末，即《水经注》亦云穀水又东，经定阳。唐于邵《送窦秀才序》：罗郭之下，穀川可厉。是唐以前从穀，不从穀。《志余》作灊，误而又误也。又按《水经注》：穀水上承信安之苏母布，水悬百丈，灊势飞注，上有石牒。其水分纳众流，经定阳县。然曰上承信安，则在西安之下，不在常山界内。其曰经定阳者，谓后汉孙氏所置定阳也。按《一统志》：衢港源出江山仙霞岭东北，流入县界至城西南，与信安溪合。径城西又绕出城北，又东至鸡鸣山下，与定阳溪合。又东北径龙游县，曰穀江，则穀江又似在龙游界。又按西安县有穀溪。《县志》引《輿地志》：穀溪之水交错如罗纹。白居易《报张使君》诗“浮石潭边停五马”，又李鉴《穀江夜泊》诗“浮石滩头泊晚风”，谓此也。按：西安有浮石潭，疑即浮石滩，则穀江似确在西安矣。然考《方輿胜览》：穀溪出西安，合江山、常山之水。夫既合江、常之水，则江、常皆穀溪脉络，穀溪之名，江、常可分据，穀江之义皆统称也。予惟三江九江而外，水之以江名者不一，皆假借之辞，大半与江无涉，而脉络联贯之区，皆得各据其名，故一水分见数处者往往有之，犹开化有马厓溪，常山亦有马厓溪也。则谓穀江在西安可，在常山可，谓常山必无穀江，不可也。且《寰宇记》既详载之，邑乘又乌可略而不载哉？至灊泉在县治西，与此无与。然旧志云：脉与灊水通。灊水疑即穀水之误，益信穀江之在常邑也。又《寰宇记》载常邑有五亩桥，孔、陈两志俱无，岂坞口桥之讹耶？不敢臆断。又有声溪，两志亦不载，惟载猷阁洞嵌崕无底，回龙之水奔流注入，喷沫溅浪，激声如雷。然闾邑山涧绵密，群流东会，荡为巨浸，建瓴而下，昼夜不息，时作钟磬音，隐杂两岸松涛，山水瀑至怒滩，奋迅有似万马突出，声闻数里。居人云：每值无风，滩声噪耳，天必有雨。其言良

验，第溪流有声非止一区，未知声溪究在何处。按《府志》：西安东溪源出紫微山，沿周公源，过相思源口，循县南九龙山下，又缘响谷石室诸山麓而东北出为石室堰，又东北径鸡鸣山下入信安溪。《水经注》：其水分纳众流，混波东逝，经定阳县溪，因取名焉，夹岸缘溪悉生支竹及芳枳木，连杂以霜菊、金橙，白沙细石状如凝雪，石溜湍波，浮响无辍。《隋书·地理志》：信安县有定阳溪。似与常邑无涉，亦无声溪之名。考《府志》：开化声口溪之上流曰池淮溪，有二源，一出歇岭，一出大榕岭，合流至胜岩之池淮坂，曰池淮溪。又东南为声口溪，又东南至孔埠与金溪水合。金溪南入常山，其流始大，亦曰金川，且溪曰声口，犹言声溪之口也。声溪之口在开化，则声溪脉络联缀开、常，宜常邑之确有声溪也。

## 辨


### 邵氏古孟响盏乐器辨

李瑞钟

邵氏家藏先代康节先生遗留乐器，凡十有二。云明末佚其二，今惟存十。或云古孟，或云响盏，莫定主名。或又云与编磬同，不知皆非也。按《说文》孟饭器也，钵食器也，亦孟属。《演繁露》孟食器，若钵而大。他如盃、盞、盩、盞，皆孟钵之类。邵氏所藏之器，容受不能一饱，不得以孟名也。又按：《博雅》盏杯也，《方言》赵魏之间或曰盏，注最小杯也。兹器虽容受无多，然体制亦不甚委小，且数盈十二，显符律吕，铜色斑斓，音极清越，不得以盏名也。即谓水盏入乐，容有其事，要非盛世雅音，康节大儒必不为此狎褻之举。至编磬为物，有倨句县虞之形，以为相肖，其说更谬。予按《说文》钟酒器也。《孔丛子·儒服篇》：尧舜千钟，孔子百觚。汉大官铜钟，疑即此也。又《集韵》，朱用切，音种，《字林》，酒器也。一曰乐

器，又钟与钟通。黄钟、夹钟、林钟、应钟之钟，《周礼》、《汉书》俱作钟。然则，钟与钟音义本相通，而模型制器大小未始不相为用也。玩此邵氏之器，当是钟类。以钟名可即以钟名，亦未始不可。昔周景王铸无射，问律于州鸠，对曰：律所以立均出度也。纪之以三，平之以六，成于十二。王粲钟铭三以纪之，六以平之，亦此意也。又《古今乐录》，金器六，钟居一，镈次之。《正字通》：镈小于钟。又州鸠云：大钧有镈无钟。韦昭注：去钟用镈，以小平大也。又鐃形如小钟，铙似铃，有柄，与此类，而不类古人用以节鼓，康节特师其意而变化用之耳。其数十二，象十二月也。考六律相生之法，以上生下皆三生二，以下生上皆三生四，阳下生阴，阴上生阳，终于中吕而十二律以备。今按钟底星文，自一至五凡五，自七至八凡二，六、九不见，岂以六、九阴阳极数，故藏而不用乎？抑所佚二枚即六、九数乎？其无十数者，天数、地数，二五本相合也。无十一数者，零余则不和，不和则不生也。三分损益，转生十一律，合之得十二数。今考其声，星五者，口缺分许，若虫啣然，其音宫声，应黄钟生数。星八者，其音角，声应太簇成数。星七者，底有微裂其音征微弱，声应仲吕成数。星四者，其音商声，应南吕生数。星二者，口裂一线，其音似征声，应蕤宾生数。星三者，其音角声，应夹钟生数。星一者，内二星微有绽痕，其音如羽微强，声应大吕生数。其无星者三：一应林钟，一应姑洗，一应无射。可知散失者一为应钟，星必六；一为夷，则星必九也。安知非康节在天之灵显示后人，以保泰持盈之道，而默寓以剥复平陂，进退损益之微意乎？乾元用九数极阳九，坤元用六数穷百六，是故四仲中央各分九算，名曰木落归本。分六至亥，取震置乾，命曰水流归末。见《五行大义》。此中有妙蕴焉。吾愿邵氏子孙抚彝器而思先人手泽，常怀兢业之心，以勿坠厥先型焉。爰为绘图于左，并书明分两星数，以示保持郑重之意云。

附：古孟图



星 五



星 十



星七



星四



星二



星三



星元



星元

光緒十年冬山陰張仁丁與善敬繪



無天



無天



《老学庵笔记》：汉嘉有省油灯盏，盖爽灯盏也。一端有小窍，注冷水于中，每夕一易。常盏为光所灼，故速乾，此独省油几半。邵氏济数以遗中朝，士大夫按爽与响音相近，或即爽盏之讹欤。然爽盏一端有小窍，此但有星而无窍，形象究殊，不得以响盏名也。仍以古孟乐器目之，庶不失古人命名之遗意云尔。

## 说

### 种木棉说

知县李瑞钟

木棉即吉贝，出林邑、高昌、哑鲁诸国，见《南史》、《瀛洲胜览》诸书。入中国已久，物虽薄而利赖甚普。我朝圣祖仁皇帝御制《耕织图说》，详明种法悉美善，并采掇、纺织等法，一一绘图系说，其子惠元元之意，衣被天下，良非浅也。常邑环城百里，多山少平畴，低田宜稻，高者宜秫、宜麦、宜菽，种木棉者绝少，妇女无所资以纺织，无怪女红少生计也。暇读方棠陵《木棉岭》诗云：安得木棉花似雪，尽充贫女木棉机。为慨然久之。意此岭必以土宜物产得名，非只象形惟肖也。予尝亲历邑四境，颇谙土性，察原隰诸地概宜木棉。此物性恶湿喜风，根宜时润。邑傍山不少平原高暖透风，而山半多泉，土性潮润，以树木棉，生机必畅。居民多拘守常产，不谙其利，而惰农复以土性不宜藉口自安。盖木棉根土宜厚而松，又不喜杂草蒙生，根土常宜锄动令松，然后加培粪土，除去草根。故史炤《释文》云：下种既生，一月三薅，至秋结实。即谓此也。予尝鄂垣随侍先君，道经楚黄，望大江北岸，木棉花放，万顷朝霞，开成一片。问之，居人云：月常五六薅至七八薅，比成熟，其利数倍禾稼。秋八月，西风告紧，白云四野，堆晒茅檐，穷巷机声，篝灯五夜，御冬旨蓄，悉于此谋。纵秋收略减，亦不致无衣叹杼柚空也。康熙间，江

阴孔秋岩先生棒檄莅常，麻山之害言之详矣。又尝劝民树桑，朏切晓谕，法悉当，人不能从。顾树桑犹待数年，而木棉夏种秋收，不及半载大得其利。睽婆万叠，机女千丝，经纶在手，组织从心，取之无尽，引之弥长。余棉可以作絮，老弱不致号寒。子实可以取油，同室藉供夜绩，虫声促织于灯火光中，月得四十五日，织成丈匹，价甚昂，息常数倍。即至陇坂秋深，露零霜警而叶落肥田，仍可早种菽麦，岁凡两收，人亦何惮而不为哉！呜呼，绉绌可风，雅慕葛覃之化，妇无公事心伤蚕织之休。凡吾之为是说者，盖有见夫耕织之废兴，实由丁男子妇之勤惰，悉关国计民生之厚薄，而地道无成，倡率有自。所愿男耕女织，内外交警，俾衣食恒充，永无饥寒之迫，则余心快甚。凡尔农民，其勿以吾说为迂焉可。

## 铭

### 浮空记铭

詹 菜

九苞侣鳧，三秀孕枯。受滴自天，予慎何辜。衣靡食愉，手痛足瘡，岂其应龙，时乎负涂。神则天谋，迹则人徒。昔夸神授，环珮雕胡，矧兹台台，服役承呼，施及孙子，匡翊载乎？勒此贞珉，允昭德符。万历《县志》。

### 廉泉铭赠晓村明府

樊贵贤

扬之波既，涟且清沛，我侯之泽，宜以廉名，有如此水，湜湜其沚。臣门如市，臣心如水，旆旆黍苗，泉则膏之。祁祁士女，侯则劳之。非惟膏止，又优渥之。非惟劳止，又从而休沐之。猗与侯德，百里之天，流泽无疆，如阜如川。

## 赞

## 弥勒县知县璩恩绶像赞

高 冈

湖山崢岷，秀毓群英。攸眷殊渥，惟七夕生。天姿豪迈，品卓谊精。一行作吏，廉范矢贞。琴堂寂寂，镜虚月明。霜威严峻，蠢动奸氓。纵回鹤驭，浩气常行。载瞻遗像，辉溢瑶琼。

## 骈体文

## 征刻三衢文载启

邵志谦

盖闻翊运首崇夫经术，载道莫大乎文章。奕禩争传寿世之篇，一隅亦见同文之治。吾衢山川环绕，灵淑扶舆。地接金华，何王之薪传未坠；时当南宋，朱吕之讲塾犹存。故自策赋取士以还，代多巨宿。逮于经义设科而后，弥著鸿文。方棠陵齐名少谷山人，郑象湖受业康斋征士。二徐君日久字子卿，应秋字君义。觥觥谈史，编摩虫笺、鸟注之微。两学使叶秉敬寅阳、方应祥孟旋。岳岳说经，著述比贾懋、董醇之重。固已纪史宸而不朽，垂艺圃而愈新矣。遗风流行于今，岂无作者？圣化涵濡已久，更有人焉。餐花蕊于林间，藻思绮合。坠金钱于月下，慧业天成。罗循蜚疏乞之奇书，碑探岫嵎，窥宛委嫫媿之秘本，稻辨瑯邪。莫不躐窟探根古学，则共矜树帜。因之叽华咀秀，时艺亦各自名家。或如陶石篑键户揣摩，自信开两朝之风气；或如邓定宇闭关攻苦，预知魁一榜之英雄；或结社名山，以兴起斯文为任；或受知哲匠，以力追先正为宗。岂非法密理醇，悉辉映三才之巨制；词昌气沛，尽发皇万有之伟篇也乎！顾乃篋衍深藏，珍惜有如鸿宝。即使赫蹄腾贵，传抄仅遍梓桑，苟非藉梨枣以成编，终难合寰区而共赏。谦墨丸少授，水篆罔吞，束发研四子

之書，未窺涯涘，拈毫作八比之格，罔識源流。幸與英髦生同郡國間，奉鞭弭之役，素親壇坫之光，思作鈔胥，播高文于松檠；願充書賈，繙典冊以牙簽。惟冀大啟琅函，廣投琮笈，寄自江郎岩畔，悉江郎筆上之花，郵來石室山邊，即石室洞中之秘，合藻火而成黼黻。衣被詞林，諧律呂而奏簫韶，鼓吹藝苑，祈成盛事，顛望同心。謹啟。

### 重建定陽書院碑記

知縣羅升楛

粵自淵含岳蘊，柔祗闕其精，璧耀奎聯，大闢昭其象。故金庭玉柱，秘府探奇，紫檢丹繪，元都擢要，章裸俗于藻火，賁闕首以紘緹，披曠牖聾，休哉尚矣。自時厥后規範遂宏，龍馭歷妣，庠分上下，龜書授姒，序表東西。逮子運告終，姬宗崛起，二王集業，光啟明堂，五土樹屏，式頒洙水。義存教孝，示袒割于鸞刀，道在牖民，宣德音于鱗鼓，是以化雨之漸于南國，若晨風之馭于北林也。暴嬴迂鼎，元黃睢刺，利嘴長距，攫噬衣冠。天乃大命朱光，遠承蒼歷，蕩茲毒螫，紹彼徽音。百氏搜珍，集邱墳于槐市，八埏頓網，該俊乂于鴻都。故承明金馬，楊班之選如林，天祿石渠，甲乙之簽猶織也。夫志士遺俗，壯夫戾時，窮谷幽蘭，無人自秀。澡身召夫鵠頭，海上有繙經之客；簪筆集于龍尾，闕門有問道之夫。彼夫栝杜不施繩墨，則樗散之羞也。荆璞抵諸泥沙，抑玉人之過也。是以學貫天人，任經師于王子，德兼食教，辟講院于元公。厥后鵝湖、鹿洞，廣聚英才，茧絲牛毛，飽聞義諦。關中拥皋比之座，洛水普龍德之施。制有別于膠庠，化更周于閭巷，時義大矣。故教成于下，則蒸蒸如彼；憲定于朝，則皇皇如此，凡整俗以齊民，異軌而同轍也。予猥逢聖代，領簿湖山，德薄任隆，志奢才約，愧文翁之雅意，慕延壽之淳風。爰有定陽書院，在治東偏；方將開閣延儒，下車習禮。不悟歲

除月迈，名在实亡；芜径颓垣，但蛩啮与竹啸，荒阶断砌，纷鼠拱而狐趋。陶穀双池之研，蚀以泥沙；李统四部之书，叩诸蟬腹。或乃效恭王之故智，窃圯址以利室家，吁可异矣。夫兴坠何常，废修靡定，昔奚侈于延阁，今讵等于隳垣。矧妙相庄严信舍婆罗之宅，琳宫灼烁勇输小兆之金。意虽取于祈禩，行已夷于谄鬼。集千缗于妙画长康，故是痴人断三尺之长髯，谢客殊惭慧业。曷若续斯文之绪，扶大雅之轮。昔吴郡名贤蜚仁声于建学，而是邦先达楸义迹于捐贖，谓詹公兆麟也。雅量高情，艳称今古，踵武前哲，岂伊异人！扶德栋于既倾，浚文源而不竭，敞鱣堂之旷旷，高芸阁以峨峨。采缃帙于漠觚，琅函琼笈；扰鹑雉于嶰谷，紫脰文膺。所谓种玉蓝田，家家有连城之宝；采珠元圃，人人握揜日之珍。譬香蜡之长然，奚光辉而莫耀；况芳畦之大启，焉兰蕙而不滋。既以建一方不拔之模，因之收百年树人之益。愿与好善者共勗之尔。

## 《常山縣志》卷六十八

知縣李瑞鐘修輯

## 詩 賦

賦者，古詩之流。齊梁以後，沿為五、七言。蓋古者太師陳詩觀風問俗。是邦風氣醇茂，性情抒寫，不乏咏吟，必有系于風化。或詳事迹、題名勝者，始登簡冊，亦謂無益于俗，不必多為濫收也。志詩賦。

## 詩賦上

龍虎台賦至順壬申鄉試，與劉青田并称。

江 孚

吾聞幽都之山，接天樞而為一，嵒崑崩峯，崱嶭紆郁，幾萬里兮，挾居庸之南出。壯乾坤之險兮，開混淪之端倪。儼龍盤而虎踞兮，屹高台之峻尼。右太行之峨峨兮，左滄海之湯湯。負天關之嶮巖兮，面紫極之清光。觀夫台之為狀也，則博敞倜儻，朝昏來往。嵌岑參差，日月蔽虧，軼陰雨于太空，俯星辰于下墀。溘氛塊而軼浮景兮，出凌競而入太微。吾亦不知其高廣之若是兮，蓋天地之所為。若乃峻嶒嶽嶻，撐鱗奮鬣，周回連蜷，蜿蜿蜒蜒，林蒸潤而雨降，岩轉石而雷喧，勢將騰海水而噴薄，鼓灑氣而飛天。吾是以知台之所以名龍，變化而無前。至若嵌岩豁豁，有呀其牙，孱顏岬嶇，而爪而攫。春花明而文炳，飛泉跑而慄魄。眾山奔騫于其下兮，若百獸震掉披靡而前却，吾是以知台之所以名虎，雄萬古而磅礴。爾其季春曆日，法駕北巡，五輅輝煌，萬騎紛紜，鸞旗風蓋之森嚴，金干玉戚之晶瑩。驚蹕既啟，天顏甚迓散皇風，以矚幽考聲教之所

被，吉行信宿于焉而止。喜地势之高，平纵登望之崑崙。乾心隆而征怡，都人仰而称伟。于是名臣良士，朱虎夔龙，幽清飏于有土，嘘元气于太冲。鼓舞六合，奋跃群雄，出渊潜之滞迹，起岩穴之幽踪。吾又知台之所以名龙虎，不独山川之胜，又快夫风云上下之相从也。嗟夫，威加四海，知伯心之犹存。直计百金昭俭德之，为至图功业于丹青，致获良于千里。是虽可以压铜雀而下姑苏，又岂足并兹台之美乎！歌曰：瞻彼层台聿穹窿兮，肇基太始垂无穷兮，爰考休征熙淳风兮，于昭灵台与俱崇兮。

### 筑城赋

王 涣

粤稽常山旧为姑蔑，既改信安，端由太末。沿唐迄宋，三衢山列舆地南陬，版图东浙实川途之要会，亦陆路之巨冲。草萍驿峙灏溪水溶，遥接烂柯，青霭芙蓉，豫章襟喉，瓯闽心胸，四郊青蔓，万户烟重。虽因山而设险，奈屏翰之无墉。时有吴国大夫应宿宰临庭，无潘花堂沉宓琴，粉饰不事，保障关心。于是师晋阳图，即墨起下邦，为上国策建万世。爰度疆域，利民保民，虽劳不劳，动静视指，聚散听馨，负畚云屯，相杵风号，上摩回雁，下奠金鳌，想夫役徒之多也。无辽水之激恨，有南国之咏歌。蚁阵蝟毛不以为苛，朝盖暮浆不以为疴，用财之宜也。必谒帑以发公，不算缙而害私。石不必鞭，岂牛挽驰；土不必蒸，岂人骸炊。经野法神禹，保民师尹铎。一石之崇，吾心是凿；一簣之覆，吾心是攫。成不逾年，颂大夫贤。火牛莫入，万堵金坚，飞鸦莫度，百仞山巅。若游龙跃海，隐隐乎吐云散烟；若天马排空，绵绵乎跨汉凌川。聚之若比鳞联蝉，舒之若远野遥天。雨洗而碧，千山照影；雪晴而银，万瓦余冷。高欲留云，屹如山屏，千军当之而颓锋，万马过之而失策。魏沙孰成，赵壁莫易，过长安之斗南，类天台之霞赤。秦人空筑怨，蜀锦可齐名。说舌不

得下，美色豈能傾。誠浙服之藩蔽，洵寰海之名城。乃為歌曰：金城郁兮環樹，睹河洛兮思禹。昔無城兮豕突，今有城兮人怙。勢排山兮踞虎，時不兵兮干舞。區區辛勤兮召杜，永鎮東南兮終古。

### 石門賦

徐 璟

維茲定陽，素號神邱，當閩豫之冲會，居吳越之上游。千岩環峙而競秀，萬壑分布以爭流。綉壤之形相錯，山川之勢紛糾。乃陰陽亭毒，昔埋沒于斷簡；過存神化，今生色于賢侯。黃岡為登臨之選，碑留羊叔；龍山為林壑之美，記述醉翁。球川則控引乎西隅，一村棠蔭；金川則襟帶乎南郭，滿縣花封。褰帷所至，載筆何窮？迓者出北郭之開陽，渡流水過山岡，逞崇朝之越歷，快半日之翱翔。遇林壑而瞻眺，見邱壑而觀望。明媚目悅，秀麗意移，峰回路轉，風景轉奇。三家五家村落，九里七里河堤。恍九疑之莫定，宛具茨之易迷。未到桃源之洞，已經武陵之溪。水窮尾闕，云起端倪。匹練澄清，虹霓浮動。不波而興，匪濤而涌。隱隱吹噓，遙遙奔送。耳目為驚，心神欲悚。第見有若蒸而若撼者，排空層疊而來，蓋莫測誰何之鼓弄。居民告余曰：進此有洞焉。實噴薄而來，此吾邑所謂石門佳氣者也，子或素聞而未之見乎？於是踟躕而前，沿流而上，根究所因，諦審厥狀。有山岑嵌參差，如坟崔嵬嶺峯，軒臨而蹲。峭壁悬崖，洞辟巨門。豁豁空谷，杳无底根。回旋地軸，消息河源。四時酝酿，乃氣所屯。其為氣也，渾沌在中。滃然而出，霏霏微微。浸以洋溢，于焉浩蕩。弥漫四塞，冲斷山腰。蒙遮路側，凝釋融液。遠近各得，稼穡鮮潤。草木芳澤，極目迷离。數里仄澗，礙礙何垠，暨訖莫測。其為氣也，則又溶溶漾漾，浮于水濱。汪瀼皓白，汹涌齟齬。漫衍溟滓，渙渙沄沄。流飆吹波，結絡游鱗。日光玉色，澄瀾氤氳。掩映涟漪，錦花成文。沄鄰澎湃，迅復汨沦。千匯萬狀，



不可殚论。余睹而诧异者久之，告者曰：吾子踪迹所及，与夫诵读所知，亦见寰宇山水有如是非常可喜者乎？且吾子操觚之士，曷不拟诸形容象其物，宜以增斯景之胜？余乃喟然叹曰：噫嘻，吾疑造物者之有无久矣。其朝暮纷纭也，此非巫山抑何似云？彼其瀼瀼布濩也，此非苍江抑何似露？若乃披拂晴峦也，疑来神女袅袅烟寰；时而荡摇水曲也，疑有仙人翩翩雾縠。此岂蜃楼耶？万户千门无一不周。抑或海市耶？车马人物倏忽而至。吾闻三湘七泽号为巨藪。是虽山谷，吞若云梦者八九；具区震泽称为巨浸，是虽邱壑，而广有三万六千之顷。又何异乎广陵之涛有素车白马之称，浙江之潮有怪异诡观之叹也。告者又曰：是皆然矣。然自吾乡，有此土田腴生齿繁，风俗和乐，胜于他所。非若岭之气为厉于人，故以佳称。子盍更为我述之？余曰：唯唯，否否。子独不见夫五陵之佳气乎？郁郁葱葱，无日而匪甄陶乎一方实为福于通都。川岳之所钟灵，笃生豪杰丈夫。若乃怀远大之思，存旷达之见，必逢圣明，斯为河清必归禹甸，斯为海晏必游先天，斯成醴泉必居乐土，斯成甘露嘉祥，所示有开，必先兆在太平，又何疑焉？不然五岳何日不峙，四渎何日不流，何以必今日而后嵩呼。闻荣，光浮石门亦何日不见称于吾邑，又何以必今日而河上称为神明，城头同于姑射也欤。甚矣子言之细，而将为士君子之所鄙也。告者闻言愧赧，默默而去。余遂奋辔前征，飘飘有凌云之气。

### 球川赋

徐烈

若常山之都会，首西鄙之球川。为太末之末壤，居越绝之绝边。乡称君子里，号齐贤岭，标姑蔑球象天然。凡莅兹土者，莫不美人文之秀丽，而聚厥族者亦共乐山水之团圆。有如四塞如城，一溪如带，银瓮秘于其中，金盘周于其外，两社夹于其间，双塔雄于其

界，灿形胜之列眉，非丹青所能绘。山则天马勒其南，银尖秀其北。近而乌龙、渴虎围象鼻以狮山；远而太甲少华拱三清于怀玉。水则泉名丽泽，潭跨双虹；从两源以发脉，入九江以攸同。由西流以汇于彭蠡，乃东折而趋以朝宗。至于丹丘祗树，虽乏名区，松关竹院，不少清虚。访古则白云无恙，元帝乃雩；标新则文昌阁耸，仙子亭孤。况西山白石之间，其林壑之尤殊者，皆足邀柳州之记，而当中岳之呼。乃若问其土产，则物力维艰，人工颇巧，家承左伯之传，世习蔡伦之教，采竹料于豫章，试药苗于谢豹。辨名则二十四色，过手则七十二到，乃足为翰苑之珍，而应乎凤池之诏。又若考其风物，则粤稽往牒，颇费讨论。溯玉、常之分界，自唐肃之乾元，乡仍吴越之所辖，山为黄巢之所屯。其在宋也，则金紫之门犹在，端明之墓若存。其在元也，则寿佛成于鲁姓，内撰宅于曹村。迨历前朝，其文彪炳，吊靖难之孤臣，竟埋名于杉岭。想铁面之将军，曾扬威于敌境。丰县之诗句翩翩，邳州之直道耿耿。岂徒兰社与治社联镳，抑亦武闾与文闾争骋。今则承平日久，民物咸熙，各安生以乐业，咸说礼而敦诗。凡与冠裳者，凡七十二贤之数，不闻兵革者且四十八年有奇。于以述其风土，志其盛衰，亦足鸣国家之盛，而供采访之资。尔乃境接豫闽，道通宣歙，土著既非一姓，异民复多错杂，治则宵小易以潜形，乱则红巾依以出没。爰知江浙之咽喉，无异褒斜之要路，故兴朝设汛以守险，而贤宰绸缪于未雨。观壁垒之一新，乃保邦之切务，非徒恤乎戍卒之更番，而实使吾球之藉以永固。因复为之乱，乱曰：地之形兮如球，山补缺兮四维周，俾作贡兮玉版，完且好兮金瓯。赖孔父兮奠之，筹古戍兮营其沟，固吾圉兮万千秋。

## 定阳山水赋

邵志谦

逍遥游客驱车姑蔑之邦，弭节定阳之野，抚景物而情移，缅湖山而心写。乃过邱壑主人，而致词曰：先生遗弃歆尘，风流自命，业传细素，名播歌咏，世居定邑，熟谙斯境，请摭研练之丽辞，以标山川之殊胜，可乎？主人避席而对曰：仆孤处穷愁少暇，端忧学惭沉谢，才逊枚邹。矧常本下邑，僻在越隩，山无仙真之灵阙，水乏浩荡之洪流。今勉承客命，略述其由焉。粤自星分斗牛，地接吴楚，定阳本太末之墟，常山因咸亨之度，据江浙之上游，扼闽越之门户。溪流紫带，山形环互。千里明月，羁臣旅士之辎车。两岸轻舟，贾客估师之飞橹。物产储翰苑之珍，分封建宗藩之府尔。其风土犹淳，人文相续。忠节则肇于丰公，理学则原于徽国。东莱、南轩并施教育，闾道圣锡并著芳躅。衣冠之宅云连，簪纓之家星属。然此皆载于简编，列于往牒，炳炳麟麟，炯炯煜煜，可以稽古而兴怀，披卷而娱目。惟夫山幽而秀，水清以驶，前贤虽有品题，胜迹不妨点缀。谨搦寸管，为客赋之。彼夫一峰屹立于治右，文笔巍耸于城中，双塔联霄，杰观参空。半闲亭兮野草掩，卷勺房兮土花封。丝雨弄晴积一天之湿翠，轻飙送暖吹两坞之落红。五夜之磬钹，悠扬隐约，楼头箫鼓；四面之溪峦，罨画依稀，镜里帘栊。纵蜡屐兮东游，则有石室藏修，清猷名留。岂凿开于匠石，宛飞来之丹邱。泉生石罅，铿然如璆。学凜旦明心香之告，天不愧功深，陶铸鍊面之劲骨。谁侔风弄竹声恍琴音之缥缈，月移松影助鹤唳之清幽。更或渡号招贤，迅浪震悸，波停而荇藻交横，风利而帆樯如掣。榜歌发兮凫雁飞，款乃应兮鸥鹭起。星霜摇落，吊憔悴之放翁；原野萧条，抚苍茫之汉治。蹇谁探兮西指？则有路出城闉，昭庆禅寺，拾给峰巅，众山俯视。古道残阳，山城暮市，法鼓振而清梵出，歌钟起

而行人度。波光晶晶兮林表明，夕照微微兮樵牧去。西峰之側，爰有龍窟，造化綢繆，鍾茲靈物，千載潛鱗，一朝蛻骨。深洞逶迤，寒風濛濛，滴溜潺潺，冬秋靡竭，雨漱雲牙，晴梳石發，滌煩想於心胸，祛炎歎之酷烈。若乃極西鄙，臨絕邊，逾蔑嶺，入球川，千章古本，萬灶炊烟。比戶操業，特出名笈，添修五鳳之樓，品貴四寶之間。綠竹剖以丝丝，炎精暴以山山。盈畝芦花而無種，四時積雪而不寒。翩翩翔兮南涯，則有碧流縈紆，怪石谿訝，崩濤激雪，吼浪飛花，宛爾瞿塘峽口，居然滄瀨湍沙。月映波心，圓靈鏡碎，河穿浪底，烏鵲橋斜，枕漱均宜，孫子荆之高雅，觴咏足適，王逸少之風華。又若沿綠潭，傍翠嶽，仙子亭孤浮空迹遠。功行人間兮有時滿，夢魂天上兮不復返。石亭藓剥兮斜暉晚，漁唱牧笛兮聲相喚。盍駕言兮北眺，則有嚴谷幽渺，洗心亭曉，境新辟於語公，名偶同於落帽，千尋之峭壁，削成九折之曲蹊窈窕。停車而空翠沾衣，試馬而藤花拂袂。蔭垂蓋之長松，躡如羅之嫩草。醴泉涌溜於陰渠，招提隱見於叢筍。夏雨潤而長陰，春鳥鳴而更窅，秋桂發而天香飄，冬雪凝而深林皎。抑且暢登臨之逸興，問軼事於黃岡。呼吸可通於帝座，萬山培塿而莫當。雨起山半雲眠僧床，虎嘯而猩風辟易，猿啼而夜色淒涼。南渡之名賢在否，草堂之古迹永荒。羗翹首而延伫，吊忠簡之荒墳，想其系安危於兩代，扶半壁之乾坤。氣吞敵國，志復深冤。一朝賚恨，埋迹九原。未泯丹心，漬殷殷之紅葉；空嗟皓首，慘黯黯之白雲。山河雖變兮，千古留正氣。箕尾長逝兮，何處覓忠魂？又或望石門之郁葱，同噫氣於大塊石竈之橐龠。有神晨起而輪囷異態，占晴雨而若券，溉原田其永賴。昏曉樹而沉沉、暮遙岑而靄靄之數者，悉吾邑之奇勝，非形容之能罄。又况栖云亭、高龍池石峻，桂岩飄金粟之香，紫竹憂修篁之韻，靈龜聞步虛之聲，常山采仙芝之莖。訪禹迹而仁瓌碑殘，過三衢而碧玉岩憂，龍

回桥而高释行传，金吐川而仙人下饮，岂不足为柯城之都会，而称浙东之巨镇。然而沧桑迁变，陵谷兴衰，纪侯大去，郟子不回。李花南煽，飞燕东来。加以闽关烽火，粤峤氛霾，亭榭狐兔，观阁莓苔。叹江山之如昨，怅今昔之兴悲。今则重熙累洽，海晏河清，无山不秀，有水皆灵，固足以慰览胜之志，而愜游士之情。虽然，天地之凝结无穷，尘寰之奥区莫量。方将登天台，历雁宕，陟泰岱而瞻海若，探嵩高而溯河广，涉洞庭之浩瀚，览溟渤之混漾，访天半之峨嵋，蹶海外之方丈，憩蓬瀛之绝岛，御崑崙之仙壤，足穷四塞之灵都，目极八紘之奇赏，庶克副桑蓬之壮怀，历宇宙而俯仰，宁定阳之一隅，遂栖迟而不知向往也乎！于是，游客闻之，高望遐思，心旷神怡，录入奚囊，珍重而辞。将以补方輿之不及载，而续名胜之所未志。主人改笔而起，睪然远志，悠悠于南牕之下，飘飘有凌云之气。

**文笔峰赋**以势欲凌云，力能扛鼎为韵。

徐德彰

奕奕文光，超超笔势，濡墨汁于云间，拂毫茫于天际。层峦几点，凭染丹黄；远岫数行，任评甲第。文高而笔不犹人，笔挺而文非称艺，盖奇峰特耸其光华，而下邑聿呈其壮丽尔。乃作庠序之观瞻，掌斗宫之纪录。非落纸而自挟烟云，但随风而宛生珠玉。绘就万家烟火，入尘早已超尘。描来一幅輿图，近俗偏能脱俗。常持以正，往来随鸟之形；独妙于空，浓淡惟云所欲。想其摩空夭矫，拔地峻嶒，一自巨灵之擘，孰当大手之称。班子欲投，何从搦管；王思虽怒，无计驱蝇。惟含章而独秀，常积健以相凌。此戏号尖头于古弼，亦空怀积瓮于山僧。然而既称有笔，岂曰无文？螺髻梳成笔可簪，而文腾远耀；芙蓉开处笔有花，而文带浓熏。排鸿字于空中，恍篆六书鸾凤；倬汉章于华表，俨征五色霞云。文之高超，直觉包乎万象；笔之雄健，宁徒扫却千军。溯夫称名之伊始也，肇于宋代，方

蒙恬创造之年；建自苏公，等路扈装修之力。非截籥籥于园林，非采籊籊于荆棘，诂夸鹿毛鸡距之奇，岂羨碧镂白牙之饰。因镇地而同镇纸，喜捉龙蛇；以作邑而例作书，欣沾翰墨。迄今峨峨一塔，累累七层，力借五丁而宛在，功亏一篑而何能？历岁时而文章似斂，经磨炼而笔气还胜。拟张旭之露顶而书，几笑先生之秃；比郑灼之削毫更用，愈叹声价之增。一任衔蛇，众人共睹。有时题雁，胜友同登。是则对艺圃，映芸窗，纪繁花于春苑，题红叶于秋江。模山范水，运腕应思夫独绝；吟风弄月，挥毫合拟其无双。虽鸟迹虫书，文多异制，而银钩铁画，笔总能扛。矧当国运光亨，人材英挺，或则掌夫丝纶，或则铭于钟鼎。管城侯得意足辟千人，中书令有功定加一等。则试览此峰，峥嵘突兀，摘华挾藻于长空；益当俾文笔，崔嵬嵌巖，继长增高于绝顶。

### 诗 五古

#### 寄菱湖江仲长表

程 俱

急涧无止水，秋兰无故丛。别来今几年，坐阅毗岚风。交亲半鬼录，生者仍衰翁。及兹过君家，樽酒一笑同。知我厌鞞鼓，烦君韵丝桐。相携步林壑，顿觉万虑空。樗杜寄庄叟，醉乡著无功。醒来百忧集，尚寐期无聪。

#### 赠寺僧了空

程 俱

老空嗜酒肉，早岁事禅寂。归来山中舍，杖屨不停迹。高门走悬簿，两版扃四壁。醉来草间卧，度此风雨夕。遥遥慧日峰，法涌分一滴。应笑北山人，藜羹比香积。

## 石门山

江孚

石门有佳气，横亘如长蛭。朝为白云出，暮作清风归。爰建绚初旭，淡荡开云霏。沿溪一十里，凛冽犹冬时。溪旁所居人，六月恒夹衣。晓来出门看，迢迢去如飞。潮驱子胥马，阵入太白旗。油然皆春水，左右无可矶。为卜此日晴，雨具不用持。忽然冲风起，连山滄凄凄。决渠苦我屋，急雨早已随。老农为予言，采樵入深蹊。足蹶度鸟背，手攀依猿枝。半壁得石窍，中通下无涯。湏洞浩莫测，鼓怒常在兹。作木纳其际，飘扬失所之。乃知天地间，生物息相吹。大块一嘘气，土囊随之披。敛舒关雨暘，此理无足疑。何时着谢屐，更上凌云梯？

## 赠詹廷初肇

王琮

百行孝为本，躬行有其人。伟哉詹处士，孝心一何纯！慈亲属暮景，二竖良为屯。母病日已剧，子忧日未伸。攄心望寥廓，矢心辞已陈。剖股然臂香，祇为骨肉亲。儿痛既不惜，但愿康母身。危病果平复，感格动神明。报施谅不爽，福履绥有因。酡颜介眉寿，逍遥任吾真。忘情弃轩冕，素志甘隐沦。卓然齿德尊，里闾谁能伦？宜哉邑大夫，礼为饮乡宾。养老见书翰，累牍墨花新。装潢束牛腰，题咏皆荐绅。续貂惭蹇劣，鱼目知混珍。为君歌此曲，丕变风俗淳。

## 桂岩

詹莱

桂花有遗芳，季秋固非昔。岩洞巍然存，车马犹争适。公孙敦夙好，追随俨无斁。谷口列清歌，芜际敞瑶席。巉岩碍漉巾，芑萝承飞鸟。人穴探虬龙，陟岵睇圭璧。霜飙倏然生，落叶纷槭槭。緬

怀乌台踪，余威在桀戟。阴壑啣清晖，颓阳附归翮。旋警瞻蟾钩，迤邐从阡陌。

邑侯郝明府招游白龙洞

詹 莱

地僻潜虬螭，天高迟鸿鹄。萧萧爽籁生，凛凛秋容肃。贤宰固人龙，公余试林麓。远交千古神，时骋百里目。细雨润霓旌，轻飙荐熊轂。文茵细草藉，珠贯飞泉瀑。秩秩旅宾筵，呦呦咏鸣鹿。返照射丹崖，清声落元谷。矢愿均逃亡，每虑空杼轴。伫看龙洞颠，永留岷山躅。

赵公岩

詹 莱

轻飙荡穹昊，修潢引沓嶂。磊砢矗浑雄，豁险罗清旷。褰帷恣赏心，结发秉微尚。贤哲已寂寥，惚恍犹揖让。滴溜有琴音，翔云如鹤状。叮畦辟瓜华，渊被襪桂漾。芙蓉艳且妍，橘柚累相向。顿与人天亲，颇觉神情王。姑焉酌兕觥，于以远龙亢。选地即诛茅，曳屣时倚杖。庶几祛三尸，永矢蠲一障。

谒赵忠简公墓不获

詹 莱

曰予慕往哲，老大意不移。渡河念大禹，观画思庖牺。逝言车马迹，陟降靡所遗。北历获麟渡，南寻化龙陂。扞涕潇湘竹，乞灵毕郢著。孰知忠贤骨，近寄邻与比。想当筹策日，樽俎折昆夷。远将仲父埒，近与莱公齐。勋猷镌彝鼎，溟漠迷履綦。徒怀叔誉志，安得聊曼知。欲进屡复却，既去仍复疑。峦麓郁官官，河水清漪漪。翘首睇层汉，惟见尾与箕。



送陈德明署进贤县事归南昌

舒芬

天地眇白狗，父母怀婴孺。乃知亲民官，恩爱若乳妪。进贤久困惫，生理且为虑。公家急簿书，略不加恤顾。催科日例然，水旱委诸数。苍昊愍不吊，宫阙远莫诉。乍见公车下，一划去百蠹。万姓登衽席，呼号欢来暮。闻君在己卯，提兵巡水浒。战兢接洪城，乱血免蔑污。所以豪杰才，上信下亦慕。短歌难咏史，聊尔寄情愫。轻烟弄春燕，点点天际度。愿言让明德，孰肯怀伊傅。

读书黄冈山四首

徐长泰

褰衣陟高冈，石磴盘青壁。险尽觉身尊，群峰低于舄。瀑布溅空流，遥见上方宅。一径指云端，少憩七星石。岿然山堂开，小子出迎客。远公延坐谈，嶮巇尚动魄。新景俨旧游，寻梦若朝夕。

环冈皆峻峰，直出云之上。缘径达僧庐，奇观不胜赏。眼旷无拘束，川原任指掌。崖谷隐深幽，天地转宏敞。绝顶毘庐石，异兽见来往。剡竹接飞泉，冷冷余清响。到此陋尘居，翹然一俯仰。

信宿高山颠，触景多奇异。云碎始有天，云碍常无地。天地入云中，万象随所置。远峰抹微痕，明灭失其次。龕外轩窗开，晨光五彩备。空际幻阴晴，远近非一类。山僧为我言，喜我记其事。涉笔兴无穷，境外余深意。

宿云晴不开，天风何浩浩。苍桂识年深，枯梅恋春早。所见无近物，世代焉能考？昔贤留芳踪，羹墙悟至道。佚事访山僧，清论惬怀抱。有松枝可煮，有兰香可宝。悠然与云期，肯向尘中老。

龙山五首

包彬

凌晨出郭门，清景足娱目。悠悠晴空云，片片出虚谷。霜叶落

未盡，鮮紅映朝旭。風拂岩際松，過耳濤謾謾。徑轉澗溪平，華茂湛水木。中流一葦杭，笑看鳧雁浴。前路屢曲折，在輿苦局促。道傍得精廬，小憩林間屋。遙望菱湖村，炊烟蕩微綠。野人具盤餐，山蔬間梁肉。仆從歡一飽，去去穿林麓。

谷口清風吹，林間路微白。紆回度石梁，山腰划开辟。兩旁誰曾剝？中廣上下迫。形如剖大瓮，請君從此入。山從頭上起，泉向眉邊出。波流綠差差，照見天容窄。危途螺旋紋，斜上百千折。洗心有孤亭，憩石意良適。聽泉清心魂，閑數澗邊石。削若刀劍攢，奔若虎豹逸。累累瓜垂蔓，呀呀蟾甜舌。珍珠與珊瑚，肖形何瑣屑。山僧具杯茗，細啜消煩渴。微聞仙梵音，花宮隱深碧。

山行疑路盡，仰見青蓮宇。亂石當寺門，橫斜卧豺虎。綠抽石罅竹，其根絕紆土。瑤草色煊爛，香風吹石乳。入室境彌幽，雲陰靜廊庑。修藤垂百尺，几席窳蒼鼠。鼓興陟岑樓，萬峰列如堵。烟橫秀木攢，岡斷白雲補。澗邊萎眾芳，玉茗花正吐。儵然冰雪姿，微香飄縷縷。此中坐移日，清淑到肺腑。

探幽興不窮，路轉寺門右。雨余山路濕，側足敢馳驟。崆峒千人岩，鬼工為琢鏤。初進坳堂形，氣暖若含酎。窺其旁正黑，颯颯陰風吼。緣壁僂僂行，踏前驚蹶後。怪石駭心魂，仰面石齒斗。此境難久留，出險神猶瞽。誰携茗具來，掬泉散浮沕。茶烟裊孤細，微有白雲逗。石花點新綠，氣與澗芳糝。幽鳥啼一聲，林際殘陽漏。緩步歸山房，暝色斂群岫。

空山遙夜靜，歛歛聞飢鳥。起行天宇淨，泉聲清可娛。青松耿疏影，石壁儼画图。仰面見圓月，忽訝蚌吐珠。稍稍風動竹，清韻飄笙竽。入室不能寐，幽幔一燈孤。窗前林木黑，山鬼紛擲揄。五更疏鐘動，嘈嘈隸人呼。出門何愴忸，穿雲首歸途。細雨岩際洒，空翠濕衣襦。默從井口下，百步屢盤紆。霜濃石梁滑，登頓踟與

夫。朝光渐敞朗，徘徊过菱湖。回望濛濛烟，千峰青模糊。

同人游龙山并入观音洞

张紫芝

兹山洵幽邃，涧泉流涓涓。仄磴躔绝壁，藤萝相纠缠。秋高木叶落，行屐为迁延。孤亭一错坐，洗涤尘心缠。四山木樨发，香风祇树传。探奇入古洞，如彼窅冥间。森森石攒簇，跻蹶松炬然。仙鼠飞拍拍，嵌空若激穿。钟乳流不竭，象物如神镌。将非大小酉，别有壶中天。安能挈胜区，一策秦王鞭。

贤良峰怀古

詹兆衡

城北一高峰，耸秀留芳躅。昔有贤良人，幽居卧空谷。公当有宋年，标格超凡俗。正直朱丝绳，文藻夺主目。名不让轼辙，品题冠群族。回溯未遇时，抱膝恒雌伏。诵诗与读书，相羊安茧足。一旦登制科，秀峰增荣煜。公不藉峰奇，峰若为公卜。隆名从此始，千古挂齿录。缅想旧风规，辗转思往复。哲人虽已往，遗迹犹堪勗。有问王君者，徘徊此山麓。

早发常山大雾

查慎行

苦雾忽吞天，去城不数武。如行襄城野，七圣迷所处。初旭渐渐高，寒光翳复吐。窅然坠醉梦，既觉乃停午。前瞻怀玉峰，峰峰垂白缕。西江行在望，未济恐多阻。

吊杨节妇徐氏

詹大綱

妇道贵节义，永为风化称。投崖与断臂，一一遗佳名。杨门有烈妇，志抱寒泉冰。强寇触其庐，刃首良可惊。危言夫已伤，即视生为轻。勇烈自中发，入井同泉清。香魂不沉溺，帅气升苍冥。嗟

彼庸庸妇，颠沛惟涕零。乞怜以求生，仅为摇尾形。君今见正气，耿耿日月星。虽死犹不死，千古留芳声。常俗亦已美，有君烈且贞。纲常喜独树，岂徒宗族荣。愿作国家祥，四海同升平。愿作天下瑞，山岳钟其灵。我邑有良吏，为政仁且明。采兹将上闻，会有纶音旌。

百树尖

李 坝

兹山尖如何，意欲齐太华。一峰独最高，众山皆在下。上有青树林，疑与天匹亚。凉风作笙竽，黛色无冬夏。半空云气寒，百道哀湍泻。结庐者谁子？逸思凌陶谢。爱兹风景殊，澹然尘虑罢。

登常山城楼观涨

陆 柔

列缺耀中宵，屏翳倾巨壑。洪波溢金川，奔溜绕东郭。日出霁烟浮，绕山苍霭薄。惜哉春江水，清流忽焉浊。渔纲集城隈，鸡声远篱落。此地多龟龙，旱魃庶无虐。

自钱塘江口至常山

顾嗣立

积雨湿江云，林深白一片。春风忽吹开，青峰递隐见。晴旭散旅愁，鼓柁联自遣。昨宿西安城，今到常山县。故人松桂林，葱茏眼中见。西北有浮云，别来几番变。阮籍醉不醒，司马游已倦。弭节暂淹留，孤踪愧深眷。

孔家坞水泉

王文龙

县左陜诸山，景聚遂成坞。石陂城外罗，石泉城内吐。平正列方塘，崖角有芳杜。沾濡百余家，人人沃雪乳。月白畅远风，日煦逢当午。宋时植果圆，圣裔留芳谱。至今及千年，源永泽斯溥。

城东即目

吴士晋

东郊一溪水，三港互相隔。居民在洲渚，自谓得安宅。巨浸忽稽天，惊波卷沙碛。登城试一望，仅见几屋脊。桑田变沧海，此语传自昔。何日浚城濠，溪深患方息？

出来远门有感

吴士晋

西高峰下路，来往人千亿。熙熙复攘攘，彼各食其力。黑夜尚奔驰，雨途行弗辍。显者乘肩舆，跨马前驱喝。贫者肩舆人，负担气抑郁。苦乐太不均，登峰三太息。

劝农

孔毓玠

四民纷攘攘，农乃国家干。祈谷先祈年，岁岁劳宵旰。谁司民牧者，敢惮为民先？方春时始和，布谷声声唤。青旗届东郊，秧马中田遍。募夫载酒肉，遥遥向陇畔。挥手招之来，官民喜相见。沾涂勿尔嫌，安心尝一脔。尔民良苦辛，还愁勤惰半。越阡复度陌，只为勤者劝。惰夫方偃仰，胡从饮而啖。须尔前致词，时哉慎毋玩。

定阳书院即事

邵志谦

道脉有真传，表章力匪易。定阳越一隅，渊源殊足纪。朱子寓北隩，张吕后先至。化泽深以长，流风尚可指。遥遥数百年，遗迹苍苔蔽。鸿儒经术优，书院嗣芳轨。月随朔望余，聚讲士济济。心传宗紫阳，道貌堪仰止。指示透根原，印证若符契。大义悬日月，讲章彻阴翳。谁夺戴生席，盍各展素诣？论难弥不厌，往复有深味。无恃咕晔功，实行敦践履。紫阳统绪新，自是永不坠。东莱与

南軒，一線咸攸系。理學自昌明，寧僅士風起。細儒幸親炙，珥筆志盛事。試問吾師誰，南國至聖裔。

石門里趙忠簡公墓感懷六首

邵志謙

天淨千崖高，郊垆肅秋意。延緣遵修畛，石門現佳氣。丹黃亂云霞，岫壑集靈異。松杞冷蕭蕭，名臣閉幽隧。幽隧感人深，我尤念前懿。

外王儒業宏，趨庭紹遺澤。海人善達材，文武優經國。四維傾一柱，只手扶半壁。六龍臨江秋，安危系社稷。君子自盡瘁，謗人胡罔極。

侨寓乐山川，山川僻且幽。花竹山亭暮，于黃岡山建獨往亭。草萍村驛愁。豈不羨高蹈，忍忘君國憂。後進能知者，啟沃積誠流。喻子才過常，見公語。

宰相一投荒，江南俄詔諭。哀哉寄生君，始終塞賢路。汪黃乍冥誅，長脚膠漆固。腦後二勝環，小朝安若素。經營首荆襄，一誤容再誤。空余山河氣，凜凜壯國祚。

白首悵余生，丹心誓九死。三寸滴臣棺，首邱汾川泚。并州作故鄉，孤魂長霑涕。覆巢禍未央，鉤黨大獄起。岳岳英賢尉，惻惻殿元誅。遂令幽僻區，鬣封耀桑梓。

誰效林慮令，俎豆昭風勸。露涼秋草泣，鰕生香茗荐。恨不铸烏金，屈膝罔兩見。東楚颺應蕃，六世孫篋翁總管泗州家馬。守墓遂無人。翁仲石已爛。惟公大義敦，密章錄遺獻。入相乞追錄，伯溫公得贈秘閣修撰。沆瀣忝云孫，崇祠切營建。邑旧有祠。何日見突兀，息壤自旦旦。

宿郑子世球书斋题壁

张德纯

东陬群峰富，兹村奥而安。清流护乔木，烟井气郁蟠。宜有秀民居，足以解我鞍。层阶花竹净，一室棗书宽。林际上秋月，照影须眉寒。暨此谢喧净，风灯俄夜阑。

行境无先程，同宿岂云屡。及此风日佳，领我秋峦趣。丹林帖寒翠，一一如手注。山萸杂野菊，触目与心遇。父老何所将，倾榼浊醪具。愀然嗟俭岁，一酌增百虑。

游石崕憩问庄亭

詹绍治

石径环城南，溪流绕岩际。行行亭午时，松飙袭人袂。钟磬出梵宫，静寂山门闭。楼高飞鸟回，远接长天势。山翠日入佳，岸云尚明媚。秋色从西来，林峦分秀丽。幽亭转清迥，簞影摇曳。泉咽水龙吟，笕引穿幽砌。物象归净域，了悟卧轮偈。冷然澄我心，裙屐聊倦憩。

登北郭心树亭

詹绍治

行行出北郭，回首忽惊愕。金碧环参差，其上耸秀削。复道穿幽岩，仄径跨短杓。俯视带金川，涓涓只一勺。怪石嵌嵌崎，鬼斧神工凿。盘回鸟道间，杖履憩亭阁。咫尺小有天，洞开非复昨。始信点顽头，扶舆任磅礴。君拍洪崖肩，胸襟贮磊落。潇洒米南宮，鞠躬足亦躩。眼前即景游，屐齿须同着。沧海纳须弥，何用望寥廓！

送秦明府荣迁

王滋藩

崑峇五色羽，栖我碧梧枝。盛德苞辉光，文章灿陆离。欣欣于

飞鸟，饮啄恬其宜。岂识仁灵恩，百族忘戏嬉。闾阖振天风，鼓翼从此辞。众雏失其庇，徊翔有余悲。太平扬淳化，四国待羽仪。惜哉籓篱鷦，崔巍不可追。紫云击九千，寥廓系人思。

### 诗七古

#### 送王中甫之任

赵抃

十二街头三尺雪，骏马健行如跛鳖。生怀故人王中甫，拂袖步行何勇决。庐陵先生强欲吟，冻笔如槌砚欲裂。京国青衫十载交，欲言不言情哽咽。愿君勿作绕指柔，愿君勿作在矿铁。甘雨幽遐冤草苏，清风宇宙贪泉竭。循良宁困圣明时，玉烛光华待调燮。

#### 书王定国所藏烟江叠嶂图王晋卿画

苏轼

江上愁心千叠山，浮空积翠如云烟。山耶云耶远莫知，烟空云散山依然。但见两崖苍苍暗，绝谷中有百道飞来泉。紫林络石隐复见，下赴谷口为奔川。川平山开林麓断，小桥野店依山前。行人稍度乔木外，渔舟一叶江吞天。使君何从得此本，点缀毫末分清妍。不知人间何处有此境，径欲往置二顷田。君不见武昌樊口幽绝处，东坡先生留五年。春风摇江天漠漠，暮云卷雨山娟娟。丹枫翻鸦伴水宿，长松落雪惊醉眠。桃花流水在人世，武陵岂必皆神仙。江山清空我尘土，虽有去路寻无缘。还君此画三叹息，山中故人应有招我归来篇。

#### 送王涣之彦舟

米芾

集英春殿鸣梢歇，神武天临光下澈。鸿胪初唱第一声，白面王郎年十八。神武乐育天下造，不使敲枰使传道。衣锦东南第一州，



棘壁湖山两清照。襄阳野老渔竿客，不爱纷华爱泉石。相逢不约  
约无逆，與握古书同岸帻。淫朋嬖党初相慕，濯发洒心求易虑。翩翩  
辽鹤云中侣，土苴甌鸱那一顾。迹来器业何深至，湛湛具区无底  
泄。可怜一点终不易，枉驾殷勤寻漫仕。漫仕平生四方走，多与英  
才并肩肘。少有俳辞能骂鬼，老学鸱夷漫存口。一官聊具三径资，  
取舍殊途莫回首。

### 三丰歌有序

詹 棻

常俗颇好鬼，每岁有三大集，皆醮以祀神。正月之望，户出灯，缀十百为  
龙，循阡陌以逐疠疫，社为主。三月哉生明，祠各出其神，朝于冲虚之宫，以祈  
灵雨，元帝为主。元帝者，元冥雨师也。夜则有铁简之会。九月之望，妇女修  
高媒之祀，城隍为主，然皆丰年始有之。予每从众游，行时寄乐焉。为作三丰  
歌。

骇骇兮代鼓，舒连蜷兮歌且舞。翠旌兮导而从，灵翩然兮以  
降。灯百枝兮九华，光陆离兮芬葩。宛烛龙兮昂首奋尾，上彻星汉  
兮下沉水。逐洲渚兮回沿，驱疠鬼兮层巅。男愉兮女豫，灵欣欣兮  
醉且饫。右社

纷冉冉兮朝宗，望冲虚兮紫宫。倪迎兮旆随，云填兮渊回。吹  
凤笙兮龙笛，簇旌旗兮安适。陟崔嵬兮复下，日既入兮继以夜。疏  
缓节兮铁方板，奏渔鼓兮简简。灵委蛇兮歆之敕，云雨兮时施。春  
宜种兮秋宜获，岁穰穰兮于胥乐。右元帝

白露零兮元鸟归，佩弧鞬兮祀高媒。迟迟兮玉漏，月出曛兮扬  
清辉。被祁祁兮拜阶阼，冀锡羨兮弗无子。芳尘飘兮氤氲，前有遗  
钗兮后堕珥。璆琮琤兮琳琅，纨绮灿兮生光。往复兮悠悠，不可思  
兮安求。宿昔兮梦见之起，独立兮吹参差。右城隍

## 和徐萬夫游圓翠庵詞三疊

詹 棻

瞻彼西山兮崔巍，琪樹郁兮葳蕤。靄屯云兮倏而張，室琮璠兮翬飛。翱翔兮仙聖，吸玉膏兮餐靈芝。紛往從兮游衍，鳴和鸞兮驂駢。望雲衢兮頡頏，與器溷兮相違。

瞻彼西山兮崑崙，郁蔥蒨兮無春冬。導瑤光兮玉繩，駕紫燕兮黃鸝。朝發迹兮蒼塢，夕歷覽兮彤弓。聿孚号兮良友，蹇逍遙兮溟濛。命伯昏兮為侶，挾日月兮長終。

瞻彼西山兮秋風生，下侵石潭兮長庚。耀朝飛兮白鶴，元猿夜嘯兮薨騰。儼褰裳兮越絕，渺難陟兮蓬瀛。明月出兮白露下，坐窅轆兮吹瑤笙。羽人若去咫尺，愁予心兮吁以瞠。

## 集真觀

詹 棻

秋霖新霽兮秋月明攬，執子袂兮偕同行。歸鳥欲盡兮鐘磬鳴，林壑蔽芾兮烟霏橫。聊爾為樂兮何營營。

## 贈吳丞瓘

袁敬所

海山搖紅東日升，馬蹄隱隱長風生。沙頭把酒話難別，欲別未別難為情。畫船搖漾穩如屋，撐破琉璃滿江綠。嚴陵灘上帶月行，揚子江邊傍雲宿。賢侯政績遐迩敷，堂堂玉立真丈夫。當今不次擢雄俊，廟堂好與相謀謨。

## 武昌別魯侍儀舍人文瀾

孫 黃

嘖嘖復嘖嘖，人生交契真罕得。我居翰苑君儀曹，几載相聞不相識。君名早已播南衡，出入金門早奏書。不謂同乘建業水，還來共食武昌魚。武昌魚肥春酒好，竟日流連得傾倒。黃鶴樓頭叶亂

飞，金沙洲上秋将老。狂歌谑浪清致同，看君更有古人风。才如关西扬伯起，气似城东陈孟公。相亲未几还分手，可怜新知乐未久。君随征雁入巴陵，我挂云帆溯川口。归期去去各凄然，今夕星河共一作各一天。秋晚还期来促膝，与君同赋远游篇。

送詹大章赴星子任

许 讚

星子开疆附大郡，白鹿宏文值熙运。詹君令邑有奇才，推诚布公民自信。从来政教无二途，知子能将洞规振。南康山水郁苍苍，疆行远近睡花香。花村稻犬无宵傲，报政他年令誉扬。五云深处承佳宠，金台后会更开场。

徐生邀游奉恩寺看牡丹

杭世骏

山城淳朴少花事，鼠姑特数奉恩寺。春风吹大玉盘盂，卖与游人日取醉。江天牢落愁我心，大树摇响风凄阴。石塘陟剥鹅子滑，拄杖悄对寒江吟。徐生爱尔年最少，导入香台纵清眺。宝栏琼砌尚依然，不得倾城嫣一笑。僧房地冷希见春，一株突见苔梅新。碧筠萧萧助摇曳，知我亦是无聊人。城阙乌鸦晚相及，爱惜斜阳缓归屣。山僧铤冷阙厨烟，独在荒原扫红叶。

劝蚕

孔毓玠

同为浙中人，应识浙中事。嘉湖有布更缫丝，桑叶油油遍墟里。五月新丝蚕事成，办公先自官租始。更有余费日用饶，女嫁男婚取诸此。桐江西来习俗移，土瘠民贫人懈弛。我是父母斯民责，循行敢惮临郊鄙。既怪畊氓只恃天，还嗟女手忘生理。夏挥团扇冬携炉，辜负天公付十指。东隅旧有桑园名，微行芜没空山里。我遣平头赴彼都，购得桑秧五十纪。分播民间着意栽，森森弱植倾桃

李。利赖犹需三五年，经营成局今朝起。预求并剪薙繁枝，下饼担泥勤省视。湖州人多以菜饼、河泥培壅桑根。籬筐曲薄制坚完，早请蚕师蓄蚕子。何须作过觅蝇头，急切归家谋姊姒。细检当年旧志书，纺绩生涯似祖妣。府县志俱称常山风俗以纺绩为业。轧轧机声浹比闾，衣丰食足兴百礼。我虽旦晚赋归田，神游叹羨常风美。

### 龙山

詹绍治

深山大泽卧老龙，修鳞十丈潜奇踪。夭矫出没不可测，蜿蜒变化摩天空。一朝破壁飞腾去，声振裂石曲径通。连蜷层崖耸绝壁，复道纡回光生隙。寒泉汨汨跨玉虹，中有铁拐仙人迹。又有幽亭称洗心，巉崖崒嵒鸣山禽。我来挈伴思倦憩，悠然习静涤烦襟。杖履追步行彳亍，洞府宏开豁心目。半空飞下钟磬音，指点云山藏梵屋。踞虎蹲狮气象雄，平地秀削青芙蓉。淬剑吼鸣惊出匣，香烟袅袅锁炉峰。炉峰周匝蹶危磴，竹树葱茏晓雾暝。高攀桂子梯青云，欲问姮娥呼不应。洞天福地悬丹额，左揖癯仙右诗伯。吁骇登临阅几重，扞萝济胜携阮屐。远公好客开白莲，斋供同参玉版禅。有酒不须攒眉去，陶公陆公俱登筵。宝马钿车观如堵，天遣六丁辟门户。探奇穴险穷青冥，谿谿高嵌撑玉柱。尘侵遥隔蒲团坐，花雨缤纷顿参破。老僧三笑出虎溪，订约来年须一过。

### 春日游龙山

樊树典

我是旷然清幽客，每爱岩居多闲适。一朝携手步龙山，歌笑浑忘道阻隔。峰回涧曲石径通，云断谷深天宇辟。上耸绝壁十丈高，突兀嵌空悬危石。中间虹影板桥斜，罅漏涓涓千古碧。偶依亭北亦爽然，云外疏钟心虑释。忽然竹径一僧来，揖客款留梵天宅。攀藤曲折上青霄，但见玉屏对几席。鸟唤觞飞堪醉春，兴催诗就颇入

格。须臾归路何处寻，依稀斜阳西山夕。

### 双尖叠翠

徐 鯤

城南之山真奇谲，双尖峨峨两并列。仙梯鸟道盘萦回，岚光掩映互明灭。人言此山万丈高，望之浑如削剑铁。飞泉瀑布银花浮，往往六月洒急雪。我来平底窥天门，中有箕踞虎豹尊。蜿蜒百折到绝顶，俯视群岫如儿孙。胡不闻江郎三片石，霞壁锦屏苍藓积。又不闻烂柯一线天，松门石磴翠阴滴。孤撑螺髻两送青，就中疑有仙人迹。仙人不见山之阿，崔嵬层峦垂藤萝。深谷云屯雨漠漠，幽崖草暗烟多多。烟雨袅袅相荡摩，随风浓淡两婆娑。

### 球川晾雪

徐 鯤

球川方絮莹而洁，名重三都天下绝。截取陆海苍龙孙，削以金刀槌以铁。漂去时惊茧色新，练来应辨布头裂。日高昼永晒盈江，云膜堆堆浑似雪。我来独立白石滩，正值三月柳絮残。柳絮飘残冻已解，平畴深处犹生寒。云笈造制原非偶，几回曾把枯皮剖。硬黄鸦青亦精华，终逊琅玕可耐久。岁岁球川种石田，穷巷不见黄犍牵。公家不催赋役钱，村中鸡犬尽安然，瘠土胜似桃林边。

### 严谷甘泉

徐 鯤

定阳之北有严谷，石径盘纡峰隐伏。传言此地涌灵泉，挹彼注兹刚一斛。昔年我从谷口来，但闻林间漱瓠玉。云根泻出清泠泠，酌言甘之香芬郁。不知疏凿几千年，石发苔衣岩窦穿。秋雨色浮竹叶绿，春风浪暖松花鲜。溅来跳珠手可掬，练光岚色连云烟。君不闻洛阳宫中有醴泉，饮者能教痼疾痊。又不闻骊山山下有温泉，浴之可令尘埃捐。造化机缄自不秘，灵脉分来岂偶然。此泉浑如

百榼酒，琼浆玉乳醇味厚。酿成不用曲蘖香，沉漉醺酣旨且有。我生不欲饮贪泉，吸此恍然涤宿垢。何时借得流霞杯，持献南山天子寿。

### 招贤古渡

徐 鯤

定水淥定江长，行人问我古津梁。溪流之东四十里，招贤渡口横浮航。左界古县右浦口，下接信安上开阳。沧波浩渺从西来，云帆十幅荡桂桨。我来溪上招舟子，登舳羨彼清溪水。溪水清涟百尺深，淡荡光风浮白芷。牛头獬豸高峨峨，岚影波纹两迤迤。滩头白苹间红蓼，点点但见沙鸥起。竹篱茅舍各成村，拍手相招烟云里。扣舷高歌独怀人，伤心极目春千里。

### 定阳留别

武新安

家传耕稼遗书香，明明祖训弗敢忘。初志思观上国光，经纶却愧无文章。继为禄仕奉萱堂，一朝奉檄来古杭。吏治未谙心芒芒，个中昕夕费参详。以勤补拙拙堪藏，以俭养廉廉不伤。加以小心与慈祥，尧舜之民不可殃。春仲权篆莅兹常，喜见闾阎善且良。为茧丝乎为保障，安得清讼俾偕臧。兴寐公庭莫或遑，曲直敢谓尽彰彰。文坛正拟识琳琅，试期末届瓜期忙。迄无善政继甘棠，清风作颂何克当。嘉宾应与鼓笙簧，检点棗鹤整行装。耆老绅士晋壶觞，临河一别促风樯。跂而望者如堵墙，云山回首犹彷徨。

### 诗五律

#### 宿徐元达小楼

杨万里

楼迴眠难着，秋寒夜更加。市声先晓动，窗月傍人斜。役役名

和利，憧憧马又车。如何泉石耳，禁得许多咩？

送学博詹德纯之任

孙 陞

凌霄徒有志，歧路叹间关。共说儒官好，其如客鬓斑。地当吴会秀，钟到讲堂间。季子留祠庙，高风尚可攀。

常山怀罗念庵

唐顺之

本为穷幽赏，非缘避世氛。乡心吴水尽，睿路越山分。名姓休相问，渔樵久作群。忽思鸾掖侣，日暮倚停云。

湖山山下有精舍，涛读书经岁，见人多采灵药于此。

詹 涛

径僻人稀到，山幽地最灵。药苗生异种，题品识多形。济世真能效，凭谁得出扃？庙堂有狄相，惜未满笼瓴。

过草萍驿

郑 茂

古驿荒烟断，征骖向晚停。吟回江雨白，坐对越峰青。万事皆蕉鹿，吾生亦草萍。劳歌犹未已，短铗复冲星。

常山道中

王思任

石壁衢江狭，春沙夜雨连。溪行如策马，陆处或牵船。云碓滩中雪，人家袖外烟。故乡寒食近，啼断杜鹃天。

超霞台

潘 奎

高台藏翠霭，城市少人知。竹色侵书幌，松阴覆酒卮。心闲云共远，性定石难移。偶有淮南兴，还裁招隐诗。

紫竹山

詹 莱

共惜关山月，言寻只树林。悠悠出世诀，咄咄岁寒心。翠竹轻烟隔，苍梧白露侵。归骖迎倦翼，钟磬有余音。

紫竹山

史 产

山中煮白石，喔喔闻天鸡。候火功应密，寻芝路转迷。猿声鸣绝壑，虎迹印新泥。老衲飞升处，台空事莫稽。

紫竹山

陈 楹

钟鼓初回梦，尘心莹似冰。寻诗依曲槛，调鹤过闲庭。欲解三生悟，须将百虑澄。联床宜夜雨，旧约已堪凭。

修道庵

詹思谦

禅关终日闭，尘鞅复经过。云气侵裳冷，山光拂袖多。花迎青帝色，雁度白霜波。坐起浑忘我，翛然发浩歌。

禹迹洞

杨大化

开辟此岩洞，云连雾气蒸。埋碑露仁灿，印篆识阳冰。地拥三花树，门罗万岁藤。不缘神禹凿，人力竟何能。

丫巾洞

徐 容

古洞双崖合，源泉一窦清。夜寒星斗湿，风动水云腥。守护疑神物，飞潜有巨灵。年来事祈祷，甘雨应时零。



赵公岩

徐 容

仰止幽岩下，临风暗自惊。九仙今浪说，一老旧知名。鹤去松仍在，香寒月自明。谁能铲妖石，增重此山清。

保安寺

詹 信

烟气吐林端，游人尚悄寒。鹿眠春草细，鸥戏水云宽。寺古藤为树，山灵药是丹。非关寻静者，聊此解征鞍。

蔑岭即密岭

詹 信

红日照山寺，苍茫晓雾开。儵然跻石磴，恍若步瑶台。云外疏钟落，天边一雁回。客程归兴好，却怪马虺虺。

赠万融禅师

詹士龙

谁知车马道，咫尺是禅关。路曲青山绕，庭空白昼闲。疏钟千树外，孤衲片云间。独坐无人境，时同飞鸟还。

题孙伯泉堪旧赠石川画景

文徵明

岸帻南楼眺，斜阳送晚晴。碧云千里月，黄叶四檐声。短发西风急，浮云过鸟轻。有猿吟不就，山绕阖宫城。

题南溪卷赠詹德本

文徵明

卜筑南溪上，分明似玉川。有时还引钓，乘兴好移船。夜色留明月，春寒锁碧烟。何曾慕城市，鱼鸟自随缘。

## 西高秋二首集唐

丁光楚

褰裳出野院，去去谁相亲。绿树为住客，红蕉当美人。林疏霜  
 槭槭，滩浅石磷磷。举目思乡县，空伤游子神。韦嗣立、孟郊、刘禹  
 锡、白居易、许浑、席豫、张说、卢照隣。

坐看凉月上，愁绪乱如麻。远草初含色，江云欲变霞。树随山  
 崦合，水向县城斜。留滞才难尽，令人思未涯。马戴、李商隐、白居  
 易、朱之问、许浑、刘长卿、杜甫、曹松。

## 常山县

梁佩兰

山气鸿濛似，云光草树开。逐群樵斧去，报晓寺钟来。鹿迹留  
 乾叶，霜痕渍古苔。此间宜一憩，登眺有高台。

## 常山道上三首

龚鼎孳

石路萦清沼，亭皋带远林。柳黄何夜雪，樟老一山阴。澹荡如  
 秋日，萧疏称此心。探奇堪卒岁，愁岂鬓毛侵。

险隘江闽接，巉岈岫岭长。弓鸣猿易骇，林密虎真藏。炊饭村  
 烟白，支扉木叶香。几时遂初赋，并日理游装。

隔水喧渔艇，巾车落日催。沙平寒烧出，峰压县楼开。塔暝栖  
 鸦过，城孤独鹤回。故人青眼在，惊喜看山来。

## 自常山抵玉山二首

秦松龄

山郭散朝霞，前村又几家。长桥行客路，修竹长官衙。地瘠无  
 香稻，塍低半野花。江南今夜梦，谁复忆繁华。

设险重关在，当年亦战场。青山过古道，黄犊傍斜阳。边塞今  
 停戍，朝廷正省荒。还期司牧者，加意集流亡。

早发玉山至常山

连 青

月出风辞缆，鸡鸣雨度关。草深官舍外，人语石梁间。津树随桥转，林鸦向客闲。笋舆八十里，半似故乡山。

宿常山县楼有怀

连 青

楼势出青枫，凭高兴不同。人烟山色里，客梦雨声中。梁燕两相得，帷灯孤自红。乡书还在篋，江上少归鸿。

鲁家坞泉

徐登泰

一泓清可鉴，万斛此源深。濠上天随我，江心月伴琴。尘开惊虎迹，风迥听龙吟。向此中时汲，功成慰望霖。

金川

徐三秀

几曲金川水，穿城岸岸秋。源从龙洞发，波合石溪流。堤筑悬飞瀑，桥空漾画楼。不知城市里，尽可泛虚舟。

漱石亭

徐三秀

亭瞰此山隈，径随曲涧回。檐端飞瀑雨，水底响晴雷。林鸟迎人嘯，山花绕槛开。寺僧能受客，煮茗自擎杯。

紫港野渡

僧德源

野渡江波阔，轻桡早晚风。人家深树里，城郭淡烟中。白草迷秦月，青山绕汉宫。前途知几许，回首夕阳红。

丰堤白雨

僧德源

濼浅涛声急，滩长雨气寒。山田祈实粟，老衲亦加餐。县古农功重，年丰梵呗安。金川名胜地，烟水自漫漫。

饮漱石亭

詹春蚤

绿树肩舆入，幽亭对酒吟。泉流一壑响，云度数峰阴。此地尘氛绝，逢君笑语深。谁言簪绂者，同有薜萝心。

常山县

陈 谏

城小因山秀，丹霞近可餐。峰高迎月早，松老入云寒。樵径通烟市，泉源护药栏。幽栖农圃乐，奚必羨弹冠。

登漱石亭

詹兆衡

独上高楼望，南山爽气多。柳丝藏翠羽，竹影漾清波。境僻炊烟早，僧闲法磬和。巢由今尚在，应不薄岩阿。

过常山次蕩香原韵

严际昌

夜雨愁行役，朝晴喜见山。肩舆从北郭，曲道向西湾。地势连三省，重防设两关。渐看迟日暮，飞鸟倦知还。

题璩氏烟云别墅

顾 震

别墅烟云径，名公旧讲堂。小山分桂雨，矮屋剩蕉香。鸟熟窥人下，林深坠果忙。惭无摩诘笔，添写辋川庄。

挽烈妇詹璩氏

许乃济

已分从郎去，空烦守视频。竟酬同穴志，羞号未亡人。苦调翻黄鹄，酸风动碧磷。泉台相慰藉，寄语报衰亲。烈妇勇于就义，似未免伤姑之心，不知正以慰其姑爱子之心也。故特表之。

昭庆寺

詹绍治

到此尘嚣净，虚堂万象涵。听经花点首，入定鸟和南。雨久黄梅熟，春深玉版参。老僧偏好客，留款伴清谈。

游龙山四首

徐达仁

洛水归乡国，西山访故人。花宫遥恋胜，兰若旧留宾。野树屯云湿，春苗带雨新。龙岩何处是，觅路绕芳津。

屈曲龙沟出，团圞别有天。池分溪路外，亭覆小桥边。仙足侵岩破，胡卢印石圆。只疑李铁拐，来往驻前川。

侧足散林邱，芳菲绕殿幽。奇峰千绣佛，怪穴百琼楼。衣湿莓苔滑，崖悬心胆柔。却如乘小艇，畴昔武陵游。

竹外斜阳没，松间好月来。清阴疑洞府，空翠入楼台。寒咒呼烟断，惊禽扑水回。拂衣光炯碎，兴趣亦悠哉。

游龙山遇雨复晴

樊树型

倏忽风飘雨，龙山信有龙。悬岩飞瀑布，夹岸吼苍松。径滑留仙迹，林疏透远峰。归途新月上，回首白云封。

金村道中

陈珪

经时劳案牍，出郭且看山。树茂分浓淡，峰多自绕环。碧尖茶

得气，青眼柳开颜。一副清凉散，途中半日闲。

马车道中

陈 珪

鹿眼篱边转，浓阴又一村。社翁孙作杖，田户妇持门。菜麦欣交茂，阴晴听细论。花红樵子担，春已满郊原。

傅觉轩先生招诸同人集石崆寺看牡丹归途口占二首

陈 珪

花发已经旬，兹来及令辰。看他真富贵，愧我自风尘。石气含山润，天香入酒醇。东风勤爱护，如爱此邦人。

化工知有约，连日许晴舒。客饱先生饌，春随长者车。问庄人已往，修祀意何如。时将立四贤祠于赤雨楼下。乘此看花兴，相将过野庐。是日，顺道至汪氏园看牡丹。

春日游溪上吴山寺

江成锸

吴山传古刹，登陟兴无穷。杂树缘崖碧，繁花映岫红。峰高人径小，谷暗鸟鸣融。踏破重云路，悠然色相空。

游石崆山

邵树基

路向青峦入，行行水一湾。树阴森夏绿，花笑驻春颜。有地皆栽竹，无窗不见山。山僧能好客，伴我白云间。

登西高峰

姚玉霖

扞衣登绝顶，凭眺独徘徊。天马从西至，翠屏向北开。晨钟来古刹，晚角起城隈。眼界真空阔，愧非作赋才。

慕仙亭

徐射斗

杳霭东明麓，危亭俯碧湍。风雷空幻迹，樵牧出烟峦。履向虹桥寄，泉从石窟剜。仙踪何处觅，恍在白云端。

诗七律

保安寺

江景房

扰扰尘埃日日忙，偶然来谒赞公房。行登峻岭跻攀倦，坐俯清泉笑傲凉。林静鸟声融客语，风来花气逐人香。此时已觉凡尘断，分得高僧兴味长。

怀范元长

赵鼎

清楼钟断锁长廊，谁共萧斋一篆香。书册自能留久住，灯花还解劝余觞。风回绝壑沉清籁，雨入幽林送早凉。老懒由来贪睡美，秋衾不怕夜偏长。

次韵赠了空

赵鼎

虚怀无地着轻尘，独鹤孤云寄此身。琴擅法门庐阜月，诗传心印武林春。少陵深契赞公语，惠远能陪陶令真。扰扰今谁同此趣，容车山下两闲人。

题草萍驿

赵鼎

才过常山到草萍，驿亭偏喜雨初晴。麦畦水涨黄云重，柳絮风吹白雪轻。身世自今忘俗虑，宦途从此快吟情。魏公已辍江西镇，犹有甘棠颂政声。

## 趋三衢别故人

赵鼎

伧父何由习楚风，家山俱在古河东。相逢憔悴干戈后，追数悲欢梦寐中。掺袂又成千里别，放歌空念一尊同。他年倘有加飧字，试问渔舟鹤笠翁。

## 赠寺僧了空

范冲

几回飞锡入红尘，一任随缘自在身。琢句不妨踏明月，援琴谁与听阳春。扬眉舞目如相委，捧腹狂歌即是真。汤饼藜羹奉朝供，自怜担板小乘人。

## 次赵元镇韵

范冲

陨叶铮铮夜响廊，飘来桂子得余香。生涯何日成三径，世味而今付一觞。时雨不妨惊梦断，秋风又喜看新凉。期公剩费七百斛，且乐人间意味长。

## 闲居

魏矸

一壑萧然万里间，此心落得似云闲。蹒跚野鹤身同逸，来往樵人语不关。瑶草茂时春烂漫，乱溪高处水潺湲。偶怀知己携琴去，十里松风未出山。

## 次韵赠了空

魏矸

山河大地等微尘，岂向尘中认色身。泓没泓生俱是妄，花开花落几经春。鸣琴对客意何古，破衲蒙头乐最真。平日远公能禁酒，不妨去作社中人。



归谒祖墓

胡 正

几年不到洋峨寺，风景依稀草木华。故址已归新燕雀，老藤还挂旧龙蛇。满怀诗兴随流水，数杵钟声送落霞。最是夕阳留不住，却教人恨在天涯。

挽王中甫

苏 轼

先帝亲收十五人，四方争看击鹏鹗。如君才业真堪用，顾我衰迟不足论。出处升沉十年后，死生契阔几人存。他时京口寻遗迹，宿草犹应有泪痕。

王中甫哀辞并引

苏 轼

仁宗朝以制策登科者十五人，轼忝冒时尚有富彦国、张安道、钱子飞、吴长文、夏公西、陈令举、钱醇老、王中甫并轼与家弟辙九人存焉。其后十有五年，哭中甫于密州，作诗吊之，则子飞、长文、令举歿矣。又八年，轼自黄州量移汝海，与中甫之子沈之相遇于京口，相持而泣，则十五人者独三人存耳，盖安道及轼与家弟而已。呜呼，悲夫！乃复次前韵以遗沈之。时沈之亦以臯谪家于钱塘云。

生刍不独比前人，束藁端能废谢鲲。子达想无身后念，吾衰不复梦中论。已知毅豹为均死，未识荆凡定孰存。堪笑东坡痴钝老，区区犹记刻舟痕。

退居诗

詹中正

宦情文思竞阑珊，利户名枢莫我关。无可奈何新白发，不如归去旧青山。须知百岁都为梦，未信千金买得闲。珍重尊中贤圣酒，非因风月亦开颜。

## 宿渣滩

杨万里

寒流一带槛前横，落日诸峰霞外明。水断新洲添五里，客寻旧路却重行。江车自转非人踏，沙碓常春彻夜鸣。畴昔稚桑今秃树，如何白发不教生。

## 寓信安寺僧舍

尹廷高

羁愁野寺两凄然，又是西风落叶天。疏雨半帘浇客恨，白云一榻对僧眠。孤吟天地知何益，只影江湖只自怜。唤醒十年乡国梦，空山古木乱鸣蝉。

## 白龙洞

徐以道

灵仙窟宅不多见，车马往来成再游。后洞白云前洞出，上溪红叶下溪流。水光照眼明金鲤，石发藏春护玉虬。邂逅尚青游子眼，栖迟应白老僧头。

## 行乐窝

詹渊

室堪行乐怎名窝，小小藩园风景多。翠岫数寻拖石幕，白龙一洞吐青波。春来绿野裴公思，秋到黄花陶令歌。日暮刚收屨杖稳，楼东又见月如梭。

## 步景房公安寺原韵

江 屋

散步寻幽底用忙，欲穿花柳到禅房。危崖得路半天近，古木流阴三伏凉。风月不号清有籁，炉烟未蒸静闻香。细推我祖诗中意，可是垂芳惠泽长。

赐宴南楼

何 初

奉命论经已告成，南楼锡宴雨初晴。云开远见山河壮，天近常依日月明。酒泛绿尊心已醉，花簪乌帽鬓生荣。小臣何幸沾恩泽，再和鳧鹭颂太平。

将从衢州陆行至常山

孙一元

江山二月欠芳菲，白雾黄云惨不开。石碓自春知水涨，布帆初饱觉风来。旗亭唤客春尝酒，驿路怀人晓见梅。世味已谙滩百折，山行明日又千回。

挽何翰林原铭

王 直

早年游宦赋归与，晚岁从容到石渠。海内共传平子赋，济南多诵伏生书。空山寂寞秋云冷，旧室凄凉夜月虚。欲奠椒浆嗟未得，哀歌日暮独踟躇。

赠何侍御廷兰

薛 瑄

昔闻乌府肃风霜，今日皇华使节扬。骢马承恩来北阙，绣衣冲雨度西江。杯传春水欢情厚，歌动阳关别意长。此后欲知重会处，朝阳鸣凤五云乡。

送郑副使佑

彭 时

知君已在十年前，目睹飞腾意豁然。骢马攢蹄骄白日，苍鹰整翮戾秋天。激扬共说才华盛，持守还推志操坚。闽宪如君今有几，鄙怀平日重高贤。

自题东山岁寒轩

徐尧章

两朝山泽老癯儒，回首青云迹已疏。昔羨蓟门犹在望，近闻故国已成墟。苍苔夜雨三间屋，白发秋风一卷书。轩外红尘飞不到，苟全名节在兹与。

挽郑给事伯森

李 显

嗟君才行最称贤，埋玉于今已半年。青琐谏章多旧稿，丹墀射策有遗编。阶前霜露凋书带，案上尘埃覆简笺。惟幸身名当代重，余光还映暮山巅。

挽郑给事伯森

杨 实

先生何事遽沉沦？士类咸嗟萎哲人。十载步蟾浑是梦，一年簪笔已成尘。空留勋业标青史，无复仪型侍紫宸。顾我抠衣思启迪，临风掩泣泪沾巾。

京邸哭弟二首

樊 义

一别音容再睹难，客中姜被半成单。会期同折郗林桂，谁意先凋谢砌兰。归鹤怨深辽海月，征鸿声断楚天寒。可怜留得遗文在，几度相思拭泪看。

故园东望路茫茫，憔悴多应忆季方。自谓长卿多病久，讵云贾谊少年亡。联芳桂籍名犹在，共业芸窗事已荒。惆怅音容何处是？悲鸦古木正斜阳。

云间有感二首

樊 莹

日日奔波日日忧，镜中华发忽盈头。青山有梦不归去，绿水无

情强自留。公馆时尝粗粝饭，行囊依旧木绵裘。也知富贵非吾分，只为君恩未少酬。

西北频年值岁凶，东南财赋半成空。万方一统惟遭际，斗米三钱尚未逢。减膳共知劳圣虑，转输谁复念民穷？感来便欲抽簪去，恐负清朝教养功。

赠樊廷璧

杨一清

十年南国三乘骢，意气壁立千仞峰。堂悬生鱼非矫激，身骑猛虎还从容。五陵合避韩京兆，百姓能舍包开封。画船挝鼓渡江去，春阳一夜回穷冬。

次韵赠樊廷璧二首

张弼

一身端为万民忧，百虑千思不尽头。酒薄郇厨春冷淡，烛残铃阁夜迟留。东南海雾侵孤戍，西北边风彻敝裘。万里转输何日了，九峰吟赏几时酬？

明时谁敢道年凶，可奈东南杼柚空。卷地饷夫无处避，欺天恶少有时逢。小臣效职曾何补，圣主垂恩信未穷。玉节亭前闻好语，捷书频报贰师功。

定阳八景

李溥

石门佳气

石门凿凿倚山巅，佳气腾腾欲上天。缥缈有时迷翠霭，氤氲几度杂苍烟。每占晴雨时多验，晚罩园林景最妍。远望宛然图画里，令人清兴一飘然。

## 武当别峰

兀突高峰迥树巅，山形似与武当连。深根矗矗原蟠地，危势青青欲接天。数里岚光浮宝塔，半空云影落金川。时人何必游三岛，到此栖迟即是仙。

## 金川石桥

谁构长桥几百年？往来终日杂人烟。远疑龙影横秋水，近讶虹光映晚川。行客息肩歌大涉，有谁题柱慕升仙。前人德政流芳远，溱洧遗风世尚传。

## 西峰夕照

峥嵘古刹倚西峰，晚照明时紫翠重。斜影已横岩畔竹，余光犹映涧边松。依依渐见低孤鹜，冉冉犹看落下春。此际几回登览处，半天诗景兴偏浓。

## 招贤古渡

谁将古渡号招贤，一水濛回入大川。棹拨中流闻击楫，人从何处扣渔舷？亭亭远岸低斜照，杳杳平沙起暮烟。寂漠晚来尘鞅静，月中犹唤隔江船。

## 忠简孤冢

远望乔林宰木稠，乡人皆识赵公丘。一生忠义身能死，百世芬芳孰与俦？猿鸟有怀啼落日，铭碑无字几经秋。可怜挂剑荒烟外，都是山阳笛里愁。

白龙双洞

城西门外旧山川，灵物深潜两脉泉。云合仙岩时带雨，草迷樵径晓含烟。一泓甘美纡僧舍，半派清冷灌佛田。洞底至今多异迹，几回登赏兴飘然。

严谷甘泉

人世分明一洞天，云封谷口注甘泉。潭间莹莹常涵月，涧底涓涓不记年。远派似通银汉上，清源应与武夷连。何当卜筑南岩下，汲煮春茶话地仙。

游黄冈山

徐海

峰头曾拟一超然，失脚谁知堕俗缘。台省郊原同雨露，江湖廊庙合风烟。衣传乙地真怀子，袖拂层霄共作仙。莫道孤根沦越楚，也擎南壁半青天。

送李明府陞任

吾昇

纶綍华褒墨未干，又催鳧舄上金銮。蜀中已惜来廉暮，河内那堪借寇难。霄汉夜深郎宿度，林丛云散凤凰转。西风回首金川上，留得甘棠去后看。

游黄冈和徐参议韵

詹山

抱一山人早悟禅，樊笼无计脱尘缘。阿谁卓锡开青嶂，此日携壶破紫烟。地胜草蔬皆药石，云低鸡犬亦神仙。竹床信宿诗魂冷，身世浑忘在半天。

## 紫竹山

詹山

胜地重因仲氏来，行行渐觉好怀开。僧知客到携茶候，天相予游放鹤陪。诗咏碧纱呼落日，枕担紫剑动春雷。可怜未割浮生念，尘世功名尚费猜。

## 吊聂丞

徐琦

赞政声华动帝州，英魂应与凤麟游。盐厅霜冷人心在，列岳星沉宦辙休。循吏名终归汗简，廉官死亦镇清流。诸郎血溅金川水，今古同声泣暮秋。

## 送徐守民归常山

钱洪

北游湖海几经年，老气凌云雪满颠。诗思已成芳草梦，归心又上木兰船。长亭人折春前柳，驿路梅开雪后天。万壑千岩旧形胜，酒尊茶灶向谁边？

## 忧旱

杨彝

两浙观风初入境，关心民瘼此悲伤。高原田亩多枯折，夹道禾苗半萎黄。救旱何缘诛厉魃，望霖无处觅商羊。晴光耿耿瞻云汉，此夜含凄未帖床。

## 白龙洞

邵昌言

霞外何曾有岁华，布袍芒履自成家。凭将妙句酬僧偈，汲取芳泉当客茶。惯卧松阴驯野鹤，醉歌岩月误栖鸦。何时定买郭西酒，同赏读书台上花。



紫竹山

邵昌言

芒鞋踏破几重云，恍若吾生别有身。回首尘都迷世界，昂头天欲碍纶巾。疏星点点千山晓，野鸟声声万壑春。须就此间问禅乐，不妨方外作闲人。

文笔峰

杨毓秀

突兀浮屠山尽头，市廛深绕白云幽。耳边鸡犬望中境，眼底轩窗天上楼。佳会几人同笑语，壮怀万里称遨游。曲中烂醉不知处，却欲乘风泛斗牛。

送叶明府陞任

方豪

水照桃花三月天，观风桥上影翩翩。万民争欲留慈父，百里安能屈大贤。玉律金科推老手，短琴长剑载空船。西台朋旧今无几，为道吾衰雪满巅。

草萍驿会徐伯和

方豪

当年行役下瑶京，长忆河桥步月明。人妒浮名传已死，君从大难得重生。相看各喜容颜好，一笑还将宠辱轻。古驿寒宵灯火盛，仆夫亦识故人情。

锦川石

詹涛

条条石笋短长眠，脉络分明瘦且坚。人力不须施巧琢，天工自尔斗鲜妍。四围看似身穿锦，三品齐如字写川。谁道古根移不动，也应远索置平泉。

## 严谷山

史 产

寻幽选胜数追陪，得到兹山不易哉！云向灵峰壶里隐，春移佳木画间栽。黑潭合有蛟龙蛰，白昼能教风雨来。便欲诛茅邻洞府，故园猿鹤莫疑猜。

## 白龙洞

詹 璞

白龙仙洞小金华，洞口烟云自一家。四面青山长对客，半泓流水足烹茶。依栖只有高松鹤，恼乱惟应隔树花。寄语西台方傲吏，早从此地饭胡麻。

## 圆能寺

江先贯

共言城市有山林，古刹无烦郭外寻。雨后径留麋鹿迹，春深树满鹁鸠音。香浮斗室经时散，月过肩墙逐日侵。况有远公能好客，不妨乘兴数登临。

## 圆通寺

潘 奎

为寻兰若役吟魔，漫整襟裾礼世尊。莫以梦时求觉路，须从实际悟空门。境殊下界烟花迥，楼近诸天星斗繁。此地追游浑不厌，闲来还拟采芳荪。

## 四贤祠

江先贯

宋室当年尘再蒙，虞渊取日仗诸公。诂知运祚嗟难复，空使英雄泪不穷。箕尾可能成独往，刍蕘犹喜识孤忠。莫言信美非吾土，一体千秋祭祀同。

昭庆寺

詹 莱

二十年来早挂冠，世身相弃水云宽。典坟邱索吾家事，耕牧渔樵物外观。古殿屯云钟磬湿，空山过雨斗牛寒。卧龙跃马今何在？高枕蒲团梦亦安。

修道庵

詹思谦

偶随飞雁度秋山，山霭遥分屈曲间。菊倚霜篱呈湛色，鹤盘云树下苍颜。空潭有影明楼榭，回涧无心响珮环。坐起茫然迷所对，却看烟月满禅关。

长春馆

徐之俊

南州高士开新馆，绝胜当年载酒亭。近水修篁常袅袅，排轩古柏更青青。灌园不厌频携瓮，养鹤犹烦自鬪苓。地僻红尘应不到，几人能识少微星。

长春馆

詹在泮

小结亭台傍习池，野鸥地主自相宜。笱篴雨洗涓涓净，菡萏风吹故故垂。徙倚不妨随命酒，推敲何事数赓诗。因思城市有佳境，长在春中人不知。

四贤祠二首

詹在泮

四贤祠宇夕阳残，门掩空庭古洞寒。一鸟不鸣山寂寂，连峰深树露团团。殷邦完节三仁远，晋室存孤二客难。借问寺前名利者，往来应为解征鞍。

新祠相对西峰迥，驿路遥连洞口斜。石涧鸣泉流夜月，岩松倚

殿落春花。云藏山藻迷丹桷，香入蘋蘩映紫霞。回首凤凰山下路，  
古槐零落乱啼鸦。

修道庵

詹在泮

披星拂雾访仙山，山在虚无缥缈间。巨壑阴沉龙虎窟，古松屈  
兀雪霜颜。桃源渔父无鸡犬，汉水神姬有珮环。歇马独来礼兰若，  
磬声徐罢一开关。

石村

詹信

偶尔寻幽到石村，竹林流水细通园。景真不用搜图画，意会何  
须觅酒尊。一鸟不鸣心境寂，万山相对草堂昏。乘闲我欲频来此，  
杖履应从避世喧。

修道庵

赵锦

去年过此曾看菊，今日归来菊在无。傲雪数丛能我待，披云万  
里笑人迂。天边冥雁情同远，窗外青山兴不孤。茶罢欲行还又坐，  
余踪后会杳难图。

茗源寺

詹沧

冲破残云绕遍山，才知深处有禅关。落花满路人无到，野蔓牵  
门僧自闲。吟赏独怜林壑异，醉归翻恨酒杯慳。沙门法界应非远，  
了得凡缘定可攀。

圓翠庵

徐津

十年不到此禅关，今日登临兴不慳。万木凌霄千嶂合，四时流  
水一山寒。鹤来洞口云初定，人出尘寰心目间。嗟我未能忘世虑，

倚天长啸暂开颜。

文笔峰

袁敬所

郁萧台馆五云韬，锦绣山川压巨鳌。一水光摇银汉小，九天星逼玉楼高。鸾分花影栖红药，龙戏珠光照碧桃。踏碎烟云归去晚，月华斜照藕丝袍。

团村八景之三

袁敬所

青湖春水

巴蜀春风雪早消，汪洋便觉润衢饶。波分彭蠡湖边绿，浪接钱塘江上湖。鸥鹭忘机闲白昼，鱼龙得志起中宵。几时觅得扁舟去，云满篷窗月满桡。

乌石乔松

平原魄磊小星峰，上有参天绿盖松。清昼烟云迷白鹤，当时雷雨动苍龙。玉关曾入唐人笔，桑里犹存晋士风。不是栋梁材有用，秦王怎遣大夫封。

邮亭晚铺

晴天万里静风烟，片月初升小似弦。双镫流星千里外，一鞭行色五云边。皇华不候才人赋，杖屨争迎使者贤。惆怅山僧无用处，白云堆里日高眠。

东鲁八景之二

陈知章

輿梁济涉

巍巍千尺挂长川，蜈蚣横斜雨后悬。影落波心龙蛰动，光浮天际斗牛连。挥毫每驻凌云客，策蹇频来踏雪仙。任尔洪涛并巨浪，往来衣履不须褰。

南湖灵湫

萧萧寒洞郁山南，山下清流注石潭。云散龙窠天影倒，月明蛟室夜光涵。濯缨恒使尘心洁，润物多将德泽覃。几度旱乾孚祷祀，电光千尺闪灵岩。

题何氏联桂巷

邹宏道

伯仲才华竞擅场，双攀仙桂白云乡。枝分月殿山河影，花落天门雨露香。御墨看题新赐额，宫袍惊叠旧连床。高堂具庆欢荣日，更听埙篪奏乐章。

草萍道中

陆 莱

驿骑駉駉入楚天，岫云犹与越峰连。凋残村舍新沽酒，历乱山溪旧灌田。鸟语向人藏密叶，山花缘路覆明泉。年来已许销兵燹，何事征夫未息肩。

登超霞台

程万钟

好景迎人逸兴偏，崚嶒怪石立中天。笑看白鹭千林雪，踏被苍苔满地钱。半沼碧莲香阵阵，一团芳草色芊芊。登临共有烟霞癖，

坐对山僧听讲禅。

西山感怀

徐洪理

水抱峰回一径湾，重携筇屐到西山。社中耆旧晨星似，雨后灵光劫火间。月爱空天凉欲堕，花惊老眼晕生斑。庵僧不省前朝事，观里桃开白昼间。

题黄冈寺壁

徐洪理

黄冈避俗辟荒丛，日诵维摩物罕通。破壁藤床穿夜月，半楼云磬入松风。老来阅世知虚幻，静里观心转化工。自昔高人多不出，相逢只在此山中。

西高峰

王文龙

西高峰影拂高松，气压千峰与万峰。髯叟丰仪凌晋代，龙鳞骨格傲秦封。排云一抹斜飞雪，过雨移时翠豁胸。最是晴空烟袅袅，天然秀出碧芙蓉。

挽徐少文师二首

吴 璉

肠断春风成永别，那堪又过旧亭台。十年师弟同蕉梦，一代文章付劫灰。野树丛生藤渐蔓，荒阶人散鸟潜来。可怜无处追形影，日逐江波去不回。

平原人望草芊芊，城郭于今自管弦。道在尚能兴绝学，人亡何处问薪传。一声杜宇悲残月，几树黄杨厄闰年。拟作楚些惭宋玉，泪痕流不到重泉。

## 清献书岩

吴士晋

先生化鹤不归来，遗迹荒芜处处哀。故宅尚闻依水曲，书岩今喜傍山隈。三冬文史余邱垄，半世勋名没草莱。留得清风起后学，灏江还有告天台。

## 常山途次口占

许申瓌

舟行连日厌通津，一辆蓝舆稳寄身。江水尽头初得路，诗情浓处正逢春。山田放犊催耕早，茅舍盘蜗问俗频。倦眼莫愁花隔雾，喜沾微雨洗清尘。

## 卷勺山房

詹文煥

投老谁教任作闲，桥东重构屋三间。平冈峭石纹如绉，小涧寒流曲似环。堂构依然王谢宅，宝田争说鹭鸶山。何当落月劳清梦，烟水苍茫一叩关。

## 卷勺山房

方岱浩

菱刺磨成芡实圆，草堂归筑小桥偏。傍崖细剔如拳石，引水还分一勺泉。烧烛检书朋友共，对床话雨弟兄联。鹭鸶山下乌衣巷，凭眺西峰仰昔贤。

## 招贤古渡

徐瑞麟

垂垂绿柳隔清溪，古渡经行路不迷。野店萧疏依水次，渔人信宿傍村西。天涯帆影休轻过，树里莺声自在啼。无恙东风人去后，一逢星月系长堤。



挽傅邑侯

周日簋

碧草凄凄映晚霞，淡烟冷落夕阳斜。魂归隔断三春雨，泪滴催残四月花。清白何人如太尉，安贫有子近西华。可怜旅馆凄凉处，飒飒悲风隐素车。

龙山寺

孔毓玘

谢却篮舆跨涧行，芒屨沾湿似新晴。放眸惊见飞龙势，盥手欣闻漱玉声。洞壑留云微有迹，石崖抽树半无名。扶筇直上烟深处，螺髻重重拥化城。

征粮至浮河宿詹氏书斋次壁间韵

孔毓玘

雨过青山翠万重，浮河新水浸芙蓉。入门先拭题诗壁，裁句时闻隔院钟。只愿康衢酬帝力，敢期褒德启侯封。明年幸免催科累，载酒携筐劳尔农。

宿绣溪梦中有作觉来止记饲雏双燕去还来之句，次早至璞石即景足成

孔毓玘

淹煞春光兴易灰，眼前有景共徘徊。榴花浥露当茶灶，蒲叶翻风到酒杯。傍母群鳧离复合，饲雏双燕去还来。只怜此璞应怀玉，力士何年为一开？

西峰夕照

徐烈

西寺峰高夕照中，天光云影转玲珑。一城晚炊烟齐白，双涧流霞水映红。鸟带斜阳归古树，樵担暮靄踏残虹。数声清磬林皋外，又见银蟾挂远空。

## 白龙双洞

徐烈

步出西门向绿畴，白龙喷雨有灵湫。先贤祠宇空双洞，几姓园亭枕一流。石气含腥鳞甲润，炎威变态水云秋。凌霄坪上高凝睇，迢递山城一望收。

## 招贤古渡

徐烈

不见征书下锦川，偏闻古渡号招贤。放翁憔悴题诗处，古县苍茫落日边。野店花开人卖酒，长堤烟锁客呼船。天涯只此滩流急，倘有伊人自在眠。

## 武当别峰

邵志谦

城南卓立一峰开，绝肖名山拱秀来。掩映双尖朝雾合，参差万井暮云堆。丛祠蒿目飘黄叶，书阁伤心长绿苔。一往情深随俯仰，半闲亭畔独徘徊。

## 严坑幽谷

邵志谦

灵境何如海外山，远公独辟乱峰间。烟横石磴疑无路，风送鸣泉别有湾。峭壁芳藤时滴翠，悬崖瑶草欲流殷。几时卜筑邻蓬岛，野鹤闲云共往还。

## 招贤古渡

邵志谦

夹岸苔深抱绿杉，急滩汹涌势能函。江天雁影人千里，茆店鸡声月一帆。路接荒村低落照，治留故址倚层岩。垂纶谁似磻溪叟，会见征书木凤衔。

忆崧山旧游四首

姚士湖

京华荏苒叹萍漂，故我依稀鬓欲凋。缥缈杏林春事改，苍茫烟寺故山遥。未经书剑飘零惯，忍使林峦意兴消。几日愁深归思切，只凭幽梦叩松寮。

松风谡谡竹疏疏，犹忆当时啸咏余。清磬一声僧定后，轻鸿几点月生初。茶瓜解渴因消暑，藜火分光为检书。自是平生爱静寂，敢云仙侣好楼居。

当年逸兴正飞腾，好友还从方外增。酒后探奇无俗侣，花间觅句有诗僧。曾修白社何方醉，重演西江几代灯。料得定余应北望，楚燕云树隔层层。

草绿王孙苦未归，一春花事与心违。鸡窗夜雨蕉心长，鹿苑斜风柳叶稀。锦箨解来雏渐老，梅花落后子应肥。故园风物空相望，惆怅都门独掩扉。

秋夕寄怀恕轩

张时凤

祖钱旗亭触热行，清宵悵悵岁时更。征鸿唳唳添秋思，落木萧萧杂雨声。两地别离今夕梦，一窗灯火旧吟情。何时贯酒山楼上，指点江帆话旅程。

重九日寄怀莘田

张时凤

爽节贫家有底忙，科头箕踞读书堂。闭门转笑登山俗，对菊偏宜煮茗香。荒径定无人送酒，高台知有客思乡。今朝得免催租至，一榻吟成兴未央。

常山县署花厅

王维埏

何必寻芳到野坳，荒衙建舍在山陔。四围树色侵衣碧，一带岚光入目青。花纵无名都烂熳，竹因得月尽珑玲。偶逢公暇还留客，唱罢新诗醉绿醅。

定阳春夜书怀

閔秀曹椿龄

萧条孤馆一灯红，百感都来此夜中。千里归期三月雨，半生心事五更风。吴山花柳他乡梦，越水波涛远客衷。囊橐已空春又去，不堪搔首问苍穹。

游紫竹山

王锡黻

不到精篮四十年，重寻幽境意翛然。小桥宛委通山趾，石磴回环出树巅。庭际古松还旧识，竹间好句又新镌。远公为我弛持戒，醉唱深秋黄叶天。

钦教寺

李 鑑

天涯何处慰离愁？与客间寻物外游。几夕青霜初著树，满溪黄叶尽随流。山中古寺僧劳落，堂下清斋我暂投。不为云门曾有约，也应留恋上方幽。

题刘晴峰看山书屋图 书屋在县粮厅署。

陈 珪

虚堂西畔屋三间，户内琴书户外山。山向吾曹青可爱，春如人意绿初还。果然此地能舒眼，博得先生为解颜。我亦西园图里客，看云倚石总相关。

### 白龙洞

陈 珪

洞门深邃锁青苔，闻有白龙去复来。出岫云容疑带雨，在山泉水殷其雷。一朝人合同堂祀，四寓公皆旷代才。今日瓣香寻故址，登高览古几徘徊。

### 朝阳峰

陈 珪

畅永楼高一大观，芳春览胜且凭栏。菜花黄到三衢界，麦子青过几里滩。阁占山灵宜奉佛，天开诗境孰登坛。年年让与诸名士，消受清凉六月寒。

### 定阳留别

四首

陈 珪

好作清溪看此间，群峰绮丽水湾环。民淳似古堪藏拙，车从如云却少闲。膏雨几曾滋百谷，仙风容易别三山。垆香惭愧闻闾意，颂祷明珠合浦还。

蹊山重建四贤祠，赤雨楼前寄所思。此地劝农陪父老，齐声修志得师资。一书成后人初去，两试秋闱卷再披。何日西窗仍翦烛，餐予鹤俸细论诗。

花县人家翠霭中，北楼新起望穹隆。全城脉络中央土，一堦云霄太古风。节重有祠留硕果，义高无垄欲飘蓬。敬恭桑梓邦人福，岂是书生举坠功！

将离入咏各肫然，授我壶浆寓我廛。多感班联如伯仲，喜于乡国得仁贤。慰亲叨奉和平福，祝邑频占大有年。春色二分看未半，不教春去此流连。

由朱家渡至箬坞

陈珪

鸟道蚕蚕果不殊，舍舆徒步倩人扶。花藏春涧堆红锦，石束泉流跳白珠。三月阴时疑雨骤，万峰缺处补云孤。行过谷口频回首，镜色岚光半有无。

诗五绝

归云台

汪应辰

浮云本无心，人心逐云去。更作归云台，云归竟何处？

宿湖头

吴与弼

野阔云争暝，江空雨未休。问程须策马，灯火宿湖头。

送樊侍郎入覲

张汝弼

宦宦繁华地，甘为清苦人。布袍韦带重，粝饭菜羹醇。

丽泽泉

徐烈

空里忽钟声，钟声何处歇？两泉各得之，清影疏林樾。

泉鸣幽涧

黄瑄

幽涧泉琮琤，入耳声不杂。惟有斋时磬，穿林自相答。

不厌亭

姚士湖

竹色连云杳，泉声拂鸟飞。来游常不厌，坐客已忘机。

沐鹿泉

姚士湖

听声尚有泉，寻梦已无鹿。爱尔绝清涟，弹冠思一沐。

西峰寺

陈珪

何处古烟霞，西峰夕照斜。藏春藏不尽，樵子一肩花。

诗七绝

石门寺三首

朱松

橘刺藤梢冒客衣，直缘微禄得奔驰。悬知投老归田味，只似登山困睡时。

行穿苍麓瞰平冈，踏破青鞋到上方。城市纷纷足机舛，却从山路得康庄。

真功那复叹蒸沙，静笑饥肠日夜哗。老衲不须供茗粥，朝餐吾已办丹霞。

常山县令姚存哀词

赵抃

瓜期终代促装前，常致吾书索赠言。今日却成哀挽句，霜风江上送灵旛。

赠寺僧了空

胡寅

落日溪桥少立时，溪云归尽月生迟。溪声漏泄春消息，借问溪翁却不知。

赠江仲长表

谢克家

置我君家伯仲中，桥门曾记昔游同。敢言下榻延徐孺，正欲虚

堂礼盖公。

三衢道中

曾 几

梅子黄时日日晴，小溪泛尽却山行。绿阴不减来时路，添得黄鹂四五声。

题邸间壁

郑亦山

醺醺香梦怯春寒，翠掩重门燕子闲。敲断玉钗红烛冷，计程应说到常山。

双溪

江 亨

今夜双溪月色新，天风拂树水粼粼。登临漫说淳熙事，多是溪边白发人。

书郑孔明卷后

吴与弼

残经讲罢慨虞唐，步月归来兴未央。诗卷写阑吟更好，试挥余墨两三行。

湖澄渡

詹 山

漠漠烟云午未开，危楼独倚漫徘徊。行人待渡心如火，隔岸小舟来未来？

圆通寺

方 豪

一杖逍遥入径踪，白云深处老僧家。儿童坐我青苔侧，笑折松枝漫煮茶。



木棉岭值雪

方 豪

木棉岭上雪霏霏，缀树牵枝照客衣。安得木棉花似雪，尽充贫女木棉机。

石姆岭

郑 铉

曲曲洼流缓缓行，两涯怪石动吾情。景多琢句诗难就，山半斜阳又促程。

石崆溪

詹 棻

飞流喷沫霜雪生，触石赴壑雷霆惊。皎皎独宜秋汉月，一泓深夜浸空明。

新溪桥

詹 棻

山城谁负济川功，落日凌虚卧玉虹。怪底鱼虾尽逃遁，碧波深处有潜龙。

观音阁

詹 棻

高阁登临四野春，当轩舒卷叠华巾。磬声忽落波心去，似起如来洗宿尘。

浮图鹤

詹 棻

云霄六翮往来便，结构危巢雁塔巅。我已久无公辅愿，衔鳢休集讲堂前。

杨坞竹

詹 莱

谁栽嶰谷碧琅玕，接叶交枝六月寒。乘兴偶然来读《易》，何须频对主人看。

赠汪文禄

张承仁

东流江汉竟谁论，砥柱中流羡尔存。萱草北堂秋已暮，尚留余色照乾坤。

木棉岭

徐 璧

莫向层崖叹道难，我看门外即冈峦。若教解得安危计，鸟道羊肠处处看。

夜泊常山

胡甲桂

淙淙滩响上舟迟，到面山容未接移。更喜月明迎短櫂，吴吟细听隔船词。

送詹大章赴星子任

夏 言

匡庐苍苍鹿洞幽，星子下引鄱江洲。因君忽动香炉兴，一夜秋山瀑布流。

前题

邵 锐

鄱湖满地秋水生，庐山万仞连空明。使君去作湖山主，好慰神人属望情。

发常山早雨晚晴二首

查慎行

七日江程上水难，肩舆差比布帆安。朝来便觉山行好，小雨才过路便干。

菜畦麦陇黄兼绿，李径桃蹊白间红。着色春光谁画得？常山西畔玉山东。

修道庵

陈联芳

晓随匹马踏青霞，暂憩疏亭日未斜。流水落花心自在，教人长羨白云家。

虾蟆石

徐 夔

虾蟆山石俨成形，此地因形得此名。犹喜公私无所为，古今默默未曾鸣。

渊明五柳图

袁敬所

藜杖芒鞋白布裘，山中甲子自春秋。呼儿检点门前柳，莫遣飞花过石头。

题壁诗康熙甲寅妇为贼所掳，将犯之，不屈死。题诗六首，仅存其三。

佚名氏

欲将脆骨抵狂澜，祸到全身死不难。寸缕芳魂何所寄？一轮秋月照孤峦。

拼命非无骨肉恩，妾身宁肯为污存？谁怜薄命传家信，含泪难禁带刃吞。

抬头犹见燕成窝，怨妾无家可奈何？一死身轻谁为殡，好将白

骨葬清波。

游龙山十首选二

许志进

披萝觅路入溪幽，草润云深万木稠。行到洗心亭上坐，一潭寒雨溅飞流。

菱湖村畔尽平田，竹树蒙茸翠岫边。稻熟溪喧添水碓，家家碧玉到门前。

奉恩寺

许志进

翻盆骤雨数声雷，竹外清泉泱泱来。六月山中秋事早，墙阴已见海棠开。

常山晓发

陈 谟

清秋晓露湿征衣，月落山前曙色微。曲径疏林人影乱，栖乌阵阵欲惊飞。

悠然亭

陈 谟

亭外松风漾碧波，泉流曲曲小桥过。雨余水鸟闲来去，不碍山翁钓绿蓑。

常山旅舍楼居

查 礼

山影才清对影昏，雨声初歇水声喧。小楼竟日闲无事，卧看飞云过县门。

山行遇雨

孔毓玠

霏霏烟雾满寒山，霜叶淋漓点鬓斑。喜得畊犁经雨润，篮舆宛

转白云间。

龙山纪游十首

孔毓玠

回龙潭下溯流泉，万派分飞一线悬。漱石穿畦映空碧，寻源应向白云边。

径转蹊回杳莫穷，耸身直欲破鸿濛。小桥隔断仙凡界，何必天台擅化工。

双崖连底都成玉，万树凌霄不附泥。翘首岩前参大士，宝山灵鹫晚来栖。

石磴凌危常过鹿，溪流成坎细生鱼。珍珠帘卷当晴昼，寒雨垂垂下碧虚。

山花开谢阅春冬，馥馥天香分外浓。谁向寒宫乞仙种？根株高寄玉芙蓉。

花香散入空山月，龙气蒸成下界云。最是烟岚稠叠处，天光一线漏斜曛。

行行来憩洗心亭，楹外仙人迹未冥。只为尘心洗难尽，特留滴乳注空青。

龙蟠双洞渺难攀，一任闲云独往还。松炬斜穿仙鼠穴，玲珑应笑点头顽。

良田平旷荫松筠，谷口云封远俗尘。清献先生未知处，桃源无复问津人。

岳然高峙窈然幽，谁数潭西一小邱。若得柳州新作记，林峦终古擅风流。

白云寺二首

王 宠

入山数里俗尘遥，樵路纵横现数条。犬吠隔林知寺近，好从田

畔度低桥。

山湾零落白云封，野树丛中挺古松。老衲当年颜已老，云光尚照旧高峰。

鲁家坞泉

王文龙

西城夹入仄峰中，松桧纷披径路穷。曲阜居然延一脉，四时恒听水泐泐。

宋畷耕云 宋畷八景之四

徐烈

农郊十里绿浮浮，雨足春田土脉柔。上坂流泉下坂接，家家驱犊向西畴。

社潭钓月

一尺鲈鱼秋正肥，长竿独坐钓鱼矶。社潭日暮沙鸥去，风卷钩丝带月归。

古庙金钟

古刹云封佛火然，残钟报罢起村烟。一声敲出峰头月，常照蒲牢不计年。

前溪春涨

村南村北一川迢，两岸桃花夹断桥。三月鱼龙多鼓浪，乘风直破浙江潮。

永安桥

徐烈

两岸青山一水迢，桃花三月涨春潮。何缘谷口通樵客，恰好沙

湾架石桥。

常邑筑城于山

王维靖

兴来小阁豁胸襟，片片飞花春莫禁。树色山光看不厌，虽然城市亦山林。

忆北门胜游

裴瑞兴

嵌崎怪石小方池，心树亭前玉佩移。一味莼羹堪载酒，秋风那不动人思？

两塔争雄

定阳十景

裴瑞兴

匹帛丛花映碧溪，摩空七级影双齐。未能抛却题名处，欲步青云可有梯？

榜山列屏

春树声催出谷莺，秋高呦鹿满山鸣。剧怜烟雨迷离处，浓淡如初写姓名。

白龙双洞

当年龙蛻此中藏，前后洞云拥晓妆。更爱秋深红叶好，上池流向下池忙。

西峰夕照

秀绝人寰第一峰，凭高晚眺意无穷。山城花柳春如锦，了了都归目击中。

### 清献书岩

香岩曾向读书来，石径清幽遍绿苔。棊鹤一帘书万卷，知他花落与花开。

### 贤峰拥秀

北高峰耸说贤良，春日花开岩壑香。中甫当年读书处，清风千古不能忘。

### 石门佳气

非烟非雾郁重重，早晚丛苔带雨浓。朝旭瞳眈将出海，犹教人讶白云封。

### 球川晾雪

幅员数里锦为城，破竹为丝满地明。似月似霜还似雪，一川白得可怜生。

### 招贤古渡

有人抱璞隐岩隈，野渡微波日溯洄。何处蒲轮古城外，圣朝今又筑金台。

### 回龙高桥

凌空夭矫影涵波，晴润未云龙若何？有柱难题司马句，空教岁岁执鞭过。



常山旅邸壁间二首

缺 名

南国伤谗缘惹苳，西园议价指葡萄。惟余白发存公道，近日豪家染鬓毛。

有约未归蚕结局，小轩空度牡丹春。夜来拣尽鸳鸯茧，留织征衫寄远人。

因公至东乡寓于芳村汪氏延绿山房归途口占三首

陈 珪

一邱一壑小壶天，位置亭台得自然。触拨故园梅竹思，书堂也筑傍祠边。

诗书孝友识家风，群从追陪喜意融。话到菜根滋味好，长官原与秀才同。

酿雪光阴望雪心，归途六出上衣襟。桑麻慰我还同慰，陇首停云寄一吟。

题烈妇江汪氏传后

陈 珪

恨不从夫向九泉，安排死日在生年。舅姑亡矣儿无有，肯把零丁累母怜。

丈夫志节荇臣心，阿父阿兄泪满襟。恸定说真汪氏女，名门风教动儒林。

劝农二章

陈 珪

春来布谷一声声，犁月锄云课雨晴。自是力田能有岁，科同孝悌重西京。

秋成俯仰乐团圉，似觉赢他长吏安。我自田间来作吏，先知稼穡最艰难。

## 《常山縣志》卷六十八

知縣李瑞鐘修輯

## 詩賦下

勸蚕賦為孔侯作。

邵志謙

越鄙山區，信安斗邑，地瘠而癩，民嬉而佚。惟鞠謀而保咨，度風移而俗易。天佑茲土，幸遇神君，暫辭青瑣之班，綰綬定陽之津。下車而撫綏念切，問俗而勸課心殷。施帳花封，樹就盈門桃李；戴星琴署，噓來一片陽春。爾乃軫念夫民依兮，青旂歷乎郊鄙。望杏花之初放兮，載樽壘而勞慰。瞻菖葉之始生兮，進田畷而儆示。芄芄黍苗兮，彌綠疇。村村雞犬兮，游莎際。既振起夫農功兮，爰兆興乎蚕事。惟彼蚕兮，實為龍精。喙啣啣兮，驥分其類。色班班兮，虎肖其形。食葉吐絲，助經綸于清廟。隨形成茧，佐黼黻于太平。故嫔妃躬桑而獻茧，曾何論乎閭巷之編氓！乃捐清俸，爰求柔桑。青青陌上，嫋嫋宅旁，繁枝而馴雉集，細葉而戴勝翔，類渤海之買犊，繼召伯之遺棠。至若芳春始和，溫室既調，執彼懿筐，遠揚是討，風戾以食，近川而澡，昏明相推，去濕就燥。八珍八熟，祀尊菀廡之神；三起三眠，人識西陵之教。何須繞樹累丈之絲如歐，無俟泛膏百倍之源始肇。于以為裳，曰安且燠，于以厚生，福我邦族，民之父母，和風煦育，行見蚕桑之日盛而溫飽之各足。豈非稱最治于浙中，而為聖世循良之牧。于是黃童白叟，桑下婆娑，間間泄泄，起而為勸蚕之歌曰：男耕女織兮，王道攸始。衣與食兼謀兮，載興美利。機聲軋軋兮，杼軸不空。頌聲洋洋兮，樂只君子。雍正《縣志》。

三衢山賦有序

詹紹治

定陽之北二十五里，曰三衢山。聞昔洪水瀑漲，分為三道，故州名亦取此

焉。尔其碧嶂披图，翠屏画卷，藤崖倒挂，石剑高攒，翼而飞，拱而植，似列辋川之图，未入兰亭之记。中有石洞，榜曰玉龙，依然花卉生成，宛似神仙居住。仆生长山陬，性耽泉石，登临有兴，济胜无具，敢抒下里之词，爰记金川之胜。

若夫复道回环，连峰岬岬郁佳气于阴霾，锁青霞于岩壑。山幽霭而不明，石玲珑以盘错。衬丹炮以离奇，缀紫茱以赭坐。规叠岫于蟠龙，轩飞泉于挂鹤。洵高贤之栖迟，固仙灵之寄托。云屏耸峙，洞府中开，青峦横翠，绿树沉霾。巉巖凌霄之阁，峥嵘挂剑之台。循危磴以踞步，倚仄径以徘徊。睹纛雾之漫漫，卷山巾于崖岸。荫碧磻之藤萝，泻清泉于玉案。石笋粼粼，奇峰灿灿。忽雨忽晴，若连若断。片云去兮归来，故摇曳于天半。迨至绝顶，山路四平，灵木夹道，仙草丛生，蒲英九节，莲叶千茎，霜葩丽色，金石和声，令人意失，使我神惊尔。其危岑回雁，碧汉归鸿，阴峰落日，大壑喷风，余霞散绮，残雨断虹。旋振衣于高址，还抬级于遥空。柏森森兮霍靡，桧矫矫兮嵒嶒。发响而摩苍霭，送歌而凌飞淙。似摘芝而登商岭，拟采药而入崆峒。于是，逸兴遄飞凌峭碧也，搔首唏嘘壮烈魄也，石气蔚蒸涵虚白也，仙掌露凝泠琼液也。爰扶短筇，携幽屐，蹑层台，跨绝壁，采许浑之奇，耽灵运之癖。浮邱右挹，洪崖左拍，灏江俛瞰，星辰仰摘。睇药灶兮霞蒸，聆棋声兮洞辟。访樵子兮烂柯，吊江郎兮化石。贤良高掇以巍峨，严谷嵌空以蟠窟。天马骧首而蜿蜒，文笔钟灵而峭崿。仙霞横亘峙其南，佳气滃濛渗其北。固将气吞一邑之雄图，囊括三衢之奥宅。每至重阳佳会，上巳良辰，茱萸插鬓，芍药佩绅，秋风吹帽，春草衬茵。褰采蓝之翠袖，垫漉酒之角巾。傲坟索之菽圃，混簪绂于风尘。庶梯云之有日，岂攀桂之无因？《薰弦集》。

## 詩五古

## 常山道中遇雨

馮時可

東山咏零雨，感彼歸途事。今茲賦愁霖，行役我伊始。廉紆業不堪，滂沱未由止。嶮嶮石弥高，油油云未已。我車淖方掀，我仆顛莫起。蝟蝟蠅蒸桑，肅肅鴉集枳。苦哉遠征人，重山復重水。

## 挽徐蝥庵

宋 俊

兀坐看浮雲，一紙投遺狀。未識蝥庵名，仿佛見形像。夙昔號清門，傳經發遐想。遁迹在岩阿，精神何倜儻？行年八十四，浩氣仍獨往。委蛻如化工，斯言誠不枉。鸞魚亦何為，莫泥詩句上。真性無去一，天空秋月朗。

## 寄龍山語浪上人

王文龍

天鑒此山靈，奇境特先貢。古迹埋千年，忽辟新岩洞。出世有真僧，劈雲寄一棟。十笏始誅茆，妙喜因緣眾。我昔訪雲林，寒梅初破凍。遠山積雪餘，小鳥新聲哢。維時有吳子，芟梅岩端拱。散发擬孫登，蘇門長嘯弄。及今三載餘，鐃鼓聲交哄。生死信茫茫，抚膺時加痛。昔時江仲長，清風超營營。邈矣不可追，我安所折衷。獨讓世外人，非非時吟諷。住山與山宜，飢來可汲甕。吁嗟竟歲中，草木聲振動。塵世自擾攘，高人方鶴夢。

## 贈石崆寺僧志參

徐金位

所過大都會，精藍亦云有。維揚金山寺，滄波兀岫嶠。姑蘇昔名郡，雲中撐虎阜。結客憩層巔，萬象一俯首。乾坤蕩胸臆，江光

入户牖。胜地非故乡，转眼景已不。定阳古石崆，琳宫广数亩。周遭郁崇冈，石濑环腋肘。亭阁现参差，朝暮松涛吼。立师初结茆，上人嗣其后。诗如唐文畅，作字摹小柳。昔余此读书，雅称方外友。云来酌茗碗，月上诗脱口。比年均作客，间阔日已久。闻我北方归，君至自江右。欢叙风雨情，有约还相叩。罗列斋厨珍，芋栗杂香藕。兴来蹑林亭，自午忘及酉。岩深仙子窟，何必江湖藪。白鹤去不返，古松仍蚺虺。总角犹眼前，倏忽将老叟。富贵草头霜，吾道可不朽。山林有余闲，虚向红尘走。

竹蔗似竹，色碧，味甘。

顾震

青鸟自东来，投我青瑶枝。琅玕教着实，翠箬还裹皮。云是脾家果，甘温补土宜。中田子母种，不数无风奇。此中有佳境，嚼齿甘如饴。忆我初来时，庭前荐露葵。芙蓉江上水，晓夜萦离思。寒窗开冻色，转眼秋风驰。泠泠青女冰，照耀金谷卮。感君惠数挺，如锡甘露滋。森如列琼竹，苦削艰手披。老饕饫不厌，更用乞以诗。直欲呼蜜杖，相看醉后持。招作浇书伴，一醒红玉肢。

劝蚕为邑侯孔公作。

徐烈

人各谋生理，所贵衣食耳。男耕女还织，王道从此始。定阳山谷间，充赋惟耘耔。家有盈盈女，不识蚕何似。贫者如冻蝇，富者耀罗绮。何人足远谋，难免公私累。我侯耽儒术，治行效前轨。既作劝农歌，又辟蚕丛市。买得桑万株，分植各都里。满院尽栽桑，不羨桃与李。桑柔蚕自肥，蚕熟桑应美。莫道买新丝，补疮疮难起。当年诸葛庐，遗谋全在此。《豳风》诵懿筐，《禹贡》充包匭。少宽家国计，亦足代举趾。所以耕织图，并许染画史。还看身上衣，尸祝西陵氏。

勸蚕为邑侯孔公作。

徐 璟

蜀錦不可得，齊紈未易求。嘆息貧家女，布帛身不周。何不為蚕娘，蚕熟當有秋。五月新絲成，可免虛筐羞。織縑與織素，一任爾心謀。願听杼柚鳴，軋軋機聲幽。五袴應有望，無衣寧足憂。王后曾親織，命婦有成勞。綠窗况貧女，女紅可無操。不織無服被，不蚕少絲纛。如何山城内，有宅長不毛。縱有二姑把，竊恐蚕欲饗。愚民無長慮，使我勞心忉。柔條須廣植，購以貽爾曹。

定陽書院即事

徐 烈

定陽本漢縣，理學肇南宋。初來汪玉山，趙塾端所重。嗣以朱紫陽，經行過鹿洞。東萊暨南軒，風雨山城共。茫茫五百年，此時誰繼踵？吾師聖人裔，吏治尚弦誦。墜緒續當年，講舍營松棟。數椽臨大道，圍堵何其眾。遺像肅當中，瓣香聊作供。每當朔望后，濟濟羅章縫。指點語親切，此心如谷種。何處著根莖，視听言與動。休從紙上尋，吾道惟日用。聞言各自領，有難亦頻送。夙昔事探討，微言少折衷。賴此表章力，夜來慰清夢。盡道蜀文翁，治行堪伯仲。而我復何言，風月恣吟弄。

登文筆峰

詹紹治

塔影懸青霄，孤標薄寒霧。卓錫云嶂開，凜凜風回互。石磴盤空虛，上聳丹梯步。片云天際來，晚帶斜陽度。俯視傾碧流，蒼茫靄林樹。野岸多清曠，百里如指顧。佳氣郁葱葱，庭陰連薄暮。寶殿何玲瓏，瞻拜生余慕。森森氣象嚴，雄鎮金城固。突兀凌斗墟，代謝乘新故。萬籟俱蕭然，靜里了可悟。歸來月影清，草露濕茫屨。

### 游石崕华严寺

失名

首夏风日嘉，暍暖淡初旭。空烟散林端，浅水界城腹。南郊路迢迢，幽景纷攒簇。何年辟招提，绀宇峙山麓。峭壁插阴崖，修篁杂丛木。上有漱石亭，下有泉沐鹿。水细流涓涓，岩悬一溪瀑。野衲导我前，欣然具茗粥。钟声摇远岑，梵音出古屋。徘徊冲襟怡，潇洒尘虑伏。缅维立涛公，布金志遗躅。何当遂诛茆，石栖亦此卜。

### 古诗

樊贵贤

茫茫天地间，古往今复来。而我处其间，泰山一尘埃。抚膺长太息，九原独徘徊。古人如可作，吾将与谁偕？百川赴大海，逝者不复回。临风为凭吊，使我中心悲。

### 宋赵清献公书岩怀古

樊贵贤

阖庐登龙威，发函窃秘箓。天遣六丁使，輶致藏此谷。擘石三千丈，穴书幽岩腹。犹余罅隙地，留与赵公读。丹壁何嵯峨，穹窿启夏屋。凌空垂石乳，引眺项惊缩。公久此岩间，《周礼》故应熟。公议新法不合。一为苍生起，毅然铁面目。史称铁面御史。英气壮河岳，青山遂公属。至今岩壑前，蒙茸书带绿。嗟我生已晚，不及从公塾。名山被争先，续赋归来曲。

### 贤良峰怀古

山在三衢山前，宋王介读书其下，擢贤良第一，因称贤良峰。南渡后，丞相文懿公迁隐于此。

名山如高贤，名酒如清圣。君看贤良山，卓立一峰正。端拱出

云表，蕴蓄君子性。巍巍中甫公，先我此吟咏。鯁语夺山骨，千载心相印。流芳犹未歇，溪石润且净。山川钟清气，草木皆坚劲。相看久不厌，肃然起人敬。卷帘延黛色，景行仰先进。举杯问青山，青山默不应。惟有旧时月，照我心如镜。曷不归去来，故园辟三径。

### 七夕偶成

邱瑞龙

世人争乞巧，我独养吾拙。北斗罗此胸，南箕翕其舌。迂谈多齟齬，长途梗蹉跌。奔驰骨屡摧，动作肘频掣。忝为一字师，谬许万人杰。橐笔定阳乡，磨墨砚山铁。中庭肆滥竿，前车警覆辙。讲学宋儒宗，著述商彭窃。定谕千载遥，持平寸心决。彤管牖贞操，青史记忠烈。乾坤炳丹心，草木蘸碧血。鉴别凜冰清，光照如电瞥。书法准权衡，题名耀绰楔。辞期简以明，意必赅而切。咨访广搆罗，去取慎剔抉。飒飒风雨临，森森鬼神列。寸念不容私，片长何敢缺？记挂鄂渚帆，竟踏庐峰雪。浣脏出西江，冻足涉东浙。春生百树尖，月上三衢凸。俱定阳山名。金精伏火余，玉宇新秋节。夜色如水凉，星光耀珠缀。绮罗针阁陈，瓜果广庭设。蟾兔月月圆，牛女年年别。难与素娥言，应共黄姑说。天帝钱未偿，支机石亦劣。智巧果何存，庸愚竞相悦。乞求略无灵，拜祷诚空竭。不如恣豪饮，守拙高清洁。嗟嗟巧宦途，尘劳何时澈？

### 哭北乡鲁里徐君丽照姊丈

许文耀

庭训有薪传，诗书苦勤读。弱冠游黉宫，蜚声推名宿。伯仲吹埙篪，友朋喜征逐。高堂多色笑，时披老莱服。潜心入岐黄，乡里起危蹙。人似古之狂，春和复秋肃。忆昔避桃源，相对坐茅屋。风雨夜联床，分韵吟飞瀑。不料去秋间，一酌不再复。依依两不舍，



送我东程麓。发逆从西来，旌旗遍山谷。大江何茫茫，奋身葬鱼腹。搔首问苍穹，斯人何不禄？春早杜鹃声，聊作招魂哭。

#### 四贤祠怀古

徐廷玮

行行出城西，怅望昔贤祠。斜阳散丛薄，但见荆棘篱。父老为予道，人事有迁移。请君一寓目，石崆溪之陂。巍峨新气象，楼头赤雨滋。几度沧桑改，荒山余址基。俎豆繁何寄？令人动遥思。林峦依然是，庙貌倏离披。南渡衣冠剩，西台风雨悲。高风卓今古，永为邑人师。谁为辟崇宇？继起肃坛墀。

#### 哭姑母殉难

徐廷玮

易挫非坚石，可折非精铁。志士尚孤忠，妇人重大节。烈哉吾姑母，闻之肝胆裂！恨贼齿穿龈，骂贼舌嚼血。视死如鸿毛，头颅顿裁决。不作萧艾荣，但学金玉折。义烈激风霆，贞操亮冰雪。朝廷颁荣褒，彤史芳名列。

#### 诗七古

#### 赵公岩

秦云

青山姓赵凭谁考？赵公在山山亦好。万物本因人重轻，彦伦若遭此山恼。始知无情别有情，圣贤可以传吾名。廉泉让水至今饮，舜江禹穴他人惊。曾读《大明一统志》，看尽乾坤多少事。从今便欲示后世，不独区区一名字。常山之北十丈岩，山腰石壁高巉岉。广深下覆若峻宇，真宰曾费神工劂。悬溜多年成物状，势走雄蹲不相向。观音大士坐偃蹇，法筵龙象神俱王。微时赵抃访岩居，鹿麋为群读古书。千载云龙未有梦，五湖风月食无鱼。自从汗竹

丹青后，名与青山齐不朽。何如今古与古今，还将赵公配谷口。

### 题何侍御梦桂轩

时季照

高轩八月秋风凉，秋风吹桂生天香。天香入梦吉先兆，觉来三日登科场。文章落笔壮且丽，揭榜争看中高第。明年廷对宴琼林，果然折得蟾宫桂。乃知佳梦信有征，执法乌台传姓名。豸冠侍班百僚肃，骢马行部群邪惊。我乏天才愧王勃，亦向窗前曾梦墨。去年试艺玉堂署，进拜金銮承宠禄。梦墨梦桂虽不同，绣衣同职乌台中。五更趋觐天九重，联镳接袂欣相从。

往年得常山徐生惠砚甚佳，丁未会试为监场军士持去。自后所得皆不及。偶然追忆，因有此作

杨廉

常山砚多青紫色，不徒发墨仍润泽。忆常过市亲阅来，恶者堆麈美藏匿。再三苦索始出之，坐贾乃邀三倍息。徐生简选持赠予，获之如获琮与璧。砚兮亦视为我用，口不能言似对臆。南宫携去战文场，螳垤蜂房专一席。风檐交卷出门去，竟为守舍军士得。唇焦口燥呼不还，亟欲往追天已黑。归来旅邸不成眠，反覆思维良可惜。当时妄意复得之，焚香叩易揲蓍策。得《夬》之《革》观繇辞，莫夜之戒即斯贼。欲将此事白有司，姓名无处稽尺籍。三衢旧穴尚可寻，巧匠斫山盈左侧。犹传上品多更多，紫袍玉带殊辉赫。虽然此特一物耳，吾辈何为置欣戚。但恨珍奇失所遇，此意英雄或能识。

方田行算法方田以御田畴界域，即今丈量。有序

邵志谦

常山赋额三万六千两有奇。前明邻邑割铜坑源地方洒减其邑田赋，吾常则废地三十余里，亏帑万两，遂有二一虚税，世世赔累。国初，几成废县，幸

朱、万两制军奏请九千余两定额，究不能除。雍正六年丈量，邑令王公谓常民藉山隐地，因至亏缺，于是崇椒平麓概以地亩作则矣。夫铜坑之失，事隔两朝，讵敢轻议归我侵疆，而引据旧闻别弊请命，似亦无讦。季弟志晋本族祖所著琐言作诗，谦稍裁订之，聊以补志乘所不及。且希仁贤大君子之哀而见采耳。

常山县建万山曲，原田鲜少时仰屋。经画疆界仁政始，综理端赖良司牧。则壤成赋惟正供，履亩定税敷天同。常邑独多虚赋累，经界不正失旧封。粤稽胜朝中叶日，民贫累累荒逋积。荒逋八百石有余，宋元来积荒赔粮八百石。筹度岂无善后策！谁为厉阶张使君，张克文欲行清丈申宪臣。意在补荒均税亩，惜凭私臆未上闻。时当隆庆之三年，迤邐丈至邑东偏。二十四都铜坑源，未丈井里田万千。忽挂白简遂中止，两邑故界未亲履。图籍纷纭刻期成，造次尽将旧籍毁。四万国赋役书详，明丁粮额征三万六千两。岂容丝粟亏太仓。未丈之田不入册，未丈之赋仍输将。赋额输将原不异，紊人已丈田与地。张令解任后，只将丈过田地造册。铜坑等处未丈者将钱粮派加已丈田地额内，每七分六厘作一亩起科，盖已丈者，官册虽加，而私实未增。未丈者，赋亦仍输，而田遂不入版图矣。七分六厘一亩征，是谓常田加二四。每亩虚加二分四厘，故有此名。迨至万历有九年，下诏清厘天下田。此时宿弊可尽革，厘正势如反手然。邻令偏私乱王章，只为其邑不为常。侦知铜坑漏载籍，尽行割占贻浮粮。铜坑接壤邻邑，邻令不关会吾邑，漏丈田地尽行占据，贻害吾邑世世赔粮万两。当年邑侯临川傅，名良言。单骑疾驰抗强御。金瓯已破难复完，仅得渔湖地名。五里数。盖蹙地延袤数十里云。父老沸腾欲上陈，毫无左证何由伸？始知毁籍流祸酷，万家怨讟声长吞。可怜地归邻邦辖，空令赋责常民纳。千年大害从此始，比户叹嗟怨入骨。五里虽得不偿失，疆理已定不可易。复行派加符旧额，是谓常田加二一。减去三厘，

尚加虛二分一厘。名為減去三厘虛，實則突加二分餘。二分已加不容減，賣絲巢谷困征輸。比考西邑賦頓贏，一畝僅供七分零。率土之濱皆一體，苦樂何嗟太不平！此語並非予創立，先達名載《招搖集》。事載金寃詹范川先生《招搖池館集》中。予家耆士月津翁，緬緬萬言藏私笈。國初，曾伯祖月津公履泰著《狂夫瑣言》萬餘言，欲請豁除，不果。沿及天崇不堪命，赤眉銅馬勢相競。三餉追呼更不聊，半屬流亡半懸磬。幸逢我朝聖人出，異命解澤加綏輯。稍稍得復舊田園，荒蕪尚有十之七。三戶人供十戶糧，親鄰瓜蔓相追償。百計招徠苦無濟，荒者未辟辟者荒。撫軍采風三嘆息，朱公昌祚。悉心體訪廉得實。浙東凋殘六郡同，尤憫常民病瘵亟。繕疏題請豁租庸，愷切詳明動九重。得除荒糧七千兩，至今絲綉祝朱公。此是康熙初年事，正逢清丈詔復至。生民大害可徐圖，其如當事太輕易。草草告竣遽上聞，豪右逞勢吏舞文。貧民冤沉富兼并，圖籍混淆如絲棼。按戶斂錢望累除，負版失計委奸胥。公費千鍰入私橐，兩朝積患不能蘇。康熙三年，造實數、虛數鱗冊各一。邑人斂千金付胥吏楊茂正赴省，屬以實冊呈。楊徇署丞意，徑投虛冊，二一遂為常山不刊之令甲矣。後楊胥投井死，家旋滅。忠貞范公名承謨。建節時，念切民隱無傷夷。無征荒逋垂涕奏，復蠲二千百有奇。治平尚鮮生人樂，閩逆披猖復肆虐。三年鋒鏑無孑遺，耿逆首破常山，盤據三年，屠戮甚慘。何由田間課力作。王師底定爨甲旋，村落晨星見炊烟。烟火稀微農功曠，蒿萊芜秽虎豹眠。人稀田荒谷價賤，一石百錢無余羨。縱令罄數入官家，尚恐難見里胥面。遂視田為害之藪，相推相讓不欲有。只為谷賤糧又浮，無田何必嘆星罍。八閩流民乘机起，戈鋌弄罷歸耘耔。閩人多流寓就墾者，耿逆起隨處響應，常地以此殘破。蕩平後，又復歸田里，無誰何者。荒壤隨意垦辟開，千萬為群猶未已。垦戶租調何獨輕，閩人另立垦戶，田多應漏。且常民半流亡，每丁完銀八錢零。而垦戶永

不添丁，徭役一切不与。此常邑从前最大之积弊也。土人徭役累弗胜。土人重累向隅泣，幸逢休养荷圣明。圣明爱民如赤子，薄敛给泽复广被。两浙沦浹恩尤深，蠲租叠叠蒙温旨。六十年中熙皞天，间阎富饶生齿绵。此日始知贵恒产，畇畇原隰少弃捐。千顷积荒垦未尽，强黠据之常接轡。良民久苦赋虚加，豪家日富多欺隐。自是众心激欲鸣，纷纷郡国共陈情。大令耸听飞檄下，万井提封彻底清。百年机会幸复遇，刍蕘不乏谳掌故。民生休戚宜慎重，一误岂可容再误。诂意武健曰予知，更张不复求原委。间有知者不得言，其得言者昧大计。岂知大计道旁筑，城社便于饱溪谷。休戚巨任付市侩，利未必然害已伏。荏苒两年役始竟，雍正六七两年。幅员袤广明如镜。缺田千百顷有余，成数不符难请命。势难上请无如何，原委未悉当年讹。郢欢龟阴久未返，只疑境内遗漏多。谁何善合令君意，通行补丈进成议。令下万民齐骇愕，尺寸土壤不许弃。硃确沮洳尽入版，按数尚苦额难满。移山作地抵亏缺，从此丛生弊无限。王令并不虚心访察缺额缘由，偏执谬见，立意以地补田之缺。因以山补地之缺，令山之平坦处悉量作地。弊缘常邑山绵亘，千峰百嶂悬梯陞。峰巒嶂麓稍平衍，一亩量成十亩剩。大约山一亩丈地不止十亩，而一亩山税如故也。茹毒最是墓与邱，奸滑乘机盗一坏。片纸给照案如山，号泣不得保松楸。山地多民家邱壘，奸民贿通暗行升科，或密地呈首批给执照。原主呼吁哀切，终不受理。甚至一山也甲税现存，而乙税又收，甲并不知此山之为人盗税也。更加蓬户如星罗，诛茆筑屋遍坡陀。垦户之外又有蓬户，闽豫流民各半。放利者以山给之，或种苳，或蒔烟草。僻户穷谷皆其窟穴，殆不下十万人。塹山堙谷蒔烟苳，概与平原并入科。种植苳烟多系歇仄嶙嵯处所，稍平者皆以地论科征无二。伐冢燔榔伤地脉，蓬户垦山，发古墓，斩地脉，惨不忍言。宜乎利尽害将迫。蓬户聚散无时，一旦山枯远引赔累无穷。且多系桀黠犷悍之辈，近虽严行保甲，究不能无未雨

之忧。地力已竭成不毛，山一种烟苙，其力易竭。大约三四十年，即不堪种植，变为童山，无征荒迤指日在目矣。业荒粮存何时释？搜尽山巔与水干，上剩碧落下黄泉。鸥鳧绝少闲洲渚，麀麀欲卧无峰峦。一旦大溢旧成宪，上官闻之咸称善。万姓方嗟堕泪碑，立碑堂左，盛称自伐。神君已膺卓异荐。吁嗟乎，二一重累百余秋，幸免目前身后忧。抱薪厝火何可久，鱼游热釜歌漏舟。特惜幸生尧舜世，仁民不恤减帑税。蜀中恭拜蠲荒诏，雍正九年，上谕四川丈量诸臣曰：丈量本清厘民产，非为加赋。果有荒瘠，州县不敷旧额者量予豁免。吴郡嵩呼轻徭制。乾隆三年，诏减苏松浮粮数十万。弹丸亦属王化区，覆载忍教遗一隅。谁为绘图乞恩泽？有情莫达徒歔歔。儒生何力惠桑梓，聊为田赋备信史。仿春陵行郑侠图，言者无罪闻者涕。本《定阳志余分》，见《邵氏文集》。

## 六月行

王文龙

六月炎风遍地横，六月暑威弥天爝。日在西峰雾漫遮，海飓乍起飘山郭。铙鼓声声四面来，今日北门谁锁钥？一城鼎沸卷妖氛，赤日不波风浪恶。抢地地无灵，吁天天莫告。翘首顿足何所着，少妇拘系大妇牵，粉黛奚辜罹贯索？覆巢之下无完卵，一网能罗群鸟雀。借问大将名姓谁，赫赫者吴继以郭。更何累累，更何若若，人人肘后悬金鹊，健儿自逞虎头雄。老翁不顾鸡皮弱，厌看书生白面痴。担负前驱交纷错，四壁萧然短褐除。持刃挟尔倾囊囊，罗纨以外及袷襦。珍玩无遗迨钱镞，可怜有肉试刀锯，可怜有骨加锥凿，哀哀父母劬劳身。此际鱼游惊釜镬，五日之中形影枯，子妇亲知相顾愕。吁嗟承平三十年，飞霜六月寒涛作。竟日呜呜号泣涟，此声曾否通冥漠？

### 大樟行

孔毓玘

定阳城西昭庆寺，万山回合高峰峙。八干排云覆梵宫，衢潭有树孙枝侣。巍然阿阁凤凰巢，郁尔只林鸞鷲朝。战鼓便闻听雄势，劫灰飘颺留孤标。不见大夫松将军树，昔日敷荣今何处？武侯庙柏化龙飞，岱岳槐根等虫蛀。何如柔柯嫩叶发青苍，彭篋尚作婴儿装，寄生合抱怀中藏。前历千年后亿禩，沐日浴月餐冰霜。

### 常山山行

朱彝尊

常山玉山相去百里许，山行十人九商贾，肩舆步担走不休，四月温风汗如雨。劝客何不安坐湖口船，船容万斛稳昼眠。答云此间苦亦乐，且免关吏横索钱。

### 食葛谣

顾震

采葛南山阳，洗葛东厨下。汤官灶婢说火功，长井市儿索高价。堆盘一种香味甘，紫芋红姜俱可谢。信彼南人不识酥，北人煮箠徒自讶。露副风日乾咬咀，上药架讵嫌执爨。劳只恐发汗，怕岂知燥湿。异功能譬比，麦花分昼夜。贪夫果腹意怡然，酒肠宿膩凭君化。寒杯未许苜蓿盘，余味不人道遥炙。唐同昌公主有道遥炙，素食也。为君欲典鸕鷀裘，开醒好伴银船泻。

### 里樵歌有序

邵志丰

里择徐之洪，小字天寿，樵夫也。读书仅记姓名。时感切于民生疾苦，先畴不盈十亩，岁歉谷贵，售其二。徒步走阙下，欲上书平谷价，谒御史台，勉受其牒，温语令归。乙亥，螟患特甚，复衢所剩田之半，进牒长吏，易米附官廩以平粟。又亢旱，独登塔山神祠前，裸跪赤炎中，拜祷数日，背为之焦。暮年方

娶，竟以不聊生卒，婦挾嬰兒改醮。

補天片石貽自古，誤落人間作樵夫。寸心矢願何太奢？欲將萬民疾苦身為補，二畝硯田生事微，斥賣徒步來京畿，谷為民天乞平價，貴人噢咻戒令歸。咄哉飛蠓肆然作，數畝復捐填大壑，但求源源濟民飢。遑恤我後謀生錯，長跪祖朕禱宥暘，炎歊裂脊心皇皇。天能付汝胞與志，不能庇汝萬民樂。太康吁嗟乎不獲，予辜寄惻惻博濟，安能家戶給元詩？鄭圖得君三直令，聖賢扼腕佛愧泣。磊落一生空諸有，身死嬰孤隨去婦。狀君生平桑梓傳，仁心侷骨析薪手。《逸志》。

勸蚕為邑侯孔公作。

徐長泰

蚕為龍精世所愛，絲抽金碧價更倍。縑成黼黻輝廟堂，民間亦得奉台背。二月春風馬頭生，桑葉青青陌上橫。挈筐采入蚕房去，疊翠鋪茵五色成。常本浙東凋瘵邑，男雖勤耕女不織。家家啟視杼軸空，閭閻那得人贍給。猶幸環封鱗地多，種桑比屋莫蹉跎。捐金置種勞大令，殷勤還作勸蚕歌。吮毫我亦興忭舞，嘆息神君真慈父。足食兼思足民衣，會看桑陰遍場圃。雍正《縣志》。

勸農為邑侯孔公作。

徐璟

民乃邦之本，食為民所天。保民在重農，足食在力田。山城春日陽和動，土脈潛融播嘉種。水耕火耨貴及時，主伯亞旅咸赴隴。我侯夙駕出東臯，恤民勤苦知民勞。謂爾不耕受之飢，胡勿努力耘而薈。惰者什一勤者多，我侯顧之歡如何。金錢分出清官俸，賜肉一豆酒一螺。一時父老遍原野，歡笑喧騰聲詡啞。有官如此真可樂，吾儕不耕胡為者？雍正《縣志》。



苦节篇为伯母韩氏作。

徐长泰

悲哉老母八十余，备尝辛苦历居诸。母仪能使乡闾重，苦节何人不嗟吁！忆自二十守霜帏，抚育双雏孤不飞。大者免怀小者乳，岂忍离此同夫归？饮冰啣雪日复日，雁行次第皆成立。成立岂意不终养，垂暮先雕双飞翼。呱呱满堂泪血痕，昔哺孤儿今哺孙。泪眼已枯血已竭，彼苍者天那可论？纵镂青史标清节，空冥何处吊贞魂？

五月闻闽警

徐洪理

岁当乙未六月朔，耿王就封肆劫掠。共道此人有反骨，果然三蘖成犄角。二十年来包祸心，帝制自为戴黄幄。飞来尺劄招亡命，灶下厮养担侯爵。三三五五效闽语，如鬼如蛾貌狞恶。哄传昨夜失须江，咫尺吾乡为糟粕。疮痍迩年初定痛，闻说贼来胆便落。安得天兵旦暮下重霄，免教吾侪化作沙虫与猿鹤。雍正《县志》。

丁亥年

徐洪理

从来兵后有凶年，验之丙丁岁复然。去年八月天兵下，今年斗米七百青铜钱。起望千村与万落，十有八九灶无烟。木皮剥尽草根枯，卖妻鬻子涕泪涟。道傍死者相枕藉，时闻饿鬼哭阴天。饥来驱我真无奈，出门四顾路屯遭。平生不食嗟来食，岂因人热受人怜。雍正《县志》。

避乱山中有感

徐洪理

尝闻离乱人，不若大平犬。初怪所拟殊不伦，那识斯语切而婉。今日红巾贼，明日白头兵。夜夜深山卧明月，有时欢见妻孥

面，有時愁聽爹娘痛哭聲。何如足下生牦者，吏不敲門戶不驚。雍正《縣志》。

### 親兄弟

沈虹

客行常山道，路逢徒旅群。肩任以為業，雁序何紛紛。人持木一竿，隨行若瘤贅。借問此何物？答云親兄弟。力盡賴以扶，身危得所倚。兄弟苟不存，他人空自為。聞言心惻然，顧樂傷其義。人生骨肉天性親，嗟哉何忍戕同氣？君不聞田家紫荊樹，君不聞姜家大枕被，嫌隙易開悔莫追。粟布之謠可流涕，我成此曲寄世人。此曲人傳莫輕棄，莫輕棄親兄弟。雍正《縣志》。

### 戰西峰

黃文

定陽城西挺高峰，老松蒼翠皆塵封。干戈驟擁如聚蜂，虎瞰狼視窺城中。城中寂滅軍令肅，箭垛分陳俱靜伏。須臾待得暮氣深，擁出山頭軍一簇。卷動綠旗雲繞谷，手把藤牌弓近鏃。炮聲響處鬼神驚，陣前風卷紅巾速。城里歡呼唱凱還，鯨鯢并就轅門戮。峰前老人為我言：昨夜戰場先鬼哭。雍正《縣志》。

### 謁趙忠簡公墓

汪彭齡

石門山色何崢嶸，上有雲氣連佳城。白雲不散墓常在，樵童牧豎皆知名。丞相緣何到此地？蚌由南渡爭和議。栽竹煙霏獨往亭，敲鐘月落永年寺。襆被蕭然少過從，南荒一窳更难逢。生前縱脫鯨波險，死后誰為馬鬣封？墓門鑿石崇明代，豈徒廟祀高宗配。石麟翁仲立斜陽，古木叢花遮翠黛。身騎箕尾近千年，幾人酌酒到山巔？十載傷心游幕府，端明學士真拳拳。狀元雨實相公雨，兩登上宰寧無補。氣壯山河何處尋？山上白雲自今古。

定阳十景之六

徐 鯤

西高之峰峰何崇？岿然笔卓摩苍穹。屈曲盘旋至绝顶，俯视众壑空濛中。是时落日挂树杪，断靄斜阳正缭绕。城中晚炊浮烟齐，随风缥缈入云杳。牛羊下来樵子归，昏林点点投栖鸟。双溪濛濛洄流霞红，明媚仿佛秋江晓。登山须穷千里目，桑榆何妨援戈逐。半竿余晖丽林麓，几声清钟出梵屋。西峰夕照

山城迢迢环山溪，水色茫茫山色迷。十里传闻铃铎响，高标双塔连云齐。遥望华构耀雕栏，中流砥柱回狂澜。不知何时藏舍利，夜灯点点来江干。峨峨两塔插天际，浓淡烟雾互摇曳。阴阳变态空濛中，华盖双擎时启闭。云帆日送盈江风，林麓初开万壑霁。登彼丹梯呼天门，飘飘乘此凌云势。两塔连云

石溪溪水漱湔湔，洒诸石崆之山前。浩波微茫混元气，石上飞来百道泉。涛声砰礧击硿礧，巨鳌昂头西入海。银河濯出青芙蓉，跳珠百斛翻霜彩。我来正值烟云浓，野花岸草多春容。便欲浮槎泛月窟，力鞭怪石驱神龙。石态峨峨虎豹立，张牙舞爪疾风冲。目不停注耳细听，芥蒂一洗平生胸。石溪雪浪

怪石硿礧豁洞天，中有骊龙抱珠眠。洞门虚敞数弓地，洞穴幽深万丈渊。阴阳离立乾坤辟，奇偶相生上下连。高架石梁滃烟雨，泠泠泻出清流泉。泉声滴沥响不断，白龙掉尾横天半。一片遥看银竹垂，雄飞雌伏凭谁判？我欲攀龙登天路，寒潭森森无人渡。洞深岩高石壁青，白日忽惊天晦暮。龙公龙母呼不应，一声霹雳兴云雾。白龙双洞

怪石门开何诡譎？陡然独向半山裂。霏微元气含空濛，镕成一片平江列。独立清江对清流，万顷寒波轻素浮。带雨随风冒古渡，截断山腹连山头。归来别浦应留住，散去平城曾似雾。朝朝写

意清溪間，迷離彷彿武陵路。路邊無數春花明，石門不鎖無人行。  
數峰江上常青青，舟子迭送柔櫓聲。石門佳氣

清獻公居孝悌里，講學定陽空山里。憶昔窮經石宇開，岵嶇幽  
岩遺古址。荆公執拗世所知，台官望之盡披靡。惟公參政彈青苗，  
凜凜不避權貴抵。作宰成都風節清，戶祝家尸遍遐迹。焚香告天  
留芳圖，冰心鐵面著丹史。東山兀峙何崔嵬，清風明月安在哉？思  
公不見重徘徊，但聞漁笛隔灘來。清獻書岩

#### 四賢閣懷古

徐德彰

但見龍岩勢峯嶇，何處更尋四賢閣？高棟想是傍龍飛，金碧輝  
煌亦共躍。蕭蕭木葉墮空山，縷縷閑雲繞洞壑。流風自速千年遙，  
對景何必增蕭索。地僻芳聲遍九寰，秋高精氣橫碧落。廢興成毀  
寧有常，勝似瑤璇巢燕雀。携筇歸步夕陽斜，回首神留天際鶴。

#### 常山道中大雷雨歌

錢塘桑調元

境非艱虞不成奇，墨雲陡蔽東西陂。盛怒雷聲擘山岳，大笑電  
光明瑠璃。古寺破篷人爭入，四海水立湧空集。滂沱似載奔車輪，  
咫尺行人避不及。猛溜沖決堤堰開，崖崩千丈流黃埃。紅毡裹背  
首尻濯，遠道之人胡為來？銀竹森森官莫測，老眼眇昏空復拭。洶  
洶前潮後潮白，莽莽千山萬山黑。况復惡風吹倒山，飛屋失木砰  
轰間。鳥巢迸落草萍驛，鷺墩崩塌屏風關。奇哉，半空雲破懸火珠，  
依然周遭霧涌螭虬趨。西邊日出東邊雨，此間道路晴有無。仆夫  
阻隔尚未至，世途豈盡如人意？酷戲其奈天公何，却驅文辭入筆  
波濤多。《衡山集》。

## 离燕篇有序

朱凤毛

《离燕篇》者，为宋常山义妇王琼奴作也。琼奴名润贞，年十四，通诗词，妙音律，四德咸备，叠遇轘轲，死节最烈。事详《宋诗纪事》、《剪灯杂志》。常山县旧志不载，列女中陈《志》仅采名媛玃，囊数语入杂记，亦无有咏之者。墓在异乡，事隔数代，美才奇节湮没不彰，可慨也。为赋一诗，取润贞所作词中语，命之曰《离燕篇》。

妬花风雨斗春好，燕子未归春已老。北去愁同鷓鴣飞，南来更比征鸿早。新巢才定不多时，半面东风遽别离。今日空门歌紫颂，当年曾说系红丝。红丝吹幕江南路，粉额涂黄腰约素。水样芳龄比丽娟，玉人小字宜琼树。联珠唱玉擅歌行，摘粉搓酥妙倚声。月下吹笙招彩凤，花前度曲啭新莺。新莺乳燕偏殊众，鸩媒争说冰人梦。绿绮求凤任尔弹，绣屏射雀知谁中。请君题画各挥毫，若个先成夺锦袍。南郭果然逃濫窃，东床从此得诗豪。谁言伺隙晨风疾，双燕处堂仍遐逸。待阙鸳鸯不羨仙，填桥乌鹊方涓吉。此诗画阁得春多，此际盈盈欲渡河。只道终身古花月，那知平地起风波。风波转瞬天涯渺，郎戍辽阳妾岭表。一生断送可怜虫，万里分飞同命鸟。何处云山是故乡？千行珠泪九回肠。瘴云谁共蛮蛮倚，塞月空教燕燕望。寄人篱下凄凉色，不料鹧鸪苦相逼。贱妾由来有故雄，武夫岂许求新特？梨花庭院旧楼台，别恨喃喃细诉哀。遮莫海天飘泊久，双双犹盼早归来。刀环未卜音尘绝，忍死吞声自呜咽。戍妇歌谣黄鹄风，流人刁斗元菟雪。未了仙缘一线牵，捧符刚到岭南天。徐郎破镜欣才合，王谢乌衣痛不还。乌衣那更遭罗网，例竟门中合欢杖。纵使沉冤雪覆盆，抚膺一恸何堪想！回首香闺识面初，檀奴曾试女相如。红笺小幅缄空札，锦字新篇答报书。无端远遣来边鄙，孤身几堕樊笼里。红颜薄命妾何言，忍累薰碓由我死。

犴草蛮花惨不春，哀蝉落叶总伤神。余生涕泪心头血，故国关山梦里身。择婿翻多无限恨，覆巢空有未亡人。早知如此家山破，悔不当初问水滨。临流肠断篴篥曲，墓上应生连理木。鸳冢冰霜北阙褒，鹃魂风雨南荒哭。生无双飞死并头，玉京孤燕共千秋。斜阳细雨蕙香地，犹是年年说旧愁。

#### 四贤祠怀古

詹绍治

宋室南迁国事纷，中原俶扰不可论。决策亲征抗金虏，忠简之绩谁与伍？赖有范魏共周旋，虞渊取日仗诸贤。讵知运祚嗟难复，顿使英雄长痛哭。烈魄贞魂誓不二，身歿祸延嫁后嗣。崇朝移檄索遗书，抗法存孤良非易。贤哉翁尉灭遗迹，昂然挺身膺祸谪。独力保护完三仁，千载英灵蒙德泽。四贤庙祠建白龙，天人胥蚤鉴此忠。翠阁栖云表劲节，苍松插汉凌高风。荒祠颓圯芳踪歇，箕尾仙升遗碑碣。至今石窦声淙淙，古洞嵌空常不没。烟墟凭吊故依依，驿路遥临接翠微。那得俎豆常馨享，登临瞻拜仰余徽。

#### 暮春访棣皋紫竹山寺松下小饮

失名

久欲共君聚，忽忽暮春天。朝闻鸟声唤，催我入山巅。山头古寺围松竹，主人读书春昼足。山前鸟语不闻声，为我剥啄扣扉促。知君静者趣偏长，嘲弄风月纷琳琅。从君索得一把玩，但觉齿颊余芬芳。君言久阔相思甚，宜踏山野共吟饮。松阴拂石置壶樽，坐看落花飞如锦。残花烂漫繁可嘉，肯以不饮辜韶华。枝头好鸟复嘲啾，却来伴我声呶呶。鸟歌我吟吟且呼，对此兀兀倾百壶。山居地僻罕客到，日与诗酒交欢娱。嗟予驽骀岂足伍，狂吟那可惊风雨？主人磊落真人豪，醉后轩轩笔飞舞。君言欢会莫浪过，自愧溷劣无能何！强从君命岂得已，思以菲句先瑶歌。霞飞夕照寺钟催，抛樽

欲起尚徘徊。他时从游还可卜，更把君诗松下读。

### 登百灵峰

詹培英

巉巉自古称灵峰，辉联奎壁开琳宫。徐君生钟大峨秀，昆友颀  
颜遗芳踪。西岳殿祠宇宏敞，明彤弓山徐参议海、参政金陵偕同人步庙谒  
神，有诗，今亡。复阁烟沉坛罗域，光芒万丈腾高空。庙寻毁，里人时见  
白马、白羊驰逐山坡，夜则火焰腾空。仰凭突兀辟灵宇，庚午捐建。南翔  
回雁参祝融。

### 龙山招隐歌

樊贵贤

贫贱失意感慨多，富贵误人更谓何？茫茫世事黄河水，泰山碣  
石不能回其波。吾欲上游广寒兮，嫦娥妬余之蛾眉。弱流弥漫不  
可以径度，元圃渺渺不可期。不如乘槎严谷中，投纶且钓岩下之卧  
龙。噫吁嚱严之谷，复乎高哉，巨灵不为擘，禹力莫能开。群山众  
谷争一斗，飞瀑喧豗万壑雷。何年峭壁削天工，倒悬欲落不落之怪  
峰。掣断虬尾苍岩裂，澄溪九折萦其中。迩来六万八千有余岁，不  
与人间辙迹通。乃太清之紫府，实天帝之琼宇。造物辟此匪夷境，  
秘与吾辈潜其踪。羊肠何盘盘，石栈倚苍穹。横空鸟道可望不可  
即，但见飞霞落照挂青松。念终古之悠悠，惟碧嶂之崔嵬。往者不  
可见，来者复为谁？招呼明月劝一杯，为洗愁肠万古悲。闾阖巍荡  
荡，杖策归去来。猿鸟问我将何之，此地离天刚尺五。上有十日不  
夜之琼楼，下有万仞穹窿之洞府。谷之上兮可以乐饥，陟瑶台兮寻  
仙侣。拍随洪崖肩，并坐容成股，天女扣霜钟，冯夷击石鼓，钧天之  
乐，其乐不可言。遥思知音隔秋浦，郑广文霍将军。定阳城市大如  
斗，车马扰扰红尘纷，使我身如茧裹心如焚。独不见龙山之山青入  
天，可以横绝尘与烟。又不见龙山之水清且涟，可以上通碧汉之天

船。何不洗耳澄潭下，結巢林樾抱云眠。白雲聊以洗我心，白石聊以斫我情。若待功成買山隱，徒使巢許笑殺人。武陵只在人世間，未許外人可問津。

### 顧山歌贈別紫霞山人

樊貴賢

噫吁嘻，顧山之山何峻奇！嵯岬屹立嶮以巖，大山小山還相顧。神工鬼斧擘屨屨，我游宛與洛，浮塵染衣緇。西望崑崙插插漢，星海渺茫不可期。山人指點顧山路，仄徑紫紆入翠微。露冉冉兮草霏霏，巖然疊嶂青琉璃。巖岩去天不盈尺，群岫連絡何參差！一峰矗上聳螺髻，一峰橫落修蛾眉。山山盤郁勢棋錯，東峽西峽雲迷離。橫空絕壁可望不可即，蒼然青松碧樹亂琮絲。上有千年不死之靈藥，下有萬歲倒掛之枯枝。黃鵠西飛莫能度，秦皇之鞭不敢麾。怪石崎嶇，鳥道逶迤，春澹澹兮欲雨，霧濛濛兮生衣。吾欲振衣絕巔問天帝，但見大地蒼茫群壑卑睇，宇宙之茫茫，吊今古而長噫！古人不我見，逝者竟如斯。去日之日云已非，來日之日猶可追。倒挽銀河注中腸，為我一洗英雄萬古悲。嘯歌兮猶夷，俯仰兮徘徊，帝鄉不可期，招鶴歸去來。鸞為車兮羲為御，風之馬兮雲中馳。明月送我兮江之湄，江湄何清淺，飛鴻漸羽儀。別君去兮度崔嵬，思美人兮天一涯。側身回望空惆悵，落霞縹緲天際飛。噫吁嘻，顧山之山何峻奇，有山如此胡不歸？

### 游常山長歌

李瑞鐘

我聞昴畢散精冀并壤，屹立渾源森萬象，覆壓數千餘里中，孤撐三千九百丈。何時蛻形縮影走東南，飛墮浙西林莽蒼。《春秋元命苞》：昴畢散為冀州，分為趙國，立為常山。携得仙草護神門，種遍岩阿滋榮養。吸來太元一勺泉，凿頂成湖波洸漾。《神農本草》：常山有草



名神护，置之门上，每夜叱人。今常山相传有仙人采药处。中有巨鱼锁石环，绝似鹅湖绝项不可以竟上。鹅湖亦在山顶。登峰恐被白云留，停车应邀紫阳赏。群峰西来乍奔趋，森森罗列齐瞻仰。名儒讲学曾此过，七虎堂开风月朗。我欲其中辟精庐，遥接芳徽嗣余响。何当重开听雨轩，朱吕张陆遗规仿。名山一席此中尊，英贤济济环几杖。培植良材作栋梁，山灵欣欣为挂榜。邑有挂榜山。君不见兰台府侧紫微宫，人文蔚起著述工。定阳山色曲阳景，宝典搜罗填心胸。兰台、紫微，北岳五名山之二。北岳在曲阳，即常山。杜台卿，曲阳人，著《玉烛宝典》一书。

### 哭汪师台世钟公殉难

袁士灏

阴风惨惨鼓音绝，万炮雷轰飞瓦屑。黄巾扑城兵奔逃，只有儒官能死节。死节由来青史褒，忠贞气薄云汉高。堂堂公服坐不屈，睨视性命犹鸿毛。欲战无权守无力，诤为拍刀心少恻。誓将碧血填山邱，千古宫墙生颜色。果然无愧镇贤关，骂贼不辍摧心肝。剩得常山舌犹在，可怜温尉须如攒。少妇亦知争大义，殉夫就刃同天地。须臾身殒绿珠楼，阶草庭花都溅泪。贼退寻尸委旷园，先轸面目疑生存。孤儿隔绝呼天泣，海阔天空谁招魂？忽闻飞舰来东浙，扶衬商量作归计。含酸桃李哭吞声，遮道纷纷营奠祭。忆昔春风被讲筵，而今毅魄化云烟。令威已去音尘息，大节重昭日月悬。他年祀典酬恩厚，两行俎豆三升酒。圣门于此添一班，多士固应齐俯首。时公子在籍肄业，得公凶闻，号泣奔丧来常，哀毁尽礼，扶衬还乡。诸生泣送，不胜悲悼。

### 春日偕吴君宝书徐君显周游龙山

袁士灏

昔时龙化神卫护，霹雳一声震云雾。千崖万壑俱剝然，五丁凿

破玻璃路。中宽上窄小有天，依稀鳞甲犹蜿蜒。棱棱烈岫攒锋剑，玉虹跨涧流清泉。藤萝黏树依绝壁，豁豁倒挂飞来石。为问当年何处仙，葫芦深印苍苔迹。行行且止休复休，复道纡回盘磴邱。呶哑古木山鸟唤，如闻招我岩洞游。我来洞口心慄慄，三步两步防滑足。赖燃松炬入幽深，鱼贯伛偻忘局促。须臾含笑出洞来，猱升前导后追陪。记循旧径穿林麓，憩坐炉峰恣喧豗。寺钟晚动声如哄，斜阳闪闪千峰送。炊痕孤起香积厨，远公留客修斋供。登寺黄昏蝙蝠飞，霜皮溜雨松十围。仰见苍鼠窜人影，星月璀璨烟霏微。夜深就卧倏惊旦，归途遥指菱湖岸。老僧送我下山门，岚翠缤纷云烂漫。

### 诗 五言律

#### 渔火

詹 莱

绝浦渔灯暗，江空月色多。关山空有恨，款乃忽闻歌。风静星河没，天寒木叶波。孤舟无住止，独酌奈愁何？《明诗综》。

#### 玉山至常山二首

陆 莱

山城频战后，秋气早苍凉。乱阜全堆绿，新畲半刈黄。海椒还北贩，山药向南装。中道肩相易，人情信恋乡。

百里虽分域，虚关不戒严。羊头车载米，驴背篓驮盐。几帙迁丁籍，何村复堵黔？江东秋大稔，今夕酒杯添。雍正《县志》。

#### 初铨常山

孔毓玠

许国身犹健，亲民计尚疏。忽膺百里命，还证数行书。弦诵从吾好，桑麻莫厥居。惊心呼父母，核实定何如？雍正《县志》。

草萍道中

吴一桢

路入溪山曲，迢迢一径偏。片云依野树，乱石锁寒烟。鸟影千林隔，秋声万壑连。旅怀何处甚？风雨浙东船。

丫巾洞峰顶有池特异，祈雨者掬取石子为验。有洪武时断碑在焉。

王文龙

丫巾双嶂兀，冠冕引群山。雾豁峨眉出，云遮折角还。池空明石子，碑断蚀苔斑。一自呼灵雨，神龙嬉戏间。

狮象称名杂，兹山秀特名。问天呼咫尺，连袂学童婴。雷向风阴动，霞从野翠生。犹传仙女迹，花笑隔岩明。

拱绿亭

姚士湖

曲径松篁里，凭阑眺望间。风来泉自响，云去岫常闲。浓碧烟中树，空青霁后山。幽栖宜豹隐，未许漫窥斑。

问庄亭

姚士湖

何处堪疏放，空亭水石间。情同孤鹤懒，兴比片云闲。古洞虚涵月，长林静倚山。逍遥庄叟乐，莫叹鬓毛斑。

赤雨楼

姚士湖

一楼红树密，作雨晚晴间。霜落曲栏冷，秋高残照闲。漱溪云外瀑，峭壁寺旁山。处处余秋色，霞铺入眼斑。

常山县

郑江

风帆沙际落，岚翠碧丛丛。一县江声里，四山云气中。迎人幽

鸟语，随意野花红。回首乡心远，沿流直向东。

赠常山何云津顾撰宁两学博

曹秉钧

自昔论文友，何颠与顾欢。喜君联讲舍，邀我对秋山。道出羲皇上，人亲风月宽。一灯同话旧，江上雁声寒。《种梅诗钞》。

诗七言律

题魏梁公诰后

赵箕翁

梁公自是唐贤辅，邦达仍为宋直臣。忆昔丕图难属武，何如政柄便归秦？故山西望三千里，正气高来四百春。再拜封题瞻墨妙，炎兴相阅有遗民。

球川

詹涛

水停江汉莫非潭，如我石潭无二三。不把澄清和世较，只将作用与人谈。云笈月片皆攸赖，鸟迹蜗书惟所堪。小小村溪深几许，恩波流被到朝簪。万历《县志》。

题孙伯泉堪旧赠石川画景

宋淳

乘兴登临席每移，闲云野鹤亦相随。天青白帙烟浮岛，日射黄金菊满篱。香动竹根时刻句，静闻松顶一弹棋。人间不道蓬瀛远，望断中流树影垂。

赵忠简公墓

江先贯

石门山径自清幽，相国坟边野草愁。久见碑铭无日月，近闻俎豆有春秋。一生忠义成佳气，千古悲哀续断流。西去斜阳谁复挽，

不妨樵牧起歌讴。万历《县志》。

集贞观

陈 榘

峯嶽元关只在城，凭高指点景偏明。风回三里帆檣乱，日落千家烟霭平。只许长松摇塔影，不教器市杂钟声。乘闲偶蹶清虚境，忘却年来白发生。

中峰鹤立浮苍翠，曲径蛇盘入窅冥。塔面东西十里见，钟声远近下方听。春深尚记栽灵药，日静偏宜写《道经》。回首红尘千丈隔，可能一点到山扃。万历《县志》。

送孔秋岩之任常山

赵熊诒

新捧除书日月边，拊循百里正需贤。家承北海饶经济，地接西江蔼诵弦。竞巧茧丝宁政拙，纷来案牍费精研。锋车看骋骅骝足，前指康庄快着鞭。雍正《县志》。

前题

须 洲

同谱于今二十年，师门三渡接渊骞。醇醪每饮周公瑾，经笥常开边孝先。水落桐江清映骨，山分闽峽翠连天。此中坐啸知何似，不看飞凫也道仙。雍正《县志》。

前题二首

徐文驹

日拥扶桑海上红，文昌新入浙河东。天回太末山川好，路接西江岭峽通。月落孤城闻谢豹，风清高阁看飞鸿。登临到处挥银笔，黄绢题碑又蔡公。

雁塔当年取次看，曲江曾许附鹓鸾。青灯夜雨论心晚，白雪阳春和句难。天地有情来抚字，东南何计去凋残？文章盖世兼经济，

彷彿長沙策治安。雍正《縣志》。

### 挽傅明府

錢瑞徵

岩疆浩劫未全瘳，黑白當場半局收。學道更誰稱碩果，返魂無計哭荒邱。為霖遂絕蒼生望，賦鵬寧為太傅憂。易箒洒然成解脫，空看布被是黔婁。《遺愛集》。

勸農為邑侯孔公作。

徐長泰

民間作息自關心，高下原田翠羽臨。幾處謳歌興夏諺，一番溫諭勝商霖。風吹衣襪春秧動，水滿平疇綠樹陰。暫憩道傍親父母，何妨載酒喜同斟！雍正《縣志》。

### 憶崆山五首

姚士湖

雲樹蒼茫入眼驚，故山朋舊最關情。酒從待月樓頭把，詩憶聽鶡石上賡。稽阮疏狂空作客，機雲瀟灑定尋盟。更闌一榻聯蕭寺，猶記秋窗夜讀聲。仝事詹詒亭、徐秀峰、邵岷、云昆、季共五人，而予與岷、云俱在客。

燕台迢遞盼南天，萬里崆山在眼前。一派泉聲清洗耳，四圍山色壓吟肩。溪橋春雨苔初滑，石角晴雲花復然。却怪別來成夢想，摹神翻出卧游篇。

幽亭處處足依栖，人在禪房竹徑西。檻外秋聲高枕入，峰腰嵐氣遠林迷。何緣蓮社拚輕別，長憶岑樓省舊題。夢月松風應笑我，幽廳無復對談鷄。

朋簪猶盍上方無，細雨清樽隔座呼。鹿夢漸遙花寂寞，鶴雲如見影清癯。相逢漱石情何限，自客燕山興每孤。鴻雁不分鄉國異，天涯猶未倦長途。

石径逶迤法界偏，支公白榻久流连。睡余饱饫伊蒲供，醉后闲参玉版禅。半局残棋邀旧雨，一炉活火煮新泉。回思往事真如梦，肠断燕山薄暮天。

延寿寺即事

失名

招寻闲扣白云扉，一角香台涌翠微。庭鸟因风来竹院，山花随月上人衣。炉烟细入帘波卷，萤火轻于佛面飞。幽景最宜尘外赏，此中谁与问禅机？

留别定阳诸生

张祖基

屏山定水护词坛，入眼森森玉笋攒。莫以新妆投世好，要凭只手挽狂澜。含咀四子心如发，根柢六经义不刊。更有良言堪记取，作文容易作人难。

留别定阳诸生

许瑶光

西江尚未靖狼烟，春去春来又一年。敢畏繁难思退步，却令勿促颺回鞭。吏情早被梅花笑，别梦长凭柳色牵。吴越上游山水窟，囊琴欲奏更缠绵。

回首西湖正好春，六桥烟柳趁闲身。画船依岸应招我，曲院流醪也醉人。簿领暂抛刚二月，莺花相伴足经旬。贤良峰下拳拳石，耻载江头说宦贫。

年来宦况似冰寒，行李匆匆再赋难。抚字未能蒙上赏，疮痍何日报平安？云连黄鹤喧征鼓，路出彭湖走战鞍。抚得义民同何障，不辞供亿费盘餐。

多谢诸公代挽留，令辕远叩赴杭州。愧无桃李遗潘县，辜负儿童迓细侯。东浙轻云随客散，西峰明月为谁秋？白龙洞里如相忆，

他日重尋舊雨游。

### 留別諸生

王夢齡

離踪自此又飄蓬，千里雲山一望中。剩有青箱鍵夜月，慚無絳帳啟春風。夢華空付隍間鹿，爪印重留雪後鴻。生恐宣尼方見責，佯狂何敢泣途窮！

九齡風度季鷹才，曾到峰頭萬八來。繞室芝蘭心獨契，盈門桃李手親栽。情深附驥同行挈，喜溢登龍笑語陪。多謝郇厨頻設饌，為君飽德饌深杯。

文通武略數同寅，矯矯英姿盡出塵。愧我頭顱今是昔，知君肺腑舊如新。笛聲怕听陽關柳，歸思偏縈故里莼。一事令人易惆悵，從無不滿意中人。

### 龍山寺

樊貴賢

龍躍龍山龍澗幽，龍山龍去白雲悠。龍歸滄海空山雨，山下清泉入海流。群壑會歸雙玉峽，萬峰環繞一僧樓。誰能喚醒臥龍夢？為布甘霖遍九州。

### 石門佳氣

徐雲鵬

奇峰怪石忒崢嶸，佳氣薰蒸一抹橫。非霧非烟看欲活，宜晴宜雨總難評。獨饒葱郁空塵相，長與賢良繼盛名。兩扇當關遲過客，王孫也合下車迎。

### 武當別峰

別有文峰入望中，茗亭高插武當宮。霞蒸石壁遙飛赤，夕照金川近映紅。孤聳七層森寶塔，平陵萬戶俯鴻濛。遊人到此胸懷曠，



一杵钟声堕半空。

### 招贤古渡

济川从古仗良材，博得贤声处处该。河畔马嘶随渡转，滩边鹄立待船来。空余雪浪三篙险，远想云程万里开。杨柳依依凭唤客，橹声遥向月中回。

### 白龙双洞

层岩十丈喷灵湫，鳞爪依然意态遒。危石陡开双洞回，荒祠高压一川流。春添碧浪浮金鸭，烟锁苍苔护玉蚪。神物不知何日返？长留遗泽荫田畴。

### 西峰夕照

城西突兀起巉嵒，夕照斜翻万丈红。樵径全消朝雾湿，林峦犹带晚霞烘。苍松影落岩俱静，青霭岚飞翠亦空。倏忽不知天已暮，东明山外月光笼。

### 严谷甘泉

严谷原多胜迹传，白云深处涌甘泉。天开灵境千盘曲，客爱流觞一味鲜。竹木穿岩阴郁郁，清泠激石泻涓涓。底须泛棹寻蓬岛，尽把琼浆作寿筵。以上邑八景之六。

### 郡城西望定阳山色

知府刘国光

万派西来水尽东，危峰冠日俯苍穹。三衢秀削英才集，百树尖新意态雄。百树尖，常邑山名。姑蔑上游争杰出，贤良佳气付空濛。江流之字回环去，文笔超超想象中。文笔峰，在常邑城中。

## 游清献书岩

邱瑞龙

洞霄何处渺云隈，瘦马遥遥踏藓苔。一带烟霞常护拥，四山猿鹤共追陪。危崖雅称焚香坐，真境曾经入梦来。我欲安心学公步，岩前高筑告天台。《洞霄图志》：元丰己未，赵清献公扞再帅钱塘，抗章告老。岁甲子八月忽来游山，谓道士沈日益曰：近梦入真境宫阙，巍峨有数。道士相诩询之曰：此洞霄宫，既觉思之，两典是郡，未尝至此，故冒暑来。今观泉石楼观，与梦中所见无异，此仙圣有缘也。留诗曰：龙穴藏身稳，泉源抚掌清。红尘人绝离，白日世长生。我分谪冲寂，谁能顾利名？梦中休指笑，又作洞霄行。苏轼《赵清献公神道碑》：晚岁习为养气安心之术，儻然有高举意。

咸丰乙卯三月，粤寇窜常之球川，邑侯李莲塘衣冠端坐，矢志殉难。后贼由间道逸去，危城获安，因纪其事。 高 冈

誓扫欃枪气万千，雄才直压李青莲。狼烽澈夜西江逼，蛇阵盘空北郭连。但使赤眉归烬断，拚将碧血洒荒烟。崇祠他日应虚待，一瓣心香接四贤。

春寒幕府夜沉沉，羽檄争传寇已深。半篋衣冠忙自摄，一灯风雨苦相侵。孤城安堵环周垒，静夜虚堂护宓琴。曙色朦胧回首处，阶前玉树伴森森。

## 上巳偕友登慕仙亭

许文耀

慕仙亭畔快同游，高俯长江远接畴。三日好邀朋共集，一年从此褷还修。岩泉满勺螺痕泻，石榻悬崖雁印留。羨煞右军多韵事，诸君应不让风流。

## 立夏前一日偕友游华严寺

许文耀

东皇底事去迢迢，无计留春约伴邀。古刹寻花扶碣断，山僧试

茗汲泉招。携锄订我迟分竹，匝埭怜伊剩尺蕉。笑煞石崆山下路，卅年到此是今朝。

木棉岭

袁士灏

木棉花里隐层岩，岩树簪抽石隙衔。鸟道盘空通竹苇，猿声夹路荫松杉。云浮亭影天如笠，雨逼岚痕翠上衫。薄暮野庵清磬发，随风吹堕碧巉岩。

西峰古刹

袁士灏

危峰耸翠逼晴空，一簇楼台拥梵宫。曲涧恍从修禊引，憩亭聊为看花通。池平水漾溶溶月，林静窗开面面风。最是晚来无限好，乱峰都倚夕阳红。

宿汪家淤

袁士灏

荆扉双敞僻尘嚣，陡觉山林胜市朝。绕舍梅花撑破屋，横溪枫树挡平桥。鱼羹嫩煮瓜初熟，兽炭香煨芋半焦。端的农家有真乐，更深灯火话良宵。

诗 五绝

仙胡石

樊贵贤

羽客采芝还，灵砂藏此石。云深不见人，瑶草映波碧。

虎啸石 石形如虎，张吻。

轻衣随李广，射虎入山阳。误中山岩石，洞口月苍黄。

藏剑石 石有罅，如剑形。

玉匣凌云气，光芒射斗魁。谁能持此去？割取乖龙来。

枯鱼谓魴鱈

枯鱼谓魴鱈，莫恃风涛势。送君上险滩，终属渔人利。

魴鱈答枯鱼

魴鱈答枯鱼，徒尔过河泣。江海甚汪洋，何曾与涓滴。

洗心亭

邱瑞龙

水流清似我，方寸湛虚明。洗涤翻多事，沉涵总不惊。

石门佳气

徐廷玮

佳气郁重重，双扉夹断峰。雨晴如可验，何必问山农。

金川雪浪

买得小渔舟，金川逐浪游。银涛随桨落，写出一江秋。

西峰夕照

西峰森卓立，足底白云浮。古寺藏深谷，钟声出涧湫。

白龙双洞

峭壁千寻立，神龙出没间。至今双洞回，流水自潺潺。

## 挂榜山

一幅翠屏连，天然蕊榜悬。寄言云路客，到此必争先。

## 诗七绝

### 雨夜不寐

赵鼎

西风吹雨夜潇潇，冷烬残香共寂寥。要作秋江逢底睡，正宜窗外有芭蕉。《宋诗纪事》。

### 宿旅次

袁敬所

布被藜床倚醉悠，蛙声聒聒屋檐头。惊回一枕瀛洲梦，碧树啼鹃血未休。万历《县志》。

### 狱中次艾侍御韵

徐海

铃铎周遭响犴墙，孤臣愁杀夜偏长。禁楼昨进严更手，几个鸡筹入建章。

### 别艾公出狱次曾公韵

徐海

愁说南冠泣楚囚，萍踪何幸托名流？天恩浩荡优耆德，此地还看是胜游。万历《县志》。

### 咏常山使院松柏二首

孙燧

高节孤芳直榦同，岁寒惟见此三公。肯随眼底诸年少，只倚东风问冶容。

冰雪岩头冷不禁，岁寒期结百年心。生憎桃李东园晚，狼籍春

芳伴夕阴。万历《县志》。

侍郎魏公墓

史 产

宿草萋萋石马存，渔歌樵唱杂朝昏。岁岁平田集鸿雁，应从沙漠吊忠魂。万历《县志》。

自常山抵开化道中即事六首

李 渔

山路崎岖屐齿平，能高能下一兜轻。多情忽覩云头雨，催得诗成却又晴。

病后虽无济胜材，扶筇偏喜陟崔嵬。寻诗莫避山溪险，好句多从险处来。

山雨初收野色凝，菜花麦浪压芳塍。征人为得行吟趣，闲却肩舆不肯乘。

云雾山中虎豹眠，千年松子大于拳。自从柯烂无人伐，万丈奇杉欲上天。

鸟道羊肠信不虚，路才容足更无余。丈人相对岩阿立，不叱王侯自下车。谓石门也。

闻道山中食力民，一生衣禄仗柴薪。原来不执樵翁斧，种就青山判与人。

自开化抵常山舟中即事六首

李 渔

解缆开帆信急湍，浪花飞作雨声寒。金溪一滴篙头水，题到常山砚未乾。

百丈危峰翠渺茫，一痕界破是周行。征人行到无云处，才可肩舆寸许长。

过耳溪声过目山，溪山忙处我偏闲。更宜树动岚风起，推出云

中屋几间。

昨从山路俯看舟，一叶微茫水上浮。今日仰观山上客，星星飞鸟树梢头。

枕臂悠悠梦复醒，无心不问过来程。莞然起与鸥相狎，无数青山学笑声。

两岸峰高日易曛，牛羊星散鸟成群。独余樵叟不归去，偏在山腰欣暮云。

### 芳村十二景录三

汪文隆

炉峰突起水中央，收尽源头几许长。寂寂空山敲夜月，随风吹到读书堂。炉庙钟声

东潭澄碧水西流，来去全凭一叶舟。傍晚人归招渡急，鸣榔惊起两沙鸥。寺潭唤渡

雪满高冈霁影浮，漫空积霰糝金瓯。阳回大地春初遍，却笑岑山尚白头。岑山积雪

### 颂邑侯胡观澜德政录十之一

邵 丰

襟拂风光草掩初，成群湿湿乐耕耘。还宜逸士耽清旷，好设蒲鞞读《汉书》。

### 清明忆弟梅屿弟有绝命诗四首。

邵志谦

绝命词章痛骨深，弥留友爱独关心。与君再世为兄弟，白首双双相对吟。

### 和孔明府龙山十景韵十之一

张紫芝

一溪绿折泻寒泉，翠壁丹崖万丈悬。指拟上方何处是，钟声遥

在白云边。雍正《县志》。

前题十之一

蔡寅斗

连坡折入带松筠，洞口茫茫扫世尘。执燧穿空杳无际，却疑中有避秦人。雍正《县志》。

前题十之一

孔传诗

欲洗尘心到小亭，心随流水去冥冥。珍珠帘卷千山雨，削出芙蓉面面青。雍正《县志》。

忠简孤冢

詹绍治

箕尾升仙葬绿螺，忠魂烈魄壮山河。至今犹说相公墓，风雨潇潇涕泪多。

登百灵峰

王文龙

百灵自昔跂仙踪，秀出云霄千万重。我欲攀缘揽胜概，携将蜡屐一登峰。

登百灵峰

项端

插汉高峰号百灵，巍巍俯祝万山青。降神也合生申甫，好与王朝作翰屏。

胡村八景之四

王文龙

抱村一水绝风尘，未许寻常过问津。中有高人时把钓，萧然蓑笠坐垂纶。一溪流清

何及渭川千亩多，满林苍翠足吟哦。微风细雨三更寂，清韵还



听风管和。竹屿留青

最爱山庄风景殊，青松蓊蔚隔平芜。晓来一望前山翠，妆点依稀近画图。南山叠翠

林木森森屋后栽，扶疏半壁画屏开。何当足蹶邳侯履，屏上飘然时往来。北嶂列屏

竹屿先生招饮次韵二首

王滋藩

海内飘萧野鹤姿，十年拓落负明时。云山忽下陈蕃榻，把酒弹棋况旧知。

照眼庭前玉树新，青萍会见跃奇神。他时杖履施行马，剥啄重来花下人。

迎春柬许雪门明府

王维新

客邸逢春未见春，屏岗静坐寂无邻。传呼报道贤侯至，春入青旗色倍新。

相逢又是好年华，草际舒青柳作芽。打叠争看桃李笑，费君栽植满城花。

小憩甘棠劝稼勤，半天微雨洒尘氛。儿童未识东皇面，只是欢迎郭细君。

儒雅温文是最贤，琴堂化洽吏犹仙。从今赢得逢人说，我坐春风又一年。

立春过屏山后寺军装所访王柳桥

许瑶光

苍翠屏山县署东，古樟围寺小墙红。诗人日对维摩坐，不觉春光到客中。

兽铠蛇枪此地藏，从戎浙水耀军装。东风已解河滩冻，未解刀

矛背上霜。

戎机闲暇小诗成，年去年来慷慨情。桃树未花梅已瘦，一帘微雨润棋枰。

雷封我已近瓜期，留别难忘旧雨思。几日西冷桥畔酒，绕船烟柳醉君时。

许雪门明府将改任定阳绅耆攀留不已因用原韵柬明府 王维新

客岁征鞍解浙东，栽培桃李满城红。定阳孺妇安民食，都在鸣琴坐化中。

吾儒原自有行藏，父老攀辕漫束装。还我使君沾化雨，不逢烈日与严霜。

期年已见治功成，父母心肠儿女情。收局方知分黑白，不妨世事一棋枰。

霖雨苍生夙所期，来嫌迟暮去犹思。从今循吏应增传，好展经纶答盛时。

赠北泉寺僧 姚炳乾

步向空山绝点尘，清闲自在悟缘因。最怜风雨潇潇夜，一盏残灯伴此身。

同人招游北泉寺观牡丹 姚炳乾

为访名花得得来，同人载酒共追陪。今年却喜花供赏，半正开时半未开。

山斋曾借佛楼居，三十年前此读书。今日重来花解语，也应怜我鬓毛疏。

晚步塔山

袁士灏

乘兴登临每日斜，楼台脚底灿云霞。分明笑指洪岗畔，碧甃红栏即是家。

迟迟帆影贴云行，高坂低畴接壤平。两分菜花三分麦，青黄相间一齐荣。

回首城南起暝烟，晚鸦归树夕阳天。通江桥外东明麓，一座危亭认慕仙。

积翠浮空孤塔擎，四围山色黯春城。徘徊未忍穿云去，月子纤纤钟一声。

招贤晚眺

袁士灏

澄澈空江万里天，渔翁打桨入秋烟。捕鱼初罢腥风散，几个鸬鹚上钓船。

枫叶茅庐晚饭香，荻花举火有新霜。炊烟一带江村暮，无数归鸦趁夕阳。

渡头杨柳碧如梳，叱犊人归尚荷锄。隔岸阿谁呼正急，满江渔火上灯初。

题梦草哀吟 邵志谦哭弟梅屿诗。

闰秀曹椿龄

奇才抑塞苦家贫，孝友相敦赋性纯。愁绝连枝肠断句，开函字字见天真。

新诗历历状平生，鹤唳鹃啼不忍听。如画春光人已矣，江山满目弟兄情。《轶志》。

吊定阳张宜人节烈

閔秀汪云溪

香名更胜上凌烟，传遍深闺共可怜。千古冰肌埋净土，一轮明月皎秋泉。

杂 体

劝农四言六首为孔侯作。

徐 烈

诞降嘉种，粒我烝民。孰能辟谷，而守其真。乃播乃获，利亦有因。时不可失，告我农人。

物土之宜，或黍或稷。高高下下，毋荒厥殖。帝念民依，艰哉稼穡。乃逸乃谚，何以得食。

四月维夏，晷移南陆。万物洁齐，元化渊穆。百谷权舆，畚鍤云逐。愿乘节候，戴犁而宿。

老农忧国，当计长久。荒谷无多，丰年亦偶。如何新畲，而不终亩。彼流亡者，毋乃游手。

人亦有家，云谁告匮。租亦屡蠲，无为希冀。不自力田，公私并至。纵受人怜，能无内愧？

芜田一顷，不都不鄙。有舌可耕，无亩可履。劝农使者，示以芳轨。饘斯粥斯，亦曰苟美。雍正《县志》。

江行六言杂诗

查慎行

长亭七十有四，川路萦纡倍艰。安稳烟波六宿，卸帆已到常山。

一笈曾陪朱老，浙西吟过江西。谁怜磨牛陈迹，自笑飞鸿雪泥。《敬业堂诗集》。

《常山县志》卷末

知县李瑞钟修辑

## 杂 记

杂记者，记其事有足录文，不可删，欲附而无从，欲废则近略。如摭鸡跖，爰集狐裘，殿诸卷终，以备掌故。志杂记。

〔《一统志》〕慎知礼，信安人，仕钱俶，为掌书记，归宋，累官鸿胪卿。时母年八十余，恳求归养。退处十年，缙绅称其孝。知礼自幼至白首，岁读五经一周。每开卷，必正襟危坐，未尝少懈。

〔《一统志》〕慎从吉，知礼子，历官太子詹事，迁给事中，权知开封府。临事敏速，勤心公家。天禧中，以光禄卿致仕。从吉喜为诗，时有警句，子孙登仕者甚众，第进士升朝者数人。

〔《坚觚集》〕安石《题江宁驿舍》一联云：“茆舍沧洲一酒旗，午烟初起隔林炊。”王介鄙之，书其后云：“金陵村里王夫子，可是能吟富贵诗。”荆公亦不屑意，续曰：“晴江日暖芦花起，恰似春风柳絮时。”末句盖讽之也。

〔《雨窗闲笔》〕常邑风雅流传艺文者，宋则王中甫数首，散见说部，郡志载《白石唐台》两首，全集无考。明则詹范川，《招摇池馆集》载《明史》。朱竹垞选《明诗综》，采入一章。

〔《玉照新志》〕江彦文纬，徽宗登极，以太学生应诏上书，陈大

中至正之道，称旨，赐进士，除太学正，声名藉甚。左丞陆师农佃以子妻之。政和末为太常少卿，将有礼筵之命，时再娶钱氏，奉鲁大公主女也。偶奏对毕，上忽问：闻卿近纳钱景臻女为室，亦好亲情。言讫微笑，旋改除宗正少卿。知非美意，即丐外知处州，遂不复用。

〔《赵氏谱》〕赵忠简鼎解枢密院，居常山。时玉山喻子才樗来谒，进讽曰：“公之事上当使启沃多而施行少，启沃之际当使诚意多而语言少。”鼎奇之，引为上客。

〔《广輿记》〕赵鼎为桧所嫉，安置潮州。其子汾力请侍行，不许。乃手示之曰：吕仲微丞相谪岭南，惟一子，曰景山，爱之不令同行。而景山坚欲去。将及岭，吕顾其子曰：汝何罪？俱死瘴乡耶！我不若先死犹有后也。遂纵饮而死。吾不欲令汝侍行，仲微意也。仲微，大防字。

〔《南宋书》〕赵令衿寓居三衢，尝会宾客，观秦桧家庙，口诵“君子之泽，五世而斩”。教官莫汲诉其谤讪，御史董德劾之下狱。按验无状，桧必欲杀之。因赵鼎子汾过衢，令衿厚赈之。捕汾下狱，俾汾自诬谋逆，令衿与焉。狱上，桧病不能省，乃免。

〔《朱子元履魏公墓志》〕魏揆之，字元履，建阳人，尝客衢守章杰家，会故相赵忠简公薨海上，归葬常山。杰雅怨赵公，又希桧意，逮系其家人，劾治甚急，人畏其凶虐，无敢言者。元履独慨然以书嚙让杰，长揖竟归，杰亦不能害。

〔《邵氏谱》〕邵氏自洛阳南渡，携有响孟十二枚，兵燹后仅存其十，铜色斑驳，音声清亮，或曰其音清浊高下，合十二律吕。按《文献通考》：水盞子始于李琬。毛西河云：隋万宝常析钟律，能扣食器应弦，后人即以水盞入乐。或又曰：古有编磬与水盞同，则孟即此类。惜无识牛铎之荀勖，听玉磬之杜夔，一赏鉴之。

〔成化《县志》〕马伸，字时中，常山人，绍圣四年进士，受学程

颐，为殿中侍御史，以乞罢黄潜善、汪伯彦，贬濮州监酒税，卒于道。其孙通判马演舍己资，创造十九都净岩寺。万历《县志》云：吾常不独十九都有其墓，又传八都吴家坞，所居马氏其后裔也。稍西又有马村殿，乃其生祠所改也。族人又有徙至西安县，前住者每岁必会集至十九都拜扫。且城西门内又有庙与像，是真有其人矣。但仲未尝官户部尚书，及考□□称：仲之族子希言为少卿，南渡时自濮州徙寓龙邱。其兄孙演来居府城内，则所谓建净岩者，其即此人与。《府志》则云：马在钱俶时有功者。《一统志》又以马仲为东平人，随高宗南渡，寓家龙游。彼此互异，当阙其疑。

〔万历《县志》〕樊充学士清曾孙为徽宗驸马都尉，叶格麻车巷人，尚赵修靖王长公主。詹传彤旧人，尚赵修靖王次公主。郑迎象湖人，尚湖广醴陵县主，为亚中大夫、宗人府仪宾。

〔《郑氏谱》〕郑镇中，字康国，宋嘉定间贡士，任房州知事，尚宋室秦郡王长女。时房州郡守周宾，亦尚秦王次女。长郡主无子，以周第五子为子，名承嗣。后乱离，镇中归衢，周亦携子归庐陵，音问遂绝。镇中以崢嶸山为远祖所戍，隐于此。天暑时月夜闲步，遇一道者，童颜鹤发，邀至其室，甚幽雅。进茶，初啖以鲜桃，次啖以鲜枣。镇中以物非其时，心异之。及别，又赠枣二枚，曰：“归遗郡主，偕老百年也。且子嗣周备，万勿忧耳。”翼日再访，迷失其所。先是周归，其子犹周姓，名曰毘，为庐陵贡士，任建阳丞，与令不合，降大田驿丞，复起为常山尉，而镇中亦居常山矣。毘赴任时，母曰：“汝往常山，是天使汝父子会也。汝幼曾过继姨父郑镇中。我有四子侍养，勿复以母为念。”时镇中年九十有七矣，始知道人所云周备即周毘也。镇忠寿一百有六岁，于其居里建仁寿坊。

〔《树根园杂记》〕张莒，贞元间人，与柳子厚父相友善。子厚撰《先友记》，列袁高、姜公辅等六十余人，悉著其名籍，题云：先君之所与友，信让而大显，道博而无杂。韩昌黎《柳子厚墓志》云：子厚

父讳镇，所与友皆天下名士。则莒之品行可知矣。

〔万历《县志》〕杭州六卿坊，首列徐恢，而其议论事功，不少概见。若吾乡有讳言之者，然岂以其去就出处有未明耶。四海一君，血气未定，而风尘草昧，卓识真主，亦堂堂雄杰也。至于风云构会，鱼水投情，因而展画股肱，罄竭谟略，以洗濯乾坤，黼黻纲纪，应五百年明良之会，岂可以见几高蹈责之哉！后以忤旨退休。自作诗云：射策当年上帝京，文章最喜耀群英。丹墀独对三千字，黄榜高标第八名。幸执干戈平海岳，期随冕服整朝廷。岂知今日龙颜怒，欲到箕山路万程。

〔万历《县志》〕徐琛系樊清简公莹弟，为舅氏徐宗仁子，中成化辛卯举人。父劝归宗，琛念舅氏厚恩，不可。父恚，作诗曰：月窟攀花难上难，好花偏借别人看。闭门不纳亲朋话，徒有虚名在世间。乡俗评曰：琛之从父前命，犹昔人之从治命也。

〔《西湖新志》〕万历年间，钱塘高应科作《西湖志》十二卷，序跋者悉浙东名士宋应昌、王叔杲等，其一则常山徐伯清。

〔万历《县志》〕璩涣，后坊人，九岁时为人掠卖都下净身，然心犹依稀记忆兄母。隆庆元年，涣为太监，其兄淇从解粮主簿王琢赴京，语次询问得之，遂相持恸哭，寄资奉母。次年奉差，督磁器过家，迎母侍养。

〔《石崆山志》〕石崆寺僧志参能诗，雅喜与文士交，而士流亦乐与之游。山人词客延接不倦，石崆遂为诗文坛坫，琴酒盘桓之地。韵事雅致，一时称盛。

〔《朱子讲学考》〕叶秉敬《府志》云：常山闽楚之会，朱晦庵、吕东莱、张南轩讲学于此，故今学者知向方，民无终讼。按：《朱子答吕伯恭书》云：迫不得一至衢，正以不欲多历郡县，故取道浦城以往，只拟求人城寺。迟明即出，却自常山、开化，过婺源，犹恐为人



所知，招致悔咎。今承谕欲为野次之款，此固所深愿，但得一深僻去处，踈伏两三日乃佳。自金华不入衢，径趋常山间道尤妙。石岩寺不知在何处，若在衢、婺官道之旁，即未为稳便。盖去岁鹅湖之集，在今思之，已非善地矣。当熟筹之。又《金华遗事》云：东莱于淳熙二年五月访朱子于寒泉精舍，同观《近思录》以还。朱子送之广信之鹅湖，陆九渊等皆会，其往来必经常山可知。又云：朱子来三衢哭端明，东莱往会之浹旬。徐烈考云：端明歿于球川。球川古有绍德庵，庵旁有墓，讹传汪尚书墓。不知乃母夫人鲁氏墓。鲁氏出于球川，故葬焉，尚书庐于此。按：朱、吕祭汪公文有“僧庐萧寺”之语，则汪公当歿于荒祠中，而绍德似与相符合之。《金华遗事》：东莱往会之浹旬，及朱子答书所云深僻去处，踈伏两三日，则会讲或在此时。又朱子《辞免江西提刑奏状》云：又臣九月十二日准尚书省札子八月十八日三省同奉圣旨，除臣江西路提点刑狱公事。臣闻命感激，已于当日就衢州常山县界首安泊处，望阙谢恩，解罢前任职事讫云云。所有除授恩命，决不敢祇受，已送衢州常山县寄收，仍一面出本路界，还家俟命，伏望圣慈早赐指挥。徐洪理云：张栻兄杓为衢守，栻入闽从胡五峰先生学，过常山江纬讲学之所，曰七虎堂，有《春日唱和诗》。《开化县志》亦载有朱、吕、张、陆听雨轩诗，则叶寅暘以为讲学于常，实非无据，惜无表彰其事者，遂使先贤过化之迹湮没不传，则吾儒有不能辞其责者矣。珪按：县南里许石崆寺，山半有岩，相传为朱子讲学之所。洞口镌有字，今模糊不可辨。

〔雍正《志》〕高瑶，字廷坚，闽县人，父旻令常山，随任中浙江乡试。成化中为荆门州学训导，上书请复郕王帝号。后知番禺，多异政。发中官韦眷通番事，没其赀巨万入于官，为布政使陈选所奖。后卒以此事遣戍，君子重之。

〔《宋史》〕袁甫，字广微，宝文阁直学士，燮之子。嘉定七年进士第一，后知衢州，立旬讲，务以礼义淑士心，岁拨助义士千缗。西安、龙游、常山三邑积穷豫借，为代输三万五千缗，蠲放四万七千缗。郡有义庄，买粮田二百亩益之。移举江东常平。见杨《府志》。

〔《竞辰山房集》〕江公景房沉籍一节，仁泽无量。吾阅《梦溪笔谈》云：两浙田亩税三斗。钱氏国除，朝廷遣王方贄一作王永均其税，方贄悉令亩出一斗，责擅减税额，罪方贄。谓两浙既为王民，岂当复循伪国之法？太宗从之。又《毕士安传》云：士安知台州，言钱氏上图籍，有司皆侈张赋数。今湖海新民始得天子命，吏宜有安辑。从之。其说互异，而江氏事迹，转无纪载。

〔《尚友录》〕翁仲通，崇安人，子三。长彦约，登进士第，调常州刑曹，累迁提举河北西路学事，除知高邮军。次彦深，第进士，除国子祭酒，徙秘书监，时宦者梁师成提举秘书省，彦深不肯造诣，时论高之。次彦国，官至御史中丞。靖康之变充经制使，撰文誓众，张邦昌为虏所立移书责之。彦约子挺，政和中以季父彦国恩补官，调宜章尉，朝臣交荐改授少府监。彦国子蒙之，以父荫补常山尉。与朱晦庵墓碣多不合，考《宋诗纪事》亦与此同。

〔《寻乐亭杂存》〕王中父出守湖州，荆公送以诗曰：“东吴太守美如何？柳恽诗才未足多。遥想郡人迎下马，白苹洲渚正沧波。”意以水值风即波起，介喻其意和十首，盛气诵于介甫。一曰：“吴兴太守美如何？太守从来恶祝鮀。生若不为上柱国，死时犹合作阎罗。”介甫笑曰：“阎罗见缺，请速赴任！”

〔《玉照新志》〕熙宁中，王荆公进用时，王中父以诗诋之，曰“草庐三顾动幽蛰，《两浙名贤录》作动春梦。蕙帐一空生晓寒。”荆公不以为忤，但赋绝句云：“莫向空山觅旧题，野人休诵北山移。丈夫出处非无意，猿鹤从来自不知。”盖用种明逸答杜镐语也。

〔《明道杂志》〕章舍王中父介以制举登第，所读书皆成诵，而任气忤物，故不达，终于馆职。知州作诗多用助语，送人应举云：“上林春色好，携手去来兮。”又赠落第云：“命也岂终否？时乎不暂留。勉哉藏素业，以待岁之秋。”此前古未有。所嗜惟书，不治他事。谈话多用故事，涉眇闻者，每不易晓。

〔《鸡肋编》〕临安府城中有七宝山，车驾驻蹕时，御史中丞辛丙、殿中侍御史常同、监察御史魏矼、明震、周纲皆居其上，人遂呼为五台山云。

〔《江氏谱》〕赵希瑄少贫无依，读书普和寺，袁州守江自任见而怜之，收而教养，妻以孙女。后应宗人科登第，仕至节度，封公。自任卒，希瑄为服衰麻，祀之常山学宫。

〔万历《县志》〕赵希瑄传全录柯维基《宋史新编》文，其余则据其家谱而补之，或天下之史不及致详也。但其中有云：“仕至河南节度使。宁宗无嗣，选南班宗室十三人定立太子，希瑄其一也。丞相史弥远主立理宗，封希瑄为信安王。”则未必实有之。何者？弥远与清臣之传，俱未载有希瑄名迹。况遴选嗣子，必在幼小岐嶷之时，若仕已至节度，则其年已长，安可复备此选哉？又天顺末所修《县志》、宏嘉间两修《府志》识宋室在常山进士有二十七人，今志中不及其数远甚，今之居吾常者俱自称修靖之后，不知此诸进士之后安在？盖元末谣传诛宋宗室，故多改姓遁迹，四分五裂，以此故莫可考欤。

〔《癸辛后集》〕赵公暨守衢日，吏徐信兴建佑圣观，即集真观敛民财甚夥。未几，詹寇作，信以致寇抵罪，然民之诣祠如故，特太守不复往。赵春谷孟奎始至，以祀典亦往致敬。已而得堂帖，从前守陈蒙所申命加毁，折民投牒求免。而主事黄冠遇大蛇于道，谓神所凭，率民以祷曰：果神也，曷诣郡？遂以蛇至。倅厅以白郡，赵曰：

此妖也。以黄冠为惑众，械系于狱，继取蛇贮以大缶，加封闭焉。三日狱成，黄冠坐编置，而僂蛇于市，人咸壮之。误入《西安志》。

〔《参纪事偶书》〕成化间，郑给谏林有女，于离乱时守节死，人无知者。康熙间，贡生樊默识恍遇烈女降其家，叙述其由，樊意合庠呈请立祠奉祀。女云：不必，已于衢州朝京埠烈女祠内受血食矣。

〔《月津琐言》〕隆庆中，知县张克文详请丈量东隅铜坑源一带三十余里，未及竣事解任，将未丈田地洒入已丈之内，每亩加二分四厘，始合原额。及万历九年清丈，西安令李一阳不会同勘界，将铜坑源三十里田地尽行割占。常令傅良言飞骑往争，只得渔湖五里，失去二十余里，遂以七分九厘当一亩，世世赔累二分一厘，西安则减去二分零。

〔万历《县志》〕隆庆元年，雨水多，知县冯治有悯农祈晴诗，乃征科则益急。无名氏和诗云：晴无多日又阴云，六月寒衣我未闻。黑雨天低疑欲坠，青禾波压不能芸。船于柳岸高三尺，人在江楼没九分。自幸稍平方得命，岂知征饷又纷纷。

〔《参心航唱和集》〕康熙庚戌，徐三秀闻友人相传，瓯郡庠生杨叨素以鼎革骂马文山遭祸。子绍昂年十二往依张次公，次公悯其忠国，妻以女。既成婚越数年，昂以病疽歿，张氏无子，孝事孀姑，针黹度日，孤穷无依。与姑寓东阳法云庵，住持不容，寻出婺州，过东台岭，由古田绕白水入括苍，备历艰苦。纺织供姑，茕茕无告，复住三圣宫。阅五月，二人相向而逝，时康熙戊申四月二十日也。嗟乎，一孝节女子流离若此，惟仗一缕不灭之灵，从晓烟暮云到处缭绕，藉影追形，神不能遏，鬼不能遣，任其往来上下，久经抑郁，而贞节之操乘时而得以自明。哀哉！

淳熙庚午十月庚寅，江溥叔原、魏钦绪、国佐招、许晔德华同

游，溥弟邦、佐子公亮俱嘉定庚辰春中孙埜子野来游，敬为刊修叶丈公雅正南偕行。赵公岩题壁石刻。四明王涤志清行邑至常山，因登三衢洞，见所谓赵公岩气象奇绝，未易名状，皆如钱觐石刻所载，徘徊终日几忘归也。知县事会稽郭亢谦仲、丞鄱阳李椿年仲、尉咸平姜彦宏仲举同游。宣和六年甲辰孟夏二十二日。同上。

定阳城东二十里有赵公岩，故清献公读书处也。予有事兹土，积阴初霁，以公余贾勇出游，石骨云岩真下缺二字。也。归咏纪游三十韵，时为三月二十六日。同游者旧令勾容王下缺一字。道，广文西冷沈冠东希毕，临安吴下缺一字。直下缺一字。宗，浮图石崆立涛，与予为五人。名山阻游览，新霁兴飞扬。出郭通幽径，穿林度石梁。下缺二字。旋逐队，筇杖欲成行。野渡迟偏稳，山行误不妨。水田下缺三字。泽国未栽秧。雨过蛙声急，风斜蝶起忙。障泥下缺一字积下缺三字。语春阳，又见他山绿，不知何树香？下缺一字。峰排一抹，巨谷下缺五字。九天郭下缺二字。千仞冈。两崖开匠匠，半壁倚昂庄。下缺五字。山腰豁若常，太湖皱近似，灵壁绝相当。下缺八字。母浆，磬虚峰崖峇，岭壑回翔下缺十一字。攒如穴洞擘，裂可容光度。越乔下缺十一字。立树老借苔苍阴谷舒烟远阳崖下缺十字。谪仙狂泉浙长腰米僧支折脚铛下缺十字。人杰真师表山灵诘渺茫清风琴鹤下缺十字。丽高人剑佩长先生曾啸傲小子下缺十二字。王料量寻蜡屐收拾向诗囊身世浮下缺三十七字。清和上浣郡司李虞山孙鲁稿并书。赵公岩题壁石刻。

〔詹士龙《惠安寺禅堂记》〕三衢枕江右之交，其岑壑森映，溪隰衍美，虽赤城有霞标之胜，雁荡挟奇绝之名，亦未之若也。故灵宫阒境，往往有析真悟理之士，以宴息其间，如雪堂，如大义，及杰峰诸老宿皆禅门巨擘，光昭僧版，或挂锡于此方，或出产于兹土，非只一二而已。常山过草萍与吾乡为接壤，有昭庆寺在邑治之西高峰

下，肇自唐代，古称为惠安禅林是也。至宋绍兴年间始改今额，其寺先有古相国魏公弼尝肥遁于此。闻其游崖巖时，有一道人在坡间招手，公即下来觅，其人忽不见，俄尔山角崩，公得免于难，此殆亦异人之所处也。又昔有洺水之患，怀襄陵墅将波及于寺，时有异僧十数辈，腰包行脚从殿隅出，指其地谓人曰：“此俱坏，唯藏阁下可免。”乃疾趋而去，须臾果大浸至殿廊，瓦砾悉漂无存，仅藏阁延袤无恙。寻时新构成，复见此异僧十余，众弃筏登岸，舟子索渡钱尾其后而至。入山门，寂无所睹，惟见殿中罗汉像各肖甚，视其衣履微有湿痕。今其像尚俨事于堂庑间，形状古怪，宛有生气，非世师巧手可摹拟而得也。虽梵刹递更兴废，而卒不至于芜没者，盖此兰若，亦一县之负郭外一佳名蓝耳。抑又此方千古道场，匪特神呵鬼护，以俟来哲，即名公巨卿、有道長老咸为之葆辅，以蓄其遐奇灵贖焉。万历甲寅年，乡先生定斋詹公发起胜心，即寺之殿阴建禅堂十数楹，复捐资请树藏经阁于堂左，延吾乡开士万融禅师居之。师始为怀玉山人，族姓杨，初出家未禀律，因为诸鬼神说戒，忽自诧曰：“吾未下缺一字。磨，欲与而羯磨耶。吾未去缚，欲与谁而去缚耶？”乃遂弃所习，往参鹅湖中公，时博山无异和尚下缺二字。为第一座师，因礼足闻其窾导，若有夙契，愿委质以事之。居无何，博山和尚入闽，不辞茧足躬往迎致，因相与卷械而出。今博山蔚为吾信州一蒙席之盛，象龙奔凑，法社炽张，师有一壁之功矣。定斋先生闻师道行，欲藉为一方领袖，因延至昭庆。师乃以精进之法，坚忍之力，益自策励身心下缺二字。亦复尽从。其摄诱遐迩，为之迁善者踵相接也。寺当邑之冲要，凡往来过门必谒师，下缺一字。以其烦下缺二字。色接待之。下缺二字。既久，邑中诸士绅皆熟悉其下缺一字。履，即邑侯如澧州龚公之伊、麻城陈公秉厚、云间王公升咸优礼师，且捐俸助壮丽之役。师与冠衣游而心愈折下，其谦光一

种，尤人所不及者。岁下缺一字。卯，复以所居丈室为峭削所逼，稍不宁憩，乃改建经阁禅堂于庙寺后平址。因辟土下见古甃下缺四字。匙、水盂等物，始验其为古轮藏阁，下即下缺二字。之下缺一字。处也。因大而轩敞之翼，以厢楼斋下缺五字。门，经营毕备，不期年而功告成，人或以下缺四字。之东林遗事以美师也。师之慈心三昧，下缺四字。即见虫蝮走地，股乃悚慄不行。及登戒过，下缺二字。悲愿愈增。凡生平衣钵之储，悉倾以鳩工下缺三字。池一区以蓄水族，嘻此汲汲好生之念，亦下缺一字。度生之想也。性喜礼拜，持诵一切功德，靡不下缺二字。随喜常游鄒山礼阿育王塔，至八万四千下缺三字。舍利放异光五色及瑞相多种，过普陀饭僧下缺二字。十万指，见贤必敬，逢善必赞耳。下缺三字。人过下缺二字。爰宣人短，虽三尺童竖必磬抑下缺六字。积贮随来随施。吾闻普贤下缺八字。作佛师，以此门圆修而入，所谓下缺六字。云栖后裔不谬。入博山筹室者，下缺七字。称之为万融，不亦名实相副乎？下缺七字报境也，接引广众皆畴昔有缘也。下缺六字。定斋先生为请下缺十三字。绍川，见川诸公为金汤令孝廉休侑异淦公及太学生端宇玉峰、庠生用之禹明诸君子，皆彬彬，继为檀越主，不独靡厚助，而横身外护，各有屏翰之功。且定斋先生夫人犹能好善乐施，岁不虚给。以故三衢之人莫不栩栩向风慕化，咸指西峰下有慈悲幢王，为此方众生造福日也。昔赵清猷公尝与佛慧禅师往来，有法喜之好，故深入禅理。今诸公之力庇昭庆，岂亦附二氏之芳躅者乎？若师之有是功德也，无是功德也，吾不得而议之。窃有所私淑于闾里之口耳，邻封之传闻。予亦尝过昭庆，目击其所以创置，心辄异之。因援毫载其一二，俾为昭庆之纪事，将法门后来亦知师乃僧中之麟凤者也。他不能尽述。万历《县志》。